





Bx

2349

.D74

1715

JESUITICA

J. B. Keijnoogen



H. DREXELII.

UPPER LIBRARY.

^{S. J.} ASCETICAL WORKS.

GYMNASIUM

PATHENTIÆ.

OPFERUM

TOMUS XV.

IHS



BOSTON COLLEGE
COLONIAE
DOMESTIC

LIBRARY

Apud BALTIMOREM
ab EDMOND.

HIGH SCHOOL

MDCCLXV

248-11

H. DREXELL

GYMNASIUM

P. A. T. H. O. S. E.





GO. W. W. W.

W. A. L. T. H. O. S. E.

W. A. L. T. H. O. S. E.

W. A. L. T. H. O. S. E.






ILLUSTRISSIMO

DOMINO

DN. ALBERTO
STANISLAO
RADZIVILI

S. R. I. PRINCIPI, Duci
in Olica & Nieswiefs; Magni
Ducat. Lithuaniae Cancellario;
Capitaneo Meuens, Tucholien-
si, Velunensique, &c.

Domino meo Clementissimo.

 VOCARAT ad se, quod
Cælius Rhodiginus me-
morat^a, Lydorum Rex,
Halyattes, è Græcis sa-
pientibus Biantem, primi nominis
philosophum. Animus erat multa
cum eo colloqui. At Bias supercilium
philosopho parum decorum induens
vix hæc paucula pronuntiavit: *Ego
Halyatti mando, cepas comesse*. Mira-
batur rex tam curtum, tam & tene-
bricosum responsum, & quidnam

A 2

hoc

a Cæli Rhodigin. lib. 12. Antiq. lect. c. 4.

E P I S T O L A.

hoc sibi vellet ab eruditionibus aliis perquirebat. Vox omnium erat: Cepis designari lacrimas, quas scilicet exprimerent cepæ. Mentem igitur Biantis videri: Lacrimas nemini non gustandas; nec regibus hîc parci, imo quo altius folium, eo plures ac vehementiores in illud mærores ascendere; cepas omnibus edendas esse; univérse omnem humanam gentem variis calamitatibus exerceri.

Sapienter Bias & vere. Post pomum in elysiis campis furto ablatum, jam lolio & cepis victitamus. Ita paradisi Dominus edixit *a*: In sudore vultus tui vescêris pane tuo: maledicta terra in opere tuo: in laboribus comedes ex ea cunctis diebus vitæ tuæ. Spinas & tribulos germinabit tibi, & comedes herbas terræ. In exilium ejectis jam cepæ in jentaculum, in merendam, in prandium, in cœnam ponuntur; hîc licet helluari. Nusquam non lacrymæ. Hæc humanæ vitæ conditio est. Aut desinat, aut potius

a Genes. cap. 3. v. 17. 18. & 19.

EPISTOLA.

tius non incipiat vivere, qui renuit
has cepas edere.

Siracides ingemiscens: Occupatio
magna, inquit *a*, creata est omni-
bus hominibus, & jugum grave super fi-
lios Adam, à die exitus de ventre ma-
tris eorum, usque in diem sepulturæ,
in matrem omnium. Quisque suas
habet lacrymas; suis quisque miseriis
urgetur. Unum atque unicum hîc re-
medium est PATIENTIA. Quam
tamen sine magistro ægre discimus.
Eam ob rem magister è cælo in suum
nos gymnasium invitans: Discite, in-
quit *b*, à me. Sed quid, obsecro, di-
scendum? E doctioribus discipulis
est, qui respondeat: Patientia vobis
necessaria est, ut voluntatem Dei fa-
cientes reporteris promissionem *c*.

Patientia igitur discenda est. Sed
quibus? num omnibus? & quanto
tempore discenda? quo minervali?
quibus condiscipulis, quibus legibus?

A 3 istud

a Eccles. cap. 40. v. 1.

b Matth. c. 11. v. 29.

c Hebr. c. 10. v. 36.

E P I S T O L A.

istud hac scriptione peragendum, quæ
 in terram alio calentem sole videba-
 tur ableganda. In Poloniam mihi
 animus jam pridem ibat: calamum
 illi meum equi vicem assignavi, quo
 veheretur. Et primo quidem ingres-
 su ipsum regni Solem, Serenissimum
 Poloniæ, &c. Regem, SIGIS-
 MUNDUM III. supplici veneratio-
 ne salutare decentissimum erat. Et
 vero nunc grati animi erit, ut quam
 primum licuerit, huic soli me denuo
 sistam, cum quanta demum potuero
 gratiarum actione. Idque jam mo-
 lior, gratam voluntatem, qua dabi-
 tur, in tam pronum ac liberale sce-
 ptrum exhibere. Nunquam tamen
 regias ad me litteras benevolentia ac
 beneficentia plenissimas sat dignis of-
 ficiis celebravero. Verum ab hoc so-
 le Poloniæ, ad ejus sidera deflecte-
 re, decorum & ordo suadent. Inter
 ea vero primum, Te, Princeps Illu-
 strissime jure tuo numero. Te nunc,
 tuamque illustrissimam familiam vel-
 ut coram allocuturus adsum. Ne-
 que

EPISTOLA.

que hoc quisquam mirabitur, ubi
causas admiserit. RADZIVILLIO-
RVM Principum profapiam & virtu-
tem jam Orbi notam, ego duplici
ratione nosse didici: scriptis & allo-
quiis. Quis illustrissimi Principis
NICOLAI CHRISTOPHORI
RADZIVILLI iter in Palæstinam
legat, & non animos ac virtutem vi-
ri obstupefcatur? Ex illo ungue hunc
leonem est cernere. Quantus he-
ros, Superi! Quanta tulit, fecitque,
quæ pericula non adiit, quanta mo-
destia Fastum triumphavit, quam ab-
jecto peregrini schemate se princi-
pem dissimulavit, quanto pietatis
sensu, & nascentis Domini cunas,
& morientis clivum *a*, & mortui se-
pulchrum veneratus est? Ausim di-
cere: audita mihi lectaque sæpius est
profectio Magni illius Principis; sed
nulla dum satietas me tenet; eadem
& audire & legere ardor est. Hoc
hactenus unum dolui, non licuisse
ipsa viri ora vultumque cernere, &

A 4

præ-

a Montem Golgothaum.

EPISTOLA.

præsenti alloquio generosissimos spiritus devenerari. Sed licet occasionem istam fors inviderit, licuit tamen ab hoc parente tres filios familiarissime nosse, qui in Augustano Lyceo sceptrâ facesque sapientiæ præceptis inclinarunt, modestia prorsus laudabili, & ut rem dicam, paterna. Ex eadem Illustrissima RADZIVILLIORVM stirpe præstantissimus juvenis in Academia Dilingana Rhetoricis disciplinis imbuendum se mihi tradidit, cujus excellam indolem tanto exploratius, quanto familiarius, & è proximo nosse potui.

Sed quid amplius dissimulem? Te ipsum, Illustrissime Princeps, Magnificæ Humanitatis specimen compello. Aures & oculos meos produco testes amplissimæ comitatis, & plane affabilis modestiæ tuæ, quæ vel hostium animos in sui cultum trahat. Spectavimus Te Principem inter nos velut unum è nobis sincerissima humanitate agentem; audivimus modestissimi oris optimos in
nos

E P I S T O L A.

nos affectus. Et quod in Te singulariter suspiciendum: Non sequeris fastidium illorum, quibus pleraque omnia externa sordent. Alii sunt tui mores. Modestiae tuae facillime se probaverit, quicquid in quavis natione landandum. Germaniae hoc detulisti, ut conjugem tibi legeris è Germana Nobilitate lectissimam.

Sed acrioribus stimulis in exterarum terras revocor. Ampla sunt in Societatem nostram Principum RADZIVILLIORVM beneficia. Cetera fileant licet, loquitur Collegium & templum Nieswiesiense à NICOLAO CHRISTOPHORO RADZIVILLIO è fundamentis erectum, & annuo censu inter pauca munifice dotatum. Ejusdem Illustrissimae familiae liberalitatem experta Vilna, quae à tuo, Princeps, parente felicis memoriae, fundis urbi vicinis est aucta.

Et tuam, ALBERTE Princeps, largitatem annuam Varsoviensis Professora domus praedicat. Is porro ani-

A 5 mus

EPISTOLA.

mus tibi est in Societatem nostram, ut illam vel peregre ames, nec enim iter ingrederis ullum, quin ex ea tibi comites adscifcas.

Ita quocunque cogitationes intendam, obæratum me teneri video, in primis à Serenissimo Poloniæ Rege, cui quicquid deinceps gratiæ retulerò, minus fecero, quam grati animi leges postulent. Deinde à te, Illustrissime Princeps, cujus benefica humanitas nos sibi pridem devinxit. Illud singulariter huic epistolæ hoc iter longius persuasit, quod intelligam libellos meos quamvis peregrinos apud te domi suæ esse, oculis & manibus à te sedulo gestari. Hæc audacem me faciunt, jubentque omnino in Poloniam redire. Facio; & in tui obsequium me sisto, Illustrissime Domine, cumque aliud obsequiosi muneris genus non suppetat, hanc scriptiorem meam libens merito Illustrissimæ Celsitudini Tuæ dico consecroque. Scriptiorem frons est, GYMNASIUM PATIENTIÆ.

Vitam

EPISTOLA.

Vitam nostram spectamus? tam necessarium ei nihil est, quam assidua Patientia. Ad Patientiæ Gymnasium Imperatores, Reges, Principesque non rarius, imo & crebrius quam imi subsellii homines citantur. Hic omnes quotidie cogimur discere, nec prius ex hac schola quam è vita dimittimur. Nunquam deest quod patiamur, ne vel unquam improbis timor, vel spes absit calamitosæ virtuti. Vivere non vult, qui pati recusat. Alternæ sunt vices rerum: secunda turbidis assidue miscentur. Maximæ artis & virtutis est, in secundis non confidere, in adversis non deficere. Atqui hanc artem sola docet Patientia: illius præcepta & leges explicat hic libellus, qui non ante publico se committere voluit, quam ad Illustrissimi nominis tui splendorem, ô Magnum gentis tuæ fidus, caliginem suam exuisset. Hoc unum submississime nunc rogo, ut & hoc mei, in Te, ô Princeps, affectus & obsequii monimentum quamvis exile, & omnem Socie-

E P I S T O L A.

Societatem nostram tibi commenda-
tam habere non desinas. Monachii,
Calendis Septembris, anno à Virgi-
nis partu, M. DC. XXIX.

Celsitudinis Tuæ

Submississimus in Christo
Servus,

HIEREMIAS DREXELIUS
è Societate JESV.

BENE-

BENEVOLO LECTORI.

ANimi mei est, mi Lector, patientiam te docere, sed compendio. Nec tamen negaverim agre susceptum à me hoc thema; quod forsàn mireris, & dicas: Annon copiosum satis & abundans est? Imo vero est: & hac ipsa mihi causa fuit thematis istius pene deserendi. Nimis copiosum, abundans est nimis. Quid primo, quid ultimo loco dicerem, hærebam. Et mihi hoc credas velim: de nulla re copiosius disserere, quam de hac ipsa promptum est. Ingens jam olim in hanc rem parata mihi supellex. Ita codices & grandia volumina, quam succinctos & graciles libellos scribere fere facilius foret. Sed ego lectoris mei meumque ipsius profectum potius, quam operis molem ac majestatem specto. Multa legere, pauca expendere; primorum oblivisci, antequam ad extrema perveneris, quid juvat? Ad commendandam Patientiam, profecto parum facit exuberans & laciniosa dictio. Ea de causa scriptiorem meam hoc circo atque his finibus circumscripsi, ut pauca quidem, sed ut ordine dicerem eoque stricto, tam memoria quam voluntati ac intelligentia magis juvanda Liceat dicere: Non collegi, sed elegi. Plura fortassis hac de re daturus, si vita & valetudo fuerit: hæc interim in gustulum propino. Vale, mi optime Lector, & ad patientiam, rem omnium maxime necessariam, te compone.

Imagi-

Imaginis explicatio.

A. *Patientia* suos erudit, ostenditque, Vel hic, vel ibi; In hac, vel altera vita patientum esse. Neque enim è paradiso in paradisum, à delitiis ad delitias transiri. Eligant ergo, malintne spineam coronam afflictionis, momento nunc paullulum productione ferre, & auream beatitudinis aeternum; an mutatis vicibus, nunc anream, dein spineam.

B. B. *Patientie* discipuli, monstrant decem symbola. 1. Virgas. 2. Sagittas. 3. Fæces. 4. Stramineum sertum. 5. Bacillos. 6. Laqueos & catenas. 7. Nodosos Fustes. 8. Pallium. 9. Flagra. 10. Saccum. Hac explicat Patientia, & docet, quæ potissimum castigationes in suo Gymasio sint tolerandæ. Tanto quisque minus est doctus, quanto minus castigationis patiens.



Quæ prius placet? Hæc, aut, Ista?

GYMNASII PATIENTIÆ

PARS PRIMA.

CAPVT I.

*Quæ pœnarum genera, seu, quæ cruces sint in
gymnasio patientiæ ferendæ.*

QUercus olim, sed faucia & fracta cum
Arundine familiarius cœpit fabulari.
Initium colloquii Quercus à clade propria
traxit. Fortunæ scilicet malignitas, & casus
aduersi Quercum fecere disertam. Me, aje-
bat, aspice, ô mea vicina, & calamita-
tis cernes speculum: vix ego mei dimidium
retinui: adtoto convulsa misereque lacera-
ta: sic Æoli fratres me tractarunt. Sed,
obsecro, quid prius mirer, te tam saluam,
an me sic ægram? Tu mihi viribus, ô Arun-
do, nequaquam par es. Ipsi oculi dicunt, me
millies robustiorem esse quam sint vel cen-
tum, vel mille Arundines. Nihilominus
cum venti ac turbines me incursant, nullæ
sunt vires meæ; convellor, laceror, fran-
gor, dejicior. Tu vero ventorum vim om-
nem eludis: vacuo ventre pugnas, & nun-
quam non vincis; triumphas sola. Nos Aja-
ces vincimur. qui demum hoc fieri dicam?
Arundo silere docta, nihil interpellans lo-
quenrem, vix demum sic orsa: Non est, in-
quit, quod mireris, ô mea optima vicina;
tuum

GYMN. PATIENT. PARS I. 3

tuum tibi robur exitio est : Si minus esses robusta , magis fores integra & sana. Pace tua dixerim , tu robori tuo fidis , vento resistis , atque ita vinceris. Adversarium habes qui cedere nesciat ; illum hostiles vires animant ; robur ei additur , quoties cum robustissimis congreditur ; tantoque certio-rem habet victoriam , quanto difficiliorem pugnam. Hinc ventus vel altissimas , vel densissimas quercus dejicit , ridetque infan- niam frustra resistentium. Ego fragilitatis meæ non ignara cedo , & vel uno die sex- centies ventum veneror prono corporis fle- xu. Nec mihi grave est , ut vitam tuear , vel millies adorare tam potentem hostem. Pro- inde hic non viribus agendum est , sed dex- teritate.

Ita prorsus est : Intus sunt vires , cum consilium deest aut dexteritas. Calamitatis ventus neminem non incurſat , nemini par- cit ; probos , improbos juxta habet. Et quis est qui nihil adversi sentiat ? Sed multi ad- versis erudiuntur , & attolluntur cælo ; non pauci franguntur , & dejiciuntur Erebo. In eo res vertitur , non quantum adversi sentia- mus , sed quomodo id perferamus.

In unam eandemque scholam ducenti subinde discipuli compinguntur : sed non omnes hinc Apollines emergunt. Laurigeri multi , pauci Phæbi. E scholis aliqui ad ca- stra transeunt ; Alii hoc discunt ut caupona- riam , aut mercaturam exercent ; Alii è lu-

4 GYMNAS. PATIENT.

do litterario vespiliones aut æditimi, aut etiam tabellarii, vel frumentarii mensores & mæssores rusticani produnt. Refert, non quid discas, sed quid discendo proficias. Et quia varia discendum fors est, diversus etiam profectus est. Illis deest ingenium, istis pecunia, his industria: ita nec illi, nec isti, nec hi doctrinam adipiscuntur.

Eadem pæne ratio est in *Gymnasio Patientia*, seu, *Schola Christi*. Varius hic discendum vel ardor, vel languor est: hinc & profectus plane dissimilis. Illud tamen præclarissimum, & huic uni Gymnasio proprium, ut in eo nemo non proficiat, nisi qui proficere nolit: ingenium aut pecunia hic nulli negatur, modo ille adferat promptum ac cupidum discendi animum. Sola hic industria potest omnia. Hic illud unum unicum inter deterrima censetur: **N O L L E D I S C E R E.**

Sed quibus libris hic opus? quæ volumina in hoc gymnasio terenda? Priscorum mos non illaudatus fuit, convivis ante accubitum schedam porrigere, aut etiam domum præmittere, quæ omnium ferculorum, in convivio apponendorum seriem ediceret. Ita convivarum quemque præmonabant; Hos missus habebis, hæc tibi fercula, hoc numero atque ordine ponentur. Proinde si quid è prioribus minus ad palatum aut stomachum tuum fuerit, subtringe famem, & locum melioribus serva. Con-

sultum

P A R S I.

sultum omnino censuerunt, sciri à convivis, quid positurus esset paterfamilias.

In Gymnasio Patientiæ non minus expedit scire, quibusnam calamitatibus Deus mortales premere consuerit. Primum discipuli munus est, libros nosse qui prælegendi sunt. Iobus his ipsis curis agitatus: Librum, inquit *a*, scribat ipse qui iudicat, ut in humero meo portem illum. Omnia quæ sibi patienda forent, in unum volumen redigi cupiebat, paratus hoc onus non invitis humeris asportare.

Hoc igitur ante omnia agamus, & afflictionum genera (usitato nomine CRUCES appellantur) in certas classes distribuamus.

I. Quicquid pœnarum in hoc Orbe, quicquid afflictionum vel exercitationum est, sub hoc decemplici cruciatuum schemate continetur. Habet nimirum Deus in patientiæ gymnasio,

1. VIRGAS
2. SAGITTAS
3. FACES
4. STRAMINEVM SERTVM
5. BACILLOS
6. LAQVEOS & CATENAS
7. NODOSOS FVSTES
8. PALLIVM
9. FLAGRA
10. SACCVM.

Hæc strictim nunc exponamus, uberius singula suo loco explicaturi.

6 GYMNAS. PATIENT.

1. VIRGÆ Morbos ac dolores significant. Morborum pæne innumeri sunt; singuli aliquid amaroris à Morte participant. His virgis inittiamur ad Mortis sacra. Per Morbos ad Mortem via est. Multorum mortem distulit Morbus; & saluti illis fuit, videri perire. Et est etiam virtuti in lectulo locus.

2. SAGITTÆ animi cruciatus repræsentant, sollicitudines, curas, ægrimoniam, mærores, pavores, suspensiones, & angores: anxiferos serupulorum aculeos, illecebrarum ac tentationum impetus, occultos conscientie morsus, metus, fluctus æstusque sollicitudinum. Sagittæ Domini acutæ, & omnes arcus ejus extenti.

3. FACES Paupertatis signa sunt. Paupertas variè mortales urit, prout domesticus urendi modus varius est. Subinde charta sevo illita & dormientis calceo imposita incenditur; alias gracilis cereus supponitur digito; quandoque hypocaustum ita calefit, ut æstuantes thermas putes; nonnunquam quod charissimum est eripitur, & in ignem abjicitur. Satis uritur, cujus delitiæ ardent. Ita paupertate homines solent exerceri.

4. SERTVM STRAMINEVM derisus, illusio, ac contemptus signum est. Vix quidquam plerosque discipulorum in hoc gymnasio sic premit vexatque ac ludierum hoc sertum. Quod tamen frequentissimum est supplicium. Pæne ubi-

que Iusti simplicitas deridetur. Ambulans recto itinere & timens D E V M despicitur ab eo, qui infami graditur via *a*.

Hoc quadruplici pœnarum genere, quicquid fere patimur, comprehenditur. Aut enim corpus, aut animus, aut corporis, aut animi bona calamitatem accipiunt. Ideo Viagas, Sagittas, Faces, Sertum Stramineum assignavimus. Sed has misérias in alias rursus tribuimus.

5. B A C I L L I S adumbrantur misériae quotidianæ, fames, sitis, æstus, frigus, habitatio incommoda, vestis corpori non habilis, itio superflua, expectatio vana. Quemadmodum ludimagister bacillum vix unquam de manibus ponit, & modo hunc, modo illum discipulum, modo manus, modo caput ferit: sic à quotidianis illis miseriis raræ sunt seriæ inter mortales. Nunquam deest, quod abesse malis.

6. C A T E N Æ ac L A Q V E I propriæ cujusque status misériae sunt. Sua quemque sors vivendi ligat; hunc arctius, illum remissius. Conjugium arctissimum est vinculum, & verè ferrea, imo adamantina catena, quam nemo nisi mors ruperit. Sæpe conjuges non esuriunt, non sitiunt, non ægro corpore sunt, sed male conveniunt: alter alteri objicit, nec possum tecum vivere, nec sine te. Ligatus utique fuit, qui di-

B. 3 xit:

8 GYMNAS. PATIENT.

xit: Vxorem duxi, & ideo non possum venire *a*.

7. FVSTES NODOSI, seu scorpiones, calamitates sunt plurimis communes: Hæresis, Lues, Tyrannis, Bellum, Incendia, Annonæ caritas, Eluviones fluminum, Oppressio egenorum. Ecclesiastes questus: Verti me ad alia, inquit *b*, & vidi calumnias quæ sub sole geruntur, & lacrimas innocentium, & neminem consolatorem: nec posse resistere eorum violentiæ, cunctorum auxilio destitutos. Et laudavi magis mortuos, quam viventes, & feliciorum utroque judicavi, qui necdum natus est, nec vidit mala quæ sub sole sunt.

8. PALLIVM vocamus eas misérias, quas nos ipsi nobis creamus, & nostris nostris opinionibus aut suspicionibus in crucem attollimus, ac misere sauciamus. Frequentissimum est propria vineta cedere; seipsum malis onerare, seu fictis seu veris. Contra seipsum Iobus queritur, & : Factus sum, inquit, mihi metipsum gravis. Nimirum, tam miser quisque est, quam se esse credit.

9. FLAGRA sunt afflictiones ab aliis quibuscunque provenientes, præsertim illæ quæ à lingua, uti sunt calumniæ, probra, detractiones, exprobrationes, omnes verborum injuriæ. Huc refero, cum ab altero negatur, quod ab isto votis omnibus expectaba-

a Luc. cap. 14. v. 20.

b Eccles. cap. 4. v. 1.

P A R S I.

tebatur; aut imperatur, quod velis ac remis fugiebatur. Atque hi flagrorum ictus sunt, qui mox vibices & sanguinem cient. Sed solatur Gregorius, &c.: Nunc, inquit *a*, foris per flagella tundimur, ut intus in templum Dei postmodum sine disciplinæ percussione reformemur.

10. S A C C V S denique est plurimum malorum cumulus. Æger subinde interrogatus, qua parte corporis dolores sentiat: Vbique, respondet; omnia dolor occupat. Ita sæpius malorum acervus premit, caco-dæmon insultat, homines adversantur, D E V S non solatur, morbus & paupertas cruciant, corpori & animo male est, quicquid oculos incurrit hostile creditur. De tali homine non male pronuntiem, *in sacco est*, sed usque ad collum: Vbi mors venerit, totum hominem involvet sacco, & è vivis ejiciet. De singulis afflictionum harum paullo post uberius dicemus.

Quod si alicui Deus eligendi copiam faciat jubeatque: Elige quam tibi maxime convenire judicas crucem. An linguis flagellari mavis, an paupertate uri, an virgis ægritudinum cædi, an mœrorum jaculis configi, an stramineo contemptus serto coronari? Quis hic illud Davidis & Susannæ non usurpet *b*: Angustia sunt mihi undique; coarctor nimis. Inexplicabilis deli-

B 4

beratio-

a Greg. part. 3. pastor. admonit. 13.

b Dan. c. 13. v. 22. 2. Reg. c. 23. v. 14.

IO GYMNAS. PATIENT.

berationis reforet. Hoc tamen, puto, denique rogaret: Domine si regium tribueris beneficium, ab omnibus me molestiis & miseriis immunem præsta.

Ah, quam erramus splendide! Orbis ordinem, si liceret, turbaturi. In eum intravimus mundum, ubi his legibus vivitur, ut ad omnia patienda parati simus. Impare nascimur, pares morimur. Quicquid inter natalem & mortalem diem medium est, ærumnis plurimis agi necesse est. Et doleam oportet, & sitias, & esurias & senescas: & si tibi longior contigerit inter homines mora, & ægrotes, & perdas aliquid, & peteas. Hæc vitæ lex est.

II. Occulta sed plane stulta persuasio est: *Inoffenso pede vitam transigere.* Erratis ô mortales, erratis amplissime: Quoniam per multas tribulationes oportet nos intrare in regnum Dei *a*. Et, nonne hæc oportuit pati Christum, & ita intrare in gloriam suam *b*? Cur membra vilissima sub nobilissimo capite conditionis sint melioris? Illud cum primis sciendum, non esse mollem astra viam; non rosetis aut salicetis amœnam: aspera est, & confragosa, nec pedum tenero calcanda. Certe Deus suos molliter habere non solet. Sed Hipponensis Præsul gemma Præsulum, Augustinus solatia hic adhi-

a Actor. cap. 14. v. 21.

b Luc. cap. 24. v. 26.

adhibens : Flagellat nos Deus, inquit *a*, in istis laboribus, & erudit nos. Tota ista miseria generis humani, in qua gemit Mundus, novetitis fratres, quia dolor medicinalis est, non sententia pœnalis. Videte quia dolor ubique, ubique metus, ubique necessitas, ubique labores. Locupletissimus hic testis Ecclesiastes: Cuncti dies ejus doloribus, inquit *b*, & ærumnis pleni sunt. Sapiens ille Augustini discipulus: Qualitercumque, ait *c*, ordinavero de pace mea, non potest esse sine bello & dolore vita mea. Et quæ uspiam latebra est, in quam non intret calamitas? quæ tam munita & in altum subducta vitæ quies, quam non dolor territet? Quocumque te abdideris, inquit Lucius Annæus *d*, mala humana circumstrepent. Multa extra sunt quæ circumeunt nos, quo aut fallant aut urgeant: multa intus quæ etiam in media solitudine exæstuant. Nulla domus in toto Orbe terrarum aut est, aut fuit sine aliqua comploratione, nec ullam tam miseram nominabis domum, quæ non inveniat in miseriore solatium. *e* Plena & infesta variis casibus vita est, à quibus nulli longa

B 5 pax,

a Aug. tom. 8. in Ps. 138. circa med. mihi pag. 654. *b* Eccl. c. 2. v. 23. *c* Thom. de Kemp. lib. 3. c. 12. lege totum caput. *d* Seneca epist. 82. initio & consol. ad Polyb. c. 33. & conf. ad Marc. cap. 12. *e* Jeder tag hat sein Zustand, jede stund ihr Ellend.

12 GYMNAS. PATIENT.

pax, vix induciæ sunt. Non est delicata res vivere. Longam viam ingressi sumus, labamur oportet, & cadamus & lassèmur. Per ejusmodi offensas emetiendum est confragosum hoc iter. Nusquam tuta quies, nusquam securum gaudium, ubique occurrat quod turbet. Quicquid agamus, vivendi ratio aliter non constat.

Et omnem obsecro rerum ordinem mihi contemplamini: Nihil in Orbe tam excellens, cui suus à latere non hæreat adversarius. Quid secundioris imo & honestioris lucri est agricultura? at unica cæli ex candescencia sæpe omne terræ fenus abstulit. Verrissime dictum 4: Qui observat ventum, nunquam seminat, & qui considerat nubes, nunquam metet. Quid pulchrius aut mirabilius sole? Habet & hic suas maculas, nubibus obtegitur, terra quotidie sepelitur, eclipses & deliqua patitur. Quid aëre, quo vescimur, magis necessarium? uno anno, vel imo mense uno sexcenties, millies mutatur, jam humidus, jam siccus, jam serenus, jam turbidus; modo salubris, modo noxius, modo subtilis, modo crassus & qualis in Bœotia. Nobilissimus liquor est vinum, sed quantis innatat facibus? vix illud biberet, qui torcular cogitaret: Et quot à vino quotidie damna sunt? Zythus, seu cerevisia, quæ plurimorum gulæ pro nectare est, ex impurissima plerunque aqua coqui-

coquitur. Macellum venales porrigit carnes, sed una cum ossibus. Pulcherrimæ arbores etiam nana, immitia, vermiculosa, fugacia, calculosa poma generant; Venustissimæ urbes vilissimis domunculis & tuguriis non carent; ornatissimæ domus obscurissimos recessus & latebras habent, quo retrimenta conjiciantur; artificiosissima ædificia non ab omnibus incommodis sunt exempta. Cælum respicimus? vix ullus innubis est dies; à serenissimo cælo sævissimæ tempestates; non iidem semper flant venti; Favonios & Zephyros sæpe plumbeus Ausler, & imbricator Boreas excipit. Nec oleum sine amurca est, nec sine lolio triticum. Et quantum sordium latet vel in in formosissimo homine: & quoties idem vel uno die mutatur *a*? Vere, nunquam in eodem statu permanet *b*. Ecquid tibi vis, ô homo, D E V S etiam in angelis suis reperit pravitatem. Ubique adversarius, ubique hostis est. Nihil beatum ab omni parte. Et nos omni die volumus ridere Phæbum, omnia ire tranquille, atque ad votum omnia succedere? Hæc somniantium infania est, non vigilantium. Omnia Naturæ opera reclamant, & ubique hostem latere pronuntiant. Idem in moralibus videre est.

III. Vix ullus liber est, cui non suus sit error & nævus, aut ab auctore, aut à typographo. Vbi honor est sine onere? Si onus desit,

a Job c. 14. v. 2. *b* Idem c. 4. v. 18.

14 GYMNAS. PATIENT.

desit, verus honor non erit. Et ubi cæterus ille hominum est, qui malos omnes excludit? Et ubi vir ille tam sanctus est, in quo nihil sit quod jure reprehendere possis? quod prandium, quæ cæna est, cui non suum misceatur acetum? Edo satis & impleo me? gravor, jamque cuperem parcius edisse. Substringo appetentiam, & tempero? jam gula in cruce est. Ita semper Liberalibus proximus hæret Dies Cinerum, & Paschati Parasceue. Honoris templo proximum est laboris: ex hoc in illud transitur. Sic ubi uber, ibi tuber; ubi mel, ibi fel.

Dicuntur Iove iudice litigasse Voluptas & Dolor, neque illa huic, neque hic illi in ullo cessurus videbatur: Ad quos Iupiter: Bene est, inquit, ita componam vos, ut dirimi nequeatis. Et adamantino vinculo colligavit dissidentes. Inde nunquam non simul sunt. Quid miramur?

Semper odoriferis proxima spina rosis.

a Quocunque oculos convertas, mel felle temperatum reperies, nec quidquam adeo purum est ab omni fæce. Ingenium hoc omnibus creatis est, ut insita quadam vi ad mutationem ferantur & casum. Ut ferro consumens quædam rubigo per naturam agnata est; ligno exedens caries aut teredo: sic animalibus, oppidis, regnis internæ & suæ causæ pereundi. Supera, infera respice: grandia, parva: manu facta, aut mente: ab omni

a *Lips. l. 1. de Const. c. 15.*

omni ævo corrumpunt, & corrumpunt in omne ævum. Atque ut flumina ad mare feruntur, perpeti & prono cursu: sic res omnes humanæ per hunc (ut sic dicam) cladium canalem labuntur ad suam metam. Meta ea mors, & interitus, quibus peliis, bella, cædes administri & instrumenta sunt.

Quid ergo sibi vult impatientia nostra? Triumphos ante victoriam? lautissimam mensam ante labores? Quis servum ferat, qui domum rediens ex agro, conqueratur triclinium nondum stratum, nondum illatas epulas? Tu bone vir sterne, tu epulas infer. Itapaterfamilias jubet *a*: Præcinge te, & ministra mihi, post hæc tu manducabis & bibes. Est tempus spargendi ac seminandi, erit etiam tempus colligendi. Illud præcedit istud. Qui seminat in lacrymis, in exultatione metent *b*: Euntes ibant & flebant, mittentes semina sua, venientes autem venient cum exultatione portantes manipulos suos. Ad rem Chrysostomus: Quemadmodum, inquit, semina opus habent imbris, ita nos etiam lacrymis: & quemadmodum terra opus habet ut aretur & proscindatur, ita anima fidelis, pro lignone indiget tentationibus & afflictionibus, ne producat malas herbas, ut ejus molliatur durities, ne nimium efferatur & exiliat.

Opor-

a Luc. c. 12. v. 37. b Psal. 125. v. 6.

c Chrys. tom. 1. in Psalm. 125. mihi

pag. 981.

16 GYMNAS. PATIENT.

Oportet nos prius laborare, & tunc animi remissionem & otium quærere. In Orbis hoc labor & afflictio est, in cœlo quies & ferix sequentur. Cœlum affectas, & de corporis quiete cogitas? Eundem audi Chrysostomum, qui non immerito nostram nobis segnitiam sic exprobrat: Quid dicis, homo, quid agis? cœlum paras ascendere, & regnum cœli invadere: & interrogas, nequa tibi difficultas occurrat in itinere, ne quid asperum tibi in via accidat aut laboriosum, & non erubescis? non pudore oppressus sub terra temetipsum defodis?

Quicquid agas, ad cœlum non evades, nisi probe contusus. Vir ille religiosissimus vere dixit *a*: Regnum cœlorum est regnum tentatorum, afflictorum, contemptorum & varie detruncatorum. Quomodo audebis tu timidè, inter tot decantatos duces comparere? Deus vult te scire, pretiosum esse bonum quod quatimus, pro quo consequendo hæc toleramus.

Gens Hebræa in terras uberes illas transitura, Sehon regē Hesebon his precibus convenit *b*: Transibimus per terram tuam, publici gradiemur via: non declinabimus neque ad dextram, neque ad sinistram. Alimenta pretio vende nobis ut vescamur; aquam pecunia tribue, & sic bibemus. Non annuit rex, itaque vi fuit aperienda via. Cuperemus & nos transi-

a Vita Alvarezii c. 40. §. 1.

b Dent. c. 2. v. 27. & 28.

transire ad cœlum sine turbis & hostibus; & multorum votum est, neminem lædere, modo nec ipsi lædantur. Frustra sumus. Non admittit cœlum tam effeminare pavidos, & qui hoc unum satagant, NIHIL PATI.

Ergo quod prisci cum laude usurparunt: *Nulla dies sine linea*: Imitemur & nos, dicamusque: *Nulla dies sine nubecula*. Lux nulla transeat, qua non aliquid strenue agamus, aut fortiter patiamur pro Christo. Quoniam per multas tribulationes oportet nos intrare in regnum Dei *a*. Per multas omnino, per plurimas. Nec fere quidquam in Orbe dignioris admirationis est, quam homo fortiter miser, & obfirmatæ mentis ad tolerandum. Et ecce nunc tempus acceptabile, ecce nunc dies salutis *b*. Primus in Patientiæ gymnasio profectus est, scire, neminem nisi plurima patiendo proficere.

a Actor. cap. 14. v. 21.

b 2. Corinth. cap. 6. v. 2.

C A P V T II.

*Quare discipuli in hoc gymnasio tam duriter,
& aspere habeantur.*

MOtu & agitatione plurima conservantur, alioqui peritura. Frumentum nisi ventiletur, corrumpitur; non raro cum situm ducit, alas acquirit, & evolat. Vestis perpetuo cistarum exilio damnata tineis fit epulum. Ferrum si nullo teratur usu, rubigine deteritur, & vires perdit. Vires nisi
puten-

18 GYMNAS. PATIENT.

putentur, in silvam degenerant. Vvæ nisi torculari premantur, putrescunt. Centenaria talia capimus, nec fidem negamus experientia. Nihilominus miramur, & ægrè ferimus, homines à Deo tot tamque variis calamitatibus exerceri & agitari. Diximus priori capite, sic oportere fieri: Nunc porro dicemus, sic optime fieri.

I. Cur suos D E V S non in paradiso, sed è cruce in paradisum transferre decreverit, sexcentas causas est assignare. Illic ego ipsam inter homines consuetudinem interrogo: Si quis inhonestæ domus odium non concipiat à plagis, aut inde per scalas precipitatus, multo minus domum illam detestabitur, si pro gratissimo hospite in ea habeatur: Ita prorsus si paulo nobis suavius esset in hoc Orbe, cælestes delicias vix ullus ambiret. Millesimus quisque diceret: Bene mihi est, quid ultra cupiam voluptates incertas? Hic plurimorum sensus foret: opibus & voluptatibus suis ebrii, nausearent cælum, velut boves è suo prato saturi, ibi procumbunt ubi pascuntur. Ideo felle miscenda erant omnia, ne mel Mundi pro summis deliciis haberetur. Cur, oro, Hebræi tam inimicam experti sunt Aegyptum? siquidem immitissimi erant præfecti, labor geminatus, flagella perpetuo intentata, & insuper necandi erant eorum parvuli. Quid

voluit

a Horat. lib. 2. serm. 3. Stragula vestis blattarum ac tinearum epula putrescit in arca.

voluit his DEVS? Ægypti & universæ idololatriæ ingens apud suos tadium & odium conciliare. Eo spectabant Moïsis exhortationes ad terras fertilissimas desiderandas. Eo permissus fœvere Pharao, ut populus Hebræus, odio tam ferocis domini a liam sibi patriam indagaret.

Pulchre dixit Gregorius *a*: Pio Dei consilio agitur, ut hujus peregrinationis tempore electorum vita turbetur. Via est vita præsens, qua ad patriam tendimus: & idcirco hic occulto judicio frequenti perturbatione conterimur, ne viam pro patria diligamus. Viator, præsertim lentus ac deses in amœnis pratis, sub umbrosis arboribus, in opacis nemoribus facillime detineri se patitur: usque & usque moras nectit, modo hic, modo illic sæsitat, dum diem amittit. Addit Gregorius *b*: Electis ergo suis ad se pergentibus Dominus hujus mundi iter asperum facit: ne dum quisque præsentis vitæ requie, quasi amœnitate viæ pascitur, magis eum diu pergere, quam citius pervenire delectet: ne dum oblectatur in via, obliviscatur quod desiderabat in patria.

Quemadmodum vero divinum amorem acuit, vel primoribus labris gustasse, quam suavis sit Dominus; ira prorsus delibasse nonnihil quanta rerum fluxarum sit amarities, in earundem odium non leviter impellet.

C

Atque

a Greg. lib. 23. mor. c. 25. post med.

b Greg. l. 23. mor. c. 15. post. med.

20 GYMNAS. PATIENT.

Atque hoc agit afflictio; absinthium Mundi libandum porrigit; spinas pedibus substernit, ut ad concitatus eundem impellat. Eleganter Augustinus: O infelicitas, inquit *a*, generis humani! Amarum est Mundus & diligitur putas, si dulcis esset, qualiter amaretur? Turbatur, & tamen amatur: quid si tranquillus esset? Flores Mundi quomodo colligeres, qui à spinis non revocas manum?

Ejusdem animi Chrysostomus: Si, ait *b*, cum nos undique tristitia circumeunt, tam libenter præsentis vitæ immoramur; si nihil horum esset, quando unquam futura desideraremus? Adeo cæco nostri amore furimus, ut pro sanitate pharmacum, pro termino viam, pro conditore res conditas amemus. Hinc Deus panem cogitur calices ingerere amariore, ne poscam & absinthium pro nectare bibamus, & ne cælo præferamus terram.

II. Aureus ille, quem dixi, orator Chrysostomus, decem rationibus illud egregie adstruit, *Vtile esse affligi*. Qua in re illud pensiculatius hic cogitandum, ab intelligentia humana nec tenuissimam quidem umbram divinæ Majestatis capi: Reges nobis & Cæsares imaginamur: cum Deum cogitamus, ah, quam viles, quam & pueriles sunt vel sublimissimæ cogitationes nostræ. Atque hinc varius error. Sapientiæ vox est: Deus

ten-

a Aug tom. 10. serm. 3. de Temp. circa med.

b Chrys. hom. 6. ad pop. Antio.

tentavit eos, & invenit eos dignos se *a*. Adeo immensa Dei Majestas est, ut divino aspectu nemo dignus haberi possit, nisi calamitatibus variis exercitissimus, velut generosus & fortis athleta, cui præmium non debetur, nisi post certamina. Ad rem dixit Nicetas Choniates: Is solum miser est, qui in afflictione constitutus nimium tristatur, & non se dignum præbet.

Isaacus senio jam pæne cæcus, ut filium tactu exploret: Accede ad me, inquit *b*, ut tangam te fili mi, & probem utrum tu sis filius meus. Vix aliter Deus: Tangendus es, mi fili; calidas quidem manus habeo, & urunt; sed si filius meus es, patieris te tangi. qui uri non vult, meus non est, me indignus est. Unigenum filium meum in crucem agi passus sum, & inveni eum dignum me; nec fere mitius egi cum Matre Virgine, in cujus pectore gladium doloris defixi, plurimis annis inhæsurum, & inveni eam dignam me; nec certe hætenus mihi amicissimos aliter tractavi, & inveni eos me dignos. Et quid tu jam eximi vis hoc numero, & esse singularis? Si exceptus es à supplicio flagellorum, deletus es è numero filiorum. Sic ego filios meos exerceo: sic exercendo, etiam honoro. Opulentior certè fuit & honoratior Ioseph in exilio, quam in paterna domo. Ezechiel captivorum medius, cælestibus ostentis exhilaratus est. Tribus Hebræis juvenibus

C 2

NUM-

a Sap. c. 3. v. 5. *b* Gen. c. 27. v. 21.

22 GYMNAS. PATIENT.

nunquam suavius fuit, quam in flammarum ergastulo: nihil eis unquam honorificentius contigit, quam in mediis ignibus habere socium aspectabilem angelum. Quisquis igitur inter Dei filios vult numerari, generosis vocibus se talem monstrer; dicat impavidus affligor, sed patienter: bene est. Torqueor, sed pro Christo libenter: dulce est. Calumniis & falsis accusationibus obruor, sed pro Deo hilariter: recte est. Vincior & uror, sed pro celo fortiter: optabile est. non quod ignis me non urat, sed quod non vincat. Male me Deus in castris suis, quam in deliciis habere. Scio: mactandus vitulus ad pascua liber dimittitur, servandus iugo premitur. Castigans castigabit me Dominus, & morti non tradet me *a*. Ita sentire, ita & loqui decet Christianum athletam.

III. Atque ut hæc propius capiamus, illustratiocinamur: Supremum elementum ignis tantæ nobilitatis, sed & roboris tanti est, ut quicquid comprehendit ac suum facit, pascuum, corium, ligna, ipsos etiam filices redigat in cineres. perinde si dicat: ea mihi est innata generositas, ut hæc viliora omnia in gremium meum non admittam, neque enim invenio illa me digna: sed da argentum, aurum, metallorum nobilissima, hiis non noceo, hæc gremio meo dignor; hæc purgo, & nitidiora reddo, ista scilicet invenio me digna. Itane ignis tam inter re-

creata

creatas eminet, ut in amplexum non recu-
piat nisi se dignissima: quid de Deo sentie-
mus? Malachias admirabundus: Quis po-
terit cogitare, inquit *a*, diem adventus e-
jus, & quis stabit ad videndum eum? ipse
enim quasi ignis conflans, & emundans ar-
gentum, & colabit eos quasi aurum & qua-
si argentum, *Sedebit conflans*, neque enim
levi brachio, & obiter, sed accurate argen-
tum atque aurum in pristinos nitores reco-
quet; Tentabit scilicet eos; & inveniet il-
los dignos se.

Hoc D E V S triplici fine agit. Nam quos
affligit, hos aut calligat & punit, aut
corrigit & emendat, aut denique remune-
ratur & coronat. Primum quid miramur, à
Deo quotidie puniri nos & corripi? quotidie
delinquimus: septies enim in die cadet ju-
stus *b*. Qua in re Deus humanam indutri-
am imitatur, hæc ubi æs alienum conflare
refugit, omne nomen præsentis moneta ex-
pedit: ita Deus quotidianas noxas, miseriis
quotidianis expiat. & hoc magni favoris
est. Nam dum judicamur, à Domino cor-
ripimur, ut non cum hoc mundo damne-
mur *c*. Hebræus rex David: Priusquam,
ait *d*, humiliarer, ego deliqui. Vbi noxa,
ibi pæna.

C 3

Alter

a Malach. cap. 3. v. 2. & 3.

b Proverb. cap. 24. v. 16.

c 1. Corinth. cap. 11. v. 32.

d Psal. 118. v. 66.

24 GYMNAS. PATIENT.

Alter Dei finis est cum afflictione nos docet & corrigit. Seipsum, curtamque su-
pellestem suam nosse, maximæ felicitatis
est. Atqui notitiam hanc inter adversa com-
modissime docemur. Gregorius dilucide
Dum exterius, inquit *a*, percutimur, ad
peccatorum nostrorum memoriam tacite
afflicti que revocamur, & per hoc quod
foris patimur, magis intus quod feci-
mus, dolemus. Gigas ille Goliathus in
Duello cecidit, lapillo dejectus, qui
se invincibilem credidit. Petrus promissi-
animosissimus paratum se ajebat & carce-
res & mortem pro Domino tolerare. Ergo
ad sis, mi Petre, & sesquihorula excubias a-
ge. Ah, qualis excubitor! vix à statione du-
abiit, & miles hic stertere cœpit. Oviglius
Præfectum! in excubiis dormit, dein fugit
& stationem deserit, ad ancillulæ vocem
arma projicit, & militem se negat cap-
ducis. Sed hac ratione Petrus se nosse didi-
cit. Augustino teste *b*, Profectus noster pa-
tentationem fit, nec quisquam sibi innotu-
scit, nisi tentatus. Ignem in saxi venis late-
re quis sciret, nisi eum chalybe proliceret?

Demum, coronatur etiam Deus affligendo
Gregorius id observans: Cum innoxius, in-
quit *c*, flagello atteritur, ei per patientiam
men-

a Greg. part. 3. pastor. admon. 13. fine.

b Aug. in Psal. 60. *c* Greg. præfationes
Ioan. cap. 5. med. & lib. 20. motu c. 2.
post med.

meritorum summa cumulatur. Electorum anima nunc marcescit, quia in illa postmodum æterna exultatione viridescit. modo eos dies afflictionis possident, quia dies lætitiæ post sequuntur. Hoc ipsum divinus præco pronuntiat ^a: Beatus vir qui suffert tentationem, quoniam cum probatus fuerit, accipiet coronam vitæ. Neque ideo tantum affligimur, ut futuris præmiis paremur, sed ipsa quandoque afflictio præmium est.

Iustus Lipsius, sol ævi nostri, & quod de Plinio ferebatur, eruditionis facile princeps, ita Musas coluit, ut pietatem non tantum non neglexerit, sed Musis eam omnibus prætulit. Annis compluribus octavo quoque die apud Leonardum Lessium Societatis Iesu theologum conscientia navos absterfit, tenuitque constanter quam cœpit integerrimam vivendi rationem. Quid præmiū à Deo accepit? Hoc ipsum quod nos supplicium nominamus. Habuit Lipsius bibliothecam undequaque lectissimam, quæ librorum florem possideret. Nam ex omnibus orbis partibus, quicquid rarioris aut venustioris literaturæ pretio & precibus nancisci potuit, in hoc gazophylacium redegit. Sic optimorum voluminum thesaurus ingens, & contra omne aurum æstimandus in unam domum confluit. Nec habuit Lipsius extra cœlum quod ardentius amaret

C 4

quam

^a Iacob. cap. 1. v. 12.

26 GYMNAS. PATIENT.

quam litterarias has delitias. Dixisses con-
 omne Lipsii in bibliotheca illa altissime se-
 pultum. Sed ô fatum, Deus, acerbum! Quod
 maxima cura, quod annis pluribus studio-
 sissime congestum est, id omne subitus igni
 unica rapina abstulit. Heu, dolor! Maluif-
 fer, credo, Lipsius seipsum perdere, quam
 hæc sua longe sibi charissima. Sed hic De-
 mos est, hæc illius sunt præmia, quibus vir-
 tutem in hoc Orbe remuneratur. Atque hoc
 etiam favor interpretandus est. Sic nec
 cum amicissimis agit: aut enim quod illi
 carissimum est aufert, aut quod innumera
 precibus postulatum est negat. Est subinde
 qui velut Deo persuasurus, ne suas sibi deli-
 tias auferat: O domine, inquit, afflige me
 prout vis, hoc solum quod postulo, conce-
 de; aut hoc unum quod sic amo, non eripe.
 Surdus est hic Deus; charissima tollit, des-
 deratissima non concedit, atque sic ipsius
 cor hominis configit. Et hæc gratia, hoc
 Dei præmium est. Sic angelus Tobiam so-
 latus: Quia, inquit a, acceptus eras Deo,
 necesse fuit ut temptatio probaret te. Perinde
 si dixisset: Vbi virtus, ibi & virtutis præmi-
 um afflicto. Afflictus est, quisquis Deo cha-
 rus est.

IV. At subinde Deus calamitates immi-
 tit, non ut noxas puniat, aut errantes cor-
 gat, nec ut virtutem erigat, sed ut poten-
 tiam suam ostendar. De cæco aperte Serve-

tor: Neque hic peccavit, neque parentes ejus, inquit *a*, sed ut manifestentur opera Dei in illo. Qua hoc æquitate, dixerit aliquis: an fas esse censeam, alterum spoliare, ut me vestiam? Respondemus, Ius duplex statui? jus strictum, rigidum, summum, Theologis *Condignum* dicitur: & jus mitigatum, cum quid bona fide decernitur.

* Sinc igitur omnes homines Hieremiæ, Daniele, Baptistæ, moribus integerrimis, nihilominus Deus jure stricto punire hos potest, quandoquidem noxa primigenia, & inhærentis peccati contagio præcessit, quæ quidem miseriarum omnium scaturigo est. Per unum hominem peccatum in hunc mundum intravit, & per peccatum mors *b*: sed non sola; comites ea habuit calamitates innumeras. † Igitur post præmissam labem nativam potest Deus æquissime, & omnibus juris apicibus servatis, vel innocentissimos quibuscumque suppliciis non æternantibus (*de Condigno*) afficere. Hinc & infantum plurimi morbis ac morte puniuntur. Quanto autem jam magis puniendi sumus,

C § cum

a Ioan. cap. 9. v. 3. * *Trenlich und ohn-
gefährlich.* *b* Rom. cap. 5. v. 12.

† *Præscindendo à præsentis Dei decreto, & absolute loquendo, non de pœna culpa, sed de pœnitentiis, ut distinguunt Theologi. Vide Vasques tom. 2. in 3. partem S. Thomæ quest. 69. disput. 156. de Baptismo cap. 3.*

28 GYMNAS. PATIENT.

cum naturæ crimen nostris sceleribus auge-
mus? Deinde, si puniat Deus subtrahendo
ea quæ alioqui solitus est concedere, vi-
ctum, valetudinem, facultates, & si quis
hæc talia sibi adempta conqueratur, iustis-
sime Deus responderit: Nihil tibi debet
quod hætenus dederim, tu merissimam in-
terpretare gratiam: dona mea sunt gratuita.
Nunc illa subtrahō, ut scias à me fuisse ne-
me tibi quidquam obligatum. Hætenus in-
te liberalis fui; si nolim esse amplius, qua le-
ge contra me ages? An non licet mihi quod
volo, facere *a*? Amice non facio tibi inju-
riam: tolle quod tuum est, & vade. Hanc nu-
minis æquitatem Augustinus explicans: Sub-
trahit nobis aliquando, inquit *b*, quæ ne-
cessaria sunt, & atterit nos: ut sciamus, qui
pater & dominus est, non solum blandiens,
sed & flagellans. Et quis injuriolam vel le-
vissimam hic objecerit? Principis arbitrium
est, huic equum, huic torquem, huic præ-
fecturam, huic nihil donare. Sed esto: de-
beantur nobis vitæ necessaria, nihil tamen
injuriam inferretur, si ea Deus ob solum Ma-
jestatis suæ honorem adimeret. quid queri-
mur? subditi sumus, & ab opere *c* clientelæ
nequaquam immunes. Illos solum eximios
dixeris, qui in labore hominum non sunt,
nec cum hominibus flagellabuntur *d*.

Nec

a Matth. cap. 20. v. 15.*b* Aug. tom. 8. in Ps. 62. mihi p. 260. 2.*c* Schar vuerck. *d* Psal. 72. v. 5.

Nec nescimus, vitam chariorem esse valetudine, pecuniis, honore: Cuncta quæ habet homo dabit pro anima sua *a*. Atque Martyres testando in Christum amoris vitam impendebant alacerrime; & nos eandem ob causam minora negabimus? Deinde, quod hoc genus est injuriæ, si cui depexum ac defloccatum palliolum adimatur, & detur novum atque melius: non nisi insanus reluctabitur. nec minus fatuus sit qui pileum triobolarem sic æstimet, ut quinquaginta pro eo philippeos respuat. Deus valetudinem, opes, dignitatem eripit, ut tanto plus reddat gratiæ, plus gloriæ. quid hoc injuriæ? Ea de causa beatus Iacobus hortatur *b*: Omne gaudium existimate, fratres mei, si in tentationes varias incideritis. Optima commutatio, res fluxas æternis commutare.

Ignatius Antiochenus præsul eo ardebat patiendi desiderio, ut animose dixerit: Ignis, crux, bestię, ossium confractio, membrorum divisio, & totius corporis contritio, & tota tormenta diaboli in me veniant, tantum Christo fruar. Nempe res maximi quæstus est, sic jacturam facere.

Refert Ioannes Climacus rem miram in monasterio à se suis & oculis & auribus observatam *c*. Erat illius monasterii. œconomus vir modesti prorsus mitisque ingenii, ut quis alius. In hunc cœnobii pater gravissime

sime

a Job. c. 2. v. 4. *b* Iac. c. 1. v. 2.

c Clim. gradu 4. ante med. mihi pag. 57.

30 GYMNAS. PATIENT.

sine inuestus, eum velut ceterorum con-
 sortio indignum è templo iussit ejici. Cli-
 macus secreto alloquio abbatem conveni-
 ens, reprehensi hominis innocentiam im-
 pensius commendare cœpit. Cui abbas pru-
 denter: Scio, ait, mi pater, œconomum
 nostrum virum esse religiosum ac probum,
 neque hactenus id unquam coramississe,
 quod tam mordaci aceto sit eluendum. Sed
 nosti, neminem nisi crudelem & barbarum
 ex infantis ore aut manu panem raperè: ita
 & cœnobiarcham eum nec sibi nec aliis
 æquum censeas, cui curæ non sit suos sin-
 gulis horis ad auctius in cælo præmium ob-
 tinendum evehere; quacunque demum id
 fiat ratione, sive reprehensionibus, seu con-
 tumeliis, sive ludibriis, seu accusationibus.
 Virtus adversis agitata crescit; vulnere vi-
 rescit; inter injurias erigitur; inter miseras
 floret; Virtus sine adversario marcet. Reli-
 giosus ergo Præses, qui horum negligens
 est, hos quidem tolerantia præmio privat,
 illis autem exemplum patientiæ subtrahit,
 istis denique ansam præbet superbiendi, cum
 illis desit exercitium tuendæ modestiæ; ut
 terris etiam fertilissimis infelix lolium inna-
 scitur, si cultura cesset, aut ros pluviae
 non rigent. Quod si cœnobiarcha rite ac
 ordine facit, quando insontes etiam contu-
 meliis exercet, cur amplissimi monasterii
 pater, Orbis gubernator Deus, qui Oceano
 & Cælo velut muris clausum continet mo-
 nasterium

nasterium suum; Cur hic, inquam, Magnus Patet iniqu; faciat, si filios suos fame, morbis, egestate, injuriis exerceat? Optima ratiocinatio. Et certe Virtus sine adversario marcet. Vel hoc Quinti Metelli tum gravis, tum etiam alta in senatu sententia commonstret *a*. Metellus devicta Carthagine, in frequenti senatu: Nefine se, agebat; bonine plus animali Reipublicæ attulisset illa victoria. quoniam ut pacē restituendo profuisset, ita Hannibalem submovendo, nonnihil nocuisset. Ejus enim transitu in Italiam, dormientem populi Romani virtutem excitatam dicebat: metuique debere ne aciei amulo liberata, in eundem somnum revolveretur. In æquo igitur malorum posuit uri testā, vastari agros, exhauriri ærarium; & prisce roboris heberari nervos.

En oraculum longe certissimum: Virtus sine adversario marcet: sine cruce dormitat Patientia *b*. Ergo salve ô pretiosa crux, quæ noxarum rubiginem detergis, quæ speculum opponis, ut nos ipsos discamus nosse, quæ in theatrum producis ad exhibendum patientiæ specimen, quæ coronas non navales, non obsidionales, non civicas, non murales, non castrenses, sed cœlestes porrigis, quæ ad omnigenam nos virtutem erudis, quæ deducis ad Deum. O ergo Domine hîc punge, hîc ure, hic seca, hic
lacera

a Valer. l. 7. c. 2. post. init.

b Beati And. voces.

32 GYMNAS. PATIENT.

lacera ut in æternum parcas. Atque ubi deinceps amarior nobis calix ingeretur, quareturque: Potestis bibere calicem *a*. Animo se respondebimus: Possumus, possumus; divinisi freti viribus, non nostris. Neque vero major est servus Domino suo *b*. Si Ioab dux belli sub pellibus degat, turpe prorsus erit Vriam domi suæ molli lectulo decumbere *c*. Turpissimum, sub capite cruento & spinis redimito, membra delicata, rosas & armillis decorata cinnamomum & balsamum olere.

Nostrum igitur est, exacte scrire, Deo sexcentas esse causas, cur discipulos suos in schola sua exagitet, curis fatiget, doloribus premat; & prorsus aspere tractet. His plagis ad beatam immortalitatem erudimur: hactenus ad vitam sempiternam. Non itaque, ait Augustinus *d*, in flagello deficiamus, ut in Resurrectione gaudeamus.

a Matth. c. 20. v. 22. *b* Ioan. c. 15.

v. 15. *c* 2. Reg. c. 11. v. 11.

d Aug. tom. 10. de verbis Dom. serm. 23. cap. 3.

C A P V T III.

Cur discipulorum aliqui plus aliis in hoc gymnasio vexentur.

Vetus discipulorum in scholis, & civium in urbibus querela est, alios plus aliis exagitari; his plurimum indulgeri, nihil illis corvos dimitti, censuris columbulas vexari.

No

Non rite hoc fieri; civibus æquali jure vivendum esse videri, cum tamen immorigeri, contumaces, ac refractarii plerumque plus favoris obtineant & præmii, quam optimus quisque. Non pauci hac de re conquesti sunt, & quidem sanctissimi viri. Hieremias vates: Quare, inquit *a*, via impiorum prosperatur? bene est omnibus qui prævaricantur, & inique agunt. Iobus de eodem conquestus: Quare, ait *b*, impii vivunt? sublevati sunt, confortatique divitiis. His non minus queritur propheta Habacuc, dum propemodum expostulat hoc modo *c*: Quare respicis contemptores, & taces conculcante impio iustiore se? Sanctissimus rex David in has ipsas querelas devolutus: Mei autem pæne mori sunt pedes, inquit *d*, pæne effusi sunt gressus mei, quia zelavi super iniquos pacem peccatorum videns. Et dixi; ergo sine causâ iustificavi cor meum. Frustra virtutem colimus, si nequitia virtute sit potentior, si amplioribus præmiis ornetur vitium quam virtus.

Quisquis es, oculos in Orbem emitte, & videbis eos hic illic mori, à quorum incolumitate plurimorum salus vertebatur; eos porro superstites vivere, quos nunquam nasci, melius fuisset. cernes sanissimos rapere ac latrocinari: eos qui neminem lædunt, misere conficiari morbis: non paucos impro-

bissi-

a Hierem. c. 12. v. 1. *b* Iob. c. 21. v. 7.

c Habac. c. 1. v. 3. *d* Psal. 72. v. 3.

34 GYMNAS. PATIENT.

bissimorum emergere ad dignitatum apices
honestissimum quemque cum dura egestas
luctari. Quis hæc satis miretur? quis non e-
iam indignetur, passim florere vitium, vir-
tem laudari, & algere! Ipse Augustinus
Nescimus, inquit *a*, quo iudicio Dei bonus
ille sit pauper, malus ille sit dives. Hunc jan-
scopulum, ad quem impeerunt tot integerr-
rimi viri, amoliamur è via. Huic igitur que-
stioni respondendum: Cur in gymnasio pa-
tientia dociliores & modestiores laboribus
urgeantur gravioribus, & plerumque duris
asperiusque tractentur, hoc est, Cur sæpe be-
nis male sit, & malis bene.

1. Humanæ rationi difficile videtur can-
tu, *Viam impiorum adeo prosperari*. Si quis
innocens Abel in Adami familia, occiditur
si quis in ædibus Iacob obsequens Ioseph
in foveam dejicitur, exteris venditur, in ca-
cerem detruditur; si quis fervidus Elias, ad
exilium pellitur, fame cruciatur; si quis pius
Daniel, ad leones damnatur; si quis patiens
Iobus, à diabolo flagellatur; si quis scele-
ratus Baptista, in Herodis vincula trahitur
si quis ardens amore Petrus, ad Neronis gla-
diam rapitur. Evolve sacra oracula à prin-
cipio Geneseos ad ultimum Apocalypseos caput
nil præne crebrius spectabis, quam proborum
calamitates. Ite, mortales, per cuncta re-
sæcula, sacram prophanamque historia
omnem pervestigate, nusquam non lac-

a Aug. lib. 20. de civ. cap. 2.

mas sanctiorum hominum deprehensuri *a*.
 Athenis Sapiens Socrates, Phocion Bonus,
 Aristides Iustus, Miltiades Victor indi-
 gna patiuntur: Aristides exilio, alii morte
 puniti. Idem Romæ M. Cato sapientis viri
 exemplar, virtutum viva imago trahitur,
 vellicatur, truditur, spuris obruitur, præ-
 tura & toga ei detrahitur, è senatu in carce-
 rem ducitur, & uti Socrates, in carcere mo-
 ri cogitur; Rutilius & Camillus in exilio
 vivere; Pompejus & Cicero clientibus suis
 cervicem præbere jubentur. Bonorum exitus
 sæpe mali, sæpe pessimi. Ecquis virtu-
 tem colat, si tam iniqua sunt virtutis præ-
 mia? In vinculis gemit Ioannes Baptista,
 Herodes inter delicias tripudiat, Lazarus fa-
 me moritur, opulentus ille Lazari carnifex
 in purpura quot diebus splendide epulatur?
 Multæ tribulationes justorum *b*, multæ
 prorsus, multæ. Quid hic Deus? an dor-
 mitat, an dissimulat? qui omnes capitis pi-
 los, omnes aëris passerulos, omnia cun-
 cun-que arboris folia habet numerata, nec
 ullum ipso non annuente in terram defluit:
 hasne tot injurias spectare potest & tolerare?
 Quomodo scit Deus, & si est scientia in ex-
 celso *c*? Hic ille scopulus est tot male trepi-
 dantium diffidentia infamis.

O mortales, nec rerum ignarus, nec in-
 justus est Deus, sapientissime, justissime

D

rerum

a Sen. lib. de tranq. c. 15. post inir.

b Psal. 35. v. 20. c Psal. 72. v. 12.

36 GYMNAS. PATIENT.

rerum vices in Orbe mutantur, † ut primi
fiant novissimi, & novissimi primi, ut in-
fontes puniantur, & dimittantur fontes.
Hæc modo Saturnalia vivimus improbi vi-
gent, florent; probi jacent, gemunt, do-
lentque; domini serviunt, servi domina-
tur. Sed hoc quantillo tempore? Aliud de-
cerner Aeternitas. Nunc illi meliori vita
præludimus. Ne miremur in hoc lusu omni-
susque deque verti, Virtutem premi cata-
natis laboribus, vitium delicato frui otio.
Nihil in terra sine causâ sit. Aliquot cau-
sarum pandimus.

I I. Prima: *Conformitas cum Christo*.
Nam quos præscivit; & prædestinavit con-
formes fieri imaginis filii sui b. Filium De-
ad nos misit: sed quam ille nobis, obsecro,
imaginem sui exhibuit? Hominis contem-
ptissimi, calamitosissimi, in crucem acti. E-
tibi, ô homo, quam æmuleris imaginem
cui conformis fias. Omnis vita Christi, cru-
fuit merissima. Et quam tu tibi vitam fingi
quietam, delitiis affluentem, voluptatibus
refertam? Christo, antequam nascatur, na-
talicia domus monstratur stabulum; vix na-
scitur, & ad mortem quæritur: natus no-
eburneas argenteasve cunas, sed stram-
neum præsepe occupat. Infantiam & juve-
tutem inter labores & egestatem exigit. T

† Das hinder vor dem fordern, die umkehr
Welt. ὕστερον πρότερον.

a Iob. c. 5. v. 6. b Rom. c. 8. v. 29.

lis ipsemet: Pauper sum ego, inquit *a*, & in laboribus à juventute mea. Vbi concionari cœpit, contumelias, irrisiones, omnis generis injurias excepit; non defuerunt qui saxa tollerent ad eum lapidandum; qui ad montis jugum ducerent, ad eum præcipitandum. Denique, ad omnium injuriarum coronidem, in cruce moritur, in tumulo non suo sepelitur. Et quemadmodum pati cœpit Christus, antequam natus est, ita pati non desit, postquam mortuus est. Post mortem, jam sepultus audit, *Seductor ille b*. De seipso Christus verissime dixerit: In me transferunt iræ tuæ, & omnes fluctus tuos induxisti super me *c*. Hanc Deus imaginem filii proponit imitandum. † Hic in palatinæ familiæ vestitu color est, hoc principis colore insigniti est, varie affligi. Verissime dictum *d*: Tota vita Christi, crux fuit, & martyrium, & tu tibi quæris requiem & gaudium? Academiis quibusdam mos est, ut qui in domo sapientiæ degunt, unius sint vestitus: ita & Deus alumnis suis in gymnasio Patientiæ concolorem vult esse vestem; paribus cum filio insignibus vult eos amicitari; contemptu, irrisionibus, opprobriis, calumniis, calamitatibus velut veste operiri;

D 2

Præde-

a Psal. 78. v. 16. *b* Matth. c. 27. v. 63.
c Psalm. 87. v. 8. † *Ti verey, oder Hof-*
farb. *d* *Thom. de Kemp. lib. 2. cap. 12.*
num. 7.

38 GYMNAS. PATIENT.

Prædestinavit conformes fieri imaginis filii sui.

Altera causa: *Calamitas & afflictio ignavia stimulus est.* Plerique omnes laboris fugitantes, ad ferias & ad otium propensissimi sumus. Hinc quando cessant stimuli, in somnum ignavissimum delabimur, non sine noxa salutis nostræ. Vestem semper oriosam perducunt tineæ. Agrum ab aratro semper vacantem obtexunt spinæ. Aquam perpetuo stagnantem incolunt ranæ & rubetæ. Hominem extra calamitatis metas positum enervant delitiæ, occupant vitia. Nimirum dum dormiunt homines, venit inimicus homo, & superseminat Zizania a. Dum Samson sinum Dalilæ dormiendo implet, & capillos & robur omne amittit. Philistæi eum excitarunt, sed jam male attonsum & viribus destitutum. Scipio Nasica illud Sapientiæ corculum, vel ideo deleri noluit Carthaginem, ut essent qui Romanos dormire prohiberent. Deus ipse Hethæos, Gergezæos, Amorrhæos, Chananæos, Pheerezæos, Hevæos & Iebusæos robustissimos hostes in medio Israelis stavit, ne Israel vitiis indormiret, haberetque perpetuam pugnandi ac vincendi materiam.

Eo tempore, quo David nondum proclamatus rex, ferarum latibula incolebat, nusquam ab insidiis securus, religioni sibi duxit, vel hostem capitalissimum Saulem

attin-

a Matth. c. 13. v. 25.

attingere; parta tranquillitate, jamque inter delitias otiosus fidelissimum Vriam litterulis occidere non reformidavit.

Ecclesia nunquam florentior, quam cum afflictior inter cruces & gladios suorum martyrum pugnas & victorias spectavit. Eadem cujusque hominis ratio est; cum ab adversis quietus est, in somnum vergit, & vitia cogitat. profecto ni fodiamur, vellicemur, pungamur, in ignaviam defluimus; nisi aliquid intervenit, quod humanæ sortis admoneat, pæne perpetua ebrietate sopimur. Sed observa hic mihi, quid quandoque in scholis faciat magister. Videt is duos suorum in diversis sedilibus dormientes, mox altum inclamans: Tu illic, inquit, dormientem puerum fodica, & somnum ei excute. Alterum dissimulat videre dormientem. Eccur non utrumque jubet excitari? In promptu causâ est. Alter adolescens docilis ac disciplinæ capax, brevi jubebitur repetere prælecta, linguæ ac ingenii prompti, atque hac nota magistro charus: Ille alter Endymion, scholæ fucus est & merus stupor, nunquam fere taciturnus aut bonus, nisi cum dormit. Hunc talem neglectim præterit magister, eumque mavult dormire quam garrere, & ceteros turbare; ita Deus dociliores ceteris sibi commendatiores urget, excitat, exercet: flagellat omnem filium, quem recipit.

III. Tertia causâ: *Augmentum fidei.*

D 3

Descen-

40 GYMNAS. PATIENT.

Discentem oportet credere. Elyfias beatorum fedes, æternos damnatorum rogos credimus, sed qua fide, obsecro, & quam vivâ? oculus eo nequit pertingere, nec ulli cœlo aut inferis remeant, qui narrent quis illic rerum status sit. Hæc cogitatio non neminem torquet. Dixerunt enim cogitantes apud se non recte, non est qui agnitus sit reversus ab inferis *a*. Enimvero utrumque illud firmissime credendum, nisi divinum Numen injustitiæ arguamus. Nam si Deus nec improbis supplicium, nec probis præmium, quod ex pacto vult debere, inter has mortales moras tribuit, certe loco meliore non differet virtutem liberalissime remunerari. Atqui constat virtutis præmium hic plurimis negari, quos dura paupertas, quos morborum series, & agmina malorum cingunt. Sed nec improbis sua stat merces hoc vitæ curriculo, siquidem aura secunda navigant ventosque habent faventissimos, cum tamen procellosissimas maris procellas essent meriti. Illorum itaque spes in dies augenda; hi vero metuant, quem oderunt, futurum judicem. Nemo revera gratis bonus est, nec malus gratis est ullus. Quando igitur nemo tam improbus est, quin subinde, veluti per oblivionem nequitiae, boni quid dicat faciatve, hoc quantulumcunque est, præmio suo quasi extemporaneo non destituitur. At supplicia improborum ad æternitatem spectantia

Ætanta differuntur, non auferuntur: Altissimus est patiens redditor *a*. Quapropter hic fides animanda est, ut è pœnis istis ac præmiis brevioribus, altissime imbibat æternitatis & præmia, & supplicia.

Quarta causa: *Intellectus illustratio*. Valde laborandum est magistro in scholis, ut pueri paulatim sapere discant *b*, & nuces abjicere, ut incipiant scire quam nihil sciant. Hoc ipsum in Patientiæ gymnasio laborat Deus, ut vexatio det intellectum.

Sane quam miseri, quam & fragiles ac caduci sumus, non satis capimus, dum ipsæ nobis miseriæ id persuadeant. Tanto insuper nos ipsos amore deperimus, ut persuasissimum habeamus deesse nobis vires ad multa perferenda. Sed testis in nos experientia, vel invitis oculis ingerit, docetque quanta possimus, si velimus, pro Christo ferre. Ægrotorum plurimi ea patiuntur, quæ sani nunquam reddidissent se pati posse. Sed & hoc patiendo discimus, quam tenuis & exigua sit nostra patientia. Facile cuivis est patientem se gerere, cum quod patiat non habet. Iesæus rex seipsum arguens: Ego dixi, ait *c*, in abundantia mea, non movebor in æternum. Avertisti faciem tuam à me, & factus sum conturbatus. Tam imbellem ac timidum Petrus se nunquam credidisset,

D 4

a Eccles. cap. 2. v. 4.

b Isa. cap. 28. vers. 19.

c Psalm. 29. v. 7.

42 GYMNAS. PATIENT.

disset, nisi tam miserabili lapsu corruisset. In
cœnaculo magnificas sparsit voces: Etsi o
portuerit me mori tecum, non te negabo
etsi omnes scandalizentur; non ego. Sed
paullo post qui esset didicit. Hanc ob causam
Syracides hortatur *a*: Fili in vita tenta
animam tuam, & si fuerit nequam, non de
illi potestatem. Qui non est tentatus quid
scit? Opus est ad notitiam sui experimento
Nemo sciet quid possis, ne tu quidem ipse
si nullam tibi difficiliorem casus det occasio
nem. Quousque tubæ sonitus progrediatur
tunc sciri potest cum tuba inflatur. Pipe
integrum quam sit odoriferum*, tunc senti
tur cum teritur. Testudo aut chelys, quan
correctas habeat fides, tunc cognoscitur
cum manus aut pecten admovetur. Quan
patiens fuerit beatissima Domini Mater, in
stablo Bethlehemi, ex fuga in Ægyptum
sub cruce Hierosolymis patuit. Benjaminus
& Stephanus sanctissimi anachoretæ quan
& ipsi fuerint patientes, gravissimi eo
rum morbi pro testimonio dixerunt. *c* Ste
phanus quidem cum putridos artus chirur
go secandos præberet, ipse interim ne quid
temporis periret, manibus palmas conte
xuit: tamque constanti ore sectiones omnes
pertulit, perinde si corpus non suum secan
dum obtulisset. Cumque alii vel spectando
dolores

a Eccles. cap. 37. v. 30.

b Idem. cap. 34. v. 9. & 11.

c Pall. c. 30. de Steph.

dolores alienos sentirent, Stephanus is: O filii, ait, quicquid Deus facit, ad bonum finem facit. Patiamur, & luctemur dum in stadio sumus. Melius est breviculo dolore corripì, quam suppliciis æternis involvi. *a* Benjaminus, qui annis 80 ad virtutis amulsi omnia egit, & quibuscunque morbis vel attactu solo mederi potuit, ipse miserandum in modum hydrope intumuit. Ad hunc Dioscorus antistes cum Evagrio & Palladio revisens: Adeste, ajebat, & videre obsecro novum Iob, qui dolores incredibili condit patientia, sed & gratias agit, quod ægrotare sibi liceat. Quibus & ipse Benjaminus: Orate, inquit, filii, ne interior homo sit hydropicus. Corpus mihi non profuit, cum illi bene fuit; neque jam me lædit, cum tabescit.

IV. Quinta caussa: *Maximum profectus & argumentum, & incitamentum est afflictio.* Præceptores in scholis plus operæ ab iis exigunt, de quibus amplior spes est eruditionis. Præclarissime Romanus Sapiens hac de re disseruit in hunc modum *b*: Hos itaque Deus, quos probat, quos amat; indurat, recognoscit, exercet. eos autem quibus indulgere videtur, quibus parcere; molles venturis malis servat. Erratis enim si quem judicatis exceptum: veniet ad

D 5. illum

a Idem. Pall. c. 13. & Heraclid. in suo Paradiso cap. 2. sine. *b* Sen. lib. de provid. cap. 4.

44 GYMNAS. PATIENT.

illum diu felicem sua portio. Quisquis videtur dimissus esse, dilatus est. Quare Deus optimum quemque aut mala valetudine, aut aliis incommodis afficit? Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidiis, aut explorent iter, aut praesidium loco dejiciant. Nemo eorum qui exeunt, dicit, *Male de me Imperator meruit*: sed, *Bene judicavit*. Idem dicant quicunque jubentur pati timidis ignavisque flebilia: Digni visi sumus Deo, in quibus experiretur, quantum humana natura posset pati. Hanc itaque rationem Deus sequitur in bonis viris, quam in discipulis suis praeceptores: qui plus laboris ab his exigunt, in quibus certior spes est. Nunquid tu invisos esse Lacedaemoniis liberos suos credis, quorum experiuntur indolem publice verberibus admotis? ipsi illos patres adhortantur, ut ictus flagellorum fortiter perferant, & laceros ac semianimes rogant, perseverent vulnera praebere vulneribus. Quid mirum, si dure generosos spiritus Deus tentat? nunquam virtutis molle documentum est. Verberat nos & lacerat calamitas? non est sevitia: certamen est. quo saepius hoc adierimus, fortiores erimus. Quem diligit Dominus, castigat *a*. Quo sensu Augustinus illustrissime: Boni laborant, inquit *b*, quia flagellantur ut filii; mali exultant, quia damnantur

a Hebr. c. 12. v. 7. *b* Aug. in Ps. 93.

mnantur ut alieni. Ergo ne timeas flagellari, sed timeas exheredari.

Aegyptius Rex Pharaon in Hebræos infantes iniquissime decernens: Si, inquit *a*, masculus fuerit, interficite illum. Origenes Manlianum hoc imperium sic exponit: si ratum quemque videas, unum ex mille, ad dominum converti, & ea quæ æterna sunt quærere, odisse delitias, amare continentiam, &c. hunc quasi masculum necare cupit Pharaon, rex Tartari, mille adversus eum machinis pugnat. Itaque nemini mirum videatur; corvis dari veniam, censura vexari columbas, improbos felices, miseros esse virtutis cultores. Demetrii vox olim erat: Nihil mihi videtur infelicius eo, cui nihil unquam evenit adversi. Simili sensu dicebat Bias, infelicem eum qui infelicitatem non ferret. Hæc sapientum effata Romanus Sapiens illustri testimonio firmans: Brevem, inquit *b*, tibi formulam dabo, qua te metiaris, qua perfectum esse jam sentias: Bonum tunc habebis tuum, cum intelliges infelicissimos esse felices *c*. Quis ergo Christiani sanguinis non miserum se iudicet, eo ipso quod rarius sit miser. Sexcentas hujus rei causas est assignare.

V. Sed esto, nullam indagare causam possi-

a Exod. cap 1. v. 26.

b Sen. lib. de Provid. c. 3.

c Sen. epist. 124. & hoc omnium epistolarum clausula est.

46 GYMNAS. PATIENT.

possimus, cur jure miseri simus; nihilominus nec verbulo pugnandum est contra magistri imperium. An non scholarum more novimus? - i præceptor è cathedra clamat. I, puer, virgis te para; jam adero. At vester discipulus contra mutire audeat, dicatque. *Quare domine præceptor? quid feci?* Magister opponet: Quid tu nequissime? etiam interrogas, cur pœnas des? I, cito, curam quam interrogando geminasti, geminato lues supplicio. Optime Salvianus, velut ludimagistri loco: Quid me interrogas, inquit *a*, quare alter major, alter minor; alter miser, alter beatus; causam Deum nescio, sed ad plenissimam rationem abunde sufficit, quod à Deo agi ista demonstrat. Ita satis sit pro universis rationibus, pœnarum omnium & calamitatum auctorem esse Deum *b*. Ita vult sapientissimus ludi hujus moderator: quid nos miscelli contra hisceamus?

Sionis rex David aliqua hic curiositate ductus, putabat arcani tam abditi reperiaturum se causas: Existimabam, inquit, ut cognoscerem hoc; labor est ante me. Ergo tibi curiosa cogitatio: Si, dicebam *c*, narrabo sic, ecce nationem filiorum tuorum reprobaui: Abelem, Noëmum, Abrahamum, Isaacum, & Deo charissimos quosque graviter

a Salv. l. 3. de Provid.

b De quo part. 2. c. 6.

c Psal. 72. v. 16.

viter accusẽm , si dicam eos à Deo desertos , quandoquidem constat esse flagellatos , aut si iudicem illos frustra studuisse virtuti. Quid igitur dicendum , cum cernamus probos improbosque mixtim flagellari ? Labor est ante me , donec intrem in sanctuarium Dei , & intelligam in novissimis eorum *a*. Causas , cui Deus his parcat , hos affligat , nunquam satis indagabimus , dum in Orbe meliore pugillares Dei liceat inspicere. Quisquis ergo tam impares mortalium pœnas considerat , illud regium proclamet : Iustus es Domine , & rectum iudicium tuum : Ego quidem cum punior , millies me id commertum fateor. Cur puniantur ceteri , meum non est , à Deo ejus rei rationem poscere. Hoc scio ; Iudicia Dei , abyssus multa. Vigilat semper divinus ille oculus , & cum dormire eum censes , connivet.

Ad arcanum hoc rectius intelligendum Augustinus attentionem excitans : Videte , inquit *b* , fratres mei , advertite : illi Deus irascitur , quem peccantem non flagellat. Nam cui vere propitius est , non solum donat peccata , ne noceant ad futurum sæculum : sed etiam castigat , ne semper peccate delectet. Quia in re Deus medicum agit , sed talem , qui exploratissime norit , quid cuivis ægrotorum expediat. Dic mihi , cur medicus huic plus absinthii aut ellebori miscet ,
quam

a Psal. eod. *b* Aug. in Psal. 98. post med.
mihi pag. 453.

48 GYMNAS. PATIENT.

quam illi ? nempe, quia morbus ejus possit
lat, aut natura. Idem cogita de Deo, sicut
Augustini ore sic alloquitur ægrotum a:
go novi quem curo, non mihi det qui ægro-
tat consilium. Tanquam † mordax urit te
sed sanat te. Rogas medicum, ut tollat em-
plastrum; & non tollit, nisi cum fuerit sa-
natum, quo posuerat. Virtus infirmitatis
perficitur. Hinc verissime videtur dictum
Unica & non fallax virtutis obrussa, & pro-
batio est afflictio b.

a Aug. ibid. pag. 454. † Spanische Keyser.
b Lipsius l. 2. de Const. cap. 8. Obrussa est aurea moneta per ignem examinata
& depurgatio.

C A P V T IV.

Quinque pœnarum & afflictionum genera
singillatim explicantur.

I Visserat sibi Magnus Princeps symbolum
pingi hunc in modum: Aquis innatabat
cucurbita, & tanquam fortis suæ intelligens
loquebatur conceptis his verbis: *Luctor,*
non mergor. Nimirum cucurbitas natare docet
corporis spongiosi levitas. Ab hoc sym-
bolo non multum abludit, quod Claudius
Paradinus refert, illustri viro Admiralio
Chaborio, symboli vice ventosam pilam
seu follem fuisse, addita inscriptione, *Con-*
cussus furgo. Nimirum hi folles, verberibus
volare discunt.

Pluri-

Plurimi hominum non aliter quam plagis discunt sapere; tum cælum aspirant, cum eis terra sordere incipit; mentem ad æterna erigunt, cum illis inter caduca & fluxa male est, *Concussi surgunt*, ut folles vento turgentes, qui quo gravius feriuntur, hoc altius volant. Atque hoc priore triplici capite demonstratum est. Nunc progredimur ad ipsas afflictionum & calamitatum formas seu species, quarum decem posuimus.

I. V I R G Æ.

Primum in Patientiæ gymnasio cruciabile instrumentum, quo discipuli castigantur, sunt V I R G Æ. Afflictio nemini non nota M O R B V S est. Ecquis tam firmæ valetudinis, qui non subinde plagas sentiat ab his Virgis? Vix ullus hominum tam sanus est, qui se hominem morbis obnoxium oblivisci possit. Robustissimus quisque interdum morsus & vellicationes sentit. Vel enim caput, vel oculi, vel dentes, vel brachia, vel stomachus, vel crura doloribus tentantur. Et miramur hoc? morborum seminarium sumus & novum sit nos ægrotare? In quovis vitæ genere ægitudini locus est. Mox ubi nascimur, ægrotare incipimus, quod Augustino credemus: Quis enim, inquit ille *a*, non ægrotat in hac vita: quis non longum languorem trahit? Nasci hic in corpore mortali, incipere ægrotare est.

a Aug. in Ps. 102. ante med. mihi p. 473.

50 GYMNAS. PATIENT.

est. Quid ergo ad morbi accessum trepidamus?

Hæc vita morbus est perpetuus. Sed etiam, mihi credite, in morbo virtuti locus a. Hinc vera vox Ambrosii: Infirmitas corporis, sobrietas mentis est: infirmitas virtutum officina est; Atque, ut b Hieronymus loquitur: Satiùs est stomachum dolere, quam mentem.

Fuerunt, sed pauci, qui ad octogesium annum integram valetudinem perduxerint: demum inclinare cœpit domus, demum solvi, & collabi. Hoc sciamus, neminem fere rectius ægrotare, quam qui sanus apud ægrotos id sæpius discit. hic quisque ex seipso quærat: Si tu hoc loco sis, quid facias, quæ te getas, quam sedatus ac placidus loquendo, quam patiens dolores perferendo

Illud desperatissimi hominis est & perditæ vitam amantis, à Magis valetudini subsidium quærere. Nunquid non est Deus in Israël, ut eatis ad consulendum Beelzebub, Deum Accaron? Ad Deum nos morbi trahant, non ad hostes Dei, non ad diabolum.

Hebræi à morbis immunes & cladibus, obliuiscébantur Numinis: At ubi multiplicatæ sunt infirmitates eorum, postea acceleraverunt d. Cauterio collum, pes, brachium inuritur, ut melius habeat caput:

ita

a Idem *serm.* 74. b *Seneca epist.* 76.

c 4. *Reg. c.* 1. v. 3. d *Psal.* 15. v. 4.

P A R S I. 51

ita Deus morborum cauterio perurit corpus, ut valeat spiritus: infirmitas gravis sobriam facit animam, dixit Siracides *a*. Et sane multo melius est ardere igne febrium, quam flammis vitiorum.

Multum demum vitiam voluptatem nausent, cum ægri sunt. Recte dixit Gregorius *b*: Divina dispensatione agitur, ut prolixiora vitia, ægrotudo prolixior exurat. Egent diuturno sæpe flagello mali & inemendati mores nostri Quod si Deus tam aspere percutit ubi parcit, quam aspere percutiet, ubi sæviet? Et quanta illic districtione feriet quos reprobat, si sic cruciat quos amat.

Ioannem anachoretam (Ruffino Aquilejensi teste *c*) quidam è religioso cætu rogavit, à febris tertiana se liberaret: At ille: Rem tibi, ait, necessariam cupis abjicere. Vt enim sapone panni lavantur, sic mentem morbi eluunt. Corporis morbus, animi salus. Virtus in infirmitate perficitur.

Hanc ipsam ob causam religiosissimus olim senex (uti complures memorant *d*) discipulo suo ægrotanti dixit: Ne tristeris, fili, ob morbum corporis. Si ferrum es, per hunc ignem rubiginem exues; si aurum es, novum nitorem indues. Non igitur angaris a-

E nimo:

a Eccles. cap. 31. v. 2.

b Greg. hom. 19. in Eu. propius finem.

c Ruffin. Aquil. c. 1. in vita Ioan.

d Ruffin. lib. 3. n. 157. Pelagius libell. 7.

n. 16. Pasch. c. 20.

52 GYMNAS. PATIENT.

nimo : si Deus torquere te velit , & in morbo esse , tu quis es , qui divinæ resistas voluntati , aut eam moleste feras ? Itaque sustine , & roga Deum , ut quod ipse vult , tu quoque velis.

Profecto si rem ad vivum resicemus. Morbus tanti momenti à Deo munus est , id centum annorum obsequiis rependi non possit. In morbo invitamur ad faciendam pacem cum Deo , quem forsan antea bello impio laceffivimus. Beatus Gregorius : Admonendi sunt ægri , ait , ut considerent quanti sit muneris molestia corporalis , quæ & admissa peccata diluit , & ea quæ admitti poterant , compefcit. Sapientissime dicit Salomon ^a : Livor vulneris absterget mala. Nam , Gregorio interprete ^b , flagellorum dolor vel cogitatus , vel perpetratus nequitias diluit.

Quapropter admonendi sunt ægri , ut se filios Dei sentiant , quo illos disciplina flagella castigant. Nisi enim correctis haereditatem dare disponderet , erudire eos per molestias non curaret. Ideo afflictus & ægri corporis seipsum soletur & dicat : Satis est me amari , satis est spem esse securam. pereat corpus necessario periturum , modo non pereat animus.

Ecquis doleat vetus tuguriolum eo findestrui , ut domus extruatur nova ? Ita nec æger

^a Proverb. cap. 20. v. 30.

^b Greg. part. 3. pastor. admonit. 3. med.

ger, licet vicinus morti, mœreat: Scimus, quoniam si terrestris domus nostra dissolvatur, quod ædificationem ex Deo habemus, domum non manu factam, æternam in cælis a.

Sed objeceris: Valenti ac sano facile est solari ægrum; aliter loquimur, cum aliud sentimus. Quis ægrotorum credat valetudinem fractam, integræ præferendam? Cum bona venia tua, mi homo, hac in re nimis te hominem fateris, & Christianæ disciplinæ plane imperitum. An illud Pauli ignoras? Cum infirmior, tunc potens sum. Hoc ipso sensu Gregorius dixit b: Adversitas vitæ dum asperitate sua sanctos compiimit, valentiores reddit. Caro mollioribus, anima duris nutritur; illa delectationibus pascitur, hæc amaritudinibus vegetatur: & inde spiritus in perpetuum moritur, unde ad tempus caro suaviter vivit.

Sed sine, quæso, tuis hic objectiunculis respondeam: Dura res est dolor, inquis. Sed jure respondetur: Immo tu mollis es.

Pauci dolorem ferre potuerunt. Resp. Simus ex paucis.

At imbecilles natura sumus. Resp. Naturam infamare noli, illa nos fortes genuit.

Ecquis dolorem non fugit? Resp. Sequitur ille fugientes. Si exiguus est dolor, feramus; levis est patientia: Si gravis est, feramus; E 2 mus;

a 2 Corinth. cap. 5. v. 1.

b Greg. l. 29. moral. c. 15. propius finem.

54 GYMNAS. PATIENT.

mus; non levis est gloria. Sed sanus pl
laborarem, plus virtuti operarer. Resp. Im
minus. Nam & in te puta verissime dictum
ab Augustino *a*: Quam multi scelerate san
sunt, qui innocenter ægrotarent. Vitia
ciduntur ægritudine.

O quam dives est, qui sanus est! Resp. Iam
incipis Deo gratus esse: Etiam hoc in
morbi commoda numerandum: Valetudi
nem tunc primum æstimamus, cum amisi
mus.

O quam fractis jam viribus sum! Hic
bi Bernardus responderit: Melius est fractis
laboribus (& doloribus) ad salutem; quam
remanere incolumes ad damnationem *b*.

O quale doloris mancipium sum! Resp.
A teipso oculos in Christum crucifixum fle
cte: aspice virum dolorum & scientem in
firmitatem. Vere enim languores nostros
ipse tulit, & dolores nostros ipse portavit.

Ah quando tandem finis erit tam per
nacis morbi? Resp. Frigidi amoris indicium
est, vix dum bene cœpisse, pro Christo pati
ti, & mox finem suspirare.

Sed si sanus essem, jam me in templo co
lestibus sacramentis expiarem. Resp. Opti
ma, mihi crede, scelerum expiatio est, ve
solum mediocris in morbo patientia.

Ergo, quod beatus Gregorius monet, di
cen-

a. Aug. tract. 7. in Ioan.

b Bern. de inter. domo c. 46.

c Isa. cap. 53. v. 3. & 4.

cendum est ægris, ut si cælestem patriam, suam esse credunt, necessario hic labores velut in aliena patiantur. Quisquis in morbo est, divinæ bonitati se commendans dicat: Virga tua & baculus tuus ipsa me consolata sunt *a*. Hic pungar, hic torquear, hic urar, modo non urar æternum.

Non pigeat, oro te, Lector, videre quæ noster Æternitatis prodromus ad componendos ægroti mores differat. Hic nobis non licet esse prolixioribus.

II. S A G I T T Æ.

Animi mœrores & angores, S A G I T T Æ sunt, omni gladio ancipiti penetrabiliores. Rex David nimio opere has sagittas sentiens: Sagittæ tuæ, inquit *b*, acutæ. Sollicitudines, tædia, mœstitiæ, pavores, ægritudines, animum ut sagittæ vulnerant. Omnium miseriarum pœne maxima est, animum habere faucium. Sicut enim animi voluptas, longo post se intervallo ceteras relinquit voluptates, sic animi dolor & ægrimonia dolores alios longe superat.

Christus reparator Orbis in clivo Olivario, & in monte Golgothæo, non flagellorum ictus, non veprium aculeos, non clavorum cruciatus querebatur, sed animi mœstitiam, & se à patre derelictum in partibulo exclamabat. Ægrimonia Christi fuit inexplicabilis: hinc illæ voces: Tristis est a-

E 3

nima

a Psalm. 22. v. 4.

b Psal. 44. v. 5.

56 GYMNAS. PATIENT.

nima mea usque ad mortem. Et : Deus meus , Deus meus ut quid dereliquisti me ? Animi vulnera omnem doloris acerbiter vincunt. Hinc illud Siracidæ a: Omnis plaga , tristitia cordis est.

Suos quandoque Deus in eas angustias adducit , ut rebus omnibus urgeantur. Et quod supremum malorum est, videntur sibi offensissimum habere DEVM. Spem tamen non ponunt , sed usque & usque clamant: Domine Deus in die clamavi , & nocte coram te. Quia repleta est malis anima mea , & vita mea inferno appropinquavit. Pauper sum ego , & in laboribus à juventute mea. Vel (ut alii legunt) afflicti sum ego , & expiranti similis ; ab adolescentia tui terrores tuos , & trepidavi b.

De Hebræis ex Ægypto proficiscentibus narrant divinæ paginæ c: Et venerunt in Mara, nec poterant bibere aquas de Mara, eo quod erant amaræ, &c. ibi constituit ei præcepta, atque iudicia, & ibi tentavit eum: Hic quæsierit aliquis: Obsecro Domine, num commodior locus sanciendo tuis legibus nullus erat? num deterrimus huic negotio visus esse opportunissimus? Hic sitim ipsæ aquæ exasperant.

Sed quid tibi vis arguatricis ratio? Ibi constituit ei iudicia atque præcepta , & ibi tentavit

a Eccles. cap. 35. v. 17.

b Psal. 87. v. 13. & 16.

c Exod. cap. 15. v. 23. & 25.

tavit eum. Commodissimus huic rei locus fuerat qui incommodissimus. In opimioribus terris, & inter delicias Lex Dei plerunque contemptui est.

Noverca virtutum omnium est felicitas.

Adversis pressi, & rerum suarum trepidi, timere Numen citius discunt, quam quos felicitas ad lasciviam invitat. Pæne nunquam viciniorem habemus Deum quam in arcto constituti. Eam ob causam Nahum propheta: Dominus, inquit *a*, in tempestate, in turbine viæ ejus. Inter fulgura, tonitrua, & fulmina accedit ad nos Deus, tum plerunque nobis propior, cum afflictionis turbo procellosior. Gregorio teste, mala quæ nos hic premunt, ad Deum ire compellunt.

Nobilissimum illud par amicorum Ionathas & David, ita invicem paciscebantur. Ego, inquit Ionathas *b*, tres sagittas mittam, & jiciam quasi exercens me ad signum. Mittam quoque & puerum, dicens ei: Vade & affer mihi sagittas. Si dixerō puero: Ecce sagittæ intra te sunt, tolle eas: tu veni ad me, quia pax tibi est, nihil est mali, vivit Dominus. Quotidie Deus, quovis momento sagittas suas emittit arcu, omne genus ægritudinum in homines effundit.

Quisquis hac tali sagitta tangeris, non expallescas ad vulnus: Ecce Dei sagittæ intra te sunt, *pax tibi est, & nihil est mali.* Hæc

E 4

vul-

a Nahum cap. i. v. 3.

b 1 Reg. cap. 20. v. 20. 21. & 22.

58 GYMNAS. PATIENT.

vulnera sanitatis sunt signa. Sed foede, in-
quis, hæc jacula mentem lacerant, & do-
lores sæpe maximos inurunt. Angi, poen-
tere, tristari, dolere, metuere, horribilia
sunt animorum tormenta. Sint vera hæc o-
mnia. Nihilominus si jacula hæc in te mi-
sa æquo animo admittas, neformida, *par-
tibi est, & nihil est mali, vivit Dominus.*

Regem Hebræum David aspice, qui sei-
psum plus simplici vice vulneratum sen-
tiens: Sagittæ tuæ, inquit *a*, infixæ sunt
mihi, & confirmasti super me manum tuam.
Non tantum in se jactas, sed inherentes &
infixas sibi sagittas ingentiscit. Plurima e-
rant quæ regem hunc sollicitabant, ange-
bantque. Vix nascitur Bethsabeæ filius, &
moritur. Nubili filiæ Thamari ab Amnon
filio vitium offertur. Ipse Amnon temulen-
tus ab Absalone fratre in convivio trucidat-
ur. Hunc ipsum Absalonem degenerem
prorsus filium optimus pater, jam folio pul-
sus, jam diademate orbatus fugere ut ho-
stem cogitur. En quam altis vulneribus in-
fixæ sunt Davidi hæc sagittæ! nec una solum
alterave; sed grandi numero in unius caput
convolatunt.

En quam aculeata fuit illa Nathanis con-
cio apertissime pronuntiantis: *Tu es ille*
vir b. Quare contempsisti verbum Domini,
ut faceres malum in conspectu meo? Quam-
obrem

a Psalm. 37. v. 35.

b 2. Reg. cap. 11. aliquot vers.

obrem non recedet gladius de domo tua usque in sempiternum, eo quod despexeris me. Ecce ego suscitabo super te malum de domo tua. Tu enim fecisti abscondite: ego autem faciam verbum istud in conspectu omnis Israël, & in conspectu solis. Pæne tot sagittæ, quot verba. Nimium quantum hæc spicula ex alto missa penetrarunt cor regium. Sagittæ, & quidem numerosæ infixæ sunt illi. Nec tamen deest solatium; nec animum despondet rex David. Nam etsi sagittæ Dei penetrarent, inhæreant, urant, lacerent, brevi tamen excidunt. Mors certe velint chirurgus omnes extrahit. Etenim sagittæ tuæ transeunt, vox tonitruui tui in rota.

Quotquot in nos Deus sagittas effuderit, brevi omnes auferuntur à Machaonia manu; momentum est paullo productius, quo affligimur. At vero vox illa tonitruui: Ite maledicti, ite ignem æternum, ite, ite; æternum flete, æternum ardete. Heu vocem istam æternitatis rota æternum volvet, tonitruum istud nunquam cessaturum æternis fragoribus pavefaciet damnatos, & velut jaculis nunquam desinet reos configere. Nunc vero transeunt sagittæ Domini, quas ideo argenteas & aureas jure dixeris, nam & à Deo sunt, & cito transvolant, & immortalis præmio donant vel mediocrem patientiam.

Dictamnum cervis caprisque notissima

E 5

her-

60 GYMNAS. PATIENT.

herba, qua gustata sagittas è faucibus membris ajunt excidere, ita Maronem exaudio:

---- non illa feris incognita capris

Gramina, cum tergo volucres hæsere sagittæ
Itane feræ, cum sagittis fauciantur sua norint pharmaca sponte nascentia? & nostra desit ægrimonix medela? Hæc ipsa cogitatio, si paullo sit attentior, de sagittis Domini cito transitoris præstans pharmacum est. quid enim dolores omnes magis mitigat, quam illud serio cogitatum.

---- dabit Deus his quoque finem b.

Quem excipiet Aternitas non finienda. Annæus philosophus Mecænatem in plumis jacentem, & miserum in cruce pendentem conferens: Mecænati, ait c, somnus per symphoniarum cantum, ex longinquo lenes resonantium quæritur. Sed mero se licet sopiat, & mille voluptatibus mentem anxiam fallat: tam vigilabit in pluma, quam ille in cruce. Sed illi solatium est, pro honesto (nos dicamus, pro Christo) dura tolerare, & ad causam à patientia respicit; hunc voluptatibus marcidum & felicitate nimia laborantem, magis his, quæ patitur, vexat causa patiendi.

Animus ægrimonia tabescens, voluptatibus nunquam ex solido sanabitur. Turbatæ menti maximum solatium est, pro Christo dura

a Virgil. lib. 12. *Aneid.*

b Idem. lib. 2. *Anei.*

c Sen. l. de Provid. cap. 3. post med.

dura tolerare, & post celerem mali finem, voluptates expectare æternas.

Ergo duremus, in vicino est beata ÆTERNITAS. Quæcunque dura & molesta, quæcunque gravia & horribilia, quæ quisque patitur in hac vita, ut Augustinus docet *a*, in comparatione æterni ignis, non tantum parva, sed nulla sunt. Suum hæc omnia jam finem prospiciunt; nullo claudetur fine Æternitas.

III. F A C E S.

Accensæ FACES, Paupertatis symbolum sunt. Paupertas efficax virtutis instrumentum est, modo nanciscatur hominem, qui eo possit uti. Varie DEVS hoc instrumento utitur in Patientiæ gymnasio. Sunt, qui eo paupertatis redacti, ut nec pane quidem sat fami suæ mederi possint: Sed nec manu parare victum queunt: digni prorsus miseratione. De his illud Diogenis sumendum: Paupertas non parva ægritudo est. Alii difficultate domestica laborant, quibus fame potior est pudor, † verecundi pauperes. Non minus quam priores digni misericordia. Alii ex egestate quidem pauperes sunt, sed non minus ignavi. è mendicitate non difficulter emergerent, si prius ex ignavia. Laborem fugiunt, ideo in mendicitatis casses incidunt, otiari malunt, quam non esurire.

a Aug. tom. 10. Serm. 190. de tempore ante med. mihi p. 278. † Hansx arme Leut.

62 GYMNAS. PATIENT.

esurire. Alii strenue quidem laborant, sed domesticis malis impediti egestatem non effugiunt. Sunt quos opulentos putes, sed pæne animam debent, æs alienum grande conflant. His optime dixeris: Dives est, qui obarratus non est. Sunt qui sibi ipsis videntur inopes, cum tamen non tam inopia laborent, quam avaritia: victus iis non deest, sed ei pompam etiam adjungere cuperent; non tantum esse ac vestiri, sed edere laute, vestiri splendide vellent: quos sapius audias dicere: *quam multa mihi desunt*! Hi non pauperissimi, sed pæne miserrimi sunt, quibus sorte sua non contentis nil satis est. His proximi sunt, de quibus Chrysostomus dixit *a*: Paupertatis nomen reges non effugerunt. Vnde demum sit paupertas, virtutis efficax instrumentum est, modo illo non male utamur.

Verissime dixit Seneca *b*: Paupertas nulli malum est, nisi repugnant. Chrysostomo, Egestas sanitatis mater est. Augustinus paupertatis encomiastes ausus est dicere *c*: Omnis philosophiæ magistra nobis inopia est. Effatum longe verissimū: quicquid paupertatis hostes contra ganniant. Paupertas artium inventrix, nulli hominum probro est, nisi probroso, uti præclare dixit Basilus *d*: Pauperem compellari, non est probrosum.

Pauper-

a Chrys. hom. 12. in epist. ad Timoth.

b Senec. epist. 123. sine. *c* Aug. in Ps. 76.

d Basil. in Hexam.

Paupertatis igne, hisque facibus adurit nos Deus; ut vel dormitantes exciter, vel peccantes castiget & purget, aut etiam constantes muneret. Iam olim id præmonens *a*: Et convertam, inquit, manum meam, & excoquam ad purum scoriæ tuam, & auferam omne stannum tuum.

Rogarat aliquoties per servos Absalon Ioabum belli ducem, veniret ad se. Nunquam venit. Quid faceret ergo juvenis regius? Fasti regum recensent. Cumque secundo misisset, & ille nolisset venire ad eum, dixit servis suis: Scitis agrum Ioab juxta agrum meum habentem messem hordei? Ite igitur, & succendite eum igni *b*. Haud aliter Deus plurimos, quos aut contumaces habet, aut certe (ni præveniat) contumaciam ostensuros prævidet, paupertatis facibus ad meliora compellit, docetque miterescere.

Id porro in Patientiæ gymnasio cumpri-
mis discendum, ne paupertas res minime mala, nobis sit malum, ea male utentibus. Siracides cautos redditurus: Propter inopiam, inquit *c*, multi deliquerunt. Ut edant mentiuntur, fallunt, furantur, pudicitiam prostituunt, conscientiam vendunt. Hi paupertate optima profecto pessime utuntur.

Aliter in Patientiæ gymnasio agendum discipulis, qui facibus inopiæ aduruntur.

Qui-

a Isa. cap. i. v. 25. *b* 2. Reg. c. 14. v. 29.

c Eccles. cap. 27. v. 1.

64 GYMNAS. PATIENT.

Quivis illorum dicere possit: Igne me examinasti, & non est inventa in me iniquitas *a*. Potius extrema omnia toleranda quam Deus offendendus: Melius est mendicare, quam rapere *b*.

Bernardus calido ad penuriam affectus. Bonum mihi, ait *c*, Domine, tribulandummodo ipse sis mecum, quam regnare sine te, epulari sine te, gloriari. Bonum in tribulatione magis amplecti te, in camino (*Paupertatis*) habere te mecum, quam esse sine te vel in cœlo.

Quid trepidamus, quid cunctamur, quidrefugimus hunc caminum? Sævit ignis, sed Dominus nobiscum est in tribulatione. Si Deus nobiscum, quis contra nos? Ut ergopaupertas nemini noceat, illud animo altissime imbibendum, omnem inopiam à Deo nobis immitti *Bono nostro*: Ut excoquantur ad purum scoria nostra *d*.

Quemadmodum si quando mater filiolum suum purpurea togula vestitum in domus area discursantem ac ludentem, & contra eum Africanos gallos & gallinas († *Meleagridas*) passis alis erectisque cristis insurgentes cernat, mox in aream devolat, & puerulum harum avium iræ subducit, eum-

a Psal. 16. v. 3. *b* Tpsal. 16. v. 3. Chryst. homil. 71. in Matth. *c* Bern. serm. 16. in Psal. Qui habitat. ante finem, mihi p. 559. *d* Isa. c. 1. v. 25. † *Indianische Hanen*, so das roth nicht leiden können.

que amiculo rubro , cui Meleagrides irascuntur , quantumvis flentem exiit , idque parvuli bono facit , nec stultis lacrimis movetur : fleat puer , modo imminens malum exeat. Ita nos Deus sapissime devestit , facultates adimit , penuria premit , sed Bono nostro. hac enim una ratione malis plurimis , & cacodæmoni jam imminenti , & insidiantibus vitiis subtrahimur. At nos infantes vociferamur , ploramus , ac querimur necessaria nobis subtrahi , ad extremam mendicitatem adigi. Quid ô infantes stolidi , quid ploratis , quid querimini ? Bono vestro hæc omnia fiunt. Opes non adimeret Deus , nisi prævideret eas vobis plurimum nocituras ; in egestatem non deduceret , nisi ab æterno prænosset , vos aliter cælo non potituros.

Has igitur curas amantiſſimo patri , imo & matri providentiſſimæ relinquit. Sed quisquis tam invite pauper es , quæſo te , patere tuis iterum obſectiunculis respondeam.

Paupertas , inquis , intolerabilis mihi videtur. Resp. Certe tu illi potius , quam illa tibi.

Deferor & contemnor ab omnibus. Resp. Modo non à Deo ; oculi ejus in pauperem respiciunt a.

O beati divites & opulenti ! Resp. O misera beatitudo ! nam opum collectio plena laboris ; possessio plena timoris ; amissio
plena

66 GYMNAS. PATIENT.

plena doloris est. divitiæ cum amantur, inquietant; cum agitantur, onerant, cum minuuntur, cruciant *a*.

Quid miserius mendicitate? Resp. An forte nescis, nemini non notissima? Lazarus mendicus à morte in sinu Abraham; dives epulo, in medio gehennæ collocatur. Illum Angeli in limbo; hunc diaboli sepeliunt in inferno.

Qui pecunias habet, omnia habet. Resp. Imo nihil habet, si virtutem non habeat: quicquid facere te potest bonum, tecum est. Dives cum dormierit, nihil tecum auferet: aperiet oculos suos, & nihil inveniet *b*.

Possumus etiam in divitiis esse pauperes. Resp. Certe magnus est ille, qui in divitiis pauper est, sed longe securior est, qui caret divitiis.

Heu quam arca mea inanis est, & vacua. Resp. Quid ad arcam respicis? Conscientiam attende: sat dives est, cujus tranquilla conscientia est.

At necessaria mihi desunt. Resp. Fortassis tibi deest industria parandis necessariis: Natura minimum petit: sed animus & oculi sunt insatiabiles. Nam cupiditati nihil satis est, Naturæ satis est etiam parum.

Pauper ubique jacer. Resp. Res honestissima

a Bern. de Convers. ad Cleric. cap. 12. & de quinque negotiationibus mihi pag. 1748

b Job. cap. 27. v. 17.

ma est, læta paupertas: Cuicumque cum paupertate bene convenit, dives est, Non qui parum habet, sed qui plus cupit, pauper est.

Paupertas tam mihi quam aliis plurimum obest. Resp. Nec tibi, nec aliis quidquam obesset, nisi paupertas vestra non ex inopia, sed ex vitio oriretur.

Paupertas in rebus omnibus me impedit. Resp. Dic, *Provehit*: Si vis vacare animo, aut pauper sis oportet, aut pauperi similis. Non potest studium salutare fieri sine frugalitatis cura: frugalitas autem paupertas voluntaria est.

Quicquid dicas, grande malum est paupertas. Resp. Da verbo veniam, obsecro, si te mentiri dicat Seneca, qui testatissime affirmat. Nihil mali esse in paupertate, modo quis nondum pervenerit in insaniam omnia subvertentis avaritiæ a.

Ecquid videtur vobis, ô pauperes, quicumque estis, de hoc tali patre? Videtis panem in manu filioli, simulque observat insidiantem pani molossū, jam jamque ad morsurum pueri digitos. Atque ideo mox panem eripit infantulo, idque prudenter, non invidens cibum, sed præcavens damnum. Ita Deus subsidia vitæ subtrahit, non ut fame perimat, sed ut à vitiis abarceat. An non illinc plerunque virtus exulat, ubi genialiter estur ac bibitur, large dormitur, otiosè dies ducitur; hic certe vitia in regno sunt.

F

Ergo

a Senec. Consol. ad Helviam c. 9. post med.

68 GYMNAS. PATIENT.

Ergo beati pauperes, qui paupertatem non reluctando, Virtuti amicissimam faciunt. Eo generosa vox Pauli spectat: Quæ mihi fuerunt lucra, hæc arbitratus sum propter Christum detrimenta a.

Nemo Deo dignus, quam qui opes scilicet contemnere. Et verè dives est, cui bene cum paupertate convenit. Hinc optime dicit Diogenes: Paupertas virtus est, quæ per se discitur. Res in aperto est: divitiæ innumeros, si non perderentur, perderent. Et quis ille tam cautus, qui has spinas † tractet, & conscientiam non lædat? Sola paupertas ab hoc vepreto non sauciatur. Ad paupertatem non horret, qui beatam immortalitatem aspiciat. Nam, ut vere Gregorius: Quisquis, ait, in solo desiderio æternitatis figitur, nec paupertate conteritur, nec adversitate quassatur.

IV. SERTVM STRAMINEVM.

Omne genus irrisionum, contemptus ac ludibriorum STRAMINEVM hoc SERTVM significat. Tam sæva hoc discipulis animadversio est, quam aliis levis videtur. Fit subinde in scholis, ut magister puerum virgas manu tenere, certoque loco stare jubeat. Hoc puero grandius supplicium est, quam decies virgis percuti. In Hispaniis pileus chartaceus ad rogam ducendis imponitur.

a Phil. c. 3. v. 7. † Divitiæ, Christo spina sunt.

nitur in ludibrium. Sic Orientis Imperator Andronicus, alio in sertum contexto redimitus, & scabioso camelo impositus, miserima triumphi specie per urbem ductus est *a*.

Contemni, irrideri, ludibrio haberi, humana superbia inter pœnas omnium gravissimas numerat. Hoc è stramine sertum, merum aliquibus plumbum, acutissimis clavis undique confixum creditur; aculeatissimus videtur erinaceus. Nihil enim æque horremus ac pudefieri, ignominia notari, aut cogi coram aliis erubescere. Hoc morte ipsa sæpe gravius videtur. Hinc plurimi reorum seipsos in carcere necant ne in spectaculum aut ludibrium produci possint.

Supremo die, quo omnium sæculorum mortui reviviscunt, damnatos magis quam inferorum incendia torquebit, cogi se sistere Orbi, aspici, judicis voce ac digito notari, oculis omnium devorari. Hinc illorum desperatissimæ voces ad alta collium, & prærupta montium. Tunc incipient dicere montibus: Cadite super nos; & collibus, operite nos *b*. Mirius illis videbitur, horribili montium mole sepeliri vivos, quam cogi tribunal assistere, fatalem sententiam excipere, à beatis omnibus Dei hostes proclamari.

Rex Hebræus Saul, hominis ex assè nequam nobile specimen, ubi rerum omnium

F 2

jactu-

a Vide Considerat. Aternitatis. Confid. 5.

S. 3. b Luc. cap. 23. v. 30.

70 GYMNAS. PATIENT.

jaſturam, à Samuele denuntiata, ubi regnum perditum, Dei gratiam amiſſam, ſeipſum à Deo exauſtoratum, deplorata omnia inaudiffet, illud unicum ſibi retentum cupiens: Sed nunc, inquit *a*, honora me, coram ſenioribus populi mei, & coram Iſraël. Adeo rebus deſperatis, hoc unum exhorruit, non amplius honorari.

En ut Saul inſtar ſtruthiocameli calamitates maximas velut ferrum concoquere poſſit, ſed in re, ut videri poſſet, minima ſuccumbat: *Serto ſtramineo* notari acerbior morte iudicat. Quæ demum iſtorum cauſa *ſuperbus erat*. Ad ſuperbiam contundendam, in Patientiæ gymnaſio, nihil aprius quam *Sertum Stramineum*. Hoc omni arrogantiæ deprimendæ nobiliſſimum instrumentum eſt. Non poſſe altos ſpiritus non ſubmittere, qui hoc ſerto redimitus eſt, nec tamen reclamare & indignatur.

Ad videte rem egregiam: Nos quidem ſummiſſi, ac noto nomine *humiles* appellari cupimus, & ſubmiſſionem ſuique deſpicietiam canere pejus & angue odimus. Pæne omnia nobis tolerabilia videntur, ſi removeatur ignominia, quæ vel ſola ſolet opprimere animos, ſed ſuperbos, & nondum domitos. Modo abſit *Stramineum ſertum*, cetera omnia, prout nobis vane blandimur, toleraturos promittimus. Stultiſſima perſuaſio. Et Caſſianus hanc reſellens: Volumus, inquit *b*

a 1. Reg. c. 25. v. 30.

b Caſſia, collat. 4. c. 12. initio.

absque castigatione carnis, castimoniam corporis obtinere: sine vigiliarum labore, cordis acquirere puritatem: cum requie carnis, spiritualibus exuberare: absque ullius exasperatione convicii, patientiæ gratiam possidere; humilitatem Christi, sine honoris mundani exercere jactura; Christo cum hominum laude ac favore servire. Rem verbo dicamus: Humiles esse cupimus, sed sine Humilitate. Modo *Stramineum sertum* non nostro capiti gestandum sit.

Hic neutiquam superbiæ parcendum; nec ullius capiti sertum hoc stramineum magis quadrat, quam qui illud maxime recusat. huic omnino diadema hoc convenit. Eleganter & erudite Seneca: Vnde possum scire, inquit *a*, quantum adversus ignominiam, & infamiam, odiumque populare constantiæ habeas, si inter plausus senescis? si te inexpugnabilis & inclinatione quadam mentium pronus favor sequitur?

In religiosorum ædibus Lectorem mensæ unica subinde vocula *Repete*, plus excruciat, quam omnis alius religiosæ disciplinæ rigor. Atqui luculentum hoc indicium est abstrusæ superbiæ, quæ nihil minus vult quam videri errasse, aut juberi erubescere. Hinc plures tam doctrina quam sui despicientia illustres viri, cum praudentes aut cœnantes legendo pascere: studio nonnullas

F 3

voces

a Senec. l. de Provid. cap. 4. post init.

72 GYMNAS. PATIENT.

voces perperam pronuntiarunt, ut ipsi suam
 erubescere inscitiam monerentur.

Martinus Delrius parentibus nobilissimis
 oriundus (quis fuerit vir iste, tot ipsius libri
 loquuntur) ubi Theologiam aliquot annis
 apud Eburones professus, Tornacum ire iussus
 est, ut ex legibus se voto obligarat, non
 nihil temporis ad quietem sacrasque com-
 mentationes à studiorum tumultibus subdu-
 ceret. Hic ille iterum philosophum Theolo-
 gumque exuens, inter religiosos tirones
 abjectissima quæque munia obiit, & etiam
 ambiit. Lacera interdum & squalida lacerna
 indutus œconomum comitabatur, & quæ il-
 le in foro emerat, per mediam urbem specta-
 te omni populo, ad Collegium deferrebat.
 Senatorius & Censorius bajulus, aliis admi-
 rantibus, aliis vicissim illudentibus. At ille
Stramineum hoc Sertum non exhorruit,
 non rejecit, imo decorum sibi credidit. Post
 annos complures in Societate IESV positos,
 post cathedras Philosophiæ, Theologiæ,
 Concionum cum magna laude diu admini-
 stratas, id unum præ reliquis, domestici om-
 nes in eo stupebant, tantum virum oculis
 caligantibus, & pæne cæcutientibus navi-
 ter & prompto libentique animo, dum alii
 mensæ assiderent, stantem aut in loco ana-
 gnostæ solito incommode sedentem, librum
 aliquem pium de more prælegere, & ad alte-
 rius arbitrium accentus & tonos vel inverte-
 re, vel dirigere. *Stramineum sertum* Delrius
 obviis

obviis ulnis amplexus, hoc unum in seipso erubuisse, si vel senex erubescere noluisse.

Idem beatus Lantfrancus fecit, vir omni litteratura egregie imbutus. Hic cum in cœnobio lectorem mensæ ageret, & ab antistite illiterato, idque contra Grammaticæ leges repetere lecta juberetur, promptissime repetiit, & pronuntiavit omnia, ut jussus fuerat. Ornamento scilicet sibi duxerat *Stramineum* hoc *Sertum*: nec pudebat optimum virum, Christi causa pudore affici. Idem fecit beatus Aloysius Gonzaga, ut res gestæ ipsius testantur.

Cum semel animum virtus induraverit, undique invulnerabilem præstat: nec dolor illum nec ignominia sauciabit. Num tu putas hominem divinæ Voluntati vere devotum, ignominia moveri posse, qui à vulgî opinionibus jam secessit, qui suum honorem omnem jam in Christo reposuit? Plus etiam quam ignominia, est mors ignominiosa. Hanc tamen tot millia sanctissimorum martyrum eodem vultu adierunt, quo alii diademata & purpuram admittunt. Rex ipse martyrum, Christus, mortem longe ignominiosissimam vel ideo etiam tulit, ut doceret suos non refugere ignominiospati, sed facere. Nemo suavius ab alio contemnitur, quam qui seipsum prius contemnere didicit.

Verus sui ipsius contemptor contumelias has omnes infularum loco habet: & tum

74 GYMNAS. PATIENT.

denique sibi plurimum applaudit, & gratulatur, cum largissime irridetur. Siquidem eadem vera est gloria, pro Christo contemptum & probra omnia, minima, maxima, æquanimiter tolerare. Discipuli Christi stipulis prius aut spinis coronantur, quam auro & gemmis.

Rex David Amalecitas infecuturus servum Ægyptium fame & morbo pæne confectum in campo reperit, eumque de patria, domo, gente accuratius interrogavit. At ille: Puer Ægyptius ego sum, inquit *a*, servi viri Amalecitæ: dereliquit autem me Dominus meus, quia ægrotare cœpi nudiustertius. Hunc David exacto iurejurando in comitem adscivit. Hæc secum beatus Gregorius expendens: Hos, inquit *b*, eligit Deus, quos despicit Mundus, quia plerumque ipsa despectio hominem revocat ad seipsum. *Stramineum sertum* neminem damnosa afficit ignominia nisi superbum & impatientem.

Exeamus igitur (ut beatissimus Paulus hortatur *c*) Exeamus ad Christum I E S V M extra castra, improprium ipsius portantes. Ad cruentum Christi in cruce solum ducem habemus Paulum, qui hortatur sequi, Per gloriam & ignobilitatem, per infamiam & bonam famam, ut seductores & veraces *c*.

Comi-

a 1. Reg. cap. 30. v. 13. *b* Greg. in Evangel. *c* Hebr. cap. 13. v. 13. *d* 2. Corinth. cap. 6. v. 8.

Comites in eadem hac via innumeros habemus fortissimos heroas, qui ludibria & verbera experti, insuper & vincula & carceres. Ut coronam adipiscerentur auream, toleranter gestarunt stramineam. Nondum felix, nondum beatus est, qui contemni & irrideri nescit.

V. B A C I L L I.

Humanæ miseriæ quotidie vitam velli-
cantes B A C I L L I S repræsentantur. Nun-
quam profecto deest, quod patiamur: dum
stamus, dum sedemus, dum ambulamus,
dum edimus, bibimus, quiescimus, innume-
ræ sese molestiæ ingerunt, cum incommodis
nostris quotidie rixamur. Dici potest, in hoc
gymnasio magister nunquam *bacillos* de
manibus ponit. Vix ullus est mortalium, cui
non quotidie molestiarum aliquid toleran-
dum. Sed pleraq; ista, propter quæ indigna-
mur, offendunt nos magis quam lædunt.

Religiosissimi Thomæ illius verba a ne-
minem non spectant: Misce es ubicunque
fueris, & quocunque te verteris, nisi ad
Deum te convertas. Dispone & ordina om-
nia secundum tuum velle & videre: & non
invenies nisi semper aliquid pati, aut sponte
aut invite. Convertite te supra, convertite te
infra, convertite te extra, convertite te intra:
& in his omnibus invenies crucem: & ne-

F 5 cesse

a *Imit. Christi lib. 1. c. 22. initio. & l. 2.
cap. 12. num. 3. & 4.*

76 GYMNAS. PATIENT.

cessè est te ubique tenere patientiam, si internam vis habere pacem, & perpetuam promereri coronam.

Hæ miseriæ licet toleratu faciles, quia tamen quotidiani census sunt, meritum mirifice augent, modo Dei causâ tolerentur. Ludovicus Blosius optime docet *a*, non esse minimum quid, molestiam vel minimam pro Deo toleratam.

De omnibus his talibus & molestiis & miseriis illud verissime pronuntiaris: *Onerosum, sed meritorium*: modo is qui patitur, pro Deo patiatur, & animo volente. Nam, ut Augustinus loquitur *b*, Discutit Deus, quid quisque voluerit, non quid potuerit.

Abigail feminarum prudentissima, cum omne genus esculentorum ferret placando Davidi, munus hoc insuper egregia oratione commendans: Erit anima Domini mei, ait *c*, custodita quasi in fasciculo viventium, apud Dominum Deum tuum. Porro inimicorum tuorum anima rotabitur, quasi in impetu & circulo fundæ. Hic sapiens herois illustrissima comparatione discrevit vivendi rationem, quam improbi probique tenent, præsertim in tolerandis vitæ miseriis. Bonæ mentis homines instar recentium florum sunt, quos olitor paullo ante decerpit, & ne diffloerent, in fasciculum colligavit

a Blos. instit. spirit. cap. 2. propius finem.

b Aug. in Psal. 61. prope finem.

c 1 Reg. cap. 25. v. 29.

vit filo. Flores hi arte quidem stringuntur, clamore, si possent, testaturi suum dolorem. Verum hac ratione flores conjuncti manent, & diutius vivunt affusa aqua.

Hoc florum vinculum quotidianas miseria interpretor, quæ si non suavius, certe purius docent vivere. Res exemplo monstratur: Esurio; Vt ergo fami opitulet, coci benevolentiam ambio. Sitio, Sed cellarium agere non placet. ergo famuli operam adhibeo. Veste indigeo. At suere non possum. ergo sartoris industriam quaero. His indigere, miseria quidem est, ac sic nonnihil humanior fio, & aliena opera devincior ad amandum. Si essent qui neminis egerent opera, neminem vel mitiore verbulo dignarentur. *Sic anima proborum custodita est velut in fasciculo viventium.*

Longe dissimillima ratio est improborum. Sentiunt quidem miseria quotidianas & ipsi, sed eos esse lapides dixeris, quos funda rotat quo longius projiciantur. Nolum improbi legibus stringi, laxissimam ambiunt libertatem, cupidines suas sollicitè sectantur, nec arceri se sinunt à suis delitiis. Itaque in funda jacent non ligati, sed *rotantur* huc illuc, in omnes nequitiae species vagi. Tandem post tot petulantiae gyros excutuntur, Repulsi sunt de manu Dei.

Quapropter, ut vetus interpres loquitur: Fasciculus astringitur ut conservetur, lapis

78 GYMNAS. PATIENT.

lapis in funda ponitur, ut abjiciatur. Singuli secum dispiciant, qua ratione quotidiana miseria ferant, an ut flores ligati, an ut lapides rotati.

Rex crucifixus Christus, ad portandam Crucem invicans, non annuam, non mensuam, nec unius hebdomadis, sed quotidianam crucem offerebat, & teste Luca ^a dicebat ad omnes: Si quis vult post me venire, abneget semetipsum, & tollat crucem suam Q U O T I D I E, & sequatur me.

Chrysostomo valde assentior, qui vitam nostram onerariæ navi †, quæ adversa flumine trahitur, simillimam esse dixit. Cogit turbas, tumultum, miseria in hac tali nave assiduas. Hic clamores perpetuos diu nocturne audire cogitis: hic somnus brevior & turbator: hic cibus nauticus, & qualis in ipso navigio incommode coquitur: hic progressus navis morosus & testudineus: hic perpetuæ & aliæ ex aliis molestiæ oriuntur: jam funis rumpitur, jam carina saxo illiditur: jam equus concidit, jam ex equo auriga decedit, jam nauticus explorator * periculum indicit: modo navis offendit & in vado hæret, & quia in ejusmodi navigiis plerumque multum vini vehitur, doliarum viator semper aures obtundit, dum dolia munit ne rimas agant, aut musto rumpan-
tur: cum in navi aliquantula quies foret, è
cælo

^a Luc. cap. 9. vers. 32. † Ainer Hohe nan, seu Corbita hypagoga. * Wagenhalsz.

cœlo turbæ sunt : jam præceps nox hære-
 cogit , jam procellosus ventus jubet sistere ,
 jam pluvix , jam fœdissimæ tempestates aliæ
 aut morari , aut tardius progredi volunt. Hic
 nunquam deest , quod molestum sit. Talis
 omnino vita nostra est , assiduis miseriis ple-
 na , nunquam non ingert quod patiamur.
 Adverso flumine , ait Chrysostomus , in cæ-
 lum navigamus , & tu quæris , ne qua tibi
 difficultas occurrat.

Quotidianas ergo molestias non nisi quo-
 tidiana vincet patientia. Vnusquisque *tollat*
crucem suam quotidie.

Hic plurimum promereri licet non tam
 difficultate tolerandorum , quam assiduitate.
 Recto pietatis sensu Mathois abbas dice-
 re solebat *a* : Malo aliquod leve opus & con-
 tinuum , quam grave quod cito finiatur.
 Non minus patiens est censendus , qui quo-
 tidie suam patientiam velut ad palum exer-
 cet , quam qui grandia fert onera , sed raro.
 Imo fit quandoque ut magna vincamus , &
 in minimis succumbamus : injuriam gra-
 vem ferimus , & pulci aut muscæ impatien-
 tissime irascimur. *O passi graviora* *b* !

Narrat Dionysius Carthusianus , sui Or-
 dinis tironem principio alacrem . & ad om-
 nia promptum , paullatim ccepisse lassescere ,
 & inter onera numerare quæ initio facilli-
 ma videbantur. Illud præcipue religiosum
 juve-

a Pelag. libello 7. num 11.

b Virg. l. 1. Aeneid.

80 GYMNAS. PATIENT.

juvenem vexabat: niger ei cucullus, ut tironi, ferendus erat. hunc ille iniquissimis oculis intueri, & trabalem crucem credere, quod aliorum neminem fatigavit. Fuit ut huic juveni pomeridianum somnum conciliaret altissimi silentii quies. Dum dormit, somniat Christum cum prægrandi cruce per cœnobii ambulacrum incedere, & ascensum moliri per scalas, nec tamen progredi posse, ob immodicam crucis molem. Igitur ille ipse tiro, qui hoc somniabat, visus est sibi accurrere, & adjuvare velle laborantem. At eum Christus torve intuens: Et tu, ajebar, impatientissime, in mea mihi ferenda cruce sis auxilio? Tuam portare nequis, & alios juves? Evigilavit tiro ad has voces, & resipuit, robustiora patientiæ specimina daturus.

Idem nobis frequenter evenit: ardua quandoque perferimus, & à minutulis jaceamus viati: Tironi illi dixissemus: Quid hoc vestimenti genus te cruciat? cucullus, quem horres, ater quidem est, sed levis est, & pro ritu familiæ quam amplexus es, tironibus omnibus gestandus. Dicamus hæc talia, obsecro, & nobis ipsis: Fames, sitis, frigus, æstus, malignum cælum, molesta statio, injucunda ambulatio, plena tædii fatigatio, importuni amici, turbantes liberi, ignavi famuli, uxor iracunda, miseriæ sunt non amœni coloris, sed facili patientiæ; modo eas velimus ferre non repugnanter, ipsa ferendi

rendi assuetudine, molliuntur, & superantur. *Bacilli* sunt, non trabes, & eo plerunque minus feriunt, quo feriunt crebrius. Erudite hic submonens Tertullianus *a*. Absit à servo Christi, ait, tale inquinamentum, ut patientia maioribus tentationibus præparata in stivolis excidat.

Deus Davidi regi amantissime pollicitus: Ego ero, inquit *b*, ei in patrem, qui si inique aliquid gesserit, arguam eum in virga virorum, & in plagis filiorum hominum. Nimirum ut pater aut præceptor discipuli manum ferula solet increpare; levis ictus, & brevis dolor.

Ita DEVS virga virorum, & plagis hominum, miseriis inter homines non ignotis corrigit, ne paterna labante disciplina exlegesimus, in omne flagitium animosi. Tunc enim peccandi crescit audacia, cum metus demitur dandi pœnas. Ideo Sionis Rex: Virga tua, inquit *c*, & baculus tuus, ipsa me consolata sunt. Passus se filium errantem, agnovit patrem leniter castigantem.

Erudite dixit Seneca *d*: Non sentire mala sua, non est hominis; non ferre mala sua, non est viri. Esurire, algere, sitire, ceterasque vitæ molestias subire, *onerosum* quidem, sed tamen *meritorium*. Pergamus hæc tolerare:

Hic

a Tertull. lib. de Patient. cap. 8.

b 2 Reg. cap. 7. v. 14.

c Psalm. 22. v. 4.

d Sen. de Consol. ad Polybium c. 36.

82 GYMNAS. PATIENT.

Hic etiam à lucta non gravi sperandum est
præmium immortale.

CAPUT V.

*Alia quinque genera pœnarum singillatim
etiam exponuntur.*

Festivum apologum recensens Suidas: Abies, inquit, & Rubus jurgio contendebant. Abies Rubo, Rubus Abieti multa improbrabat; ad graves etiam verborum contumelias deicendebant. Tandem Abies Quid multis, inquit, opus est? Vltimum tuum hospitium est furnus, aut fornax, neque enim ad aliud quidquam usui es, quam ut igni teipsum subicias in pabulum. Hoc te fatum manet, hic tibi locus debetur; ab igne demum devorandus es. Ego quidem neque enim nego, durius tactor, ferro succidor, ad molam ferrariam devehor, dentibus ferratis dividor, exinde fabris dolanda & secanda trador, hic etiam pelle mea spoliore: hæc tamen omnia mihi honori sunt & laudi, nam ex me sedilia, domus, navigia, templa fiunt, ubique sum usui.

Hæc vera (sic loquar) in Orbe fabula est. Hoc discrimine improbi probique illi ut rubus demum in flammam abripiuntur, isti abietes rectæ in altum cælo crescunt. Variè quidem afflictionis ferro sauciantur, deiciuntur, circumsecantur, fortunis ut pelle spoliantur. Sed non refert, sic ad ædificium cæ-

leste

leste aptantur, rubis ad ignem destinatis: Abietes dum læduntur ferro, polliuntur, ut jam supra demonstravimus. Et istius quidem polituræ quinque instrumenta, *Virgas, Sagittas, Faces, Sertum stramineum, Bacillos* explicare proposuimus. Addimus nunc quinque reliqua, *Laqueos, Fustes, Pallium, Flagra, Saccum*, usitatam in patientiæ gymnasio suppeilectilem, cujus singulas partes exponemus.

I. LAQVEI & CATENÆ.

His adumbrantur afflictiones cuiusvis statui propriæ. Habet quælibet vivendi ratio suos *Laqueos* aut *Catenas suas*. Vbique vincula sunt, sive arctiora illa, seu laxiora, seu aurea, seu ferrea, vel etiam adamantina. Religiosorum hominum status triplici cohzet vinculo; conjugium simplici, sed illo arctissimo.

Hic cunctis error ponendus est, qui multis misere illudit. Cum nemini crux desit, suam quisque crucem putat ponderosissimam. Oculorum dolorem omnium gravissimum iudicat, qui ophthalmia laborat. Qui vivam in corpore lapidicinam alit, aut calculo uritur, neminem mortalium acerbius quam se torqueri existimat. Qui dentium doloribus urgetur, omnes alios dolores mitiores putat. Quem stomachi rosiones, exulceratio, aut colica exercent, se unum gravissimis tormentis cruciari censer. Ita qui angoribus circumfluit, alia omnia mal-

let perpeti, quam animo angi. Qui morsus & vulnera conscientiae sentit, se unum ad inferos jam dejectum credit. Qui male auspiciatis nuptiis uxorem duxit imperiosam, se omnium miserrimum arbitratur, nec immitius esse pistrinum ullum quam conjugum affirmat. Miles morbo & inopia pressus, sortem suam ut omnium iniquissimam damnat. Quem domi labor velut remigem scamno affigit, infelicissimae conditionis se solum esse ingemiscit. Servorum ac subditorum querelae, omnes alios praeterquam servos, beatos pronuntiant. Magistratus, praesides, & qui ad clavum sedent, suam vendi rationem judicant laboriosissimam. Mercator quem maria & itinera fatigant, civium quietem laudat, & mercaturam, ut turbatissimum vitae genus accuset.

Chrysostomus jam suo avo in has ipsas querelas publice facundus: Oculum habens vitiatum, inquit *a*, nullam aegritudinem aliam, talem esse censet qualem suam: rursum qui stomacho laborat, hoc omnium esse difficilimum asserit: itidem & in tristitia, qua quis detinetur, hanc asserit esse difficilissimam: cum propria enim experientia hoc judicat. Sicut qui filios non habet, nil ita grave putat, sicut filiis carere: qui multos habet cum paupertate, nil tam accusat quam filiorum multitudinem. Privatus, nihil huiusmodi vitae dicit inutilius esse, nihil abje-

ctius.

Alius. Miles nihil esse militia laboriosius, nihil periculosius asserit: satius enim pane solo cum aqua vesci, quam tot ferre molestias, &c. ^a Quot senectam admirantur? Quot beatam vocant juventam? Quare non fuimus senes? dicimus. Cum vero vertex albescit, rursus dicimus. Vbi juvenia? Et omnino multas tristitiæ causas habemus. Vn tantum est ab hac inæqualitate libera via, quæ secundum virtutem est. Cum igitur mala nostra magis sentiamus quam aliorum, nostris grandius inesse pondus credimus quam alienis. Hic ego cum Venusino vate interrogem:

*Qui sit Macenas, ut nemo quam sibi sortem
Seu ratio dederit, seu fors objecerit, illa
Contentus vivat b?*

Cuique sua fors videtur miserrima: propria crux, gravissima crux censetur. Idcirco usitatissimus hic error in gymnasio Patientiæ corrigendus. Atque hoc nemini non persuasissimum sit, omne vivendi genus suis ligati vinculis, suas cuique statui hæere cruces. Elegisti vitæ genus? Illius etiam catenæ ac laquei te sequentur, ne dubita; qui redditus capit, expensas cogitet; qui hæreditatem audit, in partem solvendorum quoque debitorum venit. Vitam religiosam amplexus es? Nil nisi cruces cogita, easque perpeuas. Hic vivere non licet, nisi crucifixo.

G 1 Matti

^a Si qui ob ætatem munere arceantur.

^b Horat. lib. 1. sit. 1. initio.

86 GYMNAS. PATIENT.

Marti te consecrasti? extremam pauperiem, & vulnera, & mortem expecta.

Mercurio te adjunxisti? Non tantum maria & tempestates, sed & † naufragia & fortunarum everfionem prævide.

Musis te addixisti? Quicquid laborum aut tædiorum occurrerit, devorandum erit, aut certe Musis renuntiandum.

Domini te servitio tradidisti? Expende durissima quæque servis toleranda.

Sors aut Natura te dominum fecit? Parate; curarum & sollicitudinum agmina tibi erant sustinenda.

Vxorem duxisti? Habeas ut nactus. Aerumnæ te plurimæ expectant; hæc sacra aliter non constant. Te ipsum sponte in vincula coniecti quæ nemo nisi Mors solvat. Quapropter sumptuosum tibi bellum, familiaræ procellas, quotidianum supplicium, tristitia omnia imaginare. Nam, tribulationem carnis habebunt hujusmodi *a*. Ecquid frustra luctamur? omnis vivendi ratio, status omnis plurimum amaroris habet, & ubique est, quod mordeat.

Divina lege sancitum est *b*. Omnis oblatio quæ offertur Domino, absque fermento fiet, nec quidquam fermenti aut mellis adolebitur in sacrificio Domini. Quicquid obtuleris sacrificii, sale condies.

† *Kauffmanschafft und Banckrotten*, sein nahend gefreunde. *a* 1 Corinth. cap. 7. v. 28. *b* Levit. c. 2. v. 11. & 13.

dies. Mel & fermentum à divinis sacrificiis exclusissima sunt. Neque vero tantum flagitiis abstinendum, sed & voluptatibus, quæ ducunt ad flagitia. Vtrumque repudiatur & mel voluptatis, & fermentum nequitiae. Sale condiendum est, quicquid Deo consecratum cupimus: Nihil enim illi placet, ut Hieronymus loquitur, nisi aliquid in se amaritudinis & mordacitatis contineat. Deus ipse pæne omnia perfundit amaritiae, & multo sale defricat.

Rex David hoc persentiscens: Posuisti, ait ^a, tribulationes in dorso nostro. Equis hanc acrimoniam non sentiat? Addit: Induxisti nos in laqueum. Deus est qui certa vivendi ratione nos vinciat, hos compedibus, istos armillis, illos torquibus, hos catenis, hos funibus; quosdam ferro ligat, loro aliquos, auro alios. Non tamen minus ligatus est qui ferro, quam qui auro ligatus est. In vinculis sumus, & compediti, quodcumque vitæ genus tuemur: ille omnium peritissimus habetur in Patientiæ gymnasio, qui status sui seu laqueos seu carenas scitissime gestare novit, qui Christiana patientia se suis compedibus indulget. Certe ferenda sunt hæc vincula, non rumpenda. Plurimis prodest sic esse victos, ne manuum pedumve licentia exorbitet ab honesto.

illum igitur errorem penitus damnemus,

G 3

qui

88 GYMNAS. PATIENT.

qui suam cuique crucem fingit omnium esse gravissimam. Imo hoc quisque sibi certo persuadeat, se nunquam tanta passum, sed nec passurum unquam, quin alii longe graviora passi deprehendantur.

Ex illo autem errore primo enasci solet alius, cum afflictiones nostras non tantum maximas censemus, sed eas etiam fugere molimur, licet irritò conatu. Hinc agricola ligonem odit & stivam, cæmentarius trullam, faber ferrarius limam, tabularius penam, discipulus disciplinam, maritus exoratur conjugem, famulus herum, puer magistrum; suum omnibus officium sordet; displicet incepta vitæ ratio. Nimirum, propter frigus piger arare non vult *a*.

Hic Paulus altum inclamat omnibus *b*: Vnusquisque in qua vocatione vocatus est, in ea permaneat. Quo tandem modo? Fortiter & agendo, & patièdo. Eam ob causam Paulus in preces etiam descendens: Obsecro itaque vos ego vinctus in Domino, inquit *c*, ut digne ambuletis vocatione qua vocati estis, cum omni humilitate & mansuetudine, cum patientia. Quid enim reluctamur miseri? quid vinculorum nodos rumpere tentamus frustra? Hoc certe unum agimus, ut arctius impliceantur.

Feramus ergo injectas nobis compedes, dum

a Proverb. cap. 20. v. 4.

b 1 Corinth. cap. 7. v. 20.

c Ephes. cap. 5. v. 1.

dum suum capiti diadema veniat. Fois vicina jam dies est, qua canamus assertori nostro: Dirupisti vincula mea, tibi sacrificabo hostiam laudis *a*.

II. NODOSI FVSTES.

Fustibus Nodosis calamitates monstrantur plurimis communes, Tyrannis, Hæresis, Bellum, Peltis, Sterilitas, Fames, Oppressiones, Cædes, Inundationes, Morbi, Naufragia, Ruinæ, Incendia, Terræ motus, Terræ labes, ceteræque clades publicæ. Vtilia prorsus sunt hæc quæ patimur publica mala. Origo eorum à Deo bonorum omnium auctore, capite, & fonte, qui hæc aspera ingerit, ut medicamenta, sensu quidem tristitia, re salubria & eventu.

Fines cladum istarum præcipue tres numerantur *b*. Aut enim *Bonos Deus* exercet; aut Lapso castigat; aut Improbos punit, & hæc omnia nostro bono. Videmus quotidie optimos quosque aut seorsim premi cladibus, aut iisdem pariter involvi cum malis. Videmus & miramur, quia nec causam satis capimus, nec attendimus ad finem. Causa est Dei in nos amor: finis, non læsio nostra, sed fructus. Iuvat enim exercitium hoc non uno modo. Si naturam velis agere, per tempestates doceare: si militem, per pericula: si vere virum, per afflictionis to-

G 4

leran-

a Psalm. 115. v. 16. b Quod & supra asseruimus.

90 GYMNAS. PATIENT.

lerantiam. Doctrina enim viri per patientiam noscitur. Atque hic exercendi; alter castigandi finis est.

Clades quibus castigamur, aut flagelli loco sunt, cum peccavimus: aut freni, ne peccemus. Paterna manus est, quæ lapsos crebro verberat; carnificis, quæ tarde, sed semel punit. Punitio divina ad malos quidem spectat, non tamen mala est, quia non aliud est, quam cohibitio quædam à scelere & repressio. Sic pœna omnis bona, Iustitiæ aspectu, sicut impunitas mala, quæ efficit ut diutius scelesti noceant.

Porro clades publicæ, ut Bella, Fames, Pestis, aliæque iustissime à Deo immittuntur. Neque est quod eas graviores priscis aut novas credamus. Et olim talia longèque graviora. Hoc quidem ævo ab Anno Christiano millesimo sexcentesimo decimo octavo, totam pæne Europam belli flamma depasta est, per duodecim jam annos: nec dubium quin aliquot centena millia hominum morbo, fame, gladio perierint. Sed nihil hoc novi. In una olim Hierosolymorum urbe, per omne tempus obsidionis mortui aut cæsi, *decies centena millia*, capti nonaginta septem millia. Quo quidem tempore in Iudæa diversis locis, *duodecies centena & quadraginta millia* Iudeorum occisi sunt, præter innumeros qui fame, exilio, miseris perierunt. En cladem unius solummodo gentis! Quantula tamen illa

2 Prov. c. 19. v. 11.

ho-

hominum terrarumque pars, si conferatur cum Europa nostra?

Quid jam alibi gentium? Vnum bellum Punicum secundum in solis Italia, Hispania, Sicilia, supra *quindecies centena millia*, non totis septemdecim annis consumpsit. Bellum civile Cæsaris & Pompeji ad *trecenta millia* hominum glutivit. Bruti, Cassii, Sexti Pompeji largiorem sanguinem fuderunt. Vnus C. Cæsar (ô pestem perniciemque generis humani!) fatetur, & quidem gloriabundus, *Vndecies centena & nonaginta duo millia hominum praliis à se occisa*. Pompejus Magnus in delubro Minervæ inscripsit, *Fusa à se, fugata, occisa, in deditio-nem accepta hominum vicies semel centena octoginta tria millia*. Quibus velut in numerum addo Q. Fabium, *qui centum & decem millia Gallorum*. C. Marium *qui ducenta millia Cimbrorum*: Posteriori ævo Aëtium, qui memorabili Catalaunico prælio *centum sexaginta duo millia Hannorum* occidit. His jungo Mithridatem regem, qui una epistola *octoginta millia* civium Romanorum negotiandi causâ per Asiam dispersa interemit.

Neque tantum cadaverum strages in bellis, sed oppidorum ac urbium. Cato Censorius gloriatur, plura oppida se in Hispania cepisse, quam dies in ea egerit. Cepit autem quadringenta, si Plutarcho fides. Sempromius Gracchus, ut Polybius refert, *trecenta* in eadem delevit.

92 GYMNAS. PATIENT.

Quid jam de morbis & varia lue memorem : In Iudæa pestis una sub Davide rege septuaginta millia hominum absorpsit, die non toto. Sub Gallo & Volusiano Imperatoribus, pestis ab Æthiopia exoriens, omnes Romanas provincias pervasit, per quindecim continuos annos incredibiliter exhaustit, & innumeros mortalium ad plures misit. Vix alia unquam major, seu temporum, sive terrarum spatio fuit. Sævitia tamen insignior illa, quæ Byzantii finitimiſque locis grassata, Iustiniano principe, cujus vis tanta, ut in singulos dies quinque millia funerum daret, interdum etiam decem millia *a*. Nec minus miranda Africana pestis, quæ eversa Carthagine orta, in sola Numidia *octingenta millia* hominum delevit, in maritima Africa *ducenta millia*, & apud Uticam *triginta millia militum*. In Græcia, Michaelis Ducæ imperio, tanta pestis sævitia fuit, ut vivi prorsus pates non essent sepeliendis mortuis *b*. Denique Petrarchæ ævo, tam valida in Italiam pestilentia incubuit, ut ex millenis quibusque hominibus vix decem superessent.

Iam de fame nihil profecto nos, aut æras nostra, vidimus, si videmus antiqua. Sub Honorio Imperatore Romæ tanta caritas omnis annonæ fuit, ut homines hominibus

a Procopius lib. 2. de bello Persico. Agathias lib. 5. hist. *b* Zonare verba sunt. Sub annum Christianum 1359.

bus jam imminerent, & in Circo palam audita sit illa vox, *Pone pretium Humanae Carni*. In tota Italia vastantibus eam Gothis, sub Iustiniano. iterum tanta, ut in solo Piceno *quingenta millia hominum* fame interierint, & passim in usum ciborum versæ sint carnes non solum humanæ, sed humana etiam excrementa.

a Ævo regis Hispaniarum Habidis, terræ aërisque siccitas viginti sex annis tanta fuit, ut fontibus fluviiisque omnibus, præter Iberum & Bætum præ ariditate consumptis, humoreque penitus exsiccato, quo partes terræ pulvisque coagmentantur, agri in vastos hiatus abirent. Hinc facultas alio commigrandi sublata multis, qui vitæ sustentandæ necessitate adaçti fugam meditabantur. Sic Hispania locis præsertim mediterraneis, herbarum & arborum honore nudata (paucas quasdam arbores ad Bætis ripam conservatas ajunt) bestiis & hominibus fame consumptis, in solitudinem & in vastitatem miserabilem redacta est. Regum nobiliumque progenies à stirpe defecit, tenuioribus, quibus res angusta domi fuerat, neque in multos dies paratus commeatus, in vicinas provincias, locaque maritima tempestive dilapsis. Exactis tandem viginti sex annis post maximam vim ventorum qui subsecuti sunt, & arbores omnes radicitus convulserunt,

a Ioan. Mariana, lib. 1. rerum Hispanic.

94 GYMNAS. PATIENT.

runt, copiosis pluviis depulsum est malum. Incolarum aliqui, sed aliis permixti gentibus, ad sedes pristinas reversi, Hispanorum gentem & nomen ferme ad interitum perductum instaurasse creduntur. Sic Hispaniz sentiunt Historiæ. Sileo nota.

Quid jam vetera tributorum exempla memorem? Pleræque omnes provinciæ sub Romano Imperio, fructuum ex agro pascuo *Quintam* quotannis persolverunt. *Decimam* ex agro arvo †. Nec defuere Antonius & Cæsar, novem decemque annorum tributa exigere in annum. Iulio Cæsare interfecto, cum arma sumpta pro libertate, singuli cives *Vigesimam quintam* omnium bonorum dependere cogebantur. Et hoc amplius: Senatorii ordinis omnes, in singulas ædium suarum tegulas, *sex asses* conferre iussi sunt. Tributum immensum, nostrisque censibus vix credendum. Octavianus Cæsar *octavam* omnium bonorum partem à libertis exegit, & accepit. Omitto quæ Triumviri, quæ alii tyranni patraverunt.

Porro exactiones omnes ac rapinas longe superabant Romanorum coloniæ, quibus in subditos nihil cogitari potuit tristius. Deducebantur passim legiones cohortesque veteranæ in agros & oppida: miseri provinciales momento temporis, bonis & fortunis omnibus provolvebantur, idque nihil

† *Ager arvus qui arari solet & feri. pascuum qui pascendo pecori aptus.*

ausi, nihil meriti : pro crimine opeseorum, aut opimi agri fuerunt. Miserum est numis spoliari : quid etiam agris reſiſque? Grave illis pelli : quid tota patria? Diſtrahebantur ecce aliquot millia hominum, liberi à parentibus, domini à familiaribus; uxores à vitis, & in varias terras, ut ſua cuique forſuit, ſpergebantur : alii in Africam, pars in Scythiam aut Britanniam coacti ſunt migrare. Solus Octavianus Cæſar in ſola Italia viginti octo colonias collocavit, in provinciis quot libuit. Hoc profecto gurgès calamitatum omnium fuit.

Quid jam Inundationes, Terræ motus, Incendia, Ruinas commemorem, quæ totas non raro civitates hauſerunt. Fidenis Tiberio principe, collapſi Amphitheatri ruina, viginti millia hominum & amplius perierunt *a*.

Clades in omni Orbe, & omni ævo fuerunt eruntque. Illud potius mirum, ſi exlex quiſquam ab hac communi lege neconus ferat, quod ferunt omnes. Solon amicū quendam Athenis graviter lugentem in arcem deduxit, & ſubjeſtas omnes in magna urbe domos oſtendens: Cogita, inquit *b*, quam multi luſtus ſub his tectis olim fuerint, nunc verſentur, poſtea futuri ſint; ac mitte lamenta vana, animumque

a Tranquillus de Cæſar. Tacitus in Annal.
Alii. *b* Lipsius lib. 2. Conſt. cap. 20. & ſeqq.

96 GYMNAS. PATIENT.

que contra hæc obfirma. Idem omnibus ingerendum, qui nostra tempora ut omnium luctuosissima deplorant: Obfirmate animum. Quod damnum putamus, remedium est. Hac miti calamitatum ferula *Deus* crimina nostra velut depurgat & expiat *a*. Transeundum est per ignem & aquam, & educet nos in refrigerium. Obtinuisti primum, expecta secundum.

III. PALLIVM.

Illam afflictionem *Pallium* voco, quam quis ipse sibi creat, aut aliunde advenientem auget vanis persuasionibus. Nimirum talis cuique quælibet res apparet, qualem ei vestem aut pallium ipse induerit. Incredible dictum est, quantum hîc seu imaginatio, seu Opinio possit. Opinione sola & ægrotamus, & etiam quandoque morimur. Fit nonnunquam ut duo quidam simillima, & eadem pæne cruce premantur: alter excitatoris animi suam putat esse chartaceam, alter abjectioris & tristioris suam putat prorsus plumbeam. Hic non res, sed opinio diversa est.

Sæpissime tantæ molis ac ponderis crux est, quanti eam putat is esse qui portat. Mala nostra ad opinionem nostram aut crescunt, aut decrescunt. Gravia patitur, qui hoc unum sibi jam persuasit, se pati gravia.

via. Grande prorsus imperium est imaginationis in morbos, & in omnia quæ patimur mala. Sunt qui Imaginationem pluviam assimilent, quæ suo in terram illapsu ranunculas sexcentas procreat. Hanc alii cum tonitru contendunt, quod oves abortire facit, & apum mel acore corrumpit.

Non male Imaginato Venetorum conspiciis conferatur, quæ turbam è viginti circiter militibus, aspectabilem repræsentant exercitum. Quidquid in Orbe magnum est, subsideat, si ei vanum imaginationis tumorem ademeris. Cogitationes meticulosæ, suspensiones, æmulationes, & mille hujusmodi, quæ vitam misere discruciant, imaginationis sunt ludibria. Imaginato vigilantium est somnium, quod mille phantasmata, modo ridicula, modo horrida objectat. Vulgi verbum est, *Imaginato facit casum*. Hic non minus vere dixerim: Imaginato aut fabricat crucem, aut certe aggravat. Quemadmodum is, qui pontem angustum transit, aut altum scandendo petit, tum demum ruere incipit, cum ruiturum se imaginatur, ita prorsus frequentissime calamitosus fit, qui se talem esse arbitratur.

Qualem rebus imaginem imponimus, aut quale iis pallium injicimus, tales nobis apparent. Id Ioannes Climacus tali narratione confirmans: Cum in cœnobio, inquit,

98 GYMNAS. PATIENT.

quit *a*, ad mensam confedissemus, cœnobii præses in aurem mihi insusurrans: Vis, inquit, pater, ostendam tibi religiosissimam cum extrema canitie prudentiam? Cumque id summis precibus orarem, nec quidquam me magis velle dicerem, advocavit præses è proxima mensa sacerdotem senem octogenarium qui sacrario præerat, & quadraginta octo annos in monasterio cum laude posuerat. Vocatus hic senex promptissime venit, & abbatis genibus advolutus solennè precationem expetiit, eaque data surrexit, & ad mensam, quid abbas mandaturus esset, stans expectavit, idque sub initium prandii. Abbas suavissime omnia dissimulans, neque senem abire iussit, nec quid ipse veller, imperavit, prandium autem omni studio contra morem protrahi curavit. Duabus fere horis patientissimus senex stetit, immoto gradu, & quidem impransus. Climacus hæc secum tacite admiratus, erubescere vel obliquo oculo incanum illud & venerandum caput tangere. Itaque perstabat dignissimus cœlo senex ad prandii finem. Remotis mensis, cum omnes surgerent, iussus est abire, & initium trigesimali noni psalmi Ildoro recitare *b*. Climacus in stuporem datus hoc spectaculo, & religiosa curiositate

actus

a Climac. grad. 4. pag. 7. ab initio quarti grad. *b* Expectans expectavi Dominum & intendit mihi. Psal. 39. v. 1.

actus, senem illum statorem ad colloquium secretum sevocans : Et quæso te, inquit, mi Pater, quid tanto tempore impransus & stans ad mensam cogitasti ? Cui senex placate : Imaginem Christi præsidii meo imposui, ait, neque enim hoc hominis iussum, sed Dei esse credidi. Quare non ad mensam, sed ad aram me stare persuasus, Deo preces adhibui, nec ullam maligniorem cogitationem adversus præsidem admisi.

En artificium nobile in patientiæ gymnasio plane usurpandum. Imaginem Christi, ait optimus senex, præsidii meo imposui. Talis scilicet unaquæque res nobis apparet, qualem imaginem, vel quale nos ei pallium injecerimus, qualem scilicet eam nostra finxerit imaginatio. Si nos ei pallium lugubre ac nigrum circumdederimus, aspectu mœsto feriemur; si leve ac grati coloris, impavida eam æquanimirate complectemur.

Subinde tamen, quisquis nimium dolere non vis nudam rei faciem intueri, & quod prius horrorem ac mortem intentabat, jam risum excitabit. Quod videmus accidere pueris, hoc nobis quoque majusculis pueris evenit. illi quos amant, quibus assueverunt, quibuscum ludunt, si personatos videant, expavescunt. Non hominibus tantum, sed & rebus persona demenda est, & reddenda facies sua ^a. Inspice, oro, penitus quid sit

H ægrota-

^a Seneca epist. 24. med.

100 GYMNAS. PATIENT.

ægotare, quid sine culpa sua pauperem esse, quid humanum favorem amisisse, vide quid sit immerentem injuria affici, quid virtute præditum contemni ac vituperari, & hæc omnia terribiles malorum larvas dices, sed pueris solum formidandas.

Plurimorum imaginatio morbum, ut malum maximum; paupertatem, ut extremum vitæ dehonestamentum, injurias, contemptum, vituperia, favoris jacturam; invidiorum vexationem, ut rem longe deterrimam, velis remisque fugiendam intuentur. Ita è formicis elephantos, è canis us pantheras & tigrides, è lepusculis nescio quos belluarum, & terribilium portentorum exercitus effingimus. Ita centies morimur, antequam periculose ægrotemus, ita nos Iro & Codro pauperiores credimus, paupertate vix à limine salutata; ita quandoque victoriam amissam & desperata omnia proclamamus, antequam hostis in conspectum veniat; vix absinthiten labris primoribus gustamus, & totos absinthii montes devorandos esse metuimus; vix spinulam calcamus, & gladios ac vulnera somniamus. Ita malis nostris plurimum adjicimus, & nobis ipsis mentimur. Omnia quæ patimur, opinione nostra majora fiunt, & sæviora.

Quis hæc mortalitatis ludibria satis æstimet: Plura sunt quæ nos terrent, quam quæ premunt, & sæpius opinione quam re laboramus. Quædam nos magis torquent, quam debeant;

debeant; quædam ante torquent, quam debeant; quædam torquent, cum omnino non debeant. Aut enim augemus dolorem, & fingimus, aut præcipimus. Plerumque enim suspicionibus laboramus, & illudit nobis illa, quæ conficere bellum solet, fama *a*. Sic accedimus opinioni, nec coarguimus illa, quæ nos in metum adducunt, nec excutimus, sed trepidamus, & sic vertimus terga, quemadmodum illi, quos pulvis motus fuga pecorum, exuit castris, aut quos aliqua fabula sine auctore sparsa conterruit. Nescio quomodo vana magis perturbant. Vera enim modum suum habent: quicquid ex incerto venit, conjecturæ & licentiæ paventis animi traditur. Inquiramus itaque in rem diligenter.

Quam multa non expectata venerunt, quam multa expectata nunquam compa-
ruerunt! Etiam si futurum est quod times, quid proderit dolori tuo occurrissè? satis cito dolebis, cum venerit: interim tibi meliora propone, & noli sollicitus esse in crastinum. Crastinus enim dies sollicitus erit sibi ipsi. Sufficit diei malitia sua *b*. Id quod metuimus, fortassis erit, fortassis non erit; interim dū non est, mittamus tam vanos metus.

Nonnunquam nullis apparentibus signis, quæ mali aliquid pronuntient, animus sibi

H 2 falsas

a Livius lib. 27. Fama bellum conficit, & parva momenta in spem motumve impellunt animos. b Matt. c. 6. v. 34. seu ult.

falsas imagines fingit, aut verbum aliquod dubiæ significationis detorquet in pejus, aut majorem sibi offensam proponit alicujus quam est, & cogitat non quantum iratus ille sit, sed quantum liceat irato. Sic dubia pro certis expavescimus, nec servamus modum rectum; statim in timorem venit scrupulus. Ergo spem ac metum examina, & perturbare te desine.

Præclarissime dixit Epictetus *a*: Homines perturbantur non rebus, sed iis quas de rebus habent opinionibus. Verbi causa: Mors non est malum; alioqui enim & Socrati ita visum esset: sed opinio de morte, quæ malum eam facit. Cum igitur impedimur aut distrahimur: non alios culpamus, sed nosmetipsos, hoc est, nostras opiniones.

Hoc ipsum Annæus explicatissime confirmans; Opinio est ergo, inquit *b*, quæ nos cruciat: & tanti quodque malum est, quanti illud taxavimus. In nostra potestate remedium habemus.

Itaque in patientiæ gymnasio cruces pretiosæ aut viles, ponderosæ aut leves sunt: prout discipuli pretium eis dant, aut pondus. Tam miser est quisque, quam se esse credit.

IV. FLA.

a Epictet. Enchiri. c. 10. *b* Senec. Consol. ad Marciam cap. 19.

IV. FLAGRA.

Inter gravissimas afflictiones non immerito censentur illæ, quæ à Lingua sunt, Objurgationes, Convicia, Obtrectationes, Contumeliæ, Calumniæ, Exprobrationes iniquæ, Accusationes falsæ, & quicquid ab illa malorum Lerna, à Lingua mali est. Huc referendum, cum negantur petita, postulantur ingrata; imperantur dura. Atque hoc omne afflictionis genus *Flagra* nobis ob oculos ponunt. Graves hinc ictus, & plagæ proisus acerbæ, quæ ossa vel ipsa comminuant, præsertim si ab iis exagiteris, à quibus id minime expectes.

Solymæus rex olim queritur a: Si inimicus meus maledixisset mihi, sustinuissem utique. Et si is qui oderat me, super me magna locutus fuisset, abscondissem me forsitan ab eo: Tu vero homo unanimis, dux meus & notus meus, qui simul mecum dulces capiebas cibos, jam etiam in me calces elidis? *Et tu fili*, dicebar Bruto Cæsar, cum in curia confoderetur. Hic breviter solatia, velut unguentum instillamus vulnerei.

Primum: Hic nemini parcitur, nec quidem cautiissimis, nec etiam sanctissimis. Et hi quoque cæduntur ac flagellantur linguis.

H 3 Flagel-

Flagellum linguæ, ait Siracides *a*, omnibus communicans. Hieremias vates prius sanctus quam natus, nihilominus queritur, &: Væ mihi mater mea, inquit *b*, quare me genuisti virum rixæ, virum discordiæ in universa terra? Omnium jurgiis & pessimis imprecationibus expositus erat.

Parum erat Iobum à Satana immanissime cruciari, nisi sua eum & uxor, & cognati linguis etiam dirissime flagellassent. Vri aromata longe lateque odorem emittunt, si teras: sic virtutis fama diffunditur, si premas. Sunt & animalia quæ verberata gratissimum spirant odorem: talis omnino Iobus, qui quo plures accipiebat plagas, tanto suaviorem patientiæ odorem halabat. Illius carmen agnosce. Beatus homo qui corripitur à Deo *c*: increpationem ergo Domini ne reprobes.

Alterum solatium: Divina protectio, quæ quidem hoc efficit, non ut non sentias hæc flagra, sed ut ea tantopere non noceant. A flagello linguæ absconderis, inquit Iobus *d*, & non timebis calamitatem cum venerit. Huic rei hoc nomen ex assè convenit, siquidem flagellum linguæ, non dolorem tantum, sed vibicem ac livorem facit, famæ ac nomini notam imprimit. Dein, uti flagra plerunque tergum petunt, sic obtrectatio-

a Eccl. c. 26. v. 9. *b* Hierem. c. 15. v. 10.

c Iob. cap. 5. v. 17.

d Iob. cap. cod. v. 22.

ationes à tergo lædunt. Sed quisquis hæc pateris, erige animum. Absconderis ab hoc flagello : tuebitur te Deus, ne mendacium & calumniæ tibi noceant, aut certe si quid nocumenti ferant, id nobiliori bono fariatur.

Tertium : His flagris admoti maximam suorum criminum partem expiant, si se decore ac patienter hic gerant. Romæ olim a Lupercalibus juvenes caprinis pellibus incincti per ludum currebant, obviamque turbam petebant loris : ultro iis mulieres occurrere, & palmas feriendas præbere assuêrant, partus facilitatem ab his verberibus sibi dari arbitrata. Hoc Romani mense Februario facitabant : apud nos Luperci quotidie modo huic, modo illi cum flagris imminere, percussuri etiam innoxios. Hic expedit se iis non negare ; imo vero sæpissime non possumus, etsi velimus. Hæc autem flagellatio æquo animo tolerata, mortem beatam conciliat.

Res maximi momenti est, scisse de se alios male locutos, & sustinuisse. Ideo Bernardus ad perferenda hæc flagra promptissimus : Ego, inquit *b*, plagis conscientia meæ nullum judico accommodatius medicamentum probris & contumeliis. Non est proinde quod commovear, homuncio sum omni opprobrio dignus & despectione.

H 4

Quod

a *Alexander ab Alex. lib. 4 dier. gen. initio.* b *Bernar. in Epist.*

Quod Seneca Romanis, id quisque suis ob-
trectatoribus dixerit: Gemite, & infelicem
linguam bonorum exercete convicio, insta-
te, commordete: citius multo frangeris
dentes quam imprimetis *a*.

Quantum. Improbrium, obtrectationes
& calumniæ, nullius hominis causæ ad
tribunal divinum examinandæ vel mini-
mum obsunt, imo profunt plurimum. Di-
gna Hieronymo vox: Apud Christianos
non est miser qui contumeliam patitur, sed
qui facit. Christus luculentissime: Beati-
stis, inquit *b*, cum maledixerint vobis ho-
mines, & persecuti vos fuerint, & dixerint
omne malum adversum vos, mentientes
propter me; gaudete, & exultate, quoni-
am merces vestra copiosa est in cælis.

Vocem Domini secutus Petrus: Si ex-
probramini, ait *c*, in nomine Christi, bea-
ti eritis. Hoc nimirum Christo similem red-
dit, hoc Angelum efficit. Sapiens illa The-
cuitis Hebræum regem impensissime lauda-
tura: Sicut Angelus Dei, ait, sic est, Do-
minus meus rex, ut nec benedictione, vel
maledictione moveatur *d*.

Adversus hæc linguæ flagra insigniter
quemvis erudiens Gregorius: Inter verba
laudantium, sive vituperantium, inquit *e*,
ad

a Senec. de beata vita c. 19. *b* Matth. c. 5.
v. 11. *c* 1 Pet. cap. 4. v. 14. *d* 2 Reg.
6. 14. v. 17. *e* Greg. lib. 8. epist. 43.

ad mentem semper recurrendum est, & si in ea non invenitur bonum quod de nobis dicitur, magna tristitia generari debet. Et rursum si in ea non invenitur malum, quod de nobis homines loquuntur, in magnam debemus lætitiā profilire. Quid enim si homines laudant, & conscientia accuset? Aut quæ debet esse tristitia, si omnes accusent, & sola conscientia nos liberos demonstret?

At, plusquam credi potest, dolet (dixerit quis) calumniis & mendaciis sic temere flagellari. Doleat sane; quid tum postea? Dolere pro Christo & cælo, summum sit solatium Christiano. Doles de te hæc dici? plus doleas, si vera sint quæ dicuntur, si tua tibi conscientia opprobret: En, ita te geris, ut in ora hominum abieris. Quem vero conscientia tutatur, affirmatque inania & falsa esse quæ à malevolis jactantur, ille non acerbe ferat quoscunque aliorum sermones. Cur enim dolent, si non nocent? quod si etiam noceant. Deus profecto quicquid hoc nocumenti est, præmio decuplo pensabit. Qui deliquit, quique sermonibus causam dedit, is seipsum accuset, si male audiat. Iustus autem quasi leo confidens, absque terrore erit *a*.

Babylonius rex Balsasar dum inter mille optimates ad epulum regium accubuit, manum vidit in proximo pariete scribentem;

H 5 . . . ea re

a Prov. c. 28. v. 1. Sic Biblia emendata.

108 GYMNAS. PATIENT.

ea re sic territus est, ut expalluerit, omnibusque artubus contremiscere cepit. Quæ obsecro, tanti terroris causa: Vidit manum. Ecqualem? Hominis. Ergo rex humanam manum sic timeat? Si leonis, aut ursi, aut draconis ungues vidisset, causa formidinis aliqua fuisset. Sed unius hominis dextram quid tantus monarcha metuat, ad cuius nutum mox centena alæ equitum advolassent subsidio? Ecquid illa tam formidanda manus armorum tulit? Nihil nisi calamum quo scripsit. Ad pennam scriptoriam virum, ne dicam regem, expallescere? Si trigeminam Ioabi lanceam, si romphæam Cherubim ignitam in se unum vibrari vidisset, non sine ratione timuisset. Sed fortasse tanti pavoris causa fuit Scriptura. Non intellexit Scripturam, & ob eam rem interpretes vocavit. Quid ergo manum unicam, quid calamum, quid scripturam metuit quam non intelligit?

Videte quam crebro fiant simillima. Adest maledicus, qui velut parieti lingua inscribit ejuscemodi voces: *Nemo fidat huic homini, non is est qui putatur esse, hæc atque hæc familiaria sibi habet vitia; foris nitet, intus & in cute alius est.* Hanc talem scripturam subinde sic expavescimus, ut eam inter gravissima supplicia numeremus: & morte acerbius videtur velle, nec posse hoc ulcisci.

Sed quare, ô Christiani, vos sic exanimant

mant obtrectatorum verba? Cur leviter læsi
patientiam omnem in furorem vertitis? Hic
quidem scorpionis genius est, qui tactu non
provocatus acum virosam continet: tan-
gitur? cauda quam primum ferit: ita plu-
rimi silent non læsi; tanguntur? ignes vo-
munt & venena.

Hic longe consultissimum est, obtre-
ctatorum voces surdis auribus transmittere.
Exemplum à sanctissimis licebit petere. O-
pimus regum David pessime à multis tradu-
cebatur: Ego autem, inquit ille *a*, tanquam
surdus non audiebam. Et quamvis susurro-
nes quandoque adrepant, dicantque: Hoc
iste de te in vulgus spargit. Tu vero tanquam
surdus non audias. Sermones hos omnes
velle refellere, est seipsum operose lædere.
Plerumque hæc dicta tanto latius serpunt,
quanto contentiosus refutantur. Sapientis-
sime monens Epicætetus: Si quis, inquit *b*,
nuntiarit, quemdam tibi maledicere, ne
refuta, quæ dicta sunt, sed responde, eum
nescisse cetera tua vitia, nam alioqui non
illa sola fuisse dicturum. Qui sapit, sic lo-
quitur. Imperitissimus quisque ubi se in fa-
bulas & sermonem mitti comperit, mox
vociferatur: Ego vero mendacissimos illos
nebulones tractabo, ut par est: illi de me
hoc spargant? faxo pœniteat illos tam im-
probi sermonis: & ego illis famam, quam
meren-

a Psalm. 37. v. 14.

b Epist. Enchir. cap. 48.

110 GYMNAS. PATIENT.

merentur, inuram. Eho Christiane! Hoc sane in patientiæ gymnasio non docetur.

Beata Aldegundis regii stemmatis virgo a, æteneris annis omnigenarum virtutum studiosissima, cum inaudiisset, se ab otiosis fabulatoribus non sine quorundam offensione traduci, animo nonnihil angicœpit. At mox ei Angelus subsidio missus: Ecquid te turbat Virgo, ajebat, malevolorum loquax invidia, quid hominum inanissimos sermunculos attendis? sponsus & judex tuus in alto est: quid tu terram aspicias? Sanguinem pro Christo fundere parata es? contumeliosa prius verba disce conquerere. Patientia vincit omnia. Te præmium manet cælestis gloria, illos supplicium gehennæ, ni resipiscant. Patiendovinces. Ab eo tempore Aldegundis in tantam se patientiam composuit, ut ultro posceret à sponso asperius haberi: Ego vero mi bone IESV, dicebat, moris tui ignara non sum: scio quod omnem filium quem recipis, flagelles. Tuam ergo ancillulam flagellis acrioribus subjice. Injuriis, mœtoribus, morbis me castiga & purga: suave mihi erit pati, modo sic liceat virate patienda æternum. Nec irritæ fuerunt preces: Annuit sponsus. Paullo post gangræna: pectus invasit, & per totum deinde corpus se dif-

a Sur. tom. 1. die 30. Ianuar.

† Der Krebs.

se diffudit. Ampla hoc erat patiendi se-
ges, ad usque obitum.

Itaque discamus Spartana, imo Christia-
na nobilitate hæc linguæ flagra tolerare.
Vix verbera pro Christo feret, qui necdum
illius causâ verba didicit digerere. Dicat
quisque sibi: Dominus mihi adjutor, non
timebo quid faciat mihi homo *a*. Augusti-
nus hæc consignans: Si exceptuses, in-
quit *b*, à passione flagellorum, exceptus es
à numero filiorum.

V. Cumulum malorum denotat *Saccus*,
è quo tamen aut tempus, aut Mors ipsa
constrictum liberat. * *Sarcus* apud Iponas
horribile tormentum est Christianis non
ignotum: Ad hoc damnati, collo tenus
includuntur sacco, atque sub dio dies no-
ctesque destituuntur, ad omnes injurias
cæli excipiendas. Hic fames, sitis, frigus,
æstus, insomnia torquent miserum. ita
non simplici cruciatu hoc genus tormenti
constat.

Saccus in gymnasio Patientiæ frequens
supplicium est, nam ea subinde calami-
tatum varietas premit hominem, tantaque
in eum

a Psalm. 117. v. 6. *b* August. loco infra
fusius recitando. Vide quæso quæ dicturi
sumus in fine partis secundæ de hoc Lingua
flagello. * Vide Nicol. Trigautii trium-
phos apud Iaponas, mihi pag. 198. 199.
102.

112 GYMNAS. PATIENT.

in eum incumbit mole, ut sibi undique constrictus, & velut in sacco esse videatur, aut in dolio Reguli.

M. Atilius Regulus illustrissimum fidei atque patientiæ documentum, primi Punici belli gloria, suis se hostibus stitit ex data fide. Ille Regulum in arcam ligneam infixis undique præacutis clavis & extantibus conjecerunt, palpebris prius resecis. Fixerunt cutem clavi, & quocunque fatigatum corpus reclinasset, vulneri incumberebat, & in perpetuam vigiliam suspensa sunt lumina. Ita virum fortissimum vigilantia pariter & continuo doloris tractu necaverunt ^a. Horribile tormenti genus, & quod usitato nomine *brevis infernus* appellari possit.

Et nos subinde Reguli sumus. Nam in eas quandoque angustias redigimur, ut in Reguli machinam inclusi videamur, & undequaque stimulis perurgeri: atque, quod gravius, solatio insuper omni destitui. Undique & undique omnia pontus, omnia unigue mœror & dolor.

Zoëardum anachoretam narrant in forum pugnasse hoc modo: Cavam ille arborem clavis introrsus adactis obarmavit, ea maxime parte, qua tergum & latera fulcire solitus esset: porro ad caput circum ferreum, dependulis ex eo saxis suspendit, ut

^a Senec. l. de Provid. c. 3. Valer. l. 9. c. 2. Paullo aliter Gellius lib. 16. Noct. Att. cap. 4.

ut quaquaversus fessa tempora inclinarent, mox asperum monitorem sentirent, adeoque vigilare juberentur. Arcta domus; fate-mur: sed multiplicis miseræ præclarum symbolum: ita nos nos nonnunquam æ-rumnis cingimur, ut quocunque animum aut oculos intendamus, id solum occurrat, quod torqueat.

Cum Michæas non ad stomachum Achab-regi vaticinaretur, rex impius impera-vit a: Mittite virum istum in carcerem, & sustentate eum pane tribulationis, & aqua angustiae. Michæas expertus est *Saccum*, nam non solum falsitatis damnatus, sed in vincula tractus, fame cruciatus, ludibriis affectus est. Hoc *Sacco* est includi.

Sanctissimus rex David hunc *Saccum* ve-lut vestem indutum pæne assiduo gestans: Ad meipsum anima mea conturbata est, inquit b; & licet eam amœnioribus cogita-tionibus ad hilaritatem coner perducere, i-dentidem tamen in seipsam revolvitur, in-que tristitias priores relabitur: Abyssus abyf-sum invocat: Vndique in me nimbi ruunt: alius super alium me petit; clades ex cladibus ingruunt. Omnia excelsa tua, & omnes flu-ctus tui super me transierunt. Omne cælum in me pugnat. nusquam quies: bellum ex bello seritur; ubique hostes & pericula, vexationes & damna, ubique maxima ma-lorum

a 3 Reg. cap. 22. v. 27.

b Psalm. 41. v. 8. 9. & 10.

II4. GYMNAS. PATIENT.

lorum seges. En vatem regium *Sacco* conclusum!

Sanctissimi quique hominum hoc *sacco* sæpius includuntur, non enim solum sentiunt mala, sed advertunt pericula, æstimant animi damna, non ignorant cacodæmonis insidias, intelligunt quanti sit excidere divina gratia, & Deum habere adversarium. Cum igitur solatiis civinis destituuntur, verentur ne forte divinis etiam favoribus exclusi sint. Hac ratione in *Sacco* sunt, diversis mœroribus ægrescentes. Eam etiam ob causam rex David sic fatuit lacrymans: *Deus* repulisti nos, & destruxisti nos. Ostendisti populo tuo dura; potasti nos vino compunctionis ^a. O Domine merum meracum nobis absinthiten propinas è tua cella; ô potum nimis amarum!

Haud aliæ sunt Ezechielis voces ^b: Angustia superveniente requirent pacem & non erit. Conturbatio super conturbationem veniet, & auditus super auditum. Calamitates scilicet è calamitatibus nascentur; nihil uspiam quietis; in *Sacco* erimus. Iobus, si quispiam hunc *Saccum*, seu calamitatum cumulum expertus: Ego ille quondam opulentus, inquit ^c, repente contritus sum: tenuit cervicem meam, confregit me, & posuit me sibi quasi in signum. Circum-

dedic

^a *Psalms*. 59. v. 1. & 3.

^b *Ezech.* cap. 7. v. 25. & 26.

^c *Iob.* cap. 16. v. 14. & 15.

dedit me lanceis suis, convulneravit lumbos meos; non pepercit, & effudit in terra viscera mea. Conscidit me vulnere super vulnus. Patientissimus vir ille vere in *Sacco* fuit: se re ipsa monstravit, quantum in Patientiæ gymnasio profecisset: certe jam non inter discipulos, sed magistros numerandus.

Quisquis hoc cladium acervo premitur, & *Sacco* se inclusum ingemiscit, alta mente reponat hæc duo.

Primum est: Nolle, in gymnasio Patientiæ locum esse, cui nomen *Infernus*, & eo Deum consueſſe suos mittere, *sacco* includendos. Nihil hoc novi est, sed divini favoris signum est, & amplioris causſa præmi. Sed nec æternus est *infernus* iste, neque hic *Saccus* omnibus horis aut sæculis gestandus. Deus est, qui *deducit ad inferos & reducit a*.

Alterum est: vult omnino *Deus*, ut spem fiduciamque in se nostram tum maxime erigamus, cum res videntur desperatissimæ. Inscriptio psalmi quadragesimi primi est: *Intellectus filiis Core*, seu, *Canticum erudiens*, siquidem docet, tunc animosissime sperandum, cum pæne nil spei affulget. Hinc illud plus simplici vice ingerit: *Spera in Deo*. Quid vanis angoribus consumeris? quid futurorum metu cruciaris? quid ad omnem maligniorem auram trepidas? Spera in Deo,

I

modicæ

116 GYMNAS. PATIENT.

modicæ fidei ac spei homo, spera in Deo. Spes hæc nec falli potest, nec fallere.

^a Philo Hebræus cum aliis suæ gentis apud Cajum Caligulam Imperatorem ab Appione accusabatur, quod divinos honores Cæsari non tribuisset. Cumque jam etiam aula ejectus esset, dixit ad socios: Bono animo nos esse oportet, tametsi Cajus iratus sit nobis: quia necesse est adesse divinum, ubi humanum cessat auxilium.

Quod si divinum etiam auxilium cunctari videatur, cum Iosaphato rege oportunissime precabimur in hunc modum: Cum ignoremus, quid agere debeamus, hoc solum habemus relidui, ut oculos nostros dirigamus ad te, *Deus* b. Modo animi oculos nunquam avertamus à Deo. Qua in re canis imitandus: hic tamdiu hero suo assidet, monet, mulcet, & hiando cibum flagitat, dum impetret: ita nos inclusi *Sacco*, variis ærumnis pressi, divinam opem tamdiu flagitemus, dum impetremus. Desunt auxilia humana: necesse, ut Philo loquitur, adesse divina.

Olim cum omnes vitæ nostræ periodos uno aspectu cernemus, fatebimur quod olim dixit Themistocles: Perieramus, ò pueri, nisi periissemus. Profecto plurimos naufragium servat, naufragaturos certo, ni mitius naufragium præcessisset. Quare, animo simus erecto, & vel in *Sacco* esse, dulce putemus

pro

^a Euseb. lib. 2. hist. Eccles. cap. 5.

^b 2 Paral. cap. 20. v. 12.

pro Christo. Brevi pro se quisque cantabit felix: Convertisti planctum meum in gaudium mihi; conscidisti faccum meum, & circumdedisti me lætitia a.

a Psalm. 29. vers. 12.

C A P V T VI.

Quæ potissimum culpa in Patientia gymnasio cavenda sint.

O Bjecit quis Bioni philosopho a, quod adolescentem, quem maxime volebat, sive ferulæ subicere non potuerit. Cui Bion: Mi bone, inquit, mirati define; adolescens ille tenellus caseus est, nec hamo attrahitur. Quo dicto prudenter significavit, delicatos pueros parum aptos esse studiis. Vetulus quidem caseus non uno vitio laborat, sed tener recensque multo pluribus, cui quosdam è scholasticis non iniquè compares. Siquidem in turba complurium discipulorum aliquos reperire est, qui, ut caseus recens, vitiis divites, confuti è dolis & fallaciis, nil æque sciunt ac fallere. Argus sit magister, non tamen omnes eorum astus deprehender. Omnia scholasticorum vitia recensere infinitum foret. In compendiū ea mitto, & in digitos. Octo potissimum in scholis culpæ à discipulis admittuntur. Totidem fere seu noxas, seu nequitias in Patientiæ gymnasio discipuli

I 2

parum

118 GYMNAS. PATIENT.

parum morigeri committunt. Hæ numerantur :

1. Nescire prælecta.
2. Garrere ac fabulari.
3. Scriptionis pensum non habere.
4. Abesse sine causa.
5. Rixari, aut discipulos percutere.
6. Pingere, dormire, ut nugæ tractare, dum veterum scripta præleguntur.
7. Simulare morbum.
8. Mentiri, aut correptum obmurmurare.

Hæ octo sunt piacula, in Patientiæ gymnasio nunquam tolerata, nunquam toleranda. Has octo notiores culpas brevissime nunc eo explicabimus, ut caveamus.

1. Prima in scholis culpa, *Nescire prælecta*. aut tantum simulare se scire. Iam notæ sunt magistri voces, *Recita puer, recita*. At discipulus deses ignavum illud mullitare: *Nescio*. Aut oscitanter incipere, & tertio quoque verbo hære, libellum furtim inspicere, quædam omittere, plurâ corrumpere. Atqui sane hoc nescire est.

Religiosissimus ille scriptor Christum ita loquentem facit a: Dupliciter soleo electos meos visitare, tentatione scilicet & consolatione. Et duas lectiones eis quotidie lego, unam increpando eorum vitia; alteram exhortando ad virtutum incrementa. Ita Christus solet prælegere. Sed quando recitandæ

sunt

a *Thom. de Kemp. lib. 3. cap. 3. sine*

sunt prælectiones istæ? Vesperipotissimum, cum suum conscientię subeundum est examen. Hic præceptor imperat: Recita, Recita, qua parte tui factus es melior? quam hodie virtutem didicisti? quem animi nævum correxisti, quod vitium tuum conatus es dediscere? Recita, Recita, & excute memoriam.

Non tantum hominum religiosorum est, sed quorumlibet aliorum, sua dicta, facta, cogitata per diem diligentissime recognoscere *a*. Hoc etiam Annæus Seneca, hoc etiam Publius Sextius, hoc alii, jubente ratione fecerunt. Hoc viri sanctissimi exemplo suo docuerunt; hic, hodieque mos est piorum hominum in seipsum quotidie diligenter inquirere, & omnes conscientię latebras explorare.

Et sane id dicat ratio, prius placare *Deum* per diem offensum, quam ordiri somnum: ut si sopor sociandus sit morti (quod profus incertissimum) non ad mortem detrudamur æternam. Et quam hoc rationi conveniens est, quot diebus Conditori vel semel saltem, de beneficiis agere gratias, admissas deprecari culpas, statuere deinceps cautius, emendatius, castius & cogitare, & loqui, & agere. Magis pecus est quam homo, qui temere ista negligit, & in plumas se abjicit, cum sibi *Deum* nec verbulo conciliarit:

I 3. EGO,

a Vide Trismegistum meum lib. 1. de Examine conscientia, per plura capita.

120 GYMNAS. PATIENT.

Ergo, mi Christiane, recita, recita; de præterito die conscientiam examina. Prælecta nescit, qui sommo se tradit, nec prius cum Deo agit.

At subinde recitat discipulus, sed male, & verba tertiat. Hoc ii faciunt, qui conscientiam quidem inspiciunt, aut preces fundunt, sed pleni aliarum cogitationum. ita lapsantia ac tertiata verba sustrepunt. Exemplo rem monstramus. Est qui dominicam precationem sic recitet: *Pater noster qui es in cælis.* Mens interim quærit: quid domi fit in culina, quid in cella, quid in horreo? *Sanctificetur nomen tuum.* Animus addit: gravi contemptu hac hebdomade notatus sum. *Adveniat regnum tuum.* Mira res, necdum belli finem ullum apparere! *Fiat voluntas tua, sicut in cælo, & in terra.* Paupertas rigide me tractat; si ditior essem, fortassis emergerem, ita jaceo miser, & contemnor.

O Christiani, quæ hæc oratio est? hoc verba tertiare, hoc prælecta nescire, hoc pessime recitare est. At vero crucem nemo bene portaverit, qui oraverit male. Videte mihi regem impiissimum sed demum resipiscentem Manassena, *Qui postquam coangustatus est, oravit Dominum Deum suum, & egit poenitentiam valde; deprecatusque est Deum, & obsecravit intente.* Hoc sane vult Deus; *Intente* vult rogari & obsecrari.

II. Al-

a 2 Paralip. cap. 31. v. 12.

II. Altera in scholis culpa est, *Garrere, ac fabulari*. Quid hoc aliud est, quam à rebus creatis solatiola, & oblectatiunculas emendicare, & eorum hominum aures vanissimis querelis onerare, à quibus nec consilium speres, nec auxilium. Imperitissimus mendicorum est, & artis suæ minime gnarus, qui pauperrimas domunculas oberrat mendicando. quid hinc largæ stipis expectet? Dea Inopia hic habitat, & inquilinos suos mera mendicabula numerat. A mendicis autem mendicare absurdum & ridiculum. Ditiorum ædes, mi mendice, adi; hic clama, hic pulsa: opulentæ domus vel unicæ benevolentia largiores dare potest sportulas, quam centum paupertinæ tribus tuguria.

Ita prorsus graviter errant, qui sperant calamitates & afflictiones vanissimis oblectatiunculis tollendas. Cum ægre illis est, socios sibi adjungunt, symposia instituunt, convivia & choreas adeunt, tempus ambulatiunculis & lusibus fallunt, horas optimas sterilissimis confabulationibus consumunt, itinera minime necessaria intendunt.

O miseri! Ægrum in ligneo lecto, an in aureo collocemus: quocumque illum transtulerimus, morbum suum secum transferet. Fundamentum pacatæ mentis est, *Vanis non gaudere*. Hilaritates illæ non implent pectus, sed frontem remittunt, leves sunt, nec afflictionibus è solido mederi possunt.

122 GYMNAS. PATIENT.

Perfusoria est hæc voluptas & turbida, nec tollit morbum, sed auget.

*Non enim gaza, neque consularis
Summovet lictor miseros tumultus
Mentis, & curas laqueata circum
Tecta volantes a.*

Solidum gaudium ex bona conscientia est. Nam neque peregrinatio, nec locorum varietas tristitiam gravitatemque mentis discutit. Animus mutandus est, non cælum.

Quocunque pervenerimus, nostra nos vitia sequuntur. Hoc idem querenti cuidam Socrates ait: Quid miraris, nihil tibi peregrinationes prodesse, cum te ipsum circumferas? Premit te eadem causa, quæ expulit. Quid terrarum juvare novitas potest? quid cognitio urbium aut locorum in irritum cedit ista jactatio. Quæris, quare te fuga ista non adjuvet? Tecum fugis. Onus animi deponendum est. Non ante tibi ullus placebit locus. Bene vivere omni loco positum est *b.*

Itaque his oblectatiunculis dolor aliquantisper sopitur, & silet; sed brevi robustior adest, tantoque jam pungit acrius, quanto minus ex intervallo sentiebatur. Iob solatium tam vanum perosus: Audivi frequenter, inquit *c.*, consolatores onerosi omnes vos estis. Idem de rebus creatis dixeris: Onero-

a Horat. lib. 2. carm. Ode 16.

b Senec. epist. 28.

c Iob. cap. 16. vers. 2.

Onerosi consolatores sunt. Quid ergo confabulatiunculis vanissimis nos pascimus, quid rerum conditarum opem imploramus, en ipse conditor se ultro consolatorem offerens: Ego, ego ipse, inquit *a*, consolabor vos. Venite ad me omnes qui laboratis & onerati estis, & ego reficiam vos. Mittamus igitur vana solatia, si sapimus, imo ut sapiamus & ad patientiam perfectam totis viribus tendamus.

III. Tertia in hoc gymnasio culpa, *Scriptio nis pensum non habere*. In eam rem sollicitus pater sic inhortatur filium:

*Scribe puer, vigila, causas age, perlege rubras
Majorum leges b -----*

Quid autem hic aliud scriptio tempore reddenda, nisi *Præmeditatio*? Instruendus est animus & parandus ad futura, ne clades improvisa mole opprimat imparatum. Annæus prudentissime monet *c*: In ipsa securitate animus ad difficilia se præparet. Miles decurrit sine ullo hoste, vallum jacet, & super vacuo labore lassatur, ut sufficere necessario possit. Quem in ipsa re trepidare nolueris, ante rem exerce. Non deprehendat nos calamitas imparatos.

Tres Apostoli ad clivum Olivarum à magistro non simplici tantum objurgatione

I 5

moniti

a Isa. cap. 51. v. 12. Matth. cap. 11. v. 28. b Iuv. sat. 14. v. 192. c Senec. epist. 18. In armis per aliquot miliaria.

124 GYMNAS. PATIENT.

moniti sunt. Quid ita? Rem gladio decernendam censebant, cum quiescendum; fugiebant cum standum; dormiebant cum vigilandum; stertebant cum precandum esset. Non se futuris parant, quantumvis Christus sollicitè hortatus sit: Vigilate, & orate ne intretis in tentationem: spiritus quidem promptus est, caro autem infirma *a*. At illi nec orant, nec vigilarunt. Sic imparatos turbo subitus involvit.

Siracides præmeditationem hanc cum primis commendans: Fili, ait *b*, accedens ad servitutem Dei, sta in iustitia, & in timore, & præpara animam tuam ad tentationem. Nam inexpectata plus aggravant, & novitas grande pondus calamitati adjicit. Quicquid expectatum est diu, lenius accedit. Ideo nihil improvifum esse debet: in omnia præmittendus est animus, cogitandumque non quidquid fieri solet, sed quicquid fieri potest.

Itaque formetur animus ad intellectum patientiamque sortis suæ, & sciat sibi posse contingere, alteri quidquid contigit. Præsume igitur animo, quisquis discipulum agit in hac schola, tibi quam plurima esse patienda. Sed num quis hieme algere se miratur? num quis in mari nausare? in vehiculo concuti; in via cœnosa collutulari?

Fortis

a Matth. cap. 26. v. 41.

b Eccles. cap. 2. v. 1.

Fortis est animus, ad quæ præparatus venit 4.

At sunt discipuli qui subinde scriptionis pensum dant, sed pessima fide: quidquid scripti magistro porrigunt, id prius ab alio describunt. Hoc quidem inter Christianos hac ratione fit. Sunt quidam ignaviæ suæ tam fideles patroni, ut cum monentur, aut corriguntur, continuo soleant objicere: Quid ego solus vapulo? neque hic, neque ille, nec ille aliter quam ego. Nec iste talium sermonum patiens est, nec ille ludos se fieri sinit, neque hic omnibus dormit; & illi etiam opponere se audent; nec isti omnium genibus advolvuntur, idque merito. Cur mihi non liceat quod istis, & illis? cur ego unus deterioris sim conditionis, quam alii?

O malum argumentum, & ô pessime descriptum! Ita mores alienos quasi describimus, eosque nostris exprimimus; sic ad prava nos exempla componimus, & in turba perire jucundum ducimus. O ridiculi! Quid aliena vitia impatientiæ nostræ patrocinantur? habemus priscæ sanctitatis illustriora exempla quæ imitemur.

Invitat Paulus b: imitatores mei estote fratres, & observate eos qui ita ambulant, sicut

a Vide quid hac de re parte 3. cap. 5. dicamus infra, ubi hac suo loco, & fusius.

b Philip. cap. 3. v. 17. & 18.

sicut habetis formam nostram : multi enim ambulant , quos sæpe dicebam vobis , nunc autem & flens dico , inimicos crucis Christi , quorum finis interitus. Ergo & clades præmeditandæ , & specimina virutis nobiliora sunt imitanda.

IV. Quarta culpa : *Abesse sine causa , & schola divertere.* Quid hoc aliud , quam afflictiones fugere , sed modo minime concessio. Morbo mederi licet , sed remediis legitimis : licet ex mendicitate emergere , sed sine fallaciis & alterius jactura : fas est dignitatem tueri , sed illam male defenderit impatentia , aut superbia. Fit nonnunquam ut pueri metu virgarum è scholis erumpant & pallium in magistri manu relinquunt : ita hi dignitatis gradum defendunt , sed humilitatis ac modestiæ vestem amittunt. O mi superbe Christiane , quam longe fuisset consultius , aliquid existimationis perdere , & modestiam retinere.

Hortatur Petrus a : Charissimi nolite peregrinari in fervore , qui ad tentationem vobis sit , quasi novi aliquid contingat ; sed communicantes Christi passionibus gaude , ut & in revelatione mysteriorum ejus gaudeatis exultantes. Hoc monet : cum fervet afflictio nolite peregrinati , & à Patientiæ gymnasio divertere alio : afflictiones fugiendo non effugiuntur. Quod religiosissime sacer ille scriptor submonens :

Multi

Multi, ait *a*, quærunt tentationes fugere, & in gravius incidunt. Per solam fugam non possumus vincere, sed per patientiam & veram humilitatem omnibus hostibus effici-mur fortiores.

Itaque, inquit Augustinus *b*, qui hic non sua quærît, sed quæ Iesu Christi: labores patientissime tolerat, promissa fidenter expectat. Paratum est cor ejus sperare in Domino; neque ullis tentationibus frangitur.

Illud hac in re longe deterrimum est, cum de morbis magi consuluntur, cum incantamenta carminum, devotiones effascinantes, & vanitates magicæ usurpantur. Neque vero hoc aliud est, quam cacadæmonem sub honesta larva medicum adhibere.

Ochoziæ impio regi Elias vates in os dixit: Hæc dicit Dominus. Quia misisti nuntios ad consulendum Beelzebub deum Accaron, quasi non esset Deus in Israël, à quo posses interrogare sermonem, ideo de lectulo super quem ascendisti, non descendes, sed morieris. Iustissime. Et vero etiam mortuus est. Dignum eo supplicium, qui maleficis artibus carminibusque sanitatem sibi propitiam reddere voluit. Eleganter dixit

a Thom. de Kemp. l. 1. de Imit. Christi cap. 13. num. 3. b Aug. in Psal. 111. post med. mihi pag. 532. c 4 Reg. c. 1. v. 16.

xit Augustinus *a*: Vbi homo ægrotat, & Deus curat, magnum pietatis & sanitatis indicium est.

V. Quinta culpa, *Rixari, aut condiscipulos percutere*. Vſitatum hoc crimen est in ſcholis, alterum ab altero pugnīs ſalutari, ſiquidem hic jurgiorum epilogoſ frequens eſt, verberibus confirmare verba. Et quoties illæ voces audiuntur: Nequiſſime proditor, tu cauſa es, quod cæſus ſim; non gratis hoc feceris: præmium à me ſpera. Ex A ſamo vitiorum traduces ſunt, aliorum accuſationibus ſeipſum purgare, omnem culpam à ſe in alios verbis quam fucatiſſimis amoliri.

Homini impatienti Mars ſemper in manu eſt, nec ei unquam deeſt, quod in litem & certamen trahat. Sæpe ſunt leviffima, propter quæ non leviter excandefcimus, qualia quæ pueros in rixam & jurgium concitant. Minimis ſordidiſque rebus exacerbamur. Parum agilis eſt ſervus, menſa negligentius poſita, aut ruga veſtis deſtructa: mox ita & impatientia ſe prodit. Imo & tuſſis alicujus, aut ſternutamentum, aut muſca parum curioſe fugata, aut clavis ſervi manibus elapſa, aut janua iumbane clauſa in rabiem nos agit. Et quomodo convicia feremus atque malediſta, quorum aures tracti ſubſellii ſtridor offendit, & quomodo famem ſitimque perpetiemur,

quibus

a Aug. in Pſal. 147. poſt. init. mihi p. 699.

quibus adustum nonnihil olus stomachum omnem invertit? Animus male affectus minimis offenditur, adeo ut quosdam aliorum saluatio, aspectus, silentium, risus, interrogatio in litem evocent. Nimirum ægra nunquam sine querela tanguntur.

Nec continet se impatientia nostra quin tempestatem ac cælum, quin tempestatis ac cæli dominum accuset. Iam immodicos imbres, jam frigoris insolentiam, jam nimios æstus, jam hiemis pertinaciam querimur. Nec consideramus suis ista legibus peragi. Nimis certe nos suspicimus, si digni nobis videamur, propter quos cælum aliter moveatur. Nihil horum in nostram injuriam fit: imo contra nihil non ad salutem. Sic frustra cum aëre litigamus, si serenitatem neget; frustra terram calumniamur, si segetes non surgant; frustra brutis animantibus indignamur, si imperium nostrum detrectent; non minus frustra, & magis fatue alios accusamus, cum nobis male est. Quoties jactantur hæ voces: Ille nebulo, trifurcifer ille, ille bipedum nequissimus hoc mihi malum miscuit, hoc mihi infortunium curavit, huic morticino cladem meam acceptum refero.

Oignari veritatis! quisque sibi calamitatis suæ auctor est, suæ quilibet faber fortunæ est: ergo & suum quisque vitium sibi imputet, non aliis. His talibus Epiætetus respondens: Alios, inquit, accusare ob

130 GYMNAS. PATIENT.

calamitatem suam, hominis est ineruditi: seipsum, ejus qui erudiri cœpit: nec se, nec alium, eruditi. Præclarissima virtus est, Accusatio sui ipsius, sed rarissima.

V I. Sexta culpa, *Pingere, dormire, nugas tractare, per fenestras prospicere.* Proprium puerorum est, talos, nuces imagunculas, & id genus crepundia efflictim amare, & vero etiam lacrimis ea defendere. Grandis hæc noxa in Patientiæ gymnasio, res fluxas & caducas tanto affectu deperire. Hinc illæ tot lacrimæ, hinc omnigeni dolores. Verissime dixit beatus Gregorius *a*: Nunquam sine dolore amittitur, nisi quod sine amore possideretur. Iobus facultates omnes, insuper decem liberos, imo & seipsum amisisse dici potuit, adeo illum dolores & ulcera sibi rapuerunt, nihilominus suo jam pæne funeri superstes hilariter cantat: Sicut Domino placuit, ita factum est: sit nomen Domini benedictum *b*. Substantiam suam, ait Gregorius *c*, mente reliquerat, quam sine delectatione possidebat.

De hoc eodem egregie dixit Aug *d*. Iustus naufragus evadit dives & nudus. His divitiis plenus erat sanctus Iob. Nihil in domo remanserat; omnia uno ictu perierant, quibus opulentus paulo ante videbatur: subito

men-
a Greg. lib. 1. moral. cap. 3. med. *b* Iob. cap. 1. v. 12. *c* Greg. lib. 1. mor. cap. 3. med. *d* August. hom. 30. serm. 105. de Temp. mihi pag 294.

mendicus in stercore sedet, à capite usque ad pedes vermibus scatens. Quid ista miseria miserius? Quid interiore felicitate felicius? Perdiderat omnia illa, quæ dederat Deus, sed habebat ipsum, omnia qui dederat, Deum. O Virum putrem, & integrum! O fœdum, & pulchrum! O vulneratum, & sanum! O in stercore sedentem, & in cœlo regnantem! Si amamus, imitemur: ut imitemur, laboremus. Adjuvat certantem, qui certamen indixit.

Sed unde huic viro æs triplex circa pectus, unde illi patientia tanta? Sine dolore perdidit, quod sine amore possedit. Dolorem utique sentiebat, sed facile ferendum; amore ad sua trahebatur, sed moderato. Sic liberos, sic conjugem, sic & divitias habuit, tanquam non utique semper habiturus: & tanquam non futurus ob hoc miserior, si habere desineret.

Rebus creatis uti ac frui, non nimio tamen earum amore capi, hoc opus, hic labor. Ideo vociferatur psalter regius *a*: Nolite cor apponere. Mortale est omne mortalium bonum. Quicquid est, cui *dominus* inscriberis, apud te est, tuum non est: nihil firmum infirmo, nihil fragili æternum & invictum est. Tam necesse est perire quam perdere: & hoc ipsum si intelligimus, solatium est, æquo animo perdere, quod perituum est.

K

Quid

. Quid ergo adversus has amissiones auxilii inveniemus? Non tantopere ames amittenda: Noli cor apponere. Animus Dei amulator supra humana se attollat, nihil extra se sui abjiciat: nobiliori origine genitum se sciat, quam ut rebus perituris amorem impendat. Ah, vani! pulchra & suavia sectamur, crepundia & pupas amamus, & cum ludicra hæc nobis eripiuntur, grandi lacrimarum imbre certamus, ingenti scilicet dolore perdimus, quod tanto amore possidemus. Minus amemus hæc fluxa cum possidemus, minus & dolebimus cum perdemus. Quotidie hic amoris affectus substringendus est, & uti Tarquinius rex horto suo inambulans summa papaverum capita baculo decussit; sic validioribus his affectibus assidue resistendum, & quam primum erexerint caput, suppressendi. Ut minus doleas, minus ama.

VII. Septima culpa, *Simulare morbum*. Vilitas scolasticorum dolus est, malle fecte ægrotare, quam serio laborare. Augustinus adolescentiæ suæ varie iratus, eamque deplorans: Tantillus puer, inquit, & tantus peccator. ludebam pila puer, & ex ludo impediabar, quo minus celeriter discerem litteras. peccabam faciendo contra præcepta parentum & magistrorum. Aulus Persius etiamnum puer, si quando, quod a magistro præscriptum, nesciisset, oculos inun-

inungebat, & argemate se laborare fugebat. Astum fatetur ipse a.

Sæpe oculos, memini, tangebam parvus o-
livo,

Grandia s; nollem morituri verba Catonis
Discere ----

Plurima fingunt pueri, ut è scholis evadant. Cum ipsi eas negligunt excusationes in parato habent, quas magistro obtrudant. Fuit ut magister interrogaret puerum, cur ad rem divinam tam serus venisset? Cui puer: Domine, præceptor, † debui expectare of-
fam. Mox addidit magister: I nunc & ex-
pecta betulam. Nil promptius pueris quam
excusationem culpis prætexere: Ager fui,
non permissus fui, non potui. mille talia
comminiscuntur.

Iussus est quidem Ionas propheta Nini-
ven civitatem concionibus formare ad pœ-
nitentiam. At Ionas velut morbum simula-
re, imperata dissimulare, iter alio intende-
re, Niniven declinare, fugam suam Ocea-
no commendare, omnia alia velle quam
concionari. Discipulus parum obediens,
& qui nimis facile sibi credidit, se non pos-
se, quod potuisset, si voluisset. At mari sæ-
viente, ventis furentibus, missus est ex imo
gurgite magister Cetus, qui Ionam doceret
posse, quod posse se negabat. Mi Iona quam

K 2 lon-

a *Terstius sat. 3. v. 42. † Hab müssen auf*
die Suppen warten. So gehe hin und vvarz
jetz under auff's Kraut.

134 GYMNAS. PATIENT.

longe aliud est *Non velle*, & aliud *Non posse*. Nolle sapissime in causâ est; Non posse prætenditur. Profecto plurima hoc ipso non possumus, quia nos posse non credimus. Vicia nostra amamus ac defendimus, & malum excusare illa, quam excutere.

Quoties ignavum illud audias: Non possum, quid urgetis? Non possum: Ieiuniis vires meæ non respondent; inedia non fert meus stomachus; his laboribus ferendis impar sum; assuecta relinquere non possum; rebus hæcenus concessis carere non possum; quid frustra me vellicatis? non possum.

Proscriptæ pridem sunt hæ voces è gymnasio patientiæ. Audite discipulum generose clamantem: *Omnia possum*. Qua tandem id ratione? *In eo qui me confortat*. Germani fratres, Zebedæi filii ad quæstionem Domini de amarissimo calice perhauriendo, animose responderunt, *Possumus* b. A nobis contra, cum patientiæ negotium agitur, plerunque illæ pigrorum voces sunt: *Non possumus*, *Non possumus*.

Atque hoc est, quod patientiam vix unquam è solido addiscamus. Nimium nobis ipsis, & in rem nostram creduli, cum aliquid difficulter & ægre possumus, mox impudenter vociferamur: *Non possumus*. Eho te ipsum tenta, vires tuas severius explora, age & conare, fac quod potes. Nil turpius in Patientiæ gymnasio, quam ad omnium diffi-

difficultatum occurſus hoc unum opponere, *Non poſſum. Omnia poſſum*, clamat divinus Paulus. *Poſſumus*, reſpondent Apoſtoli. Vere amanti nunquam excidunt hæ voces. *Nolo, Non poſſum*. Si verus amor eſt, omnia poteſt, aut verus non eſt.

VII. Octava in ſcholis culpa, *Mentiri, aut correptum obmurmurare*. Capitalia ſunt hæc delicta in ſcholis, nec niſi virgarum ſupplicio eluenda. Quod autem in Grammatices aut Syntaxeos ſchola mendacium eſt, hoc in Patientiæ gymnaſio eſt impatientia. Nam uti mendacium negat quod affirmandum, aut affirmat quod negandum, atque quod nigrum eſt, ait eſſe album, ſic & impatientia è levi moleſtia gravem, è gravi facit intolerabilem. Hoc autem origo eſt impatientiæ, credere ſe nimium pati, tolerare non toleranda, infontem & immerentem vexari. Ita mentitur iniquitas ſibi.

Quanto rectius, quiſquis affigitur, apud animum ſuum ſic ratiocinatur: Quid ais, homo impatiens? ideone Patientiæ gymnaſio nomen dediſti, ut cum quid pateris, infontem te proclames? Apage has voces: quæque patiaris, tu ea centies, ſexcenties, millies merebaris pati, & graviora. Ignem ac flammas quomodo patieris, ſi ſtricturas ignis & ſcintillas non fers? Amice, non facit tibi Deus injuriam. Tolle quod tuum

K 3 eſt;

136 GYMNAS. PATIENT.

est; patere, quod tibi à Deo injunctum est. Tunc ille insons, ille innocens, quem optimus Pater plus æquo vexet? O bone, quam tibi blanditis ipse liberaliter, sed fatue: & lupo cum sis, ovem te esse, stulta tibi credulitas persuadet. Hinc illa voces: Cur in me solum procella omnis defecit? quæ mea tandem scelera? quid ego feci? Dicam; tu modo patienter me audi.

Divus Antoninus memorat *a*, Petrum monachum, post & martyrem, apud praesides suos accusatum, quod nescio qui profani homines in ejus cubiculo sint visi garrantes, & auditi. Eam ob causam Petrus in publico cætu omnium iussus est sui ipsius accusator esse, & poenam ab aliis pronuntiandam, exacte dependere. Fecit; sed sane amato animo. Non enim conscius sibi erat quidquam hac in re deliquisse, nec ignarus solis hoc suspicionibus in se confictum. Vbi ab aliis digressus in cubiculum rediit, ante imaginem Christi crucifixi madidis sese oculis stetit, atque ut animum querelis exoneraret; Domine, inquit, quid ego feci, quod tam severe puniar quantumvis innocens? Tanto favens candori Christus mox reddidit has voces: Et ego Petre, quid feci? quod tali morte afficiar, quantumvis innocens? Erubuit Petrus, jamque se reum pronuntiavit, si tam innocenti conferretur.

IX. Quid jam ais querule, quid toties inge-

ingeminas : Et ego quid feci ? Dic obsecro :
 Et Christus quid fecit ? Et Christi mater
 quid fecit ? *gladium doloris passa* ? Petrus &
 Paulus Apostoli quid fecerunt ? Tot cente-
 na millia martyrum quid fecerunt ? Tot
 hominum sanctissimi calumniis gravissimis
 onerati quid fecerunt ? Etiam tu tuas
 voces repetis. Et ego cum illo ad Domini latus cru-
 cifixo, sed respice me latrone : Nos qui-
 dem iuste, nam signa factis recipimus.

Non aliter & nos sentiamus. Affectu-
 mus poena ? succurrat non tantum quid pa-
 tiamur, sed quid fecerimus. Volumus
 æqui rerum omnium iudices esse, hoc pri-
 mum nobis suadcamus, ne nihil enim nobis im-
 esse sine culpa. Hunc enim maximam vitur
 indignatio : *Nihil peccatum habemus*. Imo
 nihil fatemur. Indignamur aliquando mo-
 nitione aut coercitione. Nos ergo, cum
 illo ipso tempore peccemus, quo adjici-
 mus malefactis arrogantiam, excusatio-
 nem, contumaciam. Nam, ut optime
 dixit Fabius, culpam admissam excusare,
 altera culpa est. Admoneri bonus gaudet ;
 pessimus quisque correptorem asperrime
 patitur. Quis autem est iste, qui se profi-
 tetur omnibus legibus innocentem ? Sæpe
 in causâ qua innoxii sumus, punimur, pro
 causâ qua noxii exitimus.

Iosephi proregis Ægyptii fratres inson-
 tes erant, cum in carcerem mittendi retra-
 a Luc. c. 23. v. 41. K 4 he-

herentur ex itinere, quod scyphum argenteum furati essent *a*. Quid hic dicendum! Si de scypho agatur, plane innocentes erant. Sed latet hic anguis in herba. Furtum longe gravius commiserunt. Non enim poculum argenteum, sed ipsum germanum fratrem suum Iosephum patenti suo furati sunt. Atque hoc furtum ante annos viginti & amplius commissum, vel sero tandem fuerat puniendum. Idem aliis sapissime contingit.

Amemus igitur veritatem, & quicquid tandem patiamur, eum Iosephi fratribus dicamus: Merito hæc patimur, quia peccavimus *b*. Veritatem amavit, qui dixit: Iram Domini portabo, quoniam peccavi ei *c*.

Qui vero se insones credunt, nec tam dira meritos, ii hoc solum efficiunt obmurmurando, ut poenas luant graviores, & nonnunquam geminatas: veluti cum discipulus post virgarum supplicium murmurat, ad virgas jure repetitur. Reo sergo nos esse fateamur, quicquid demum injuriarum aut calamitatum sit tolerandum: Iram Domini portemus, quoniam peccavimus ei. Quisquis discipulum agit in Patientiæ gymnasio, quicquid cogatur pati, sic discat loqui: Ego quidem juste, nam digna factis recipio. Hoc est proficere, extrema quæque se meritum non negare.

Ima-

a Gen. c. 44. v. 5. & seqq.

b Gen. c. 42. v. 21. *c* Mich. c. 7. v. 9.

Imaginis explicatio.

V Idisti, Lector, Patientiam in crucium suggestu stantem; en & sedentem A. Verbo veteri dicebatur: Romani sedendo vincunt. Haut aliter Patientia, quæ quanto in se quietior, tanto & fortior est. In libri fronte, cum Fortitudine illam junximus: Nam (ut Valerius a, tanta similitudine juncta est Patientia Fortitudini, ut cum ea, vel ex ea videatur nata. Quandoque totus Orbis Patientiam premit, quod globus hic incumbens significat. Sed illa erigitur contra, nec palmam manu abjicit. Sic vincit, est vincere.

Ergo stans Patientia docebat, & spectabatur a suis. Hic sedens exercet quæ docuit, jamque ipsa spectat docentem Angelum, simulque monstrat, quantum ad omnigenam virtutem faciat, Plurimum pati.

Denique nitens genibus docebit, qua arte calamitas omnis sit perferenda. Non enim quid, sed quemadmodum feramus, interest.

Hic etiam coronam spineam B. sanguine stillantem observa. Hæ pluvie huic germi-
ni conveniunt. Subinde Patientia non su-

K 5

dorem

a Valer. Max. l. 3. c. 3. initio.

dorem tantum, sed & sanguinem propinat Christo.

Illud etiam in imaginibus his observandum. In prima quidem, corona regis simplex cernitur. In altera, pretiosior cum gemmis. In hac tertia cernis Casaream cum sceptro C. In quarta tergemina spectabis. Crescente Patientia crescit & Patientia primum.



Animose: post spinas, aurum & gemmæ.

P A R S A L T E R A.

C A P V T I.

Afflictio docet Fortitudinem & Fidelitatem.

DIximus, quæ poenarum genera Gymnasium Patientiæ usurpet. Nempe hoc declaratum est, quæ supplicia Deus soleat de hominibus sumere, dum in Orbe hoc degunt. Sic omnes afflictionum species percensuimus.

Nunc porro differendum, quid è poenis hic, veluti libris, doctrinæ hauriendum; quod emolumentum ex afflictionibus capiendum, quæ virtutes inter adversa potissimum discendæ. Nam revera in malis melius sapimus; secunda mentem auferunt.

E virtutum choro primæ occurrunt in adversis exercendæ *Fortitudo*, & *Fidelitas*. Qua vero ratione geminæ virtutes istæ longe melius in rebus incommodis & asperis, quam in lætis ac prosperis condiscantur, nunc explicabimus.

I. Longe aliter liberos educare solet serius pater, & aliter longe blandiens mater. Patris voces sunt: *Ad scholas*, puer, *ad scholas*. Vbi è scholis domum redierit, iterum urget pater, & : *Recole*, inquit, *audita*; *memoriam exerce*, *stylum move*; paullo

paullo post specimen mihi dabis eorum quæ didicisti. Vbi vero puer ad examen patris citatus, jamque interrogatus hæere, inepte respondere, Grammaticas leges non calle-
re, inscitiam tacendo prodere: hic pater aut eum colaphis objurgare, aut virgis ca-
stigare, aut acerrime increpare verbis, aut
lulus tempore in museum velut in carcerem
amandare, & acerbis vocibus instare: *Stu-
de piger, Stude: Stude tuis rebus, & omit-
te nugas.* Cumque hic ipse puer, annis non-
nihil & litteris adoleverit, à matre abstra-
ctus in exterarum terras à patre amittitur. Hæc
tamen omnia bono pueri sunt.

At vero mater nunquam non blanda &
mulcens, cum filioli madidos videt ocel-
los: Mi vir, ait, cur nostros liberos flere
malimus, & frontem contrahere, quam
exporrigere? teneri sunt, cur in eos verbe-
ribus sævimus? non raro deteriores fiunt à
plagis. Hæc matris voces sunt. Neque tan-
tum his blandimentis masculam virtutem
enervat, sed intempestivis etiam munuscu-
lis, ac † macteolis, irritamentis gulæ ac sci-
tamentis filiorum indolem corrumpit,
modo enim panem dulciarium, modo simi-
lagineum butyro factum, modo placentas &
popana furtim ingerit: ita dum mulcet &
blanditur, perdit. Quis ergo prudens non
malit à patre ad bonam frugem austerius e-
ducari, quam à matre blandius in perniciem
dari? Ita omnino Deus parens ille magni-

† *Schleckverck.* ficus

144 GYMNAS. PATIENT.

ficus, virtutum non lenis exactor, sicut se-
veri patres, durius suos educat.

Romanus Sapiens perquam eleganter hæc
prosecutus: Non vides, inquit ^a, quanto
aliter patres, aliter matres indulgeant? illi
excitari jubent liberos, ad studia obeunda
mature; feriatis quoque diebus non patiun-
tur esse otiosos, & sudorem illis, & inter-
dum lacrimas excutiant: at matres fove-
re in sinu, continere in umbra volunt;
nunquam flere, nunquam tristari, nunquam
laborare. Patrium habet Deus adversus vi-
ros bonos animum, & illos fortiter amat,
&: Operibus, inquit, doloribus ac damnis
exagitantur, ut verum colligant robur. Non
fert ullum ictum illæsa felicitas. Miraris tu,
si Deus ille bonorum amantiſſimus, qui il-
los quam optimos esse atque excellentissi-
mos vult, fortunam illis, cum qua exerce-
antur, assignat? Mavult illis esse male, quam
molliter. Et nobis etiam interdum volupta-
ti est, si adolescens constantis animi irruen-
tem feram venabulo excepit, si leonis in-
cursum interritus pertulit, tantoque specta-
culum est gratius, quanto id honestior fe-
cit. Ecce spectaculum dignum ad quod re-
spiciat intentus opere suo Deus, ecce per
Deo dignum, vir fortis cum calamitate
compositus.

Nec ego, mi Seneca, video, quid habeat
Deus in Orbe pulchrius, quam ut spectet
Tobiam

^a Senec. de Provid. cap. 2.

Tobiam aliquem aut Iobum, inter tot liberorum funera, † inter tantas facultatum omnium ruinas, nihilominus erectum & stantem.

Christus è nube compellans Saulum: Exurge, inquit, & sta super pedes tuos. Perinde si diceret: Ideo te dejeci, ut fortior surgeres.

II. Itaque cum videris hominem probum, acceptumque Deo laborare, sudare, per arduum ascendere; malos autem lascivire & voluptatibus fluere: cogita filios disciplina tristiori contineri, & ad modestiam educari, mancipiorum autem ac vernularum licentiam ali & audaciam. Hic Dei mos est; sanctissimos quosque homines in delictis non habet: Experitur, indurat, sibi illos præparat. Quemadmodum tot amnes, tot flumina, tanta imbrium ac nivium, tanta vis fontium non mutat saporem maris; ita adversarum impetus rerum viri fortis animum non vertit. Manet ille in statu, & quicquid evenit, in suum colorem trahit: ipse bonus, in bonum vertit, bene ferendo, bene interpretando. Vti vinum rubellum paucas albentes guttulas secum commistas suo colore tingit: ita bonus quicquid accidit, bene consulit, in bonum vertit, afflictionem omnem sibi reddit utilem tolerando. Est enim omnibus exterioribus potentior: nec hoc dico, non sentit illa,

† Mala fortuna. a Act. c. 26. v. 16.

illa, sed vincit, & alioquin quietus placidusque contra incurrentia attollitur. Omnia adversa, aut tanquam exercitia, aut tanquam medicamenta habet. Illa, si sanus sit animus, ad robur tuendum, vel augendum sunt; ista, si languidus, & delitiis aut voluptatibusmersus, ad recuperandum. Plane ut in corporum cura solet, cum vulneramur & urimur, ut valetudo ac vires reparentur.

Arboris genus est, cui Larix nomen. hæc arbor inter altissimas numeratur; folia illi non decidunt; vis ejus incorrupta, emori contumax: nec enim ardet, nec carbonem facit: nec ulla ignis vi consumitur, non minus quam lapides *a*. Inventum est hoc lignum pictorum tabellis immortale, nullisque rimis fissile, & quod nec cariem sentit, nec vetustatem.

Cælius Rhodiginus visam à se turrinam asserit è Larice structam, quam Iulius Cæsar subjectis flammis nequiverit dejicere *b*. Huic tali arbori homo insigniter patiens rectissime confertur: Ardet ille nonnunquam mediis calamitatum flammis, sed nullum in eo vel foliolum comburitur, nec enim verbulum edit, quod impatientiam oleat. Talis omnino Iobus, qui veluti lignum flammatarum patiens, *In omnibus his non peccavit labiis suis c*.

En

a Plin. l. 16. Nat. hist. c. 10. & alibi. *b* Cælius Rhodig. l. 10. antiquar. lect. cap. 10. *c* Iob. c. 2. v. 10.

En rubum flammis undequaque cin-
ctum, & tamen illæsum: En turrim è La-
rice structam quam omnis Acherontica vis
non dejecerit. Hoc nimirum in Patientiæ
gymnasio discitur, Æquo animo ea ferre,
quæ non sunt mala, nisi male sustinenti.

Isaaci conjux Rebecca cum geminos in-
fantes in utero collidi persentisceret *a*, per-
rexit ut consuleret Dominum, Responsum
est: Duæ gentes sunt in utero tuo, &c. &
major serviet minori. Hic Augustinus se-
riam quæstionem injiciens, qua ratione id
factum fuerit percunctatur, Majorem enim
nunquam minori serviisse, sed inferre ne-
cem voluisse compertum est. Siquidem E-
sau apud animum suum sic statuerat: Ve-
nient dies luctus Patris mei, & occidam
Jacob fratrem meum *b*. Quî ergo serviit,
cum occidere voluerit? Ad quæ optime
Augustinus: Serviet, inquit *c*, non obse-
quendo, sed persequendo, eo modo, quo
mali serviunt bonis. Quemadmodum lima
ferro, & malleus auro, & mola tritico, &
futus deservit pani pinsendo.

Isaaci filius Jacob in eum virum nun-
quam evalisset, nisi à fratre sic exagitatus
fuisset. In domo paterna laute habebatur,
matri charissimus omnia pro libitu agebat.
At cum illi mortem minaretur frater, in
Mesopotamiam ad Labanum avunculum

L pro-

a Gen. c. 25. v. 22. & seqq. *b* Gen. c. 27.
v. 41. *c* Aug. tom. 10. serm. 78.

148 GYMNAS. PATIENT.

profugiens opilionem egit ultra viginti annos Sensit hic Iacob se domi suæ non esse, nam durissime habitus, famem sitimque ferre, æstum geluque tolerare, insomniam vincere, sud puro Iove pernoctare didicit: hic ferrei prope corporis animique, hic laborum ac penuriæ toletantissimus evasit, Horum omnium causa, germani improbitas & invidia fuit. Quid hoc autem Iacobo profuit? Multum supra omnem modum, Nam Mortem intentatam effugit, otium à maternis blandimentis ortum excussit, laboribus & incommodis assuevit, robur sibi ac divitias comparavit, Liam & Rachellem conjuges acquisivit, è quibus duodecim patriarchæ ortum, sed & ipse Christus originem traxit. En, ut natu major serviverit minori, sane non obsequendo, sed persequendo. Hæc una discendæ fortitudinis ratio; ita fortes efficimur. Nota vox fortissimi: Cum infirmior, tunc potens sum.

III. Virtus, quo tendat, non quid passura sit, cogitat; quoniam & quod passura est, gloriæ pars est. Suis Deus consulit, quos esse quam modestissimos cupit, quoties illis materiam præbet aliquid animose fortiterque faciendi: ad quam rem opus est aliqua difficultate. Vnde possum scire, quantum adversus paupertatem tibi animi sit,

fit, si divitiis diffuis? Vnde possum scire, quantum adversus ignominiam & infamiam constantiæ habeas, si inter plausus senescis? si te protinus omnium favor comitatur? Vnde te obedientem scio, si tibi nulla nisi mollissima mandata veniant? Vnde te summissum ac humilem pronuntio, si nullis injuriis ac calumniis impetaris? Vnde te vere patientem laudo, si nullis calamitatibus premaris? Calamitas virtutis occasio est.

Illos merito quis dixerit miseros, qui nimia felicitate torpescunt, quos velut in mari lento tranquillitas iners & malacia destinet. Quicquid illis inciderit, novum & molestum veniet. Magis urgunt sæva inexpertos: grave est teneræ cervici jugum. Vel ad suspensionem vulneris tiro pallefcit, audacter veteranus cruorem suum spectat, qui scit se sæpe post sanguinem vicisse.

Considera Germanos, inquit Seneca *a*, & quicquid circa Istrum vagarum gentium occurfat. Perpetua illos hiems, & triste cælum premit, maligne solum sterile sustentat, imbrem culmo aut fronde defendunt, in alimentum feras captant. Miseri tibi videntur? Nihil miserum est, quod in naturam consuetudo perduxit. Quid miraris bonos viros, ut confirmentur, concuti?

L 2 Non

a Sener. lib. de Provid. cap. 4. Vbi de priscis Germanis loquitur.

150 GYMNAS. PATIENT.

Non est solida nec fortis arbor , nisi in quam frequens ventus incurSAT : ipsa enim vexatione constringitur , & radices certius figit. Fragiles sunt quæ in aprica valle creverunt. Sic semina messium gelu cooperta lætius germinant , sic ignis flatu premitur , ut crescat *a*. Quid officit argento & auro malleus ? aliter certe moneta non cuditur : nec inde poculum formatur , nisi metallum creberrimo ictu tundatur. Apage argentum & aurum quod impatiens est malleorum : ita quisque de seipso sentiat.

Nonnunquam nobis ipsis virtute præditi videmur , & *Patientes* dici volumus , sed opportune nobis ingereretur , quod non nemini Pythagoras dixit : Etsi argentum sis , ex te tamen nec obolus probæ monetz fiet , cum tam impatiens existas. Ita pluribus jure dicatur : quamvis sis argenteus , misfrater , sis aureus totus , dies totos in genua procumbas , manus cælo attendas , Deo preces adhibeas , nihilominus (ignoret mihi tuus genius) nullius pretii es. Cur obsecro ? † Quia malleorum impatiens es , & ideo velut inutile pondus , in arcam retrudendus es. Nam ubi malleolus vel solum te libarit , ubi verbulum asperius te perfrinxerit , mox in turpem impatientiam erumpis. O argentum , ô aurum , sed probum ,

a Greg. epist. 27. † Ein Silber klump der sich nit muntzen oder arbeiten laßt , vuszoller.

bum, sed falsum, sed adulterinum, quia malleis refractarium: nempe otio duntaxat natum, & in † coronice collocandum.

Guiljelmus Peraldus Lugdunensis Præsul festive disserit, qua ratione quis diabolo dentes excutiat. Dentes diaboli sunt calumniatores, obrectatores, vexatores, ad quos Hebræus Isaias: Quare atteritis populum meum, inquit a, & facies pauperum commolitis? dicit dominus Deus exercituum. His dentibus commordet cacodæmon homines probos. Sed quomodo hi dentes effringendi? *Patientia*. Non raro Christiani etiam unici patientia illustris, aliquot millia idololatrarum ad Christi sacra perduxit.

Romanus Præses Pontius Pilatus admirabilem Christi patientiam miratus, hominem illum supra hominem sapere, & alti sanguinis esse non immerito suspicatus est. Quotidianum hoc est, ut gerro verbosissimus, solum criminari doctus, taciturnam alterius patientiam observans, incipiat & ipse ad modestiam se componere, nullis alioqui conviciis exarmandus. Sed Christianum hoc robur, non discitur in * choreo, sed patientiæ gymnasio. Afflictio Fortitudinis magistra est.

IV. Non solum *Fortitudinem* gymnasium Patientiæ docet, sed & *Fidelitatem*,

L 3. in

† Ein Zier auff das Gfims. a Isa. cap. 3.

v. 15. * Zant? Boden.

in sacris paginis laudatissimam virtutem. Nota sunt illa Domini verba: Euge serve bone & fidelis. Discipuli Christi errores complusculos commiserunt, sapius etiam reprehensi sunt: nihilominus cum Christus in ultima cœna tristissimum vale omnibus diceret, copiose suos collaudans: Vos estis, inquit *a*, qui permansistis mecum in tentationibus meis. Et ego dispono vobis, sicut disposuit mihi Pater meus, regnum. Perinde si diceret: Erroribus vestris, ô mei Apostoli, veniam do; præterita sint abolita. Hoc potius ago, ut vestram in mefidelitatem amplissime remunerer. Vobis pœne unis Paupertas ac Humilitas mea non sorduit: agnosco fidelissimos, non dicam fervos, sed amicos. Itaque dispono vobis regnum, ut edatis, & bibatis super mensam meam, in regno meo. Hic utique Apostolis pectus gaudio subsiliit: & quis eorum aliud cogitarit, quam hoc ipsum: Utinam jam supra simus in hoc regno. Utinam una jam edamus, & bibamus in hac mensa! Sed eos Christus amanter erudiens, & certa gaudia non intempestive præcipienda submonens: Ecce, inquit *b*, Satanas expetivit vos, ut cribraret sicut triticum. Restant, ô mei, ardua de vobis sumenda experimenta: Vos velut campanæ estis, sonitum sparsuræ per Orbem; sed prius experiendæ sunt hæc campanæ: hac ipsa nocte
fiet

a Luc. c. 22. v. 28. & seqq. *b* Ibid. v. 31.

fiet initium. Nam sicut æramentarius fusor cum æramento manum ultimam imposuit, non illud protinus in turrim educit, sed malleo prius explorat, quæ voces sint sui operis, quis sonus, & an nihil rimularum hiet: ita de omnibus, qui inter meos numerari volunt, experimentum capiendum est varium, num eorum patientia sit solida, an in rebus adversis fortes, an temporibus duris fideles sint. Nimirum ad hanc coticulam hoc Fidelitatis aurum exploratur.

Optime dixit Annæus *a*: Quid quisque posset, nisi tentando non didicit. Nemo sciet quam patiens sis, nec tu quidem ipse, nisi varii te fatigent adversarii. Languet sine antagonista Virtus. Tunc apparet quis tibi sit animus, quantum valeat polleatque, cum quid possit, patientia ostendit. Adeoque verissime dixit beatus Gregorius: Nemo quantum profecerit, nisi inter adversa cognoscit. Thuris virtus in prunis sentitur: Aromata tunc maxime se produnt, cum in mortario teruntur: unguenta suavius fragrant, cum moventur. Magdalenæ balsamum totas ædes penetravit, cum in Christi verticem effusum est: sic in tempestate nauta, in acie miles, in arena pugil dignoscitur. Huc alludens Hieronymus: Christianæ militiæ est, inquit *b*, infelicitatibus feliciter ampliari, pressurisadolescere,

L 4

& pres-

a Senec. lib. de Provid. cap. 4.

b Hier. tom. 9. ep 9. ad amicum egrot.

154 GYMNAS. PATIENT.

& pressuras pubescendo calcare. Frequentibus procellis Christiana vita quatitur, atque tentatur, & pressuris innumeris lataitur ac crescit. Sic vera Fidelitas non in ore pigrorum, sed in manu heroum cernitur; nam aliud est fidelitatem promittere, aliud fidelem esse.

Christus, ut suos alliceret ad incrementum fidei petendum: Si habueritis fidem, inquit *a*, sicut granum sinapis. Quanam obsecro hæc tanta fides est tantilli granuli sinapis? minutum quidem ac vile semen est sinapi, vixque ullam ab oculis fert laudem: sed pistillo tritum, aut ore commansum, hic acrimoniam, hic odorem exerit, quis tantum ignis sub orbiculo tam modico latere credat? Hanc talem in se fidelitatem à nobis Christus exigit, ut tunc maxime amoris ignem, patientiæque odorem excitatissimum expiremus, cum pistillis calamitatum tundimur. Bonum, inquit Gregorius *b*, quod in tranquillitate sumitur, in tribulatione manifestatur.

V. Hebræum militiæ ducem sic laudat sacra pagina: Cuncti reges congregati sunt pariter, ut pugnarent contra Iosue *c*. Hic generosissimus heros juratam Deo fidelitatem illustrissimis exemplis repræsentare, & provocare hostes: Adeste perduelles Dei; nec

a Matth. c. 17. v. 20. & Luc. c. 17. v. 6.

b Greg. lib. 1. mor. cap. 4.

c Iosue cap. 9. v. 1. & 2.

nec mihi, nec meis labant genua, cum in vos pugnandum. & quamvis altero tanto sit major partium vestrarum numerus, non tamen formidamus: Adeste numerosissimi exercitus, nil trepidamus; à nobis Deus est, totus nobis militat æther. Sic omnino & Christiana generositas, hostem provocat: Adeste afflictiones, & innumerabilium calamitatum agmina, fames, sitis, egestas, morbi, luctus, injuriæ, calumniæ & omnis generis ærumnæ; nec numerum, nec vim hostilem expavescimus: si consistent adversum nos castra, non timebit cor nostrum: fidem Deo datam non frangimus; omnia potius pati, & vitam vel centies prodigere parati sumus, quam jusjurandum, quo Deus nos obstrinxit, negligere.

Quisquis in Deum pius ac fidelis est, sic animo sentit: Etsi Acheron in me moveat, etsi cœlum in me ruat, etsi omnis in me unum calamitas defæviat, ego tamen, duce Deo, in fide stabo; uri, vinciri, cædi, necari pro Deo paratus. Nam, si commortui sumus, & convivemus. Si sustinebimus, & conregnabimus: si negaverimus, & ille negabit nos.

Et quod probe sciatur, ô Christiani, non satis est nomen dedisse Christo, non satis est rei divinæ interesse, jejuniis & precibus vacare, stipem erogare non satis est; necesse insuper est, ut Deus nos semper inve-

L 50

niat

156 GYMNAS. PATIENT.

niat *Fideles*, & *dignos se*, uti Abrahamum, Iosephum, Iobum *fideles* vere atque *se dignos* invenit in adversis omnibus. Nam, quod Machabæa historia testatur a, Ioseph in tempore angustiarum suarum custodivit mandatum.

Nos licet argentei sumus & aurei, si tamen impatientes sumus, & malleos non ferimus, nullius pæne pretii sumus. Et quemadmodum in humano corpore cum vel animi defectio, vel subitus terror hominem opprimit, sanguis omnis ad cor concurrit, opem laturus: sic in afflictionibus & angustis quibuscunque, omnigena virtus ad hominem probum se recipiat, eumque sic animet: Si nunc, cum D E V S experimentum tui facturum, deficias, ubi Fides tua, ubi tuus est Amor? Vbi Obedientia, ubi Spes, ubi Patientia? Vbi Fortitudo & Fidelitas? hoc cene tuum patiendi desiderium? hoc cene tuum erat perseverandi propositum? Memento sacramenti, quod velut miles dixisti, memento fidei quam Deo dedisti, & fidelem te præsta utque in finem. Fidelissimum habes promissorem; non negabit præmium, non differet coronam, tu modo non detrectes pugnam, non desperes victoriam.

CAPVT

2 I Machab. cap. 2. v. 13.

C A P V T II.

*Afflictio docet Commiserationem &
Abstinentiam.*

Cum Ataxerxi regi amicus primæ admiscionis esset mortuus, rex Ioniam misit ad Democritum, ut si quid in eo artis esset, suum sibi amicum in lucem restitueret, aut si quod aliud remedium foret amici veteris reparandi, id porro tentaret. Democritus rem seriam & difficilem postulari respondebat, si tamen rex vellet possetque à se postulandis annuere, in opus deducendam. Promissa omnia liberalissimè. Ergo, inquit Democritus, defuncti tumulo hanc figite inscriptionem. Triginta nomina eorum, qui ad vicesimum ætatis annum nil dolorum sunt passi, sepulchro insculpantur. Quæ sita sunt sedulo hæc fausta nomina, sed necdum inveniri potuerunt uspiam, nec ullo ævo, ut credibile est, invenientur.

Ecquis ille, obsecro, mortalium est, qui non dicam viginti annis, sed vel diebus viginti nil sentiat adversi? Omnis vita nostra ærumnarum & calamitatum plenissima est; suam cuique portionem providentissimus DEVS jam ab æterno assignavit æquissima lance, Absinthium nemini non propinatur: sed huic calix, illi congius, isti caliculus miscetur, prout Deo visum, idque ob hanc etiam causam, ut alter alterius miseratione

158 GYMNAS. PATIENT.

ratione & consensu tangeretur, atque una Temperantia disceretur.

Qua igitur ratione afflictio tam *Commisserationem* quam *Abstinentiam* doceat, jam differemus.

I. Miseris solatium ingens est, poenarum socios habere: scire, eadem aut graviora pati alios, neminem à cruciatibus illæsum transiri, neminem hîc eximium esse. Hoc argumento Christus suos erudiens: Beati, inquit *a*, eritis, cum maledixerint vobis homines, & persecuti vos fuerint, &c. sic enim persecuti sunt prophetas, qui fuerunt ante vos. Et ut argumentum sit illustrius: Si me, inquit *b*, persecuti sunt, & vos persequentur. Eadem ratione Paulus Macedonas solatus: Vos, inquit *c*, imitatores facti estis fratres Ecclesiarum Dei, quæ in Iudæa sunt, quia eadem passi estis à contribulibus vestris. Sic Hebræis *d* velut digito monstrat optimos quosque ludibria, verbera, carceres & vincula expertos: circumeuntes in melotis, in pellibus caprinis egentes, angustiatos, afflictos; in speluncis & montibus, in cavernis & solitudinibus errantes; alios tentatos, lapidatos, sectos, obruncatos commemorat.

Et quo magis aliorum exemplis ac generosa patientia firmemur, monet beatus Iaco-

a Matth. c. 5. v. 11. & 12. *b* Ioan. c. 15. v. 20. *c* 2 Theff. cap. 2. v. 14. *d* Hebr. c. 11. v. 35. & seq.

^a Jacobus *a*, Ne cogitemus illos tanta passos, homines ferreos, aut adamantinos fuisse; Elias, homo erat similis nobis passibilis. Doloris acerbicatem tam illi quam isti æque senserunt ut nos, sed quia in schola Patientiæ plus didicerunt, patientiores quam nos fuerunt.

Neque tantum ab exemplis afflictorum, sed & à verbis, solatium afflictis accedit. Nempe inter adversa discimus, aliorum adversis indolere, solatio mulcere, & facile fidem habere iis, quibus non dissimilia sunt perpetienda.

Atque hæc causarum non postrema est, cur in Patientiæ gymnasium variæ vexandi compingamur, ut scilicet alter alterius dolorem discat dolere *b*. Profecto qui paupertatem expertus est, non difficile misereatur esuriei & egestati; qui sapius infirma & ægra fuit valetudine, misericordia ægrotorum cito capitur; qui reipsa didicit, quid contemni, premi, & abjici sit, animum lenitate induit in contemptos, pressos & abjectos; qui fortunis omnibus evolutus est, facillime commiserescit illorum, quos eadem fors facultatibus privavit. Ærumnis variis exagitati, cum Tyria regina sapimus, quæ dixit:

Non ignara mali, miseris succurrere disco c.

Sapienter Æschylus poëta: Infelicititer agentis,

^a Jacob. c. 5. v. 17. ^b Non theoreticè tantum aut speculativè. ^c Virg. 1. *Æneidos*.

160 GYMNAS. PATIENT.

ti, ait *a*, quivis condolere, & una suspirare promptus est; morsus autem doloris nullus ad hepar penetrat. Huic rectè Sophoclis dictum jungitur: Qui ipsi miseras experti, hi soli ex aliorum afflictionibus dolorem capiunt.

II. Hinc optimè concludimus: Quisquis tam immitis, asper, inclemens, & durus est, is certè tristiora nunquam expertus, neque litteras, neque natare scit, & nec vidit quidem oleum, quo athletæ unguntur; consenuit in pavillo, hinc tam inhumanus & in miseros immisericors est. Atque hinc DEVS suos monuit, ne alienigenas & peregrinos læderent, quod & ipsi tales fuissent: Advenam non contristabis, neque affliges eum, advenæ enim & ipsi fuistis in terra Egypti *b*. Vestra vobis experientia dicet, quam miseranda fors sit, extraneum, servum, captivum, laboribus oppressum, verberibus oppletum esse.

Beatus Leo Apostolorum principem Petrum ideo tam graviter labi permissum autumat, ut summus antistes tanto esset indulgentior lapsis. Atque ita in principe Ecclesiæ, conderetur remedium pœnitentiæ. Hinc servo gravissimè indignatus paterfamilias, quod paullo ante ex ære alieno laborasset maximo, & animam debuisset, nihilominus nec minima conservi debitoris

mise-

a. Esch. in suo Agamem.

b. Exod. cap. 22, v. 21.

miseriordia frangeretur: Nonne oportuit
& te misereri conservi tui *a*?

Hinc & Paulus solatium maximum instillans. Non habemus, inquit *b*, Pontificem, qui non possit compati infirmitatibus nostris, tentatum autem per omnia. Adeamus ergo cum fiducia thronum gratiæ, ut misericordiam consequamur *c*. Vnde debuit per omnia assimilari fratribus, ut misericors fieret, & fidelis Pontifex ad DEVM.

Vnde Virgo beatissima, Domini Mater, tam misericors semper, & etiamnum misericordiæ mater? Non ignara mali miseris succurrere didicit, omnigenis vitæ miseriis exercita. Vnde Hierosolymæus Epulo in Lazarum tam barbarus, & crudelis fuit? paupertatis incommoda ignorans epulabatur quotidie splendide.

Hanc ob causam Deus in multos immitit afflictiones, ut aliorum discant miserescere, & opem promptius adferre. Non neminem audias, qui hac in re suam ipse culpam recitet: Ægroto illi fidem non habui; pauperis illius vicem non dolui; mæsto illi & afflicto misericordiam non tribui, illum funeribus suorum illacrimantem irrisit; jure igitur mihi nunc & morbus, & paupertas, & mæstitia, lacrimæque proponuntur gustandæ: ita discam in posterum aliorum miseratione permoveri.

Hiere-

a Matth. c. 18. v. 33. *b* Hebr. c. 4. v. 15.

c 16. *c* Hebr. c. 2. v. 17.

162 GYMNAS. PATIENT.

Hieremias vates Moabitarum improbos mores sic perstringit *a*: Fertilis fuit Moab ab adolescentia sua, & requievit in fecibus suis, nec est transfusus de vase in vas. Confer Moabitas vino, quod suis fœcibus nimis diu permixtum, odorem contrahit inamœnum, & ingratum. Hispani solent dicere: Hoc vinum etiamnum recens à matre sua est, nec de dolio in dolium † pergrinari sustinuit: Sic Moabitæ fertilissimis terris opulenti, nesciebant quid fames & penuria docerent; Fertilis Moab ab adolescentia sua, & requievit in fecibus suis: Nam Moabitæ Sodomitis vicini, rerum abundantia luxuriosi, divitiis ac vitiis innutriti casta paupertatis consilia spernebant; Nec est transfusus Moab de vase iustitiæ in vas Temperantiæ, Castimoniæ, ac Misericordiæ. Verbo dicam: in gymnasio Patientiæ minerval nullum dederunt: hoc unum sciunt, esse, bibere, joculari, ludere, omni voluptatum genere inebriari. Bibentes vinum in phialis, & optimo unguento delibuti, & nihil patiebantur super contritione Ioseph *a*: duri prorsus, immisericordes, & semper ægri caloribus impatientia. En, quanti sit in gymnasio Patientiæ mores & littetas accepisse: & ipsi discipulo, & aliis multis id prodest. Consensus & commiseratio hic discitur: III. Non

a Hierem. c. 48. v. 11. † *Ligt auff der hef-
fen, der vvein ist nit abgezogen.*

c Amos capi 6. v. 6.

III. Non minus Abſtinentiam & Tempe-
rantiam in Patientiæ gymnaſio diſcimus.
Plurima ſunt quibus nos carere non poſſe
perſuademur, dum ea poſſidemus: cum e-
repta ſunt, quam iis facile careamus, nos
ipſi miramur. Eſt mercator opulentus &
magnificus, qui aliquot famulis comitatus
incedit; cum ad mendicitatem & ſaccum
detruditur, tunc primum experitur, quam
facile ſit incomitatum incedere. Eſt viator,
cui tenebræ iter ad hoſpitiū interdunt:
ita in campis ſub arbore pernoctare cogitur,
& quia vix unius trientis annonam ſecum
habet, fateri tandem cogitur: Nefciebam
me duobus numulis cœnare poſſe. Eſt opi-
fex, qui olim dives, & in menſa lautus, ſed
quia laboris parcus, & ad rem non atten-
tus, † proterviam fecit, ad incitas redactus;
tandem in prandium hebet olus male un-
ctum, in cœnam jejunium, aut juſ exocu-
latum, cum frigida. At ille ſeipſum prædi-
cans: Nefciebam, ait, me poſſe tam parce
vivere. Eſt tabellarius eques qui ſua omnia
in caupona ſepeliit, & ex equo in pedes de-
jectus: Deo gratias, inquit, qui me iterum
in pedes erexit: nefciebam antea me pedum
uſum tam integrum retinuiſſe.

Ita D E V S cum plurimis agit; ad medio-
critatem eos & ad temperantiam reducit
penuria ſaluberrima. Multi tam pertinaces
ſuo ſtant judicio, ut dicant, iſte quidem:

M Lauti-

† Panckarotten geſpielt; verdorben.

Lautitia mensæ carere non possum; inediatam tolerare non est mei stomachi. Iste verò: Somno brevi, ait, & parco uti non est mei capitis. Hic vero: Sine sociis, inquit, vita mihi nulla est. Alius: Sine potu & vino, piscis sum in sicco. Cum vero pauperies aliave calamitas cibum, aut socios, aut forum adimunt, & vinum commutant aqua, tum profecto experimur teipsa, quam facile sit nobis vigilare, suum, nec ultra, ventri dare, jejunium servare, vino & sociis privari.

Magistra temperantiæ calamitas est. Rebus in arctis sobrietatem & parsimoniam discimus; sæpe sera nimis est parsimonia in fundo.

Quam multi magnatum, quos ipsi novimus, didicerunt in carcere septem numulis aut certè paucis assibus prandere, quorum antea mensa sub dapibus gemebat.

Audite mira, bis mira, & quæ valde faciant proposito. Pecchius Cisalpinus, homo indystrius, & magni animi in odium venit viri illustris & opulenti, cumque iter faceret, delatus in insidias & captus, atque instat felis in saccum conclusus, eaque ratione in hostis sui castrum deportatus est.

Hic in altum fœdumque carcerem dejectus Pecchius. Et cæteris quidem domesticis quid rerum ageretur ignaris, unico è fidioribus famulis commissæ est cura ab arcis domino, ea lege captivum aleret, ut in
singu-

singulos dies non nisi panis frustillum idque gracile, & pauxillum aquæ deferret, quo miser non tam diutius viveret, quam per diu se mori sentiret. Interim Pecchius totis urbibus oppidisque quæritur, nusquam reperitur ipse, sed jumentum, quo usus est, sanguine non nihil aspersum. Quocirca suspicione facta strenuè in homicidam indagatum. Reperiti sunt duo, qui uscum aliquando rixatus sciebat. Miseri tormentorum sævitia adacti, Pecchium à se cæsum fassi sunt reclamante conscientia. Sceleris damnati, alter gladii, alter laquei supplicio addicitur. Ita insones ducti sunt. Iudicia tua, ô Deus abyssus multa!

Interea captivus animum trahit in teterimo carcere, eaque seu vivendi dicas, seu potius moriendi ratione novendecim annos exigit. Vestem nec deposuit, nec mutavit unquam; præter fontem & exiguam in dies Ceterem nil penitus gustavit. Nihilominus (ipsius Pecchii narrantis verba sunt) Dei, ejusque Divæ Matris clementiæ memor, ingenti fiducia sibi semper constabat, speque maxima erat, futurum ut ex illo Mortis spelæo emergeret. Interim filii captivo patri velut jam mortuo iusta fecerunt, hæreditatem inter se partiti. Annisigitur novendecim totis in tam diro ergastulo exactis, arcis dominus, captivi hominis capitalis hostis obiit. Successor hæres ut ca-

strum in ampliorem nitorem restauraret, hinc illinc muros dejici jussit. Ventum est ad hoc ipsum subterraneum cavum: quod nulla janua, sed foramen duntaxat idque angustum aperiebat. Dejectis hic futuri ædificii obstaculis, homo instar stygiæ umbræ apparuit, veste lacera, barba ad poplites promissa, capillis in humeros largiter excurrentibus. Obstupuerunt operæ ad hoc spectaculi tam inexpectati. Mox rumor in vulgus abiit. Accursus ingens velut ad Faunum aliquem Satyrumve, aut simile silvarum monstrum. Peritiores qui affluerant, suasere hominem repertum non statim aëri exponendum, ne aut oculorum, aut ipsius vitæ usum subita mutatione perderet. Sic aliquot dies inter assuetas tenebras detentus, paullatim ad auram liberiores educitur. Hic plurimæ quæstiones velut ab inferis redivivo positæ: quis, qua domo, qua gente, unde illuc venerit, quamdiu illic latuerit? &c. Ad quæ ille ordine rei feriem recensens, fidem narrationis omnibus fecit. Hinc ei non tantum libertas data, sed & bona quæ filii jam diviserant, jussu Principis restituta. Illud ad rem omnino, & dignissimum notatu. Podagra laborabat Pecchius cum in carcerem illum raptaretur. At tanta mensæ frugalitate hoc impetravit, ut non solum in carcere, sed & in omnem reliquam vitam ab omni prorsus podagra immunis degeret.

Qui hæc posteris memoriæ tradidit :
Cum hoc ipso viro, inquit *a*, collocuti
sumus, & hæc ex ore illius didicimus Me-
diolani, anno 1566, mense Novembri.

En ut DEVS ad inferos deducat, &
reducatur : En, ut calamitosa inopia non so-
lum abstinenciam & frugalitatem doceat,
sed & sanitatem nullis alioqui pharmacis
impetrandam tribuat.

At nos plerumque malæ indolis sumus,
quod quædam ultro discenda, nisi coacti
non discamus. Tandem magister in schola
Patientiæ jure his urget vocibus : Disce igi-
tur vel invitus, quod noluisti sponte disce-
re. Galenus arbitratur aliquibus subitas
commotiunculas & ægrotationes prodesse.
se b. Credimus: & neque discipulis Patientiæ
eas sentire obest.

IV. Venusinus vates festivum quid nar-
rat in hunc modum *c* : Opimius, civis tam
avarus quam dives, grandi lethargo est op-
pressus. Iamque hæres circum claves & lo-
culos lætus currebat. Erant qui Opimium
vellicarent, traherent, agitarent, nec ta-
men lethargum pellerent. Medicus in rem
agri promptus ac fidelis: Opimium exci-
tabat hoc pacto. Mensam jussit poni, &
in ea numorum saccos effundi, plures et-

M 3: iam

a Simon Majolus episcop. Vulturar. In die-
bus Canic. col 4. mihi pag. 159. *b* Ga-
len. l. 6. de medic. facilib. *c* Horat. l. 2.
serm. sat. 3. med.

iam accedere ad numerandum; denique hominem sic erexit: Opimi, aiebat, heus Opimi, Ni tua custodis, jam hæc omnia avidi hæredes auferent. Hic Opimius graves attollens oculos, & serio evigilans: Quid hoc, inquit, rei est, istane fieri me nondum defuncto? Apagite mali vultures: an vivum lacerare venistis? an superstitem efferte vultis, ut in hæreditatem venire liceat? Subjunxit medicus: Vt vivas igitur, vigila; hoc age. Ita hunc ægrum deseruit lethargus.

Capitis hoc Christiani? Cœlestis animorum medicus innumeros videt Opimios, jacentes, & lethargo pressos, salutis suæ incurios, multa intemperantia corruptos. Quid hic faciat fidelissimi medici peritia? Diversa tentat, ut ægrum sanitati restituat. Sed parum proficit. Tandem ergo charissima quæque aut adimenda simulat, aut omnino adimit, sed eo certe animo, ut excitemur, ut in rem nostram vigilemus; ut emendemus mores depravatos, & ita valetudinem recuperemus. Tandem æger fateri cogitur: Putabam sane mearum virium non esse, his carere, his abstinere, illud non obtinere: nunc autem, ut video, hæc omnia vel quia volo, vel quia debeo, possum: his careo, his abstineo, illud non obtineo, & tamen vivo. Magistra temperantiæ calamitas.

Prodigus ille juvenis, & patrimonii
a Luc. 6. 15. v. 16. de.

decoctor, quum opportune didicit inedi-
am tolerare, quam pulchre crapulam om-
nem disculfit! Tam arcta urgebatur fame,
ut panem avenaceum, imo ut fursur porci-
num inter delicias numeraret, qui ante do-
minicum nauseabat. Siquidem Cupiebat
implere ventrem suum de siliquis quas pos-
ci manducabant, & nemo illi dabat. Ideo
cum animo agitarer, quam in paternis æ-
dibus monstrum ignotum sit fames, quam
assiduus illic hospes habiter panis: non sane
auditus est exclamare: O quis mihi altilem
gallinam, ô quis gallum spadonem pinguis-
simum, ô quis panem † artopritium?
Sed ô quis mucidi panis frustillum dabit?
Vbi obsecro, & à quo hanc tantam tempe-
rantiam didicit? A fame, idque in schola
Patientiæ. Optimè dixit Eusebius a: Fa-
mes eum revocavit, quam Saturitas expu-
lerat. Nimirum accipitres non redeunt ad
suos dominos nisi famelici. Nos famem
credimus magnum esse malum, sed multo
majus est intemperantia. Ut istud igitur ef-
fugiamus, illud quandoque DEVS in nos
immittit: fame castigat, ut à vetitis tem-
perare doceat. Ita calamitates in remedium
cedunt.

V. Eleganter plane Annæus: Leviori-
bus, inquit b, incommodis, graviora sa-
nantur, ubi parum audit præcepta animus,

M 4. nec

† Torten. a Euseb. Emess. Serm. 2. de Pred.

b Sen. l. de Tranq. c. 9.

nec curari mollius potest. Quid ni consulti-
tur, si & paupertas, & ignominia, &
rerum everfio adhibetur? malo malum op-
ponitur. Si velis ut agrotus cibum sibi mi-
nus commodum non tangat, optimum est
aut illum ei non proponere, aut sale vel pi-
pere sic asperate, ut mox abdicet: DEVS
malæ valetudini nostræ consulit, cum non
tangenda ærumnarum ‡ sale ac pipere sic
inficit, ut libido non sit iis frui. Hoc ma-
ximi beneficii loco interpretatus Augusti-
nus: Cui licentia, inquit *a*, iniquitatis
eripitur, utilissime vincitur. Idque in sei-
pso expertus. Non evasi, ait, flagella tua.
quis enim hoc mortalium? Tu semper ade-
ras misericorditer læviens, & amarissimis
aspergens offensionibus, omnes illicitas ju-
cunditates meas, ut ita quærerem sine of-
fensione jucundari.

Hoc Deus agit, ne noxia nostro nobis
damno sapiant. Hinc, ô beati vestras ego
voluptates video, sed nec invideo, nam
austum sale & igneum piper sub iis late-
re non dubito. Tangat, qui vult uri. Deus
ut cocus minime cæcus, id quod noxii aut
nimis frigidi est edulii, † cucumeres, fun-
gos, melopepones, betas sanguineas, tam
ingrato spargit condimento, ut ab iis non
inviti

‡ Versaltzts und verfefferts.

a Augustin. ad Marcellinum & l. 2. Conf.
cap. 2. post. med.

† Ranen, und vvas zu fast kult.

nviti temperemus. Pro his autem tam diu cupediis cibum è sua mensa regium mittit.

Summi favoris argumentum poterat videri, cum Ierosolymæus rex David è mensa sua suo famulo Uriæ regias dapes mitteret, quod Regum facti asserunt *a*: Secutus est eum cibus regius. Pari ratione rex Nabuchodonosor *b*, quatuor Hebræis juvenibus constituit annonam per singulos dies de cibis suis, & de vino unde bibebat ipse: Et quænam sunt regiæ Christi dapes, quod vinum illius dominicum? Penuria rerum omnium. Nasci, vivere, mori extrema paupertate: Meus cibus est, inquit Servator *c*, ut faciam Voluntatem ejus qui misit me, ut perficiam opus ejus. Quodnam hoc opus? Assidue crucifigi. Nam Christus Dominus momento primo quo Virginis uterum habitare cœpit, se crucifigendum cognovit; hinc semper dum vixit, crucifixus fuit ob assiduam mortis memoriam. Hinc & Zebedæos fratres velut exploraturus: Potestis, inquit *d*, bibere calicem, quem ego bibiturus sum? Calicem quem dedit mihi Pater, calicem illum longe amarissimum? Qui negat se posse, in Patientiæ gymnasio id discet.

M 5

Affue-

a 2 Reg. cap. 11. v. 8. *b* Dan. c. 1. v. 5.
c Ioan. cap. 4. v. 34. Nec obstabat, Christum, ut Theologis notum, comprehensorem fuisse. *d* Matth. c. 20. v. 22.

172 GYMNAS. PATIENT.

Assuescamus igitur à nobis superflua removere; cibus famem domet, potio sitim. Discamus membra nostra in potestate habere, cultum victumque non ad exempla componere. Assuescamus sine convivis & cupediis cœnare, vestes parare in quod inventæ sunt, habitare contractius. Discamus continentiam augere, luxuriam coercere; gulam temperare, iracundiam lenire, paupertatem æquis oculis aspicere, frugalitatem colere, animum ad futura & æterna mittere. Hæc omnia in Patientiæ gymnasium discuntur, sed à sedulis solum & volentibus proficere. Interim teneamus hoc mordicus; Adversis non succumbere, lætis non credere. Prudentis est, ne quid mali fiat, cavere; fortis autem id quod factum est, moderatè ferre.

C A P V T III.

Afflictio docet Orationem, & Mortificationem.

VIt eruditus Hieronymus Cardanus questionem ponit *a*, Cur rosæ spinis armentur? Post fusam è Philosophia dissertationem, hoc demum concludit: Si rosæ spinifera non sit, nec etiam erit odorifera. Hinc rosæ silvestres quæ quinis plerunque foliolis constant, minores habent spinas, quam quæ in hortis educantur, ideo suavi quidem, sed imbecilli sunt odore.

Oratio

a Card. l. 13. de Subtil. pag. 284.

Oratio velut nobilissima rosa est, sed nisi hæc suas etiam spinas habeat, *Mortificationem*, odoris est parum probati. Omnium in Christi Lycæo patientum vox est: *Orationem* sine *Mortificatione* vix ullius esse pretii, alterum sine altero non constare, nec duo hæc se jungi distrahique posse. Hinc cum religiosus vir quispiam beato Ignatio præsentem laudaretur, dicereturque, Virum esse multæ orationis; Ignatius mutata voce subjunxit *a*: Vir est multæ mortificationis. Eam porro *Mortificationem* (sic loquimur cum multis) designabat, quæ non tam corpus maceraret, quam voluntatem ac iudicium expugnaret. Atqui duo hæc, *Orationem* & *Mortificationem* in Patientiæ gymnasio præclarissime doceri, hoc capite ostendam.

I. Hebræus rex David ad divinas laudes hortatus: Psallite Domino, inquit *b*, in cithara, in cithara & voce psalmi; in tubis ductilibus, & voce tubæ corneæ. Optima ad orationem exhortatio, & quæ quatuor potissimum capita complectitur. Primum: Si cithara vel lyra pluribus instructa sit fidibus, necesse est ut eæ inter se solerter comparatæ assonent. Nam si fides vel unica sit discors, totus perit concentus. Nec aliud in re nostra: Quicumque totam legem servaverit, offendat autem in uno, factus est omnium reus *c*. Sis licet castus, & in
stipem.

a Ribaden. in vita S. Ignatii l. 5. c. 1. ante finem. b Ps. 79. v. 7. c Iac. 2. 2. v. 10.

174 GYMNAS. PATIENT.

stipem effusus, si tamen iracundus es & invidus, jam symphonia nulla est, factus es omnium reus. Et contra, sis licet mitissimus, & invidus nulli, si tamen incaustus es, harmonia perit, factus es omnium reus. Quare psallite Domino in cithara; in cithara consonantibus fidibus, sociata nervorum omnium concordia. Talis sit oratio tua, qualis est vita tua.

Alterum: *In voce psalmi.* Vult assam vocem instrumentis musicis conjungi. quod si vero vox una discordet, jam cantus suavitas jugulata est. Qui orat, sciat quid dicat; orationem veram oportet esse attentam.

Tertium: *in tubis ductilibus.* Tuba ductilis non nisi plurimis formatur ictibus, quod Mortificationem designat. Multo est operosius seipsum, quam hostem potentissimum superasse ^a. Neque vero gloriosa est victoria, nisi ubi fuerint laboriosa certamina. Tubam ductilem & inflat, qui acriter sibimet imperat.

Quartum: *Et voce tubæ corneæ.* Instrumentum augustum, sed artificiosum & suave, si peritum habeat cornicinem. Hic eleemosinæ atque jejunii monemur. Ergo, bona est oratio cum jejunio & eleemosina ^b. Bona est oratio, quam comitatur mortificatio. Nos sæpe concentum Deo celebramus, sed inanem, & sine fidibus at-

que

^a Ambros. l. 2. offic.

^b Iob. cap. 12. vers. 8.

que organis : Oramus, sed carnis petulantiam non castigamus. Hac fraude plurimi semet decipiunt, nam quia crebro & multum orant, ideo seipfos tanquam homines multæ orationis circumspiciunt. Itane vero, mei tam vos egregii cantores? Vox sola non ingrata est: sed ubi tubæ, ubi fides, ubi cornua? Bona est oratio: sed ubi est mortificatio? Hæc sibi jungenda sunt, alioqui concentus erit inanissimus. Psallite Domino, sed in citharâ. Christus non solum nos preces fundere, sed & animam odisse docuit; ad collem Oliviferum non tantum orare suos, sed & vigilare jussit, & somno non sine luctu imperare, Vtrumque hoc in Patientiæ gymnasio docetur, & Oratio, & Mortificatio.

Ecce, oro, quot orantes vidistis nautas, tempestate jam sedata, cœlo iterum sereno evitato naufragio? quot vidistis milites, qui pectus tunderent, dum hoste procul, ad ignem sederent, & sales facetiasque sererent? Apud plurimos mortalium tanti est DEVS in prosperis, quanti nobis est calor fornacis in æstate, fax in meridie, miles in pace, tibicen, cum saltare non licet, architectus cum ædificare non vacat; quanti est optima mensa, cum non lubet comedere; causidicus, cum nihil est litigii; medicus, cum omnes sunt sani. Quam vere vates Italus.

----- *rare fumant felicibus ara a.*

Lan-

a Silius l. 7. bell. Pun.

176 GYMNAS. PATIENT.

Languet oratio, languent sacrificia, nuda sunt altaria, florente fortuna. At verò cum hiems sævit, focum laudamus & ignem; cum nox est, candelas & faces quærimus; cum bellum ingruit, militem scribimus; cum morbus urget, medicum vocamus; cum tempestas furit, ad preces confugimus, & manus cælo attendimus. Sic ad officium suppliciiis adigendi sumus.

II. Ideo psalter regius: Imple, inquit *a*, facies eorum ignominia, & quærent nomen tuum Domine. Certe non quæsitura, nisi prius ignominia impleti. Hoc ipsum confirmans: Multiplicatæ sunt, inquit *b*, infirmitates eorum, postea acceleraverunt. Et clamaverunt ad Dominum cum tribularentur *c*. Cur antea non clamastis? Nulla nos calamitas premebat. Ergo clamores hi optime extorquentur calamitatibus, perinde ut organorum fistulæ non canunt, & sine voce sunt, nisi cum follium flatu compelluntur. Ita Hebræi. Cum occideret eos, quærebant eum, & revertebantur, & diluculo veniebant ad eum *d*.

Impiissimus Manassès orare nunquam didicisset, nisi in carcerem detrusus fuisset. Quid de viris sanctissimis dicam? Moses plurimis pressus ærumnis, Iacob fraternis

agita-

a Psalm. 82. v. 7. *b* Psalm. 15. v. 4.

c Psal. 106. v. 13. 19. & 28.

d Psal. 77. v. 34.

agitatus insidiis, Samsom illusus à Philistæis, Tobias amissis & opibus & oculis, Sara gravibus lacerata conviciis, tres Hebræi juvenes in mediis flammis, Daniel in leonum cavo, Petrus in pelago, Paulus & Silas in ergastulo, aliique sexcenti precandi & occasionem & disciplinam hauserunt inter adversa. Ita Ionas propheta vim Obedientiæ in ceto didicit. Barbari Geraseni amissis porcorum gregibus, Christum supplices accesserunt.

Apostoli mergenda navicula clausi ardentissimè divinam opem expetierunt. Tunc scilicet fera latibulum petit, cum canes à tergo insequuntur; Tunc arbor patula viatori charissima est, cum aut sol urit, aut subitus imber defluit: Ita nos prorsus, quamdiu bene est, Deum importunis clamoribus non fatigamus: aut enim non oramus, aut segniter. At vero cum canes venatici suis nos rictibus petunt, hic properamus, hic currimus, hicubi asylum reperiamus, ‡ cum æumnarum æstus fatigat, cum lacrimarum imbre perfundimur, hic Deum omnesque superos inelamamus. Huic tali Deus opportunè dixerit: Non venisses ad me, nisi ut pater virgis vocassem te. Tam ingenuæ indolis erat rex David, ut hoc ipsum fassus dixerit: Ad Dominum, cum tribularer, clamavi a.

Pha-

‡ *In der noth, sucht man Gott.*

a Psal. 119. v. 1.

178 GYMNAS. PATIENT.

Pharao rex improbiſſimè pervicax auſus eſt dicere. Nefcio Dominum, & Iſrael non dimittam *a*. Tunc certe nondum ſat ſenſerat flagella Domini, quem ignorari à ſe ajebat. At ubi acrioribus flagris exceptus eſt, aliter loqui didicit, jamque non ſemel: Orate, inquit *b*, Dominum, ut deſinant tonitrua Dei & grando. Hem Pharao, noviſti jam Dominum? Nimirum has voces in Patientiæ gymnaſio vel invitus didiciſti.

Et quamvis Pharao indocilis prorsus & nullius ſpei fuerit diſcipulus, profecit tamen verberatus. Aliter ſenſit, ſanius locutus eſt poſt plagas & verbera. Sed quid Pharaonem miramur? Diabolus ipſe Chriſtum ut ignotum affatus: Si filius Dei es, inquit *c*, dic ut lapides iſti panes fiant. Sed auſcite ut vocem emendarit jam flagellatus. Nam, Exibant dæmonia à multis, clamantia, quia tu es filius Dei *d*.

Qui Deum vel verberatus noſſe negat, duriffimo Pharaone durior, & ipſis ſaxis magis ſaxeus, & vel ipſo nequior eſt diabolo. Si quis hominem ſe gerat, in afflictione orare diſcet, ſi id antea nescierit. afflictio precandi magiſtra eſt.

III. Non tantum Deum precandi, ſed & ſe mortificandi attem in Patientiæ gymnaſio diſcimus. Ad rem dixit Clemens
Alexan-

a Exod. cap. 5. v. 2. *b* Exod. c. 10. v. 28.

c Matth. cap. 4. v. 3. *d* Luc. c. 4. v. 41.

Alexandrinus 4: Silvescit vitis, & in labru-
 scas degenerat, nisi putetur; exorbitat ho-
 mo, nisi flagelletur. Nam uti palmitum
 luxuria, nisi coërceatur, in pampinos sese
 effundit, botros fert raros, eosque acerbos:
 cum autem ferro castigatur, mites dat uvas
 & crebriores & dulciores: Vix aliter homo.
 nisi enim laboribus, ærumnis, afflictionibus,
 assidue, ut vitis falce, curetur, in vitia, velut
 in folia effunditur, ferocit, luxuriat, effera-
 tur; cum autem ferreo calamitatis ungue ca-
 pitur, orationis, pœnitentiæ, patientiæ,
 mortificationis fert fructus. Appetentia no-
 stra nunquam non in vitium ruit, & effreni
 sæpe pruitu in noxia fertur, Subinde tanta
 se rabie concitat, ut non neminē audias di-
 centem: Non patior frenum, non admitto
 leges, consilia non audio; quo mea me fert
 cupido, sequor: † explebo animum. Atqui
 profecto seipsum præcipitat iste talis, nisi
 sit qui furibundos hominis impetus sistat.

Hic benignissimus Deus medium sæpè
 cursum tam efferi calcitronis reprimit, dum
 calamitates, damna, & quicquid miseria-
 rum horremus, objicit, ut indomitus hic
 equus dometur. Et quemadmodum equi
 sessorem admittere recusantis caput pallio
 obvolvitur, sic ferocienti homini pallium
 mœtoris D E V S injicit, ut admittat, quam
 spreverat, disciplinam.

N

Augu-

a Clem. Alex. lib. 1. Pedag. c. 8.

† Will den lust Buffen.

180 GYMNAS. PATIENT.

Augustinus insigniter: equus, inquit *a*, non se domat, elephante non se domat, aspis non se domat, leo non se domat: sic & homo non se domat. Sed ut dometur equus, bos, camelus, elephante, aspis, leo, quaeritur homo: ergo DEVS quaeratur, ut dometur homo. At hic domitor noster profert etiam flagella, plerunque enim nostra dat, ut nos iumenta nostra, quae frenis, suffibus, flagris, perticis etiam & furcis firmariis mitescere docemus. Si nobisum sic agat DEVS, quid querimur: Dei iumenta sumus. Apertissime hoc Sionis rex pronuntiat: homo cum in honore esset, non intellexit: comparatus est iumentis insipientibus, & similis factus est illis *b*. In hac sua iumenta Deus, non suo utatur jure, eaque flagris; paupertate scilicet, contumeliis, luctu, mœroribus urgeat?

Non unam duntaxat Nabuchodonosorem, non Achabum, Manassén, aut Antiochum unum, sed complures ejuscemodi ferocissimos leones cicuravit flagris: desierunt illi ferocire, & immanissimis affectibus positis redierunt ad se, indueruntque hominem, quos prius belluas esse dixisses. Quod si iumentum tuum, inquit Augustinus *c*, mansuefieri se patiat, quid ei à te pramii est? nec sepulchrum quidem das mortuo. DEVS patientiam tuam re-

munera-

a Aug. to. 10. de verbis Dom. ser. 4. princi.

b Ps. 48. v. 13. & 21. c Aug. ibid. c. 4.

munerabit cœlo, & mortuum ad vitam revocabit nihil tui peribit. Ad hanc spem homo domatur, & domitor intolerabilis habetur ad hanc spem homo domatur, & contra istum utilem domitorem, si forte flagellum profertat, mormoratur? Saltem sapiamus quantum ferat ac jumenta: hæc si vestibulo, rhedæ, pulento, currui, effedo, aratro jungantur, & objurgentur viaga vel scutica, sciunt se ideo verberari, quod exorbitent. aut æquo lentius progrediantur: quare mox in viam redeunt, aut certe celerius eunt.

Tam sagaces saltem & nos, tamque intelligentes simus, ut cum quis à Domino corripitur, hoc mente & cogitatione verberet: Ergo erravi, & extra orbitam deflexi: en revocor flagello; & quo abirem averius, si sic sinerer progredi? Sed esto, tenuerim viam, certè nimium lentus in cœssi telludine gradu. Iure mei me officii plagæ moneant. Itaque jam gressu incedam contentiore. Hastenus videri poteram dormire; nunc vigilabo, & operæ non parcam. Si non ita agimus, jumentis minus sapimus, quæ saltem plagis in viam reducuntur.

I V Chrysostomus excellentissime, & aureo prorsus ore rem oculis subjiciens: Si vultis, inquit *a*, duas domos describamus,

N. 2

hanc

a Chrys. tom. 5. hom. 62. ad populum Antio. initio, mihi pag 341. Idem habet tom. 3. in c. 19. Act. hom. 42. mihi pag 615.

182 GYMNAS. PATIENT.

hanc quidem nubentium, illam lugentium: mente utramque ingrediamur, videamus, utra melior. Invenietur enim lugubris, sapientia plena; nuptialis autem, plena confusions. Nam vide atque audi verba incomposita, petulantem risum, lascivas confabulationes, incessum turgidum, protervos gestus, epularum abundantiam, vestium pompam, rerum omnium luxum. Hic Dea, Saturitas, Protervitas, Ebrietas; hic Bacchus & Venus habitant, hic omnium vox est: *Hodiè licet insanire.*

Ita homines in bruta degenerant, nam ut porci vorant, ut vaccæ potant, ut asini calcitrant, ut equi hinnunt. Diceret eos esse in schola intemperantiæ, in gymnasio Lasciviæ, in palæstra Turpitudinis & Nequitia. Non nuptias damno, inquit Chrysostomus, sed quæ sunt in Nuptiis: diabolipompam: cymbala & tibias, & cantica fornicationis & adulterii plena. At non ita illic, ubi luctus est, ubi omnia composita, multa requies, altum silentium, mortis memoria, futurorum meditatio, vera sapientia, inordinatum nihil, nihil incompositum. Quisquis hic loquitur, summisse, breviter, modeste loquitur. Talis est natura luctus; sapere docet, & ad omnem modestiam ac fugem se componere.

Itaque longè melius est ire ad domum luctus, quam ad domum convivii *a*. Ex illa mo-

la modestiores, prudentiores, & sanctiores; ex hac petulantiores, stultiores, ac nequiores prodimus. Et quemadmodum corpus succi & sanguinis plenum, & sua laborans obesa mole, paratissimum morbis hospitium est: quod vero cum laboribus & fame luctatur, ab adversa valetudine tutum est: sic & animus inter delicias & tripudia enervatur, & in vitia pronissimus lascivit; at ille quem sollicitudo & mœror occupant, à vitiis plerunque alienus, adversorum in cursu crescit, fitque vegetus.

En ut afflictio & luctus levitatem omnem, & quicquid olet immodestiam, coërceat; ideo Deus & luctum & afflictionem in nos immitit, ut nobis velut aviculis alio avolaturis alas præfecet.

Et quid negamus? Nostra contra nos conscientia testatur: maximam partem nimium *vivaces* sumus: ardent in nobis cupidines & affectus indómiti: quia vero Mortificationem; ut canis Nilum, parcissimè libamus, juvat nos optimus Deus, & vel reclamantibus ingerit salubria, atque in eum modum nos molestiis ac miseriis exercet, ut magis magisque cicures ac compositi, & ad bonam mentem induendam faciliores reddamur. Atque ô si cognovisses & tu, quam tibi hoc utile, sic sensim mori, ut vita subtrahatur vitiis. Mala profecto quæ nos hic premunt, ad Deum ire compellunt. Bona est oratio, sed cum je-

184 GYMNAS. PATIENT.

junio & eleemosyna: bona est oratio, sed cui iuncta est *Mortificatio*. Virumque suavi magisterio docet Patientiae gymnasium. Et hoc sane Sanctorum omnium ardens assiduumque fuit studium, partim precibus mollire Deum, partim quotidiana hac morte frangere seipsum. Hoc discamus, & in Patientiae gymnasio multum profecimus. Addo quod dicta firmer.

V. Constantinus Imperator verè Magnus Byzantinos non felici praelio aggressus, nec sine suorum clade fatigatus ac mœrens ex acie rediit. Iamque dies in noctem ibat, cum Imperator multum dubius quid ageret obtutu assiduo suspexit cælum, illudque calidis suspiriis vocavit in vota. Et en auxiliare prodigium.

Dum Constantinus tam pios ac sollicitos in altum oculos tollit, scripturam è stellis observat, in hæc verba signatam: *Invoca me in die tribulationis, & eruam te, & glorificabis me* b.

Ad omen tam sublime principio nonnihil expavit Cæsar, sed mox pavore in latitiam vertente, avidissimos oculos eadem via remisit ad cælum, ubi jam alterum vidit ostentum, expressam è stellis crucem, & circum eam hæc omnino verba: *In hoc signo vinces*. His è cælo taciturnis vocibus animatus Imperator, paucis post diebus in a-

ciem

a Nicep. lib. 7. c. 59. post med. Baron. ex eo, tom. 3. An. 318. b Psal. 49. v. 15.

ciem contra Byzantinos denuo exivit, & illustri victoria potitus est, simul & Byzantium expugnavit. Ab his caelestibus prodigiis majori deinceps venerationi Crux esse cepit.

Quisquis, ô homo, tuis miseriis turbaris, erige vultum, suspice cælum, & exhortationis divinæ conceptissima verba perlege. Invoca me in die tribulationis, & eruam te, & glorificabis me.

Tempus vince, Deumque tibi precibus concilia, & quicquid hostium occurrerit, de facili superabis *a*. Hic Augustinus sollicitè monet, ne forte cum Deo expostules, dicasque: Illi speraverunt, & liberaſti eos; ego speravi, & dereliquisti me: & sine causa credidi in te, & sine causa nomen meum scriptum est apud te, & nomen tuum scriptum est in me: Hoc nec orationem sapit, nec mortificationem, sed impiam contra Deum exprobrationem *b*. Tu si sapiſ, dic potius quod idem Augustinus suggerit. Tu es ipse rex meus, & Deus meus. Tu es ipse, non enim mutatus es. Tempora mutata video, creator temporum non mutatur. Tu me soles ducere, tu me soles regere, tu mihi soles subvenire *c*. Tu refugium factus es nobis Domine, ut nasceremur, qui non eramus: tu refugium, ut renasceremur, qui

N 4

a Aug. tom. 8. in Psal. 43. post initium mihi pag. 158. b Aug. loco cit. c Aug. tom. 10. serm. 4. De Verbis Domini sine.

186 GYMNAS. PATIENT.

mali eramus: ut refugium, ut pasceres defertores tuos: tu refugium, ut erigas & dirigas filios tuos: tu refugium factus es nobis. A te non recedimus, cum liberaveris nos ab omnibus malis nostris, & impleveris nos bonis tuis. Bona das, blandiris, ne fatigemur in via. Corripis, cædis, percutis, dirigis, ne aberremus à via. Sive ergo blandiris, ne fatigemur in via, sive castigas, ne aberremus, à via, Domine, refugium tu factus es nobis.

Sic precari docet patientia. Optime dixit Chrysostomus a: Oratio merces est calamitatum: orationis adjutorium, jejunium est. Efficacissime rogat, qui seipsum illi, quem rogat, mortificatione crebra sacrificat.

C A P V T I V.

Afflictio docet Prudentiam, & Modestiam.

FVit è civibus Cæsarimontanis in Belgio vir laude dignissimus. Hic filium ad scholas ducturus primis litterarum elementis erudiendum, ut serium se patrem monstraret, ita rem aggressus est. Integrum scoparum fascem, velut ludimagistro munus, sub pallium accepit, & ad filium: Ad esdu n puer, inquit, ad scholas ducendus es. Scholarum tunc Rector fuerat Nicolaus Steeger, vir egregius; huic una cum puero hic

a Chrys.hom. 3. de Pat. Iobi & hom. 5. in Mat.

hic civis se sistens: Tibi Domine, inquit, hunc filium meum trado, optimis disciplinis imbuendum, illumque tuæ curæ commendatissimum esse cupio. Quod si minus morigerum se gerat, virgis, obsecro, ne parcas: & cum dicto pallium reduxit, obtulitque bene magnum virgarum fascem, addiditque liberali sponcione: Quod si has consumpseris, alteras à me accepturus es. Hoc est liberos serio & ad bonam frugem educare. Narrat hoc celeberrimus è divi Francisci familia Ecclesiastes Philippus Bosquier *a*, qui tunc puer in eodem illo Houdano gymnasio litteris studebat.

Salomon de indole puerili differens: Stultitia, inquit *b*, colligata est in corde pueri, & virga disciplinæ fugabit eam. Christus gymnasiarchus sapientissimus, cui nostra indoles perspectissima est *c*, ut infantiam nobis ac petulantiam excutiat, non parcat virgis, flagellat enim omnem filium quem recipit, imò, ut Siracides loquitur, assiduatur illi flagella *d*. Sed hoc inde filiis sic flagellatis emolumentum est, stultitia in illorum corde colligata virga disciplinæ fugatur. Ita *Prudentiam*, & *Modestiam*, seu, *Humilitatem* discunt, uti jam ostendemus.

N 5

I. Ac

a Phil. Bosq. De Carc. Bapt. conc. 2. mihi pag. 60. *b* Prov. c. 22. v. 15. *c* Hebr. c. 12. v. 6. *d* Eccles. c. 30. v. 1.

188 GYMNAS. PATIENT.

I. Ac primo quidem *Prudentiam* nos docet correptio. Hebraeus Vates Ezechiel animal vidit admirandum, quod Hominis, Leonis, Aquilæ ac Bovis quadruplex vultus insigniebat. Cumque hoc idem iterato vidisset, pro Bovillo, Angeli Cherubici vultum vidit substitutum. Quid hoc rei? Quid bovi cum Angelo, cum Cherubino? Non idem, dices, animal fuit, sed aliud. Imo vero idem fuit. Testis Ezechiel ipse: Ipsum est animal, inquit *a*, quod videram juxta fluvium Chobar. Qua igitur ratione frons bovis in faciem Cherubicam migravit.

Hebræo idiomate Cherubim, idem est, quod Magister, quod cognitionis, ac scientiæ multitudo. Ecce res; jam mysterium evolvimus. Bos piscis symbolum laboris, cujus patientissimum est animal, nam & curribus, aratro, & rhedis jungitur, ad arandum, ad trahendum, imo etiam ad triturandum habilis, vera laboriosi hominis effigies. Atque huic tali bovi spiritus divinus faciem Cherubicam assignat, qua præceptorem & multæ experientiæ gnarum monstret. Et rationem audi à Siracida *b*: Vir in multis expertus cogitabit multa, & qui multa didicit, enatrabit intellectum. Hic certe Siracides experientiam è plurimis afflictionibus acquisitam laudat, nam ipse
sui

a *Ezech. cap. 10. v. 15.*

b *Eccles. cap. 34. v. 4.*

sui optimus interpres: Qui non est tentatus, ait *a*, quid scit?

Ex his satis liquet, Afflictionem non tantum æternæ voluptatis, sed etiam Christianæ Prudentiæ matrem esse. Afflictio faciem Sapientiæ in manus tradit. Suo id exemplo firmans Siracides: Multa, inquit *b*, vidi errando, &c. Aliquoties usque ad mortem periclitatus sum horum causa: dum scilicet prudentiam quæro. En ut frontem bubulam aboleat Cherubica; en ut experientiam ab ærumnis haustam comiteetur prudentia! Ex iis quæ quis tolerat, & seipsum, & alios, sed & Deum nosse incipit, dum rerum fluxarum vanitatem, ingenii humani varietatem, inconstantiam ac mutabilitatem sortis; dum deceptiones ac fraudes innumeras, dum misérias & clades infinitas cogitat. Atque hinc paullatim discit reprobare malum, & eligere bonum *c*. Quisquis non sæpius velut lana pectine ferreo pexus est, quid scit nisi otiosi, & delitias sectari? Verissimum est etiamnum illud Annæi: Melius in malis sapimus. Felicitate corrumpimur *d*.

Iobus quæstionem maximè seriā ponens: Sapientia, inquit *e*, ubi invenitur, & quis est locus intelligentiæ? Sibi que ipsi hæc respondet: Nescit homo pretium ejus, neque

a Ibid. v. 11. *b* Ibid. v. 12. *c* Isa. cap. 7. v. 15. & 16. *d* Senec. epist. 95. *e* Iob. cap. 28. v. 12. & 13.

190 GYMNAS. PATIENT.

neque invenitur in terra suaviter viventium. Profecto actiosa illa sapientia, quæ digito monstrat, quanti caduca, quanti sint æterna, non repetitur in ædibus quas Abundantia & Opulentia beant, ubi bacchanalia vivere quotidiani moris est. hic Abundantiæ & Opulentiae, Incuria, Stultitia, Insania cognatae &cæ semper sunt proximæ. Enimvero quid stultius, quam rerum vilissimarum lucto lætari, & æterna bona perdere? Gregorius id asserens: Tanto, inquit *a*, verius stulti sunt, quanto majora perdentes in minimis lædantur.

Quod Romanus Sapiens de virtute dixit *b*, idem affirmari potest de hac ipsa, de qua loquimur Prudentia, seu Sapientia: Altum quiddam est, regale, invictum, infatigabile, nec satietatem habet, nec poenitentiam, immortale. In templo eam invenies, in foro, in curia, pro muris stantem, pulverulentam, coloratam, callosas habentem manus. Sapiens Hebræus meliorem spiritu calefscens: Virga, inquit *c*, atque correptio tribuit sapientiam.

II. In Tobia oculorum tenebras fel piscis emendavit. Fellea calamitatis amaritudo nobilissimum & certum Pharmacum est ad marcentem illum ac hebetem visum restituendam, qui non videt quam omnis vita sit misera, brevis, errorum plena,

ærum-

a Greg. in illud Iobi. *b* Sen. l. de beata vita c. 7. & 8. *c* Prov. c. 29. v. 15.

ærunnatum refertissima, morti semper proxima, momento casura; qui non videt quam sollicitè ac laboriosè melior & æterna vita sit quærenda: ad hanc, inquam, oculorum caliginem abstergendam non est potentius, non est salubrius collyrium, quam Afflictio. Siquidem homo afflictus & æger tandem in se descendit, & ipse sibi objicit: En fallacias Mundi: hoc tibi præmium ab illo est; hac sportula suos clientulos Mundus donare solet: hoc ambiebas, hoc jam habeas ut nactus: tute tibi hoc intrivisti, tibi exedendum erit. Et nunquid jam vides, jam sentis, quem & foetorem, & amatorem post se relinquat turpis voluntas? quæ cito implet, & tædio est, & post primum impetum marcet, & sæpe cum maximè delectat, extinguitur. Sed nunquid jam tandem vel experientiæ credis? Te hæctenus Achillem esse autumabas, & inexpugnabilem heroem, qui etiam provocare auderet adversa: Nempe talis es, ut video. Vix tangeris, & cadis. Tunc ille magnanimus & patiens, tu fortis ille ac constans, qui cum Petro & vinculorum & mortis societatem jurabas, jam levi flatu dejiceris, jam hoste vix viso jaces? Hæc sui ipsius ad seipsum in afflictione cohortatio est.

Videte obsecro, ut fel istud afflictionis oculos colligantes corrigat, ut clausos aperiat & diducat! Hieremias vates hoc ipsum

192 GYMNAS. PATIENT.

ipsum dilucidissime confirmat his omnino verbis *a*: De excelsis misit ignem in ossibus meis, & *crudivit me*. Hinc illud à beato Gregorio verissime dictum: Oculos quos culpa claudit, poena aperit. Hinc etiam ærurnosus cum Hieremia recte dixerit *b*: Ego vir videns paupertatem meam in virga indignationis ejus. Castigasti me, & cruditus sum quasi juvenculus indomitus, quia tu Dominus D E V S meus *c*.

Non raro miseri ac miserabiles sumus, & quod omni miseria miserius est, miseros nos esse ignoramus, eumque inter hostes numeramus, qui nos miseris annumerat. Hac in re par illis facimus, qui negant ardere domum suam, quamdiu ignem intra penetralia posse sopiri credunt: at ubi flamma per fenestras vi eluctata, jam etiam in recto grassatur, tum denique vicinorum auxilio implorantur; res amplius dissimulari non potest; incendium ipsum loquitur: ita nos tum demum in adversis sapimus, cum ea serio sentimus. Ita, sola Vexatio dat intellectum auditui *d*. Nam & Siracida teste *e*: Pungens oculum deducit lacrimas, & qui pungit cor, profert sensum. Si quis subita contumelia petatur, aut injuria lædatur inexpectata, aut calamitate quavis alia ex improvise percellatur, hic

tempus

a Threnor. c. 1. v. 13. *b* Thren. c. 3. v. 1.

c Hier. c. 31. v. 18. *d* Isa. c. 28. v. 19.

e Eccles. c. 22. v. 22.

tempus est sui ipsius experiendi, hic elucet quam ille repentina clade percussus homo sit mitis, quam patiens, quam modestiæ ac veræ humilitatis memor. Et quamvis paululum offendat titubetque, tamen si sapit, mox animum recipit, sensumque punctus elicit; monstrat patientiam, mansuetudinem exercet, exhibet modestiam. Nimirum, Flagella & doctrina, inquit Siracides *a*, in omni tempore sapientiâ.

Annæi Senecæ scripta pleraque omnia divinum quid spirant, cedito & auro exaranda: inter hæc tamen primas sibi & palman videntur ea vindicare, quæ ab exilio ad matrem Helviam sunt missa. Adeo Romanus hic Sapiens tunc magis sapuit, cum mionis quæ solarentur, ad manus habuit. Ita discipuli in Patientiæ gymnasio quotidie proficiunt, suntque prudentiores plagis & *Verbera erudiunt*. Sic & piscator læsus sapit, fitque prudentior post ictum scorpion. Ajunt piscatorem præter nimis avidum, saggenæ præproperas manus injecisse, sed à latente scorpione percussam dixisse: Inposterum non tam præceps verriculam invadam; sapiam ictus.

Non aliter nobis ratiocinandum. Nam ubi sanato calamitatis vulnere, impatentia nos peccasse deprehenderimus, mox in nosipos versi dicamus: En bubale ferox & im-

a Idem c. 22. v. 6. † Schlag vnnd Straich machen vvinzig.

194 GYMNAS. PATIENT.

& impatiens, qualem te gerebas in hac afflictione, quam delicatum & impatientem ! Videbaris cælo detracturus Lunam, ita furebas ; hæccine Christiana patientia est ? sic cælum aspiramus, & vel acus punctiunculam horremus, levissima quæque recusamus pati ? Quare deinceps alium te præstabis, magis memor patientiæ.

III. Leges Mosis tradidit Deus inter tonitrua & fulmina, dum mugiret cælum, & ignes jaceret: quo illud significabatur, ad divinas leges nunquam nos attentiores esse, quam cum calamitatum fulmina in nos ruunt, cum grandine diversarum cladum insternimur; hic attentis stamus auribus, nosque omnia facturos amplissimè pollicemur. Ergo fac jam sanus, quod facturum te recipiebas ægrotus. Nam si Deus tam formidabilis est cum legem dat servandam, quanto erit formidabilior, cum non servatæ rationes poscet ?

Hic libet quærere: Quoties, obsecro, cœlestes delicias æternasque voluptates, quoties inferorum ignes serio attenteque meditamur ? Heu raro, & perfunctorie. Quando igitur ipsi vix unquam in hæc seria & salubria cogitationem intendimus, Deus incuriam nostram commiseratus in gymnasio Patientiæ hæc nobis cogitanda subiiciens: Huc, inquit, animum defige, ac cogita, ô homo, si te morbus non gravissimus sic excruciat, & quomodo torquebunt damnato-

mnatorum dolores æterni? Si unicus dens verminans dies noctesque pæne ad infaniam affligit, qui sæviet in desperatissimos illos captivos vermibus conscientia? Si podagra, si calculus, si colica hominem in moli lectulo sic excarnificant, quomodo cruciabit ignis æternus, flamma nunquam extinguenda? Cogita, ah; cogita; quicquid jam pateris, aciculæ punctiuncula est; merissimus focus est; quicquid te jam cruciat. Quis vero poterit habitare de nobis cum igne devorante, cum ardentibus sempiternis *a*?

Eam subinde nobis persuasionem induimus, ut dicamus: Nequeo ultra hunc hominem sustinere; hoc amplius tolerare non possum; quis hæc diutius ferat? Ex quomodo sustinebis, mi homo, damnatorum omnium & diabolorum societatem, quomodo feres cruciatus assiduos, maximos? Si D E V S sic punit in loco veniæ, quomodo puniet, ubi non est spes misericordiæ? Igitur quotiescunque uferis, & ægre tibi est, cogita, & dic tibi ipse: En specimen inferorum, sed plane pictum! en gustulum gehennæ, sed prorsus mitissimæ! improbus illic alii sepeliunt uruntque ignes; quod pateris, suave est ad æterna supplicia collatum. Mature igitur disce sapere, & intelligere.

Siracides hoc ipsum optans: Quis, inquit *b*, superponet in cogitatu meo flagella? Siquidem hæc tantum sentire parum est

O

(quis

a Isa. c. 33. v. 14. *b* Eccl. c. 23. v. 2.

196 GYMNAS. PATIENT.

(quis enim est, qui ea non sentiat) nisi & cogitationem intendamus, & dolores nostros brevissimos cum illis sempiternis æquo ratiocinio comparemus, denique fateamur, nostros cruciatus ad illos umbram esse & somnia.

Quemadmodum vero DEUS in Patientiæ gymnasio, gehennæ lacrimas nobis offert prælibandas, ita felicitatis æternæ delicias ingerit gustandas. Nam bonæ mentis homo, ubi tot molestiis ac miseriis, torporibus ac doloribus arserit, cum Paulo ingemiscens: Supra modum (dicit a) gravati sumus, supra omnem virtutem, ita ut tædeat nos etiam vivere. Quid ergo proximum est? Ad te, mi DEUS, toto peccatore suspiro; tua domus & valde tuta, & ampla nimis est, à qua tædia, miseriæ, dolores, ærumnæ omnes exulant, nullus ibi Morbis aut Morti locus est: voluptates illic merissimæ & æternæ.

E diverso hic apud nos mera tædia, moerores merissimi; omnia luctus & dolor occupant. Quare, mi Domine, corporis mei tuguriolum (si tamen debita poscam) impelle ad ruinam. nil moror; ruat hoc, modo ego ad te migrem. Ad rivos Babylonis sat diu lamentis indulsi; cithara mea ad fallaces suspensa jam pridem conticescit; cœlestis mihi Sion in animo est: Ad te, Deus, cupiditate rapior inexplibili.

Atqui

Atqui hoc sapere est, hoc intelligere. Ita nos Patientiæ gymnasium docet Prudentiam.

IV. Vti *Prudentiam*, sic & *Modestiam*, seu, *Humilitatem* docet Patientiæ gymnasium. Qui sui despicientiam in hac schola non discit, nusquam discet. Mosis olim Deus præcepit, manum in sinum mitteret; misit, at ubi eam retraxit, lepra infectam reperit. Quid hoc novi prodigii? Eccurnam non augustius miraculum patratum est, quod saltem horrori non esset? Theodoretus ad hoc quæstionis: Mosen, inquit, divinum numen monuit, ne tanti dux populi futurus, se insolenter efferret, sed in humilitatem submitteret. Nam illa manu ingentia patraturus erat miracula: ne igitur eam venerabundus exoscularetur velut prodigiorum auctorem, lepra fœdatam DEVS objecit, ut Moses tot editis à se mirandis operibus, diceret nihilominus *a*: Non manus nostra excelsa, sed Dominus fecit hæc omnia.

Rex Macedo Alexander cum in India vagaretur, & gentes, ne finitimis quidam factis notas, bello vastaret, in obsidione cujusdam urbis dum circuit muros, & dum imbecillissima mœnium quævit, sagitta iustus, diu per sedere, & incepra agere perseveravit. Deinde cum represso sanguine, siccis vulneris dolor cresceret, & crus equo su-

O 2

spen-

a Deuteron. cap. 32. v. 27.

198 GYMNAS. PATIENT.

spensum paullatim obtrouisset, coactus abstinere: *Omnes, inquit a, jurant, me lovis esse filium, sed vulnus hominem esse me clamat.* Nimirum jam homo es, Alexander, qui te paullo ante suspicabaris esse DEUM.

En quam facili negotio in Patientiae gymnasium discamus alas submittere, & cristas ponere. Quisquis hic discipulum agit, modo non penitus sit indocilis, & stupor, de rebus suis omnibus hoc demum pronuntiat: *Opes quidem mihi sunt, nec deest plurimorum favor, adest rerum agendarum gratia, auctoritatis magnæ sum, encomiis & honoribus afficior, in cœlum evehor: Sed hem, quoties ego in terra repo? quam multa hominem esse pronuntiant; illinc curæ, hinc morbi, istinc miseriæ infinitæ me vellicant, & quid hæc omnia clamant, nisi hominem esse, fragilem, mortalem, malis omnibus obnoxium?*

Eleganter Chrysostomus de Orbe hoc inferiore differens: *DEUS*, inquit *b*, non tantum mirabilem & magnum fecit Mundum, sed & corruptibilem, & marcescibilem. Quod in Apostolis fecit, hoc & in toto Mundo. Quid autem in Apostolis fecit? quoniam signa multa faciebant, & miracula magna & mirabilia, ipsos tamen continue flagellari permisit, pelli, in carcerem detru-

di,

a Senec. æp. 59. post med. Plutarch in Alex.

b Chrys. tom. 3. tom. 1. ad pop. Ant. med.

di, corporis morbis affligi, lapidari, crucifigi, in continuis esse tribulationibus. Ne scilicet non homines sed Dii haberentur, qui signa supra hominis conditionem ederent. Atque ideo etiam Apostoli ægrotorum morbos curant, & ipsi ægrotant; mortuos ad vitam revocant, seipsos à morte non liberant *a*. Quid miramur? habemus thesaurum in vasis fictilibus, quæ collisu levissimo franguntur. Hinc & Apostolorum aliqui in morbis pæne continuis. Nam Timotheo vinum modicum permittitur, *propter stomachum & frequentes infirmitates* *b*. Trophimus Mileti relinquitur infirmus. Epaphroditus *usque ad mortem infirmatur* *c*. Quales Apostoli, dicat quis, sunt hi viri, quos non suggestus, sed lectus & morbus detinet?

Sed norit ille, in gymnasio Patientiæ Humilitatem ante omnia sanctissimis quibusque viris, ipsis etiam Apostolis discendam. Sic, inquit Bernardus *d*, Pauli extollentia per carnis stimulos reprimatur: sic Zachariæ infidelitas linguæ obligatione mulcatur. Sic per gloriam & ignobilitatem sancti proficiunt, dum inter singulalia dona quæ recipiunt, communi hominum vanitate pulsari se sentiunt, ut dum per gratiam

O 3

supra

a 2 Corinth. cap. 4. v. 7. *b* 1 Timoth. c. 5. v. 23. *c* 2 Timoth. c. 4. v. 20. *c* Phil. c. 2. v. 27. *d* Bern. de gradib. Humil. & Superb. grad. 1. Superb. sine, mihi pag. 975.

200 GYMNAS. PATIENT.

supra se aliquid cernunt, non obliviscantur quod sunt. Sicut enim medicus non solum unguento, sed igne utitur & ferro, quo omne quod in vulnere sanando superfluum excreverit, secet & urat, ne sanitatem, quæ ex unguento procedit, impediat: sic medicus animarum DEUS hujusmodi animæ procurat tentationes, immittit tribulationes, quibus afflicta & humiliata, gaudium vertat in luctum.

V. Quicquid ergo tolerandum veniat, submittamus nos in omnibus divinæ ferulæ. Nemo dixerit: Atqui ego tam gravia non metui; extra culpam sum, inique patior. Impiæ, damnatæ voces. His longè meliores sunt: Ego quidem justè punior nam digna factis recipio; & quamvis mihi non videar, hoc quidem tempore, & ob hanc noxam tam rigide puniendus, nihilominus quod res est, malum commerui milles. Itaque nunquam non justissime punior, idque semper meo bono, sic enim periculum mei facio, me nosse disco. Siracidæ verbum est: Vir in multis expertus cogitabit multa.

Ille Romanorum terror Annibal, Suida teste ^a, septemdecim annos sub dio egit, bellicis cladibus exercitissimus dux, & qui non immerito de se gloriatus: Me senem, agebat, ætas, & jam secundæ, jam

^a Eccles. cap. 34. v. 9. Suidas voce ἀνίστας
mihi pag. 82. Liv. lib. 10.

adverse res ita erudierunt, ut rationem sequi quam fortunam malim. Non temere incerta casuum reputat, quem fortuna nunquam decepit. Ego humanæ infirmitatis memor, vim fortunæ reputo, & omnia quæcunque agimus, subiecta esse mille casibus scio. Quod si secundis rebus bonam quoque mentem Deus daret, non ea solum quæ evenissent, sed ea etiam quæ evenire possent, reputaremus: satisque ego documenti in omnes casus sum. Liceat igitur cum Secundo exlamare *a*. O quam utile est ad usum secutorum per adversa venisse. Sed ô quam etiam Christianum & Modestiam congruum est, in adversis non inique se castigari agnovisse.

Ægyptii proregis fratres accusabantur furti (ut supra demonstravimus *b*) nam in os illis objiciebatur: Scyphus quem furati essis, ipse est in quo bibit Dominus meus *c*. Potuissent illi obducere: Nequaquam fures sumus, nec calumniam istam ferimus; insontes prorsus arguimur. Sed, eho, viri, refricate memoriam; longe plus quam mille scyphos sublegistis. † Plagiarii estis, Iosephum ipsum furati: idque ante viginti tres annos, non meministis? Grande hoc & turpe plagium est omni supplicio vindicandum. Hic fratres Iosephi quamvis utcumque rudes homines,

O 4 reos

a Tlinius in Panegy. *b* Part. 1. c. 6. §. 8.

c Gen. c. 44. v. 5. † Menschen Dieb.

202 GYMNAS. PATIENT.

reos se facti cum laude : Deus, inquit *a*, invenit iniquitatem servorum tuorum : en omnes servi sumus domini mei. Sed & illud præclarissime dixerunt *b* : Merito hæc patimur, quia peccavimus in fratrem nostrum.

Sic & nostrum quisque in adversis omnibus & sentiat, & loquatur : Merito hæc patior, merito, meritissimo.

In Patientiæ gymnasio, & principium, & medium, & ultimum est Humilitas : si- ne Humilitate nihil discitur, nihil retine- tur, nihil proficitur. Ut hanc discamus an- te omnia, beatissimos illos dies assidue co- gitemus, quibus inter triumphos cantabi- mus *c* : Læti sumus pro diebus quibus nos humiliasti, annis quibus vidimus mala : DEUS quos non affligit, hos aut odit, aut tanquam ignavos, nec ad discendum ido- neos præterit.

a Genes. c. 44. v. 16. b Gen. c. 42.

v. 21. c Psal. 89. v. 15.

C A P V T V.

*Afflictio variè utilissima ; & plerumque
Quæ nocent, docent.*

HEbronis rex David mille beneficiis affe- ctus à Deo, ne ingratus moreretur, ex- clamat *a* : Bonum mihi, Domine, quia hu- miliasti me. Cur vero potiora obliviscitur, cur non agit gratias quod pedum sceptro, strami-

a Psal. 118. v. 71.

stramineum pileum corona regia mutarit ,
quod ab ovibus in solium evectus ; à peco-
ris custodia ad purpuram transferit ? hæc ,
inquam , amplissima gratiarum actione di-
gnissima fuissent.

Equidem rex David illorum minime ob-
litus, singulare, ingens beneficium censeret ex
opilione regem se factum ; at longe majus
æstimat, quod e rege D E U S mendicum se
fecerit. uti prorsus fuit, cum fugeret Absa-
lonem filium. Hoc beneficium majus om-
nibus visum est, de hoc amplissime gra-
tiasagens : Bonum mihi, ait, quia humi-
liasti me. Dixerit Ioseph suo Pharaoni,
Bonum mihi quia exaltasti me : dixerit
Ruth suo Bozio, Bonum mihi quia ditasti
me : dixerit Esther conjugii regio, Bonum
mihi quia coronasti me : dixerit Mardo-
chæus Assuero, Bonum mihi quia honorasti
me : dixerit Tobias Angelo, Bonum mihi
quia illuminasti me : dixerit Naaman Eli-
sæo, bonum mihi quia mundasti me : di-
xerit claudus Petro, Bonum mihi quia sana-
sti me : dixerit Lazarus Christo, Bonum
mihi quia ad vitam revocasti me. At rex
David inter maxima beneficia reponens :
Bonum mihi, ait, quia humiliasti me : Bo-
num mihi, Bonum omnino. Nam hoc mi-
hi longe utilius, ideo & charius, quam si
aureos à te montes accepissem. Cur hoc,
obsecro, huic regi tam Bonum ? *Vt discam
justificationes tuas.* Hactenus ait, cœlestis

204 GYMNAS. PATIENT.

curiæ Ilyam non satis intellexi, quid divini juris esset, ignoravi; nunc demum lreconsultus fio, sed in Academia Patientiæ. Hic nemo doctus, nisi *humiliatus*. Bonum itaque mihi, ô Domine, quia humiliasti me. Iure merito David maximas refert gratias, non quod ditatus & exaltatus, sed quod *humiliatus* sit. Humiliatio, (sic loquamur) & afflictio, homini longè utilissima est. Afflictio *Fortitudinem & Fidelitatem*, Afflictio *Commiserationem & Abstemiam*, Afflictio *Orationem & Mortificationem*, Afflictio *Prudentiam & Modestiam* exactè docet, uti jam demonstratum est.

Addimus: Afflictio homini non nimis impatienti universè utilissima est, ut verum sit illud: *Quæ nocent, docent*. Hoc Cræsus apud Herodotum testatus: Mei casus, inquit, fuerint quidem ingrati licet, mihi tamen extirere disciplinæ. Quæ nocent, docent. Quod Græci tam breviter, quam eleganter dicunt, *πεινήματα, μάθηματα*. A plagis sapimus. Atque hoc ipsum paullo uberius demonstrabimus.

1. Iobus admirandam Dei Providentiam dilaudans: Qui ligat aquas *a*, ait in nubibus suis, ut non erumpant pariter deorsum. Divinæ providentiæ est aquas æreas claudere, & velut panno aut veste constringere ne diffuant. Harum aquarum vehiculum nubes, & instar equorum venti sunt, qui alveos illos per Orbem quaqu-

versus trahunt. Quod si Deus has aquas uno impetu in terram Præcipitari sineret, plus equidem obsessent quam proderent, sed quia stillatim & guttatim defluunt, secundo illapsu terram irrigant. Si continuerit aquas, ait Iobus *a*, omnia siccabuntur, & si emiserit eas, avertent terram, sicut in diluvio, cum dimissæ agmine facto præcipientes ruebant. Sic igitur providentissimus DEVS illam aquarum molem temperat, ut eam non penitus detinendo agris subtrahat, nec subito emittendo agros suffocet: medium renet.

Aquæ in divinis paginis symbolum Afflictionis sunt. Hinc Psalter regius dixit *b*: Intraverunt aquæ usque ad animam meam. Quemadmodum DEVS pluvias, sic Orbi attemperat, ut nec illarum defectus noceat, nec copia (nisi cum punire vult noxas) sic & labores omnes ac dolores nostros ita modificatur, ut non desit exercitatio, ne torpeamus, nec tamen omnis intercidad consolatio, ut succumbamus. Atque hoc regius Vates petiit: Non me derelinquas usquequaque. Non rogat non derelinqui, non vexari, non affligi: hoc unum deprecatur, non omnino, non usquequaque deseri, quod noxis suis meruisset *c*. Quod si nimbam DEVS vehementem & repentinum effundat, qui terræ opimita-

a Iob. c. 12. v. 15. *b* Psal. 68. v. 2.

c Ita D. Ambrosius id explicat.

punitatem videatur destruere, cogitandum id pœnæ loco fieri. Hoc ipsum tamen bono nostro futurum est. Bonum nobis erit, cum etiam hoc modo humiliaverit nos *DEUS*. Quæ nocent, docent.

Quædam arbores adeo tenaces sunt fructuum suorum, ut non facile quidquam dent, nisi vi auferatur. Ejus generis sunt nuces, amygdalæ, quercus, has si quis leniter ut piros aut prunos concutiat, nihil impetrabit; & non tantum non fructus, sed nec folia colliget, ideo baculis, fustibus, saxis in eas pugnandum est, ut quod dare nolunt rogatæ, dent percussæ.

Arboribus & nos mortales simillimi sumus; fructus nostri, actiones nostræ sunt cum pietate susceptæ. *DEUS* hos fructus ambit, hos exigit, non aspere, non vi, sed humanissime ac peramanter; hos fructus millies petit: Fili, honora Dominum, & valebis *a*: præter eum vero ne timueris alienum. Fili mi, ne obliviscaris legis meæ. Audi, fili mi, & suscipe verba mea, ut multiplicentur tibi anni vitæ. Serva mandata mea & vives. Præbe, fili mi, cor tuum mihi, & oculi tui vias meas custodiant. At quoniam bonus Deus his precibus plerumque parum impetrat, vix ulli ex hac arbore fructus decidunt, cogitur saxis & fustibus arborem quassare, ut vel sic speratos reddat fructus

a Proverb. cap. 3. v. 1. c. 4. v. 10. c. 7. v. 1. & 2. c. 23. v. 26.

fructus. Conscientia quidem sæpius monet, monent & concionatores, monet Angelus Custos, monent alii, sed ea est huius arboris contumacia, ut ne sic quidem fructus operatos præbeat. Ergo, non ægre feres, ô mea arbor, si durius tecum agatur. Ita DEUS cum Hebræis egit: Tradidit eos in manus gentium, & dominati sunt eorum, qui oderunt eos. Et tribulaverunt eos inimici eorum, & humiliati sunt sub manibus eorum *a*. Ut ea quæ nocerent, docerent. Quod igitur jure saxi & fustibus indigaetur arbor? si sponte daret, quod æquissime petitur, à verberibus immunis ageret.

Naaman leprosus acerbum excanduit, quod Eliseus vates tam tenuiter responderet *b*. Itaque Iordane spreto reverti in Syriam decrevit. At famuli hunc suum dominum ita placarunt: Pater, etsi rem grandem dixisset tibi propheta, certe facere debueras, quanto magis quia nunc dixit tibi: Lavare, & mundaberis. His rationibus inductus, in Iordane lavit, ut iussus erat, & lepram excussit.

O utinam sic persuadeamur; idem nobis non de corporis, sed de animi valetudine ac salute obtinenda dicitur: Etsi rem grandem dixisset vobis Deus, certe facere debuissetis. Nam tanti est beatitudo æterna, ut si juberemur vel ipsos inferorum crucia-

lles

a Psal. 106. v. 41. & 42.

b 4 Reg. cap. 5. v. 13.

tus aliquanto tempore tolerare, certe non diu hic deliberandum, sed sine omni cunctatione promptissime tormenta illa perferenda essent, modo bene futurum esset animo æternum. Imo si cælestis beatitudo centum annos non excederet, quidvis tamen porius annis plurimis hic tolerandum, quam illa negligenda esset. Ita etiam si post centum annos Tartari flammæ sopitentur, satius tamen foret, jam quælibet pati, quam futuris se suppliciis servare. Quanto magis nunc quævis alacriter perpetienda, cum ea quæ patimur, brevî tempore, momento transvolent; tam præmium vero quam supplicium æterna sint.

Pigræ tamen nostram hic opportune stimulans Chrysostomus *a*: Quid dicis homo? Ad regnum vocatus es, inquit, ad regnum filii Dei: & oscitabundus es totus, ac desudum more scalpis, & torpes? Si namque singulis diebus vel in mille mortes insiliendum fuisset, an non omnia ferre oportebat? Atqui principatus gratia nihil non faceres: cum vero consors futurus sis regni unigeniti Dei, non obicies te vel mille gladiis? non insilies in ignem? Et istud nondum grave quidquam fuerit.

II. Deus olim edici iussit *b*: Colliget vir mundus cineres vaccæ, & effundet eos
extra

a Chrysost. tom. 4. hom. 2. in cap. 1. ad Coloss. mihi pag. 1122. *b* Numer. cap. 19. vers. 9.

extra castra in loco purissimo, ut sint multitudini filiorum Israël in custodiam, & in aquam aspersiois, quia pro peccato vacca combusta est. Voluit Deus cineres ad lixivium fundendum colligi, nec à quovis hominum, sed à mundo, nec eos in latebras neglectim abjici, sed loco mundissimo reponi. Cur cineres honore tanto affecti? Ut immundis essent in aquam aspersiois.

Hic, ô Christiani, soleter attendite, quanti hoc afflictionis lixivium sit faciendum: quod quidem mordax, sed purgandis sordibus aptissimum est. Inter mortales nemo sordium expertus. Sanctissimus Iobus: Si lotus fuero, inquit *a*, quasi aquis nivis, & fulserint velut mundissimæ manus meæ, tamen sordibus intinges me, & abominabuntur me vestimenta mea. Ergo & Iob lavandus? quid jam de aliis dicendum? At vero quod ignis est metallo, quod lima ferro, quod † spuma Batava panno, hoc mortalibus est afflictio; purgat, eluitque sordes.

Daniel vates Hebræis ingentes calamitates prædicens: Ruent in gladio, inquit *b*, & in flamma, & in captivitate, & in rapina dierum. Quæ obsecro tanti mali causa? Ut conflentur, & eligantur, & dealbentur, usque ad tempus præfinitum; quia adhuc aliud tempus erit. Hoc ergo calamitatis

a Iob. cap. 9. v. 30. & 31. † Laug.

b Dan. cap. 11. v. 35.

210 GYMNAS. PATIENT.

tatis lixivium nos sordibus purissimos præstat, *eligimur, & dealbamur*. Ita prorsus quæ nocent, docent. *Bonum nobis, quia humiliat nos Deus.*

Beatissimus rex David: Conversus, sum, inquit *a*, in ærumna, dum configitur spina. Peccati vepres adeo animum illius vulnerarunt, ut erinaceus sibi visus sit spinis ac telis undique confixus. Hinc tantus in animo doloris sensus, ut eum nec regia dignitas, nec immensæ opes, nec universæ voluptates potuerint mitigare. Adeo acerbè rex David sentiebat, *Deum à se offensum esse*: Peccati fœditatem tantopere perhorrescebat, ut ultro asperrimum cilicium velut mollissimas Scythicarum mustelarum pelles induerit, inedia se cruciarit, lacrimis vinum miscuerit, iisdem & lectum laverit, preces suspiriis ac gemitibus distinxerit.

O si & nos peccati teterrimam luem iis oculis, quibus rex David, aspiciamus: Det Deus nobis trutinam qua incredibile pondus peccatorum examinemus, nullius sane ponderis & nimis quam leve videbitur quicquid miseriarum est & afflictionum, quæ suo claudentur fine: plumam dicemus ad altissimum montem collatam, quicquid adversorum in hac vita occurrerit: lixivium mordacissimum non recusabimus, modo animi morbos eo persanemus. Bonum nobis erit, si Deus humiliaverit nos.

III. Hierosolymis Probatice † piscina fuit, ubi pecudum immolandarum carnes abluebantur. Ad stagnum hoc quinque erant porticus, quas omnis generis morbidis, ulcerosis, & deploratæ valetudinis homines ingenti numero complebant, & expectabant stipem à cælo, quam statò tempore tulit Angelus, qui aquam movebat, ut primus qui post aquæ motum descendisset, valetudinem reciperet.

Elegans hic Mundi typus, & verissima illius effigies. Quid enim Mundus nisi ægrotorum innumerorum diversorium? Ut autem tot pessime affectis hominibus mèdela fieret, venit Magni consilii Angelus, & undas turbavit. Equidem mirandum illud, tot Hierosolymis pellucidas, puteales, crystallinas, dulces fluxisse aquas, Deo tamen placuisse in cœnosa, putri, turbida aqua, quam varii pecoris laniena, quam pili & sanguis occisuum animantium infecerat, valetudinis donum collocare. An non illustrius fuisset miraculum, in Iordane potius, aut in odorifero rosato, quam in fæculento & fœtido stagno sanari? Videte, Christiani, quam longe alia sint Dei atque hominum judicia: Animum Deus lavari vult non aquis Hierichuntinis, aut Damascenis, non nardum Italicam, aut † Pæltanam rosam redolentibus, sed in

P

undis

† *Bischshuvam.* † *Rosen, und Laven-*
delvasser.

undisquas ipsēmet cruenta cruce turbavit, in falso miseriarum mari, in vasto calamitatum Oceano. Hoc balneum nostrum est, hæ nostræ sunt Thermae; ita lavamur. Deus olim Hebræis ad immundorum expiationem aquas aut cinere, aut sanguine mistas præscripsit. Non alio flumine mens humana melius lavatur: cruenti fontes nobis saliant è crucifixi vulneribus; cineræ mordacitatis lixivium quotidiana nobis vita subministrat. Ad has scaturigines sospitamus animo, hic sordes ponimus, hic vires recipimus. Sed à Solymæa piscina nondum abeo.

Cum ergo Servator Hierosolymis illam ipsam, quam diximus, templi porticum subiret, maximum agrotorum numerum invenit, sed non nisi unicum ex omnibus sanavit. Dixerit hic quispiam, quam parvus beneficiorum Dominus! sanare omnes potuisset verbulo. Sed cur, oro, tantum uni valetudinem restituit? An ut faceret quod piscina, quæ uno tempore non nisi unum sanitate donavit? Atqui hoc ipsum querimus, cur Deus infinite misericors & potens, cui placuit vim sanandi conferte stagno, non agrotos omnes illos sanati voluerit? nam uti sol mitissimis suis radiis in innumeros quotidie beneficus est, sine damno sui, ita nec solis conditor damnum faceret, tametsi morbos & misérias plurimorum simul valetudine & felicitate com-

mutaret. Respondemus: Sol amœno jubare suo collustrat omnia, & allucet suaviter, nisi nubes impedimento sint: Nubes densissimæ peccata sint: his nabilis misericordiæ sol excluditur. Huic malo Hieremias illacrimans: Opposuisti, ait *a*, nubem tibi ne transeat oratio. Noxarum multitudo sæpissime in causâ est, quo minus è miseris nostris omnibus emergamus. Quod ad amnem Solymæum Christus unicum duntaxat è morbo recrearit, fortassis id erat, quia ceterorum neminem eo beneficio dignum invenerit. At fuerint omnes sceleris pari, & vitæ prorsus integri, cur unicus solum ad sanitatem pervenit? Respondemus de novo: Ita eis expediebat; bonum illis erat sic humiliari. Non omnibus omnia conveniunt. Multa millia hominum ægrotant, qui si commode valerent, ad inferos certatim properarent; jam vero cum in morbo sunt, ad cælum tendunt.

Verissime, quæ nocent, docent. Bonum tibi, bonum mihi, ô Christiane, bonum aliis innumeris, quia humiliat nos Deus, ludimagister scit, quid cuivis suorum discipulorum expediat. Quoties extrema calamitas, initium fuit salutis? Quoties jactura, maximi lucri origo exitit? Ita non raro cum Themistocle dicendum: Perieramus nisi periissemus.

P. 2 . . . ‡ Bom-

‡ Bombyces serici textores, beatos credimus, cum bombycinam habeant domum, & laborem quieti simillimum. At si rem penitus inspiciamus, comperiemus sepulchrum esse, quod nos domum dicimus, & miseros vermes illos operi suo immori: ita sæpissime quod appetentia nostra utile ac jucundam judicat, id noxium ac turpe deprehendit. Imo istud certissimum sit: Cum appetitus adeo in rem aliquam calet (nisi recta in Deum feratur) peccati turpitudinem subesse. Hinc Christus ea quæ nobis utiliora sunt, plerumque liberalius tribuit. Ad Patientiæ scholam omnes invitans, non item ad Mundi gloriam: Si quis, ait, vult venire post me, abneget semetipsum, & tollat crucem suam, & sequatur me, non in amœnum viridarium, sed in foetidum Calvariæ clivum.

IV. Servator Orbis gloriam suam in rupe Taborea aliquantulum explicaturus, tres solum ex Apostolis ejus rei conscios admisit. Cur non aliquot centurias civium Hierosolymis evocavit? Cur saltem non omnes Apostolis ad id spectaculi assumpsit? Longe alia sunt Dei quam hominum consilia. Vt Christus in cruce cruentus aspiceretur, immensus populus spectatum admissus est: ut autem in Tabore gloriosus cerneretur, vix tres charissimorum hominum adsciti. Nimirum prosperitas & gaudium viriis, crux & afflictio innumeris solet pro-

‡ *Seydevurm.*

desse.

desse. Ideo beatus Bonaventura mavult cum Christo in montem Golgotha, quam in montem Tabor ascendere. Ita prorsus quæ nocent, docent.

Romæ olim à pariente Virgine anno centesimo sexagesimo-septimo, M. Aurelius & Lucius Verus milites omnes lauro coronatos esse voluerunt, publicæ lætitiæ testandæ. At unus Christiani sanguinis miles, lauream corollam non vertice, sed brachio tulit. Interrogatus quid solus ille in publici triumphi morem peccaret? Respondit, non decere Christianum in hac vita coronari. In defensionem tam generosi dicti Tertullianus librum edidit, de Militis corona. Quo scripto facunde traditur, prudenter militem egisse. Vere non decet Christianum, nisi spinis coronati; neque enim aliter coronatum est caput nostrum. Heu quam male conveniunt gypsata & delicata membra cum spinoso, vulnerato, cruento capite!

Hipponensis Præsul Augustinus Iacobi Apostoli verba expendens: Ecce beatificamus eos qui sustinuerunt. Sufferentiam Iob audistis, & finem Domini vidistis *a*. Ne ideo, inquit, patienter sustinerent temporalia mala, ut sibi hoc restitueretur, quod receperat legimus Iob. Nam & ab illo vulnere atque putredine salvus factus est, & ei cuncta quæ amiserat, duplicata sunt re-

P 3

fita-

a Iacob. cap. 54 v. 17.

26 GYMNAS. PATIENT.

stituta. Ut ergo non talem remunerationem speraremus, quando mala temporalia pateremur, non, ait, sustinentiam & finem Iob audistis, sed ait: Sustinentiam Iob audistis, & finem Domini vidistis. tanquam diceret: Mala temporalia sicut Iob sustinere, sed pro hac sustinentia non temporalia bona sperate, quæ illi aucta redierunt, sed æterna potius, quæ in Domino præcesserunt.

Sic igitur patiendum est, ut patientiæ præmium speretur illic accipiendum, ubi non amplius erit quod patiamur. Plurimi tolluntur in altum, ut lapsu graviore ruant: E diverso Deus plurimos, lapsu ruere graviore finit, ut eos in altum attollat. Plus hic tormenti, plus illic præmii.

In divinis paginis bonæ mentis homo frequenter palmæ confertur. Audite cælestem hortulanum loquentem a: Dixi, Ascendam in Palmam & apprehendam fructus ejus. Mi Deus, quid opus ascensu, non tibi sat longa sunt brachia colligendis fructibus? tam facile est tibi superiores fructus carpere quam inferiores. Sed videte, obsecro, divini consilii sapientiam: Inferiores fructus arboris stans carpit olitor, dum ramos lenta manu convellit trahitque: At vero superiores carpturus, ascendit & calcatur arborem, & subinde arbori brachium frangit, ut fructu potiatur.

Homi-

Hominem arbori collatum diximus; istius arboris fructus sunt piæ sanctæque actiones. Fructus superiores esse dixerim consummata virtutum officia, uti est singularis Humilitas, illustris Patientia, præsignis Charitas: hos fructus ut cælestis olitor acquirat, ascendit in arborem, eamque calcat, & ramos frangit. Hinc hominum iste quidem pecuniæ partem, hic aliquid honoris, iste brachium amicitiae, ille voluptatis ramum perdit. Ita prorsus dum hortulanus ille nos calcat, maturiora poma obtinet; ita nos excitatius agimus, ad pia magis fervemus, rebus divinis magis insistimus. Ita sæpissime quæ nocent, dolent.

V. Non raro D E V S nos rebus omnibus circumfluere & abundare vult, sed eam ob causam ut plus doleamus, quo plura & chariora perdimus. Divus Bonaventura vel ideo etiam paradisum à Deo plantatum ait, ut protoplasti eo exclusi plus torquerentur, itaque peccatum suum acerbius odissent, & gravius detestarentur, quod sese paradiso eiecisset. Voluit itaque ut Adam sentiret quanta perdidisset per culpam, quæreretque alia recipere per pœnitentiam, ut qui amisisset paradisum, tanto contentius aspiraret cælum.

Sic etiamnum Deus, sic hodieque milles agit. Exempli gratia: Filium dat parentibus formosum, docilem, ingeniosum,

indolis optimæ, qui inter cœvos adolescentescens ad alteram tertiamque classẽ discendo felicissime progreditur. Subito hanc rosam Mors carpit: adolescens maximæ spei in primo ætatis flore extinguitur. Heu quantus hic parentum luctus? Tacite illi secum cogitant, quod erubescunt dicere: Cur nobis Deus hunc talem filium dedit, si eum tam cito rapere voluit? non jam ante afflictionum satis fuerit? num hic mœroris cumulus debuit accedere? Omnino debuit, ô mei parentes, & eam ob causam natus est vobis filius, ut is præmature mortuus augeret quidem mœstitiæ cruciatum, sed & patientiæ præmium. An non Deus Elisei hospitæ, tanquam exoratus, filium concessit, quem tamen mors brevi rapuit? Cauterium, videtur esse vulnus, at revera est vulneris remedium; vexatio videtur esse malum, at sæpiissime mali remedium est. An nescitis, quæ nocent, docent.

At ego homo sum, inquires, nec mihi pectus ferreum, aut æneum, aut chalybeum est; non sum ferendo tantos dolores. At ego te obsecro ne hoc dixeris: Gymnasi nostri præceptor exactissime novit, quantum quilibet discipulorum possit capere: huic quinque versus, huic decem, aliis viginti ediscendos injungit, à quibusdam totas paginas memoriæ vult mandari, ab aliis orationes bene longas idque uno die comprehendendi jubet memoria: Omnium ille vi-

res & ingenium perspectissimum habet. Fidelis Deus est, qui non patietur vos tentari supra quod potestis, sed faciet cum tentatione proventum *a*. Audias dicentem sapius: Et qua tandem ratione hic homo tam gravia potest perpeti? ego sane non possem. Divina hoc ei gratia præstat, quam si haberes, & ipse posses, quod possunt alii, quos miraris.

Optime dixit Chrysostomus *b*: Illic coronæ, ubi pœnæ. Vbi namque tribulatio, ibi & consolatio; ubi consolatio, ibi & gratia est. Vbi afflictio non est, ibi plerumque nec Deus est. Tunc enim, ait Chrysostomus, & anima purgatur, cum propter Deum tribulatur. Nam & fastum contrahit, & omnem excidit torporem tribulatio, & ad patientiam ungit, & humanarum rerum vilitatem revelat, & multam introducit sapientiam. (*Nimirum que nocent, docent*) Cogita Salomonem: hic dum in curis & perturbatione fuit, illa visione dignus est habitus: ut vero nactus est delicias, in ipsum malitiæ barathrum delapsus est. Quid ipsius pater, quando mirabilis fuit & gloriosus? nonne dum in tentationibus fuit? Demum, de se suisque aureus orator: Quid opus est, inquit *c*, antiqua recense-

P 5 re?

a 1 Corinth c. 10. v. 13. *b* Chrys. tom. 5. hom. 67. initio, mihi pag. 362. Et hom. 66. pag. 358. *c* Chrysost. dicta hom. 66. plurib. locis.

220 GYMNAS. PATIENT.

re? Si quis enim nostra nunc discutiatur, quantum sit tribulationis lucrum, videbit: nunc enim pace potientes recidimus & defluximus, & innumeris implevimus malis Ecclesiam: Cum vero pellebamus, & modestiores, & humaniores eramus, & studiosi magis, & ad has conciones promptiores, & ferventes ad audiendum. Quod enim ignis est aut, hoc & animis tribulatio, sordem abstergens, faciens mundos, claros reddens & splendidos. Hæc in regnum introducit, illa vero in gehennam: quapropter hæc quidem est lata, illa vero angusta: propter hoc & ipse dicebat: In Mundo pressuras habebitis, tanquam magnum nobis bonum relinquens. Itaque si discipulus es, angustam & asperam incede viam, nec ægre feras, nec indigneris. Non enim potest citra tribulationem, non potest citra tristitiam præsens vita transmitti: Non est vita sine miseria. Tu neque Paulo meliores, neque Petro, qui nunquam remissionem assecuti sunt; sed fame, & siti, & nuditate laborarunt. Si vis eadem cum illis assequi, quid contrariam ambulas viam? Si vis ad illam pervenire civitatem, qua digni sunt illi putati illam perambula, viam illuc ferentem. Non illuc perducit remissionis via, sed tribulationis. Hebræus populus tamdiu modestus, quamdiu afflictus, tunc cœpit insolescere, cum melius habere. Iudæi, ait Chrysostomus 4, dum lu-

to fuerunt & operi latericio alligati, mites erant & continue DEVM vocabant: postquam vero libertate potiti sunt, murmurabant, & DEVM exacerbaverunt, & se malis infixeront innumeris. Ne adversis itaque casibus frangamur, sunt enim correctio.

Ergo centies ingeminandum: Sustine, mi Christiane, sustine, quæcunque tibi sustinenda veniunt; seu longa tædia, seu graves misérias, seu quantacunque damna, sustine: Quæ nocent, docent.

VI. DEVS in filio suo abunde declaravit, qua ratione servos suos in hoc Orbe tractari velit. Nam si filium longe charissimum, unigenam flagellari sustinuit, quanto minus famulos aut filios adoptivos flagris subtrahet? Ah, quid negamus? pueri sumus inquieti, ad furta propensi, in Patientiæ gymnasio immorigeri, ideo castigandi plagis paternis, ne suppliciis vapulemus æternis. Iam cuiusvis est dicere *a*: Ego in flagella paratus sum, & dolor meus in conspectu meo semper. Ego autem non solum alligari, sed & mori in Hierusalem paratus sum, propter nomen Domini Iesu *b*. Si ergo flagellato leone catulus timet, qui nos catelli verberato leone de tribu Iuda, immunes à flagellis exhibimus? Vtilissima profecto sunt nobis hæc verbera. Nam ubi pater filium castigavit, virgas fenestriæ affigit, ut iis visis castigatus puer terreatur, caveatque

222 GYMNAS. PATIENT.

veatque in posterum delinquere. At flagellaris innocens? Oculos tuos, quæso te, à teipso in Iesum innocentissimum transfer. Nam ut cum Domino tuo coroneris, cum illo pariter flagellaris, quamvis innocens. Nostro bono sint hæc omnia. Illi quibus paratur vita sempiterna, necesse est, inquit Augustinus, ut hic flagellentur: Non vis flagellum? Non tibi datur hæreditas. Omnis enim filius necesse est ut flagelletur *a*. Usque adeo omnis flagellatur, ut nec illi peccerit qui peccatum non habuit. Si flagellantur filii, quid debent sperare servi nequissimi?

En deses equus scuticâ excitatur, en vestis à pulveribus inter verbera purgatur, en arbor percussâ copiosiore nucum segetem proferre solet: haud sane dissimili modo & nos ad frugem erudimur verberibus. Plagæ jubent sapere: & quæ nocent, docent *b*. Gaudeat ergo Christianus in adversis, quia aut probatur, si iustus est: aut si peccator est, emendatur. Timeat quem DEUS corrigere non vult in sæculo, quia eum supplicio destinavit post sæculum.

Par est igitur ut magistrum optimum difficilia etiam docentem audiamus. Convenit ut gratissimus tam amanti medico pro reme-

a Aug. tom. 8. in Psal. 37. mihi pag. 131.
 Et in Psal. 93. pag. 432. *b* Aug. tom.
 10. serm. 20. in Appendice, mihi pag.
 655. & seq.

remediis etiam austerioribus. Non semper juvant lenia. In fumen alicui cecidisse frigore magno, causa sanitatis fuit; quorundam quartana febris discussa est flagellis, & metus repentinus animum in aliam curam avertendo suspectas horas fefellit, quasi non vacaverit ei vacare morbo. Et quam multos militiae morbus eripuit *a*? Quosdam, ne ad ruinam domus suae occurrerent, atrox tempestas detinuit; quidam, ne in piratarum manus pervenirent, naufragio consecuti sunt. Ita innumeros ad caelum extulit dejectio & calamitas. Qua de re prisci Patres sapienter & praeclare, sed omnium praeclarissime, quem dixi, Hipponensis Praeful Augustinus, qui hoc ipsum identidem auditorum suorum auribus instillans, divine de hoc disserit locis compluribus.

V I I. Et ne hominum ullus Dei flagellantis manum oderit: Quod pateris, inquit Augustinus *b*, unde plangis, medicina est, non poena; castigatio est, non damnatio. Noli repellere flagellum, si non vis repelli ab hereditate. Noli attendere quam poenam habeas in flagello, sed quem locum in testamento *c*. Quoniam quem diligit DEUS, corripit; flagellat autem omnem filium quem recipit. Ille flagellatum recipit, tu dicis,

a Seneca l. 6. de benef. cap. 9. b August. tom. 8. in Psal. 103. mihi pag. 478. & in Psal. 91. post. med. pag. 419. c Aug. tom. 8. in Ps. 93. post. med. mihi p. 430.

224 GYMNAS. PATIENT.

cis, quia repellit. Videmus homines in filiis suis facere illud : aliquando jam desperatos filios dimittunt vivere quomodo volunt. Eos qui spem habent, flagellant : illos vero quos omnino viderint sine spe & indomitos esse, dimittunt ut faciant quod volunt. Iam quem dimittit pater facere quod vult, non vult admittere ad hæreditatem suam, eum autem flagellat filium, cui ipsam hæreditatem servat. *Talis ergo filius*, non sit tam vano sensu & puerili, ut dicat: Plus amat pater meus fratrem meum, cui permittit facere quod vult: ego si me movero contra iussionem patris mei, flagella invenio. Tu gaude suo flagellis: quia tibi servatur hæreditas: quia non repellit Dominus plebem suam. Ad tempus emendat, non in æternum damnat. Illis autem ad tempus parcit, in æternum illos damnabit. Elige tibi; temporalem vis laborem, an sempiternam pœnam? temporalem felicitatem, an sempiternam vitam? Quid minatur DEVS? Sempiternam pœnam. Quid promittit DEVS? sempiternam requiem ^a. In quo flagellat DEVS, bonos temporale est: in quo parcit malis, temporale est: Quod si DEVS flagellat omnem filium quem recipit, sine dubio, quem non flagellat, non recipit. Si flagellari detrectas, recipi quare desideras? Flagellat omnem filium; Flagellat

^a Tom. 10. *serm.* 105. *de tempore.* p. 294.
 & tom. 8. *in Psal.* 79. p. 162.

gellat omnem, qui & unico non pepercit :
Sit itaque manus paterna super te, & si fi-
lius bonus es, noli repellere disciplinam pa-
tris tui *a*. Quis est enim filius, cui non dat
disciplinam pater ejus? det disciplinam,
dum non auferat misericordiam, cædat
contumacem, dum tamen reddat hæredi-
tatem. Tu si promissâ patris bene agnovisti,
non timeas flagellari, sed exhæredari. Pec-
cator filius dedignatur flagellari, cum sine
peccato videat unicum flagellatum? Ergo
unusquisque pro peccatis suis necessario fla-
gellatur, sed ab eo si Christianus est, Dei
misericordia non dispergitur. Plane si in
tantas ieris iniquitates, ut repellas à te vir-
gam verberantis, si repellas manum flagel-
lantis, & de disciplina Dei indigneris, & fu-
gias à parente cædente, & nolis eum verbe-
rantem patrem pati, quia non parcat peccan-
ti, tu te alienasti ab hæreditate, ipse te non
abjecit: nam si maneres flagellatus, non
maneres exhæredatus. Misericordiam, in-
quit, meam non dispergam ab eo, neque
nocebo in veritate mea. Ab hoc eum di-
spergetur misericordia liberantis, ut non no-
ceat veritas vindicantis.

Ergo (quod sapius, quod opportune ac
importune inculcandum) Ergo, mi Christi-
ane, cum in varia præcipitaris mala, ne
tur-

226 GYMNAS. PATIENT.

turberis, ne cadas animo, neque indigne-
ris, & vel Augustino hoc crede 4: Flagel-
lum contra peccata est medicamentum, fla-
gellum Dei ad patientiam erudit bonos.
Deus ad tempus emendat, non in æternum
damnat. Nec ulla caussa, inquit Augusti-
nus, probabilior occurrit, cur justi homi-
nes laborent plerunque in hac vita, nili
quia hoc eis expedit. Ita omnino est; quæ
nocent, docent.

a Aug. tom. 5. lib. 1. de civ. c. 8. init. &
tom. 8. in Psal. 93. & tom. 4. lib. 83.
quaest. q. 82. mihi pag. 262.

CAPUT VI.

*Afflictio, & crux omnis à Deo est, à que-
cunque demum illa nobis imponatur.*

IN gymnasio Patientiæ docilis supra mo-
dum discipulus fuit beatus Andreas Apo-
stolus. Nullus unquam discipulorum tam
dicendi avidus ad scholam itavit, quam
hic patiendi cupidus ad crucem properavit:
O bona crux, ait 4, diu desiderata, sol-
licitè amata, sine intermissione quaesita, &
jam concupiscenti animo præparata: secu-
rus & gaudens venio ad te: suscipe me ab
hominibus, & redde me magistro meo; ut
per te me recipiat, qui per te moriens me
redemit.

Mira-

a Epiphan. & Acta ejus à presbyteris Acha-
je scripta.

Miratur Gregorius Petrū & Andream tam in sequendo Christo celeres, tam in patiēdo propter Christum ferventes: Nos, ait *a*, quot flagellis affligimur, quantis minarum asperitatibus deterremur, & tamen vocantem sequi contemnimus. Ab amore præsentis sæculi nec præceptis flectimur, nec verberibus emendamur. Hem, indociles discipuli, qui in infinitis gymnasii rudimentis hallucinantur. Aristotelis scitum est: Discentem oportet credere. In Patientiæ gymnasio pœne omnium prima prælectio est, hoc ipsum, Discentem oportet credere. Nemo suaviter, nemo expedite, nemo utiliter discit, qui non promptissime credit. Quid ergo credendum? Omnem afflictionem, misérias omnes, omnem omnino crucem à Deo esse, à quocunque hominum ea huic illive imponatur. Atque hoc jam docebimus, Deum omnis pœnæ, omnisque afflictionis & mali esse auctorem. Neminem (quod jure præmonemus) hoc dictum offendat. Deum omnis mali, sed nullius peccati auctorem asserimus, idque jam copiosius eam ob causam exponemus, quod hoc fundamento universa Patientiæ disciplina nitatur.

I. Petrus velut strenuus sui Domini propugnator, ut Christum ad Olivarum colles defenderet, gladium strinxit, & Pontificis servum auricula mutilavit. At illi mox Dominus:

Q

a Greg. hom. 5. in Evang.

minus : Mitte , inquit *a* , gladium tuum in vaginam. Calicem , quem dedit mihi Pater , non vis ut bibam illum ? Quid hic ais , Domine , quid culpam in Patrem derivas ? Calicem hunc longe quam amarissimum , an non discipulus tuus Iscariotes , an non cum Annas & Caiphas , an non hunc ipsum Herodes & Pilatus miscuerunt ? Hi quinque pharmacopœi merum absinthium , meram aloem , fel merissimum incoxerunt huic pharmaco , ab illis hic calix est. Quid ergo , dixerit Petrus , quid loqueris hic Domine ! *Calicem quem dedit mihi pater.* Audi sis , mi Petre : hic calix ab amantissima manu mihi venit. Non licet hic nolle bibere ; Pater propinat. Et quamvis multa sint quæ hunc calicem commendent , humanæ gentis reparatio , inferorum expugnatio , cælestis curiæ augmentum , ante omnia tamen calicem hunc reddit commendatissimum *Paternam manus* : ab illa est , amarus sed innumeris profuturus hic potus. Sic omnino est ; Nullus mortalium nec spinula Christum potuisset lædere , nisi æterna Patris Providentia & Sapientia id decrevisset , voluissetque à Christo tam immania tolerari. Ipsemet Servator. Sicut , ait *b* , mandatum dedit mihi Pater sic facio. Et , Nonne sic oportebat Christum pati *c* ?

Quisquis vim hujus argumenti capit ,
quis-

a Ioan. c. 18. v. 11. *b* Ioan. c. 14. v. 31.

c Luc. cap. 24. v. 26. & 46.

quisquis afflictionum suarum omnium auctorem Deum agnoscit, & toto id animo credit, Deum ab æterno voluisse, & etiamnum certissimo velle, ut patiatur, id omne quod patitur, hic sane in ærumnis etiam gravissimis Dei Voluntatem amplectetur, divinam manum osculabitur, dicerque: Hoc omne quod patior, à Dei manu est, à Deo auctore est: igitur & prompte & placide patiendum est: Hic talis, hac veritate imbutus, nullis unquam miseriis (explorate affirmo) calamitatibus nullis succumbet.

‡ Neque enim adeo ingratum esse poterit, quod tam grata ob tulerit manus.

De Christo patiente Ioannes commemorat: Et bajulans sibi crucem exivit in eum, qui dicitur, Calvaria locum. Sibi bajulans, amplexus est crucem. quod ab hoc magistro didicit Andreas discipulus.

Cui princeps litteras aliudve porrigit, is litteras osculatur, quamvis fortasse sint mordacissimæ b; ita & Christus crucem à Patre traditam complexus est; ita & Iobus dixit, *Dominus dedit*. Sed videris errasse virorum optime, nam hoc tam amplum patrimonium jam perditum, à parentibus accepisti, has opes tua industria congestisti,

Q 2 tan-

‡ *Kan nit unlieb seyn, vvas von so lieber Handt herkombt.* a Ioan. c. 19. v. 17.

b *Vide quæso, mi Lector, Heliotropium meum, l. 1. c. 1. & 2. & l. 3. c. ult.*

230 GYMNAS. PATIENT.

tantum pecoris tuopte ingenio acquisisti. Non erro, ait, Iob, neque industria mea, neque parentes mei, neque meum mihi hæc ingenicum, sed Dominus dedit, qui vel id eo etiam hæc omnia jure suo abstulit, quia dedit. Itane, *Dominus abstulit?* hoc quidem injuriose in Deum videtur dici. Nam pecus omne Chaldæi & Sabæi ab egerunt: aur, si mali originem spectemus, Satanas rapuit hæc omnia; nam ille ignem præcipitavit de cælo, ille ventos excitavit, ille hostes ad rapiendum instigavit, ille domum solo æquavit; revera Satanas hæc omnia fecit. Ergo & Satanas abstulit hæc omnia. Sed in priore sententia perseverat Iobus, & vel millies repetit: Dominus abstulit, Dominus abstulit, ille ipse Dominus qui dedit: Non Sabæi, non Satanas, non Chaldæi abstulerunt, sed Dominus abstulit, idque merito, quia dedit. Nam nisi Dominus sciens & volens hanc Satanæ potestatem fecisset, nemo mihi vel flocculum ovillæ lanæ rapuisset. Ergo Dominus abstulit, nam quod quis nutu impedire potest, sciens tamen volensque non impedit, id certe vult. Sic nulla propterea afflictio, nulla tentatio, nullum malum, calamitas nulla est quæ non sit à Deo, Deique providentia & voluntate.

II. Christus quadragintadie jejunium inchoaturus ducitur à Spiritu ut tenteretur. Ita Matthæus: Tunc Iesus, inquit *a*, ductus est in desertum à Spiritu, ut tentaretur à *a* *Matth. cap. 4. v. 1.* dia-

diabolo. Spiritus divinus Christum ad omnia ducebat, ad preces, ad colloquia, ad conciones, ad miracula; singulariter tamen à Spiritu duci narratur, ut teneretur. Quid hic aliud oracula cælestia loquuntur, quam homines Deo charissimos ad crucem, velut velatis oculis duci. Luminibus, inquam, plerunque obligatis ducimur, alioqui ad hoc macellum velut furiosi tauri ægerrime pertrahendi. En ergo filius Dei ad certaminis locum ducitur, ut impugnetur. Quæ igitur illæ sunt voces nostræ: Diabolus hunc hominem advexit; hoc mihi diabolus infortunium curavit; Satanas hoc in me fulmen dejecit. Erramus, ô fatui, erramus: stultæ sunt hæ voces & impiæ; sic emendandæ: Dominus advexit, Dominus curavit, Dominus dejecit; Nam Dominus facit hæc omnia.

Cum Gedeon frumentum perticis flagellaret, Angelus ei assilens, Dominus tecum, inquit *a*, virorum fortissime. Mox obducens Gedeon: Obsecro mi Domine, inquit, si Dominus nobiscum est, quomodo apprehenderunt nos hæc omnia? Vbi sunt mirabilia ejus quæ narraverunt patres nostri? Nunc autem dereliquit nos Dominus. Eo enim tempore à Madianitis Hebræi misere opprimebantur. En ut humana ignorantia ridicule & absurde philosophetur: Si Dominus nobiscum est, quomodo nobis

Q 4

tana

232 GYMNAS. PATIENT.

tam male est? Quasi vero hæc calamitatum mala non æque à Deo sint, atque felicissimi successus? Idcirco Angelus: Vade, inquit, in fortitudine tua, & liberabis Israël de manu Madian. Perinde si diceret: Scias *Deum* à populo suo non penitus recessisse, licet in eum hostes immiserit. Tentat vos *Deus*, & veltrum in se amorem explorat.

Ita prorsus morbum in nos *Deus*, & mille incommoda immittit, ut nostram in se fiduciam extimulet, ut nos ipsi nobis notiores fiamus. Sicut autem hosti, sic & morbo resistere licet (morbo remediis non illicitis id fiat) cum nesciamus quamdiu nos *Deus*, in morbo esse velit. Si captivo carcer pateat, cur non exeat? hoc non est carcerem effringere, sed oblatum beneficium non respuere.

Et quemadmodum centum aut ducentos captivos catenis ergastularius unicus facile compefcit; nullus captivorum erumpet, licet vel Dædali alas habeat. Si quis vero catenam lima solvat, carceris fores moliat, & evolet, non unus solum sed agmen listorum insequitur, si forte reprehendi possit è fuga qui evasit. Ita plane & hic ratiocinandum: Quos cacodæmones insequuntur, quos tentant, quos vexant & exagitant, ii certe inter cacodæmonis captivos numerandi non sunt. Ille vinctus, captivus ille est, quem Luxuria, quem Invidia, quem Avaritia, quem Superbia vinculis adstrinxit.

Hos

Hos tales cacodæmon non insequitur, hos velut suos secure possidet. Vbi horum aliquis revellere carcerem & erumpere conatur, mox Satanam & omnes Satanæ satelites sentit adversarios, hunc hominum maiorum plurimi persequuntur, hunc exagitant. Cui nam igitur hoc malum omen videatur, multos pati vexatores, complures numerare hostes; cum certissimum sit, Omnes qui volunt pie vivere in Christo *Iesu*, persecutionem passuros *a*.

Aegyptius Rex *Pharao* *Hebræis* jurato minatus est: Persequar, & comprehendam *b*. Hoc profecto non dixerat, cum eos luto mersos & varie fatigatos, sed cum in fugam effusos cerneret. Idem hoc & hostes nostri faciunt: Cum vitiiorum luto mergimur, vix ulla in nos arma expediunt: cum salutem fuga quærimus, hostilibus nos incursionibus, saltem terrere nituntur. Eam ob causam *Siracides* præmonens: Fili, ait *c*, accedens ad servitutem Dei, sta in iustitia & timore, & præpara animam tuam ad tentationem. Vis Patientiæ gymnasium adire? Non ad quietem, non ad otium, non ad jucundam sessionem, sed ad plurimam tentationem teipsum instrue. An nescis? ii qui in gladiatorio, in equestri, in luctatorio, in militari ludo exercentur, non sane in

Q 4 mol-

a 2 *Timoth. cap. 3. v. 12.*

b *Exod. cap. 15. vers. 9.*

c *Eccles. c. 2. v. 1.*

234 GYMNAS. PATIENT.

molli pulvillo cum libello collocantur; sed huic quidem * lanista ipse vulnus infligit, hunc equus excutit, hunc † equis defecit, istum antagonista sternit: hic infelici saltu crus frangit, ille luctando brachium luxat, huic caput rude contunditur, huic capulo dens eliditur, huic oculus hastili excluditur: omne genus incommodorum & vulnerum hic tolerandum est.

Ne quæso alia, ne meliora in Patientia gymnasio expectemus: non hic quies, non otium, non sessio cogitanda: & quemadmodum in illis quos dixi, equestribus, gladiatoriis, militaribus gymnasiis ipsi magistri suos tirones & verberant & vulnerant: ita in gymnasio Patientia, omnis dolor & poena malum omne ab ipso gymnasio rectore, à Deo est. Et ideo, præpara animam tuam ad tentationem. Non solum benigna, felix, candida & bona, sed etiam infelix, atra, infamis, & infausta dies à Deo est. Quod Ecclesiastes apertissime pronuntians: Sicut enim hanc, inquit a, sic & illam fecit Deus, ut non inveniat homo contra eum iustas querimonias Deus enim consulto voluit, diem candidam atræ, secundis adversa apponere, & alterius vim atque acrimoniam permixtione alterius terundere, quo hominum morbis & moribus salubrior fieret medicina. Propterea, In die bonorum, ne immemor sis malorum; & in die

* *Fechtmeister.* † *Roszbereitter.* ma-

a *Ecclesi. cap. 7. v. 16.*

malorum ne immemor sis bonorum *a*. Memento paupertatis in tempore abundantiae, & necessitatum paupertatis in die divitiarum. A mane usque ad vesperam immutabitur tempus, & hæc omnia citata in oculis Dei *b*.

Attentissime igitur contemplemur, adversa nobis omnia provenire à supremo & æquissimo iudice Deo. Non ergo ærumnarum nostrarum causam in non causam referamus, quia neque ab Oriente, neque ab Occidente, neque à desertis montibus *ærumnae veniunt c*, quoniam Deus iudex est: hunc humiliat, & hunc exaltat: quia calix in manu Domini vini meri plenus misto. Et inclinavit ex hoc in hoc: veruntamen fax ejus non est exinanita: bibent omnes peccatores terræ.

Videre, Christiani, & animo penitissimo documenta hæc inscribite. Hunc solatur *Deus*, hunc affligit. Miseriarum omnium & afflictionum calix in manu Dei est. Dominicus hic calix vino mero mero, sed tamen misto plenus est. Neque enim unius sed diversi generis vinum huic calici est infusum. Vinum nobile, cum non aqua sed vino nobiliore miscetur, ingentium fit virium. Ita Vindicans Dei iustitia varietate & multitudine poenarum, velut

Q 5

diver-

a Eccles. cap. 11. v. 27.

b Eccles. cap. 18. v. 25. & 26.

c Psal. 74. v. 7. 8. & 9.

236 GYMNAS. PATIENT.

diversis vini generibus abundat. Multi hominum ærunas non solum magnas, sed & diversas perpetiuntur: his sane vinum meracum, & tamen, quo dixi modo mistum propinatur. Sed bono sint animo; omnia etiaminum tolerabilia sunt & levia. Nam inclinatur *Deus* ex hoc; modo huic, modo illi, jam Ioanni, jam Petro, jam Iacobo calicem suum propinat: honorarius hic calix ad omnes transit: omnibus bibendum est, plus minusve, prout Domino placuit ab æterno; omnibus & singulis illud occinitur: *Aut bibe, aut abi.*

Hic autem summo sit solatio, neminem (hoc quidem tempore) ad ebibendas fæces adigi: *fæx ejus non est exinanita.* Gravissima Vindicantis justitiæ supplicia in supremi iudicii diem servantur: Tunc, *Bibent omnes peccatores terræ a.* Quicquid nunc patimur, momentaneum & leve tribulationis nostræ, ludus & jocus videri debet, ad illas amaritudinum fæces, quas improbis semper bibendas, nunquam ebibendas divinus furor ingeret æternum. Nunc, ô Christiani, caliculos amariores læti perhauriamus; modo à sorbendis fæcibus immunes simus. Poculo, quod plerique horremus, vinum dominicum propinatur; calix quem averſamur, in Domini manu est; omnium pœnarum & calamitatum *Deus* auctor est.

IV. At-

a 2 Corinth. cap. 4. v. 17.

IV. Atque ut fundamento veritatis nitamur, audiamus objectus; Est qui quærat: si Deus malorum & pœnarum omnium auctor est, nunquid & peccatorum? Nam meus hic inimicus mentiendo, & conviciando in extremam me perniciem dedit, rem meam contra fas omne diripuit, nomen meum nequissimis calumniis laceravit, meipsum cochleari, si possit, submersurus. Num Deus horum est auctor? Est, mi homo, est auctor horum: non quod illi Deus mentiri & calumniari præceperit: Nemini Deus, inquit Siracides *a*, mandavit impie agere, & nemini dedit spatium peccandi. Sed ajo amplius, si injurias, quibus ille te affecit, præceptas illi à Deo dicerem, num dicerem male? Ita plane sanctissimus rex David loquitur. Nam cum illum improbissimus Semei verbis & maledictis, imo & faxis peteret, essentque in comitatu regio, qui linguam teterrimam ferro claudendam dicerent, Rex publice suis omnibus edicens: Dimittite eum, inquit *b*, ut maledicat: Dominus enim præcepit ei ut malediceres David. Et quis est, qui audeat dicere, quare sic fecerit? Num ergo Semei nihil hic deliquit? Imo vero deliquit gravissime. Hic quæso animum advertite, & sua veritati constabit fides.

Cum regum sapientissimus David, nebulonem illum Semei solum, & inermem cerneret,

a Eccl. c. 15. v. 21. *b* 2 Reg. c. 19. v. 10.

neret, nihilominus tam intrepide tamque constanter in se calumnias jactantem audiret, mox in eam sententiam venit, primam injuriæ illius originem, non à Semei, sed à Deo manare, qui tam improbi hominis maledicentiam in sui supplicium & pœnam destinasset. Quonam igitur modo *Deum* illi hoc præcepit?

Adhibete animum, & rem cognoscite. Duo sunt in quovis peccato: Primum est, naturalis motus corporis, aut voluntatis, aut simul utriusque. Alterum est, ipsa legis transgressio. Exempli gratia: frater fratrem calumniatur, civis civem occidit, miles domum incendit, fur mille philippeos auferit. Hic linguæ motus, Lethalis ictus, ignis injectio, pecuniæ asportatio, Deo fiunt adjuvante: nam actiones naturales sunt, quæ fieri nisi opitulante Deo non possunt. Atque hoc primum illud est in omni peccato spectandum, quod certe *Deum* habet adiutorem. Illud vero alterum, ipsissima peccati natura est, cum ejuscemodi naturalis actio contra rationem, contra conscientiam, contra divinam legem sit, & hoc Deus non vult, non jubet: nihilominus perversam hominis voluntatem seu legis transgressionem & peccatum ordinat Deus in alterius pœnam, aut admonitionem, aut emendationem, seu meritum amplius. Itaque auctor est Deus, ut *res fiat*; cum *male sit*, providentissimus est ordinator.

Sic *Deus* Semei verba proferentem laetum & saxa jacentem adjuvit (hæc enim naturales motus sunt) quatenus autem Semei malevolentissimam voluntatem in suum regem exercuit, eatenus illam *Deus* non adjuvit, sed certè ordinavit in optimum: finem, ut his calumniis peccata Davidis punirentur, ejusdem etiã patientia & submissio exercebantur.

Atque hoc in omnibus omnino peccatis, in injuriis omnibus videre est. Malum *Culpe* *Deus* tolerat, & malum *Pœnæ* ordinat in finem optimum, ad augenda merita, ad punienda peccata. Hinc famem, bella, pestem, eluviones, incendia, deprædationes, injurias, injustitias, ingentia scelera permittit, eaque simul ita disponit, ut per hæc ipsa mala suam ille Bonitatem & Iustitiam, Gloriam & Potentiam suam magis magisque Orbi patefaciat. Hac ratione *Deus* malorum seu pœnarum omnium auctor est. Cujus rei testem Veritatem ipsam statuimus.

Hebræis *Deus* offensior: Congregabo, inquit *a*, super eos mala, & sagittas meas complebo in eis. Ecce ego inducam super eos mala, de quibus exire non poterunt *b*. En, *Deus* nos malis onerat, *Deus* sagittis suis nos vulnerat. At nos tam infantes sumus, telis & jaculis irascimur; quis telum & jaculum mittat, non attendimus: Ita pistor, cum ars non respondet, penicillo indigna-

a Deut. c. 32. v. 23. *b* Hier. c. 11. v. 15.

dignatur, ita scriba calamo, faber malleo, figulus luto culpam impingit, cum opus non succedit; ita nos obrectatores & æmulos, velut malorum nostrorum causam accusamus: sed erramus largiter; non penicillus sed pictor, non calamus sed scriba scripturæ & picturæ sunt auctores. Longe rectius hac in re Iobus sentiens: Manus Domini, ait, terigit me: Non Chaldæorum, non Sabæorum, non hostium aliorum, sed Domini manus me dejecit.

V. Ecquid hic dubitamus? Siracida teste *a*, Bona & mala, vita & mors, paupertas & honestas à Deo sunt. Hoc ipsum luculente asserens Michæas *b*: Quia descendit malum à Domino, inquit, in portam Hierusalem. Et ut cautiores redderet quos monuerat: Ecce cogito, inquit, super familiam istam malum. Nec aliter Amos *c*: Et ubi denique malum erit quod Dominus non fecerit? Atque ut exactissime noverimus, hæc omnia pœnarum mala, & innumeros puniendi modos à Deo divinaque Volunte oriri, in memoriam reducamus quoties Deus minimis animalculis hostes suos gloriosius longe quam maximis exercitibus debellarit. Hic Dei mos est humanæ superbiæ coercendæ, vermiculos, mures, pediculos, glires, aliasque sordidissimas bestiolas immittere, quæ non quisquillas hominum, sed

mitras,

a Eccl. c. 11. v. 14. *b* Mich. c. 1. v. 12.

c 2. v. 3. *c* Amos c. 3. v. 6.

mitras, diademata, purpuras extinguant, quæ principes, reges, Cæsares triumphent. Ita muscas, cimices, vespas, culices, ranas, cyniphes, locustas velut in aciem educit, & totas his agminibus terras, totos populos subvertit.

Sapientia clamat *a*: Misisti antecessores exercitus tui vespas, ut illos paullatim exterminarent. Regii fasti testantur *b*: Et ebullierunt villæ & agri, & nati sunt mures, & facta est confusio mortis magnæ in civitate.

Genebrardus regem nominat quem mures cum conjugè depasti sunt, quod nepotes sibi commissos veneno sustulisset *c*. Cuniculi urbem Hispaniæ, talpæ urbem Macedoniæ, teste Plinio *d*, devastarunt. Cum ille Christiani sanguinis sitientissimus rex Persarum Sapor Nisibin civitatem obsidione premeret *e*, Iacobus Nisibita Præsul, non militum sed culicum atque cyniphum exercitus à cælo exoravit. Hæc animalcula potentius in hostem, quam Xerxis copiæ pugnarunt, nam cum equorum & elephantorum aures, proboscides, nares à bestiolis illis assidue fodicarentur, jumenta efferata, abruptis frenis, præcipiti fuga eruperunt. Rex inops consilii re infecta domum se recepit.

Haud aliter accidit cum Carolus Siciliæ, Philippus rex Galliæ Gerundam Hispaniæ civita-

a Sap. c. 12. v. 8. *b* 1 Reg. c. 5. v. 6. *c* Genebr. anno 790. *d* Plin. l. 8. nat. hist. c. 29. *e* Baron. tom. 3. Annal. an. 338. è Theodor.

242 GYMNAS. PATIENT.

civitatem occupassent, militum impietas nec templis, nec sacris lipsanis, nec sepulchris pepercit. Cumque jam divi Narcissi quoque cumulo vis inferretur, muscarum ingens examen provolavit, tantaque clade exercitum affecit, ut omnes effulse fugere sint coacti. Hodieque Hispanis proverbium est: Sancti Narcissi muscas laceessere. Quis tantas vires tantillis bestiolis subministravit? Cladium & calamitatum omnium auctor *Deus*. Omne hoc malum a Deo est.

Sed objicias: Quid si morbus me infestet, quem ab intemperantia nimioque cibo vel potu provenire certò sciam quaratione hoc malum Deo adscribam, cujus ego ipse causa sum? hic quidem morbus grandis mihi afflictio est, sed numis à Deo est? Est à Deo, est planissime. Nam Deus ab æterno te flagellare decrevit: pro flagello tuam arripuit intemperantiam, quam æque ab æterno prævidit. Ita Deus te flagrocædit, sed tu ei lora præbuiisti ad conficiendum hoc flagrum: In morbo te Deus esse vult, sed pro causa seu instrumento morbi tua ipsius intemperantia utitur: Ita Deus alium injuriis vult affici; inimicum illius ut instrumentum adhibet. Eadem in omnibus aliis ratio est.

Quid tu jam, quid ille alius, habetis contra hucere? Quid refert sive in tua, sive in aliena culina discas coquere, modo discas? quod si alieno damno sapere non incipias,
quid

quid ægre fers, si demum sapias tuo? Animum ergo ad patientiam compone: Tuarum, & omnium in Orbe afflictionum auctor est Deus: Sicut Domino placuit, ita factum est, ita fit, ita fiet, ita optime fiet. Noli timere; nec unicus quidem tui capitis capillus defluet, quin Deus id præviderit & voluerit. Ecquid tibi deerit, si membra tua dilaceret inimicus, quando capillos tuos numerat Deus *a*? Pharmacum, quod Pater porrigit, exhauri; quisquis Pharmacopæus fuerit: Calicem quem tibi Deus propinat, ebibe; quisquis famulorum illum infuderit. Quicquid ferendum est, tam iu patienter feras, quamdiu Deus te illud ferre voluerit. Hic verus in Patientiæ gymnasio profectus est, hæc via ad vitam.

Vl. Sed adhuc reluctatis & clamas: Ergone mei me cognati vexent? ergone mihi insultent ii, quos beneficiis ornavi? Sic meus mecum dominus agat, cui tot annis tam fideliter inservii? Itane depressum me eant mediastini & hominum vilissimi? quis hoc ferat? O te albæ mentis hominem, & nimis quam rudem! etiam prima sacri gymnasii principia ignoras? An nescis illud? Non est verus patiens qui pati non vult nisi quantum sibi visum fuerit, & à quo sibi placuerit *b*. Talis exceptio non toleratur in Patientiæ gymnasio. Apage hinc istas voces:

R. Patiar

a Aug. serm. 4. de fest. mart.

b Imit. Christi, l. 3. c. 19. num. 3.

244 GYMNAS. PATIENT.

Patiet hoc, sed non ab isto, aut illo condiscipulo. Quem tibi præceptor assignaverit, hunc tolerabis.

Mos est in scholis, decuriones è discipulis jubere, qui in ceteros potestatis aliquid habeant. Quod si puerorum quispiam contumacior decurioni recitare, aut scriptiorem dare nolit, mox fronte seria magister: Quid tu superbule, vis cristas tolerare, mox ponas faxo: huic condiscipulo tuo recita, huic scriptiorem da: aut sceptri mei senties iracundiam.

In patientiæ gymnasio Christus ejusdem moris retinens vult alterum alteri subesse, imo alterum ab altero etiam castigari, sed tamen ad sui nutus dictamen. Hic nos superbuli exceptionibus plurimis uti solemus. Volumus recitare, sed non huic; scriptiorem dare volumus, sed non isti, Volumus emendari, sed non ab illo; crucis esse bajuli non recusamus, modo eam hic nebulo non fabricet, modo illam hic veterator non imponat. Quid hoc? quæ ista insolentia est? tantos sibi spiritus sumere. & condiscipulis nolle se subicere? Hos mores præceptor non tolerat. Crux ferenda est, à quocunque fabricetur aut imponatur. Homo nequissimus potest esse crucis utilissimæ faber. Quid ad te? tu me sequere, ait Christus.

Simon Cyrenensis crucem constanter usque in supremum montem Golgotha defert: non excipit, non reclamatur; subdit humeros, impe-

imperia capeſſit ab iis, quibus in eum jus nullum imperandi. Et quis erat Semei? ſeditioſus trifur, bipedum nequiſſimus; Deus tamen voluit, ut hic ipſe potentiſſimo, ſed & ſanctiſſimo regi crucem imponeret ponderoſiſſimam. Et videte: Rex David facinoroſum hunc hominem, ſum agnoſcit con-diſcipulum, imo decurionem ſuum, à magiſtro conſtitutum; huic recitat, huic ſeſe ſubmittit. Et quales, obſecro, decuriones erant in hoc gymnaſio, Attila, Tamerlanes, Totila? Præceptor illos conſtituit, his erat recitandum. Tu Attila ab Orbe extremo ad-vola, ſitiens ſanguinis & prædæ; rape, cæ-de, ure, vaſta. Sævitia hæc Præceptorī Deo militabit; nec aliud quàm excitatio Chriſtianorum erit, qui vitiis aut delitiis immerſi & ſepulti.

Quid vos duo Veſpaſiani? Iudæam Iu-dæoſque perditæ, capite, excindite urbem ſacram. Quo fine? Vos quidem gloriæ & propagandi imperii veſtri gratia movetis arma: Sed erratis: revera lictores & ſatellites divinæ ultionis eſtis in impiam gentem, quæ felicitatem ſuam conquerere non potuit, niſi Neronianis his * thermis adjuta. Ite ergo principes Romani, & qui Chriſtianos Ro-mæ jugulatis, Chriſti mortem in Iudæa vel inſcii vindicate.

Eadem prorsus ratio eſt cū omnibus inimi-cis noſtris, qui me, qui te, mi Chriſtiane, qui hos & iſtos injuriis premunt aut invidia.

246 GYMNAS. PATIENT.

Nos quidem ægre ferimus, & querimur tales à Deo condiscipulos admitti, tales decuriones eligi, qui famæ, bonis, vitæ nostræ infidientur, qui nos perditos velint.

Sed ô cæci! cogitationes & judicia plurimum errant. Quid enim refert, etiam si nos illi velint perditos? Deus aliter longe cogitat. Ægypti Prorex Iosephus coram fratribus suis multum trepidantibus clarissime id pronuntians: Vos, inquit *a*, cogitastis de me malum, sed *Deus* vertit illud in bonum. Num Dei possumus resistere voluntati?

VII. Sed cur, inquires, malorum opera Deus utitur? cur ipse non immittit clades? aut saltem per bonos administratos? Quid hæc quæris curiose homo? Constabit Deo utique facti sui ratio, etsi nobis de ea nil constet. Pater in magna familia, interdum filium ipse castigat, est, cum servo id munus mandat aut pædagogo. Hoc & præceptor in schola facit: aut ipse fontem cædit, aut alteri cædendum tradit. Cur Deo non idem jus sit? Cur non ipse, cum ei visum, sua manu nos verberet; cum aliter visum, aliena? Nihil hic injuriæ est. At servus ille iratus tibi est, & animum adfert nocendi? Nihil refert. Tu illo omisso ad animum respice jubentis. Pater enim exactor adstat; & nec unam quidem plagulam tibi superaddi sinet ultra præscriptum.

Ita magistratus reum capite plecti jubet:

hunc

a Genes. c. 50. v. 50.

hunc ipsum hominem carnifex cane pejus
& angue odit, malletque illum candente
forcipe lacerare, quam uno ictu sternere.
Sed quia iussa magistratus exequenda sunt,
caput illi decurrit, non sine ingenti volu-
ptate. Quid huic homini, obsecro, carni-
ficis odium nocuit? non plus quam si eun-
dem ardentissime amasset, caput illi ade-
mit, prout magistratus iussit, & nec hilum
amplius nocere potuit. Ita plana, ita pla-
nissime omnes inimici nostri, quamvis ex-
treme nos oderint, plus nobis nocere non
poterunt, quam Deus illis sciens volensque
permiserit. Luculentissime hic commonens
Augustinus: Noli timere inimicum, in-
quit *a*, tantum facit, quantum acceperit
potestatem. Eum time, qui quantum vult,
tantum facit, & qui injuste nihil facit, &
quicquid fecerit, justum est. Sciant quan-
tum voluerint, & quantum permissi fue-
rint peccatores: confirmat justos Domi-
nus. Quicquid acciderit justo (Notate hæc,
obsecro, notate studiosissime) Quidquid
acciderit justo, Voluntati divinæ deputer,
non potestati inimici. Quid sibi ergo plau-
dit iniquus, quia flagellum de illo fecit pa-
ter meus? Illum assumit ad ministerium,
me erudit ad patrimonium. Nec attendere

R 3. debe-

*a Aug. tom. 8. in Psal. 61. propius finem.
& in p. 36. Psal. 2. parte, conc. 2. mihi
pag. 116. & in Psal. 73. pag. 329. & in
Psal. 93. pag. 433. & pag. 430.*

248 GYMNAS. PATIENT.

debemus quantum permittat iniustis, sed quantum seruet iustis. Facit hoc Deus, quod plerunque facit & homo. Aliquando iratus homo apprehendit virgam jacentem in medio, fortasse qualecunque sarmentum, cædit inde filium suum: ac deinde projicit sarmentum in ignem, & filio servat hæreditatem.

Sic Deus de hominibus malis exercet nos, & de illorum infecutionibus crudelit nos. De malitia mali flagellatur bonus, & de servo emendatur filius. Sicut enim malis obest bonitas iustorum, sic prodest iniquitas impiorum. Quod si cœperit tibi subrepere voluntas humana dicens: O si occidat Deus inimicum istum meum, ut non me persequatur! O si posset fieri, ut non ab illo paterer tanta! Iam si perseveraveris, & hoc tibi placuerit, & vides, quia hoc non vult Deus, pravus corde es. Et qui sunt recti corde? Qui sic inveniuntur, quomodo inventus est Iob, qui ait: Dominus dedit, Dominus abstulit: sicut Domino placuit, ita factum est; sit nomen Domini benedictum. Ecce rectum cor.

Hæc Augustini sexcenties, millies, ter millies ingerenda, vix tamen satis capiuntur ad imitationem. Ita omnino istum per illum castigat Deus cæditque, dein virgas in ignem mittit. Ita Hebræos per regem Babylonis castigaturus: Servient, inquit, omnes

omnes gentes istæ regi Babylonis septuaginta annis. Cumque impleri fuerint septuaginta anni, visitabo super regem Babylonis, quem velut farmentum in ignem excutiam.

Propterea omnes qui comedunt te (ô mi Christiane) devorabuntur, & qui te vastant vastabuntur, cunctosque prædatores tuos dabit meus in prædam *a*. Te autem à vulneribus tuis sanabit, & obducet tibi cicatricem, ut Iobo, quem hostes & extrema paupertas altero tanto ditiores fecerunt. Tu tantum longanimis expecta tam venturum tibi auxilium, quam hostibus tuis, ni resipiscant, supplicium.

VIII. Sed Iobo sanctiorem hic sisto, Dei filius, Orbis Servator non ab Angelis, non à Matre crucifigi voluit, sed suam sibi crucem imponi, in crucem attolli ab idololatriis sustinuit. Gens Hebræa ex omni gente selectissima, mille beneficiis ornata, instar filii unici amata, infamem hanc trabem benefactori suo rependit: nec ille contraxit. Romani de cruenta arbore illa, Conditorem Mundi suspenderunt: nec ille restitit. Iam cruci affixum omne genus hominum, & ipse crucis socius conviciatus est: nec ille convicia regessit. Quid dico, convicia non regessit? Pro his ipsis & preces fudit, & iis veniam petiit. Hoc merito Ecclesia tanti æstimat, ut annuam pa-

R 4

tientis

250 GYMNAS. PATIENT.

tientis Domini *Iesu* memoriam, his potissimum verbis veneretur: Respice, quæ sumus Domine, super hanc familiam tuam, pro qua Dominus noster *Iesus* Christus non dubitavit *manibus tradi nocentium*, &c. Tolerabile videri potuisset, si Mater aut Angeli mortalium innocentissimum clavis confixissent ligno. Mater dixerit: Ego illi corpus de meo dedi corpore: Dixerint & Angeli: Mos illi ad cunas accinuimus, & necdum præmium accepimus: At vero impuros hoc idololatrias, hoc gentem charissimam in suum Dominum moliri, & Dominum à suis hoc pati, veræ ad hostes patientiæ specimen est: *Non dubitavit manibus tradi nocentium*. Nemo se membrum dicat, qui suum hoc caput imitari neglexerit. Apposite Gregorius: Cur, inquit, asperum creditur, ut à Deo homo toleret flagella pro malis, si tanta *Deus* ab hominibus pettulit mala pro bonis.

Interim nos nostri sensus & cerebri persistimus, fatuasque illas voces spargimus: Hic homo trabs oculis meis, fel meo stomacho est; modo hunc unum amoliri possem; modo nebulonis hujus sanguine calceos meos ungere liceret; quanti emerem futorium hoc atramentum: nulla mihi quies est, quamdiu hic furcifer in oculis est. Heu voces impias, & sub Orcum, è quo prodeunt, relegandas! ita stolidè animi nostri

At seditionem æmulis nostris adscribimus. Error turpissimus. Contra hunc aureus orator disserens: Quemadmodum, inquit, si corpus adamantinum haberemus, etsi innumeris undique telis peteremur, non tamen vulnera reciperemus: non enim à manu tela torquente, sed à corporibus patientibus vulnera fiunt. Sic & hic non à petulantium insania, sed ab imbecillitate contumelias patientium, injuriæ & contumeliæ constituuntur. Si enim philosophari sciamus, nec contumelia affici possumus, nec quidquam grave pati. Aliquis contumeliam intulit? si non sensisti, nec doluisti, non es injuriam passus, sed & magis percussisti, quam percussus es. Quid igitur inimicos & æmulos velut omnium miseriarum nostrarum causam accusamus? Culpa in nobis ipsis lædimur, quotiescunque lædimur. Verissimum est illud Ecclesia promissum: *Nulla nobis nocebit adversitas, si nulla nobis dominetur iniquitas.*

Quid vero mirum est in animo nostro tam nihil esse quietis, cum in eo tam parum sit patientiæ & taciturnitatis? nec ingrata silentio, nec adversa patientia possumus concoquere; undique intractabiles. Et tamen hanc omnem culpam in nostros adversarios derivamus; Si isti abessent, dicimus, sanctiores essemus. O ridiculi mortales!

R 5. tales!

a Chrysof. tom. 5. hom. 2. ad pop. Antio. fine.

tales ! Si nos ipsi nobis non deessemus , adversariorum nostrorum nequitia , non tantum non deteriores , sed & longe probiores nos redderet. Perditio tua Israël ex te , non ex hostibus tuis *a* : tibi tuam impatientiam imputa , non tuis adversariis.

Et quis est qui nobis noceat , si boni & mulatores fuerimus *b* ; Cygnæa Chrysostomi vox jam in Orbem nota est *c* : Nemo læditur nisi à seipso. Decii , Aureliani , Neronis , Domitiani , Diocletiani fortissimos heroas Vincentios , Sebastianos , Mauricios , Tiburtios , Georgios occidere potuerunt , lædere non potuerunt. Læsisent , si cælestes illis laureas rapuissent. Potuit Valerianus Laurentium craticula torquere , Christum illi & cælum extorquere non potuit : potuit Arianus furor Athanasium terra marique persequi , sed lædere non potuit , cuius virtutem persequendo auxit , & illustravit.

Docte Origenes : Ita , inquit *d* , in hoc Mundo sunt omnia disposita , ut nihil prorsus otiosum sit apud Deum , etiamsi malum illud sit. Malitiam Deus non facit , tamen cum ab aliis inventam possit prohibere , non prohibet , sed cum ipsis à quibus habetur , utitur ea ad causas necessarias.

Ita

a Osee cap. 13. v. 9. *b* 1 Petri c. 3. v. 13.
c Vltimum Chrysostomi opus ad Olympiadem tom. 3. Operum ejus. *d* Orig hom. 23. in l. Num.

Ita DEUS nullius peccati, poenarum omnium auctor est: nec ab eo nos lædimur, sed bono nostro corrigimur.

IX. Hic mihi Amanum & Mardochæum confiderate: Aman regio favore insolens, magnificus, ferox, astra sibi visus est vertice ferire. Cuncti servi regis flebant genua, & adorabant Aman: sic enim præceperat eis Imperator. Sic Aman velut gallus in suo sterquilinio plurimum potuit, voluitque etiam à Mardochæo, perinde ut ab aliis adorari. Ponepileum, Iudæe, flecte genua, dextram suaviare, Amanum adora. Grave fuit Mardochæo, à se hoc exigere, quod salva religione illæsaque conscientia præstare non potuit: siue Amanus acupictos in veste Deos gesserit (ut aliquorum mens est) siue hæc adoratio divini quid habuerit; certe hoc officii genus, videbatur negandum homini. Idcirco Mardochæus sincerissime Deam compellans: Domine, inquit, Domine rex omnipotens, in ditione enim tua cuncta sunt posita, & non est qui possit tuæ resistere Voluntati, &c. Cuncta nosti, & scis, quia non pro superbia & contumelia, & aliqua gloriæ cupiditate fecerim hoc, ut non adorarem Aman superbissimum (libenter enim pro salute Israël, etiam vestigia pedum ejus deosculari paratus essem) sed timui ne honorem Dei mei transferrem ad hominem.

Hoc

Hoc exemplo instruimur, homines etiam nequissimos, omni genere humanitatis, benevolentiae & obsequii demereri, omni observantia colere, omnem eis reverentiam idque non fide, adhibere; atque hac ratione non honore solum eos compleri, sed etiam paratum esse, coram ipsis procumbere, eorumque pedes deosculari. Emendandae sunt cogitationes illae & voces pessimae: Hic meus hostis, homo malignus, obtracta or, invidus: non possum non odisse illum, qui nec animo nec oculis admitti dignus est, quia nequam est intus & in cute; nec arare cum illo nec fodere volo. Novi Simonem & Simon me Parcius ista, quisquis es, parcius: Praeceptor in Gymnasio Patientiae hunc hominem, tuum esse iussit decurionem, cui subsis. Quid tu jam hic jure conqueri? Si sapis, dices: Libenter etiam vestigia pedum ejus deosculari paratus sum. Idque tanto promptius, quanto facilius est Deo vices subito mutare, ut Amani decurio fiat Mardochæus, dicatque cum imperio: Amane, recita, recita.

Videte mutationes mirissimas. Dum Aman à rege proximus immensas opes, copiosam familiam, numerosam prolem, fortunae benevolentiam, regios favores jactat, jamque pæne imperat caelo, à rege addicitur patibulo. At Mardochæus jam recte additus, repente regiis vestibibus amictus, equo regio impositus, diademate cinctus, per celebrati-

berrimas urbis plateas ductus Amano vel-
 ut famulo præcedente & clamante *a*, Hoc
 honore condignus est, quemcunque rex vo-
 luerit honorare. Pro Superi! quæ hæc tam
 subita, tam monstrosa mutatio! Hic Dei
 mos est. Facile est enim in oculis Dei, subito
 honestare pauperem *b*. Mardochæus jam
 laqueo paratus, in folium; Amanus jam
 folio vicinus, in patibulum attollitur: Ita,
 mi Amane, ædificium quod hosti struxe-
 ras, ipse habita; furcam quam inimico e-
 rexeras, ipse conscende, teipso eam orna.
 Tam severe Deus in illos animadvertere so-
 let, qui non portare crucem, sed inimicos
 suos in crucem elevare cogitant, ita subito
 fors vertit. Gladius ab ipsa cervice revoca-
 tur, laqueus à gula jam frangenda reduci-
 tur; Mardochæus suo carnifici Amano su-
 perstes est.

Quapropter amemus crucem, & à quo-
 cunque illa nobis imponatur, ferre illam non
 detrectemus. Summus animus, servus an
 dominus nos exagitet, nō refert; refert, quo
 jubente aut permittente, id fiat. Durum est
 quidem ab iis vexari, à quibus id minime
 expectes. Sed sanctissimi quique hominum
 hoc miseriæ genus sæpius tolerarunt.

Iobus & Tobias à suis uxoribus, à co-
 gnatis suis irrisi; conviciis & maledictis
 lacerati, convicia & maledicta non retor-
 serunt. Ignatius martyr nobilissimus, decem

a Esth. cap. 5. v. 11.

leo.

b Eccles. cap. 11. v. 23.

256 GYMNAS. PATIENT.

leopardis morigerum se præbuit. Nam cum Antiochia Romam duceretur, decem milites custodes habuit vere leopardos non homines, quos & ipsa beneficia efferabant. At hoc Ignatium non terruit. Nam iniquitas illorum, ait ipse martyr, doctrina mea est. Ita prorsus adversarii nostri, doctores nostri sunt; plurimam nobis sapientiam instillant vel invitis. Nec male inimicos vocem aurifabros, qui coronas nobis fabricant non quidem aureas, nec gemmeas, sed cælestes & fidereas.

Quocirca recte asserimus: Crux perferenda est: à quocunque imponatur. Quæ omnia beati Augustini oraculis consigno. Non tibi, ait ille *a*, videantur felices qui florent ad tempus. Tu castigaris, illis parcitur: forte tibi castigato & emendato filio hæreditas reservatur. Evigila ergo in hanc vocem: Dominus dedit, Dominus abstulit, sicut Domino placuit, ita factum est: Sit nomen Domini benedictum. Injusti erant qui juxta Iob putrescentem sedebant: & tamen ille suscipiendus flagellabatur, illis puniendis parcebatur. Deus judicio suo reservat omnia. Boni laborant, quia flagellantur ut filii: mali exultant, quia damnantur ut alieni *b*, Sævii quidem inimicus, sed non proficiet in eo. Quid est ergo quod affligit?

Ex-

a Augustin. tom. 8. in Psalm 70. mihi pag. 309. *b* Et in Psalm. 91. post med. pag. 419.

Exercebit, non nocebit. Proderit sc̃viendo, quia in quos sc̃vit, coronabuntur vincendo. Quid enim vincitur, si nihil contra nos sc̃vit? Aut ubi adiutor noster Deus, si nos non dimicamus? Inimicus ergo faciat quod suum est: sed non proficiet inimicus in eo a.

Ergo perseveremus patientiam: quanto jam plus supplicii est pœnæ, tanto plus olim præmii erit & gloriæ.

a Aug. in Psal. 88. ad finem, 401.


Imagi-

Imaginis explicatio.

A. Patientia suos in rem præsentem ducit, & absolutissimum patiendi prototypon ad imitandum proponit, hortaturque, ut Patienter, Hilariter, Constanter, cum Gratiarum actione, cum Præmeditatione, & ante omnia, cum Conformatione humanæ voluntatis ad divinam perferantur omnia.

Et en, mi Lector, tandem florent spina sanguine rigata. B. Tandem corona triplex C. vepribus succedit. Dominum Iesum aspice; Humiliavit semetipsum, factus obediens usque ad mortem, mortem autem crucis, propter quod & Deus exaltavit illum, & donavit illi nomen, quod est super omne nomen, ut in nomine Iesu omne genu flectatur, caelestium, terrestrium, & infernorum a. En tergeminum diadema. Hoc & Patientiam expectat. In cælo triplex est beatitudo; Dei, Angelorum, hominum. Et illa, & ista, & hac homo patiens fruetur. Patientia finis, præmiorum aternitas.

a Philipp. c. 2. v. 8. seqq.



Tandem spinæ florent; nec flores isti defluent.

P A R S T E R T I A .

C A P V T I .

Afflictiones sustinendas esse Patienter.

E Qui nobiles ac generosi eos subinde mores à magistris suis accipiunt, ut dominum suum non solum patientissime sescui recipiant, sed & genua sesculo submittant, quod certe à plaustrariis moli-
torum aut rusticorum jumentis exigendum non est.

Alexandro regi Macedoni equus fuit, quem Bucephalum vocarunt, emptus septem millibus philippeorum & octingentis. Hic phaleis regiis jam ornatus, & frena spumantia mandens, sessorem alium admisit nullum, præterquam sum regem.

Quisquis hominum mansuetos mores Patientiæ magisterio accepit, hic suum Dominum agnoscit Christum, eique genua submittit, paratissimus omnia & facere & pati, prout Domino suo visum fuerit. Hi autem tam placidi probatique mores solum in Patientiæ schola discuntur, de qua duo jam peregrimus dicendo: Primum, quæ Cruces, seu, quæ Afflictionum genera humanam gentem exerceant. Alterum, quid ex hac cladium exercitatione discendum. Sequitur Tertium, & quidem hac in re primum: Qua ratione as-

Afflicto-

afflictiones omnes tolerandæ. Hoc non tantum utilissimum, sed & necessarium scitu est. Quid enim proderit scire, quid patiaris, si nescias modum quo patiaris. Nos istud ordine, sed succincto explicabimus. Primum hic omnium documentum est: Afflictio toleranda est Patienter. In gymnasio Patientiæ nulli sumus, si sumus impatientes. Itaque quid sit Patienter esse miserum, jam exponemus.

I. Optime dictum à priscis:

*Vir bonus non querit quidnam patiatur,
sed quam bene.*

Multa vis trophæa erexit, plura sed Patientia a.

Christus de felicissima libertate differens: In patientia vestra, inquit *b*, possidebitis animas vestras. Impatiens tantum abest ut se suaque possideat, ut etiam tam sua quam seipsum perdat, impos sui, suorumque victiorum servus. Hinc Iobus jure interrogans: Quid perdis, inquit *c*, animam tuam in furore tuo? Impatiens libertatem indulget felli: fel ita liberum Rationem velut per fenestras præcipitat. Inde multiplex rerum jactura. At vero patiens & se, & sua sibi servat, vel fortissimis. Salomon id affirmans: Melior est, inquit *d*, patiens viro forti, & qui dominatur animo suo, expugnatore urbium. Siquidem homo pa-

S 2. tiens

a Monost. Trochaica. b Luc. c. 21. v. 19.

c Iob. c. 8. v. 4. d Prov. c. 16. v. 32.

tiens non tantum os atque manum, sed & cogitationes in statione continet. Patientia prohibetur ira, restringuntur animi, manus petulantia comprimitur, linguæ venenum eximitur.

Quod de garrulo dicitur: Hic homo nequit continere linguam: Idem de impatiēte dixeris: Iste nequit continere iram. Vindicta & Iracundia illum possident, impelluntque quo volunt; totos alit acerbum cogitationum exercitus quem impatiētia exercet. Istud igitur dominium animi potest obtineri nisi patientia: Animas vestras possidebitis, impatiētia vestra, non in consiliis vestris, non in prudentia, vel fortuna, non in divitiis vestris, sed in vestra Patientia.

Sed an definitionem Patientiæ ignoramus? hæc est: *Rerum quacunque hominiliunde accidunt, aut incidunt, voluntaria & sine querela perpassio.* At nos, egregii scilicet homines impatiētiā & querimōnias nostras eleganti palliolo velamus. Agnosce delicatorem voces: *Heu nimium molesta, nimiumque difficilia, & perpassu gravia nos premunt.*

O Christiani, impatiētia non nascitur à nimia crucis mole, sed ex crucigeri debilitate. Qui domum ædificat, non ideo eam tecto operit, ut à pluviis, grandine, nivibus intactam muniat, sed ut ea pluvias, & grandinem, & nives sine damno perferat.

Qui

Qui navim fabricat, non hoc spectat, ne fluctuum assultu quatiatur, sed ne rimas agat, & aquam admittat. Qui valetudini à celo metuit, non hoc agit, ne asperior aura se afflet, sed ut caput munitum, pedes non madidos, non frigidos, habeat. Idem in moribus sit. Sed nos alia omnia facimus. Hoc enim anxie agimus, ne pauperes, ne contempti & abjecti simus, cum tamen potius omni modo agendum: sit, ut in morbo, in paupertate, in contemptu patientes simus. Virtutem Christianam profecto non sapit, non nisi sanum, divitem, honoratum esse velle: quid enim hoc magni? At morbum, egestatem, despiciatum scienter tolerare posse, hoc virtutis, hoc magni, hoc maximi quid est.

Neque vero arte ulla cavebimus, ne miseriae impatienter feramus, cavere poterimus, atque hoc artis est. Qua in re cum Bione sentio.

Bion philosophus, ut Laërtius refert *a*, dicere solebat: Magnum, imo maximum malum esse, non posse perferre malum, Quo prorsus sensu poëtis prisca sic loquebatur:

Non malum est, malum pati:

At nescire malum pati, hoc malum est b.

Et certe qui hoc nescit, nec vivere scit. Nemini suavis esse poterit vita, nisi didicerit perferre miseriae vitæ. Exemplo sint ista. Calculi & Podagræ dolores ajunt esse maxi-

S 3

mos

a Laert. lib. 4. cap. 7. b Trech. Vet.

264 GYMNAS. PATIENT.

mos, incredibles, malum plane furiosum: attamen fuerunt etiam è magnatibus, qui scienter hoc quicquid mali est pertulerunt.

Ad Agefilaum, cum in dolore Podagræ gravissimo esset, Carneades revisit, qui ubi vidit dolores colloquiis potius exasperandos, ad compendium contulit dicenda, & abiturus valedixit. Cui Agefilaus: Mane sis Carneades, & una pedes ac pectus digito monstrans: Nihil, ait, huc illinc pervenit. Quo dicto cor sanum, alacre, & dolori par, pedes vero miseros & dolore fractos ostendit.

Carolum Quintum Augustæ memoriæ Imperatorum, dum maximos podagræ dolores sentiret, princeps Imperii visit, eaque verborum lenimenta, quæ his doloribus facere videbantur, adhibuit. Illud singulariter urgens: Et quæso, inquit, cur Majestas Tua nullis utitur pharmacis, cum medicos habeat præstantissimos? Huic Imperator respondit: In hoc tali morbo optima est medicina, Patientia. Hæc linguam, hæc manus, hæc cogitationes, hæc & animum in officio continet.

II. Patientiæ cum elogia, tum documenta plurima sunt; nos hic pauca delibabimus, ex Afro sed erudito scriptore Tertulliano.

I. Patientia in tolerandis Injuriis.

Dominus monet: Verberanti te in faciem, etiam alteram genam obverte; fatigetur aliena improbitas patientia tua. Plus improbum

probum illum cædis sustinendo quam ulciscendo, ab eo enim vapulabit, cujus gratia sustines ^a. Si linguæ amaritudo maledicto sive convicio eruperit, respice dictum; Cum vos maledixerint, gaudete.

2. *Patientia in continendo Vindicta.*

Summus impatientiæ stimulus, ultionis libido, negotium curans aut gloriæ, aut malitiæ ^b. Sed gloria ubique vana, & malitia nunquam non Domino odiosa, hoc quidem loco maxime, cum ab alterius malitia provocata, superiorem se in exequenda ultione constituit. Quid autem refert inter provocantem & provocatum, nisi quod ille prior in maleficio deprehenditur, at iste posterior! Tamen uterque læsi hominis Domino reus est qui omnem nequam & prohibet, & damnat. Absolute itaque præcipitur malum malo non reddendum.

3. *Patientia in refrenanda eadem Vindicta.*

Quem honorem litabimus Domino, si nobis arbitrium defensionis arrogaverimus ^c? Quid credimus judicem illum, si non & ultorem? Qui vindicat se, honorem unici judicis abstulit, hoc est, Dei. Quid ergo mihi cum ultione, cujus modum regere non possum per impatientiam doloris? Quod si patientiæ incubabo, non dolebo: si non dolebo, ulcisci non desiderabo.

S 4. Nihil

^a Tertull. l. de Patientia cap 8. ^b Idem 6. 10. ^c Idem cap. 9. 10. & 5.

Nihil impatientia susceptum sine impetu transigi potest; quicquid impetu actum est, aut offendit, aut corrumpit, aut præceps abit. Nam, ut compendio dictum sit; Omne peccatum impatientiæ adscribendum.

4. *Patientia in bonorum lactura.*

Patientia in detrimentis, exercitatio est largiendi. Non piget donare eum, qui non timet perdere. Alioqui quomodo duas habens tunicas, alteram earum nudo dabit, nisi idem sit, qui auferenti tunicam, etiam pallium offerre possit? quomodo amicos de Munmona fabricabimus nobis, cum in tantum amaverimus, ut amissum non suffieramus? peribimus cum perduto a.

Gentilium est, omnibus detrimentis impatientiam adhibere, qui rem pecuniariam animæ anteponunt. Nos vero secundum diversitatem, qua cum illis sumus, non animam pro pecunia, sed pecuniam pro anima deponere convenit, seu sponte largiendo, seu patienter amittendo. Totum licet sæculum pereat, dum patientiam lucrificiam. Quos enim felices Dominus nisi patientes nuncupavit?

5. *Patientia in aliis Afflictionibus perferendis.*

Gaudere & gratulari nos decet dignatione divinæ castigationis: Ego, inquit, quos amo, castigo. O servum illum beatum cujus emendatione Dominus instat, cui di-

gnatus

gnatur irasce, quem admonendi dissimulatione non decipit. Patientia in omni sexu, in omni ætate formosa est *a*. Patiens implet legem Christi. Non licet ergo nobis ulla die sine patientia manere; Malum patientia non facit. Dilectio omnia sustinet, omnia tolerat, utique quia patiens. Undiq; igitur adstricti sumus officio patientiæ administrandæ.

6. *Patientia vestis, & habitus.*

Vultus Patientiæ tranquillus *b*. frons pura, nulla mœroris aut iræ rugositate contracta: remissa æque in lætum modum supercilia, oculis humilitate, non infelicitate dejectis. Os taciturnitatis honore signatum. Color qualis securis & innoxiiis. Motus frequens capitis in diabolum, & minax risus. Ceterum amictus circum pectora candidus, & corpori impressus, ut qui nec inflatur, nec inquietatur. Sedet enim in ejus throno Spiritus mitissimus & mansuetissimus; non turbine glomeratur, non nubilo livit, sed est teneræ serenitatis, apertus & simplex, quem tertio vidit Elias. Nam ubi Deus, ibi & a-lumna ejus Patientia.

7. *Patientia elogia.*

Satis idoneus Patientiæ sequester Deus *a*. Si injuriam deposueris penes eum, ultor est: si damnum, restitutor est: si dolorem, medicus est: si mortem, resuscitator est. Quantum Patientiæ licet, ut Deum habeat debi-

S 5 torem?

a Idem. c. 11. & 12. *b* Idem. c. 15.

c Idem. cap. 15.

torem? Nec immerito. Omnia enim placita ejus tuetur, omnibus mandatis ejus intervenit. Fidem munit, pacem gubernat, dilectionum adjuvat, humilitatem instruit, pœnitentiam expectat, exomologesin assignat, carnem regit, spiritum servat, linguam frenat, manum continet, tentationes inculcat, scandala pellit, martyria consummat: pauperem consolatur, divitem temperat, † infirmum non extendit, ‡ valentem non consumit, fidelem delectat, gentilem invitat, servum Domino, Dominum Deo commendat, feminam exornat, virum approbat, amatur in puero, laudatur in juvene, suspicitur in sene.

Ergo amemus patientiam Dei, patientiam Christi; rependamus illi quam pro nobis ipse dependit. Offeramus patientiam spiritus, patientiam carnis, qui in resurrectionem carnis & spiritus credimus. Ita Tertullianus de Patientia.

III. Theodoretus narrat, diabolum Iacobo anachoretæ sævissimas plagas minatum. Cui Iacobus ad omnem patientiam compositus serena fronte, vultuque tranquillo, qualis esse solet Patientiæ. Si à Deo tibi permillum est, inquit, percutite me, plagas libenter accipiam, ut qui à Domino, non à te seriar. Si autem hoc tibi permillum non sit, non percuties, sed nec tanges

me,

† Augendo morbum. ‡ Felle ac cholera, uti facit impatientia.

me, ringaris licet, & millies infanias. Idem quilibet nostrum omnibus iis quos hostes credit, liberrime dixerit. Si vobis à Deo potestas facta est, agite, verberate me, lacerate dentibus, injuriis omnibus onerate; frustra restitero; sin autem licentia vobis concessa non sit, quamvis ingentes rictus pandatis, & dentes acuatis, non me mordebitis; tutus sum.

Beatissimus Pontifex Gregorius Magnus, non tantum illustrissima patientiæ documenta scripsit, sed ea exemplo insuper firmavit, cœpitque facere & docere *a*. Nam Imperatori Mauritio, à quo varie vexatus est, rescripsit in hunc modum: Quia omnipotenti Deo incessanter quotidie delinquo, apud tremendum examen illius, aliquid mihi remedium esse suspicor, si incessantibus quotidie plagis ferior. Et credo, Auguste, eundem Dominum tanto nobis amplius placatis, quanto me ei male servientem districtius affligitis.

Superi! quam hoc patienter & submisse! Idem rectissime dixit: ‡ Cuivis dolori remedium est Patientia. Quis sanctorum sine patientia coronatus est?

Ajunt Grammatici nullam esse regulam, cui non sua sit exceptio. At vero hæc Patientiæ regula sine omni exceptione est. Idco divinus Paulus tam stricte præscribens:

Patien-

a Greg. lib. 4. Epist. 31. *b* Gedult, *zählt alle schuld.*

270 GYMNAS. PATIENT.

Patientes, inquit *a*, estote ad omnes. Cum omni humilitate, & patientia.

Patientia excercenda est omni loco & tempore, ad omnes homines, in rebus omnibus, sine exceptione. Neque enim ulla virtus sine patientia perfecta est. Vice versa: Impatientia matrix est in omne delictum, diffundens de suo fonte varias criminum venas. Nunquam impatiens obsequitur, nunquam patiens oblectatur. Natales impatientiæ in ipso diabolo deprehendi possunt. Impatientia stultitiæ turpissimæ, & amentitiæ parens est. Quid enim stultius, quid amentius quam suum sibi malum ultro conduplicare? præmium patienti promissum abjicere?

Impatiens si obolum amittat, totam crumenam abjicit: cum ei culmus subtrahitur, totos spicarum manipulos incendit. Sic inter aulicos dominos Rudolphi II. Cæsaris fuit † è magnatibus Imperatorii cubiculi, qui mane frigidam allaturus suo Cæsari ad lavandam faciem, vitrum ferebat crystallinum, sed quia operculum excidit incautiori, totum poculum humi allisit cum dicto: ‡ Habeat diabolus & equum, qui rapuit ephippium. Sic uno jactu * quadringentos philippeos abjecit: tanti enim crystallinum illud æstimabatur.

Sic

a 1 *Thess.* c. 5. v. 14. *Eph.* 4. 2. † *Ein Kammer Herr.* ‡ *Hat der Teuffel den Sattel, so hab er das Rosz darzu.* * 400. Gulde thaler.

Sic sæpe malum levissimum malo ingenti geminatur; sic incommoda non grandia damnis maximis per impatientiam augentur.

Salomonis scitum agnosce *a*: *Qui impatiens est, sustinebit damnum.* Quo enim aliquis contumacius patitur, tanto gravius sentit quod patitur. Sic laqueos fera dum jactat, astringit; sic aves viscum, dum trepidantes excuriunt, plumis omnibus illinunt. Nullum tam arctum est jugum, quod non minus lædat ducentem quam repugnantem. Ideo qui sapit, in omnibus patientiæ studet. Fatuus nec agere scit, nec pati. Luculenter Salomon: Qui patiens est, inquit *b*, multa gubernatur prudentia: Impatiens operabitur stultitiam.

Ideo divus Gregorius dixit *c*: Tanto quisque minus ostenditur doctus, quanto vincitur minus patiens. Ita proisus est, hoc quisque stultior est, quo impatientior. Quod & Salomon affirmantissime dixit *d*: Doctrina viri per patientiam noscitur. At fatui, seu, impatientes in seipsos etiam bacchantur, mensam evertunt, pocula affligunt, capillos evellunt, femur pectusque percutiunt, subinde caput in columnas impingunt, uti Augustus Cæsar alliso in parietem capite clamabat: *Redde legiones, Vare, Redde legiones.* Nimirum omnis indignatio in tormentum suum proficit.

IV. In-

a Prov. c. 19. v. 19. *b* Prov. c. 14. v. 29. & 17.

c Greg. ho. 35. in Euang. *d* Prov. c. 19. v. 11.

272 GYMNAS. PATIENT.

I V. Inde & illud sequitur, ut minimis sordidisque rebus exacerbemur: parum agilis est puer, fornax non tempore calefacta, turbatus torus, mensa negligentius posita, mox concitati bilem & impatientiam effundimus: indignamur calamo quo scribimus, equo quo vehimur, vesti qua induimur. Hinc illæ voces: Ecquis diabolorum hunc hominem advexit? quis malus corvus improbum hunc laborem attulit? Vnde molestum hoc & intolerandum onus? Vt me fatigat res hæc nihili! Vt me nequissimi homines isti pessundant! quin & ego illos: quin opus hoc molestissimum ad Garamantas mitto: Ita nos cum laboribus ac crucibus nostris misere luctamur.

Quam hic opportune, ut asina Balaami, tam labores quibus frangimur, quam crucis nostræ quibus figimur, loquantur, & dicant quod Moses & Aaron populo a: Nos quid sumus: nec contra nos est murmur vestrum, sed contra Dominum. Crux quævis vere dixerit: Ego, quid feci tibi, quod adeo adversus me stomacharis? Patientiam habe in me, & omnia reddam tibi. † Des hoc, obsecro, patientiæ, & sustine paullulum miser esse; omnia centuplicato fenore pensabuntur.

Sed nimis multa, inquis, nimisque gravia nos simul infestant. Itane, ô mortales, patientiæ laudem feremus, aut levia pati-

tiendo?

a Exod. c. 16. v. 8. † Thus ein ubrige.

tiendo? Erudite & ad rem Gregorius: Pensate quæso, inquit a, ubi erit patientia, si deest quod toleratur? Ego Abel esse non suspicor, qui Cain non habuerit. Boni enim si sine malis fuerint, perfecti esse boni non possunt, quia minime purgantur Ipsa enim malorum societas, purgatio bonorum est.

Quapropter illud assidue inculcandum foret. *Patienter*, obsecro, *Patienter*, vel Christi causa, quæso, *Patienter*. Cuius dolori remedium est Patientia. Et quemadmodum lentioribus illis & pigris semper occinendum est: Eja impigre, eja expedite ac velociter: Sic nobis tam impatientibus perpetuo ingerendum, Eja patienter, mi Christiane, patienter: & hoc, & illud, & istud, & omnia patienter.

Hic opus ephebo monitore, qui Philippum Macedonum regem quot diebus salutavit his vocibus: *Homo es*. Hic ipse horis singulis, aut etiam singulis horæ partibus nos inclamet: Amabo toleranter, & æquo animo: quicquid urit aut premit, & patienter accipiendum est.

V. Nos sæpe nostrum ipsi obliviscimur, nec recordamur in exilio nos agere, quod miseriorum omnium patientes esse vult.

Eho Christiani, quid delicias expetimus

a Greg. tom. 4. lib. 9. epist. 39. post. init. mihi pag. 344. † Es muß gelitten und gestritten sein.

274 GYMNAS. PATIENT.

mus tam anxie? paradisum perdidimus, & inde jam pridem exulamus. Nos quidem iter hoc relegimus, & reflexo gradu in paradisum tendimus sed nondum pervenimus. Qui sine patientia, hoc iter putat transmitti posse, is similis est ei, qui in pluviis penula & pileo inter hostes scuto & gladio caret.

Patiens unde quaque armatus, & velut cataphractus est, & quod gloriosissimus victoriæ genus, universos hostes debellat, non feriendo, sed patiando. Patiens per prunas, velut per rosas graditur, quod beatus Tiburtius fecit vivis carbonibus velut floribus inambulans *a*. At, Nunquid potest homo ambulare per prunas; ut non comburantur plantæ ejus *b*? Prunas feliciter calcat, quisquis ærumnas patienter superat.

His patientiæ viribus munitus Isaïas secatur, & de Domino non tacet; lapidatur Stephanus, & veniam hostibus suis postulat; Apostoli flagellantur, obtruncantur, crucifiguntur, & cū crucifixo Christo triumphant *c*. Patientia opus perfectum habet.

Patientia, ut Cyprianus loquitur *d*, tentationes expugnat, persecutiones tolerat, passionem consummat. Ipsa est quæ fidei no-

stræ

a Natalis Tiburtii 11. Augusti. de eo Surinus tom. 1. in actis S. Sebastiani 20. Januarii.
b Prov. cap. 6. v. 28. *c* Iacobi c. 1. v. 4.
d Cyprianus tract. de Patient. serm. 3. in
 nitio.

stræ fundamenta firmite munit. Patientia, Tertulliani elogio, in omni sexu, in omni ætate formosa est. Patientia, omnium virtutum tutela, patientia thorax impenetrabilis est. Augustini encomio *a*, Omnis patientia dulcis est Deo. Herbam Plinius Nyctilopam vocari ait *b*, quoniam noctibus è longinquo fulgeat, nam ignei coloris est, & foliis spinæ. Hac Parthorum reges ad vota suscipienda utuntur. En symbolum Patientia præclarum spinis patientia undequaque non tam cingitur, quam munitur ut foliis: Ignei coloris est, & inter afflictiones nativo splendore fulget, nunquam illustrior, quam cum Christi causâ ætumnosior.

In Gymnasio Patientiæ, unum est levamentum malorum omnium, Pati, & necessitatibus suis obsequi. Vox optimi scriptoris est *c*: Qui melius scit Pati, maiorem tenebit pacem. Iste est victor sui, dominus Mundi amicus Christi, & hæres cœli. Si non uteris undique scuto Patientiæ, non eris diu sine vulnere.

T C A -

a August. in Psal. 42. circa med. *b* Plin. lib. 21. nat. hist. cap. 11. initio, ubi hac herba etiam Nyctegretum & Echenomichon appellatur. *c* Sen. l. 3. de Ira c. 16. Thomas à Kemp. Imit. Christi l. 2. c. 3. fine. Et l. 3. c. 35. initio.

CAPUT II.

*Afflictiones subeundas esse
Hilariter.*

Ægyptius rex Pharaon, quod divinae Voluntati contumaciter repugnaret, & Hebræum populum nollet dimittere, variis calamitaribus exagitatus est *a*. At ubi tantus jumentorum ac hominum numerus est interfectus, Hebræos ultro ad abitum impellens: Surgite, inquit, & egredimini à populo meo, vos & filii Israël: Ite, immolate Domino, sicut dicitis. Urgebantque Ægyptii populum de terra exire velociter. Hebræi quo magis urgebantur, eo latiores exhibant, & ore renidenti valedicebant, siquidem Ægyptum omnem optimis quibusque spoliaverant.

Quicunque in Patientiæ gymnasio profecerunt, fronte latissima valedicunt Ægypto, Mundum res sibi suas habere jubent, ab adversis urgeri gaudent. Atque hic ipse alter est ferendæ calamitatis modus, *Hilariter*. Itaque adversa omnia non solum *Patienter*, sed & *Hilariter* esse toleranda hoc capite docebimus.

1. Germanis vetus verbum est: * Iam pæne vicit, qui gladium animose strinxit.
‡ Et certe in re mala si animo utare bono, adju-

a Exod. cap. 12. v. 31. & 33.

* Frisch geſucht, iſt halb geſochten.

‡ Guter Muth, iſt halber Leib.

adjuvat. Ideo quo gravius incumbunt mala, eo quisque sibi animosius dicat: Tu, ne cede malis, sed contra audentior ito. Quid vane lamentaris? hæc mala non cedunt lacrymis. Animus erectus, alacer, Deoque fidens omnia triumphat mala. Quid juvat, si mœroribus teipsum excrucies? Animo frangi, est velle vinci. Ignavissima mors est seipsum enecare luctu. Ravissime vicit, qui victoriam ante pugnam desperavit.

In gymnasio patientiæ, ut scias, nemo te unquam doctorem salutabit, si vegetus atque lætus tibi desit animus. Hic certe, si usquam, audendum est, & † generose in hostem eundum. Quare age, & quod ferendum est, *hilariter* perfer. Canta cum Psalte regio *a*: Calicem salutaris accipiam, & nomen Domini invocabo. Animus dejectus & marcidus triumphis omnibus obstaculum ponit. Nicetas Choniates optime dixit: Alacritas quid non facit, & animus in te mala bonus?

Videte Christum Dominum, qui proposito sibi gaudio crucem sustinuit, confusione contempta *b*. Duplex præmium Servator obtinuit: Et sibi, & nobis; Sibi quidem, humani corporis gloriam & dominium in orbem. Nobis autem gratiam & sa-

T 2 Iutem

† *Versagter Man, kam niemit Ehren vom Plan.* *a* Psalm. 115. v. 13. *b* Hebr. cap. 12. v. 2.

278 GYMNAS. PATIENT.

ludem tam animi quam corporis. Hoc præmio, seu *gaudio sibi proposito*, cruciatus omnes sic temperavit, ut mortem & acerbissimam, & ignominiosissimam subiturus, lætitiâ tamen præ se ferret admirandam. Ideo, *confusione contempta*. Desiderio, inquit *a*, desideravi hoc pascha manducate vobiscum, antequam patiar. Eheu, cruentum pascha! Nihilominus desiderabat illud, & velut epulum delicatissimum aditurus, Hierosolyma lætus ac hilaris festinabat. Exultavit ut gigas, ad currendam viam *b*. Quam viam illam? E domo Pilati in Golgortha; ideo & in via hac deflexi se vetuit.

Enimvero non solum jam necem obiturus dirissimam, animo libente prolixoque, vultu hilari ac læto seipsum victimam offerebat, sed primo etiam momento quo carnem induit in matris utero, jam crucem & omnia ordine patienda sibi habuit præsentissima. Ita Christus dum homo fuit, flagella semper & crucem velut oculis aspexit ‡. Hinc recte dixerim Christum, non tantum tribus horis, sed triginta tribus annis & amplius, extruciatum in cruce, & tamen *proposito sibi gaudio*, patientissime cuncta sustinuit.

II. Sic & discipuli Domini, plagis & ignominias saturati, plagas tamen & ignominias

a Luc. cap. 22. v. 15. b Psal. 18. v. 6.

‡ Probe hoc notetur.

minias esuriebant in Domini sui gratiam. Nam, Illi quidem ibant gaudentes, quoniam digni habiti sunt pro nomine Iesu contumeliam pati *a*. Hebræi Pontifices & sacerdotum principes inter se anxie disquirunt: Quid faciemus hominibus istis *b*? Quo vinculis & flagris acerbius castigantur, eo ardentius hominem crucifixum pro concione laudant: minas contemnunt, carceres lætitia magna subeunt, verbera ingenti gaudio excipiunt. *Quid faciemus illis?* Chrysostomus: Flagellabantur Apostoli, ait *c*, & gaudebant: vinciebantur, & gratias agebant: lapidabantur, & prædicabant. Hanc & ego quæro lætitiā.

Atque hoc est *Hilariter* pati pro Domino, contumelias honori ducere, ærumnas inter voluptates veras numerare. Etsi quid patimini, ait Apostolus Petrus *d*, propter iustitiam, beati. Omne gaudium existimate, inquit Iacobus *e*, cum in tentationes varias incideritis. Beatus vir qui suffert tentationem. Soli hoc Petrus & Iacobus ajunt? Christus ipse: Beati estis, inquit *f*, cum maledixerint vobis homines, & persecuti vos fuerint, mentientes propter me:

T 3 gau-

a Act. cap. 5. v. 42. *b* Act. cap. 4. v. 16. *c* Chrys. tom. 5. hom. 54. ad Antioch. pop. mihi pag. 307. *d* 1 Petri c. 3. v. 14. *e* Cap. 1. v. 2. & 12. *f* Matth. cap. 5. v. 11. & 12.

gaudete, & exultate, quoniam merces vestra copiosa est in cælis. Sed hanc philosophiam plurimorum mollietates non capit.

Henricus suso vir religiosus & sanctus, ingenti fiducia Deum sic allocutus a: Hoc est, Domine, inquit, quod quosdam tam male habet, eaque causa ajunt te paucos habere amicos, quod ita dure & aspere tractes eos in hoc Mundo: hinc etiam fit, ut plures à te deficient. Quid ad hoc, mi Domine, respondes? Enimvero vir iste rerum divinarum gnarus, calamitates tam pretiosa dona, tamque hilariter esse accipienda scivit, ut dixerit: Si centum annis, & flexis genibus Deum oremus, non sumus digni ut crucem unicam accipiamus. Num ergo non hilares simus, cum Deus paterno favore nos castigat? Quam hilaris Paulus? Hinc illæ Pauli voces b: Repletus sum consolatione, superabundo gaudio in omni tribulatione nostra. Et c; Immolor super sacrificium fidei vestræ, gaudeo, & congratulor omnibus vobis, id ipsum vos gaudete, & congratulamini mihi. Nivis cumuli, ait Chrysostomus, in eum devolvuntur quotidie, & est quasi in paradiso. Vnde Stephani vultus sicut Angeli radiabat? Causam Hilarius Arelatensis assignans: Hoc, inquit d, ex abundantia lætitiæ,

a Suso lib. dialog. c. 10. b 2 Corinth c. 7. v. 4. c Philip: c. 2. v. 17. d Hilar. Hom. de S. Steph.

lætitia, gaudii, & cujusdam gloriæ cordis prodiit. Cepit nimirum Stephanus, quod dixit Iacobus *a*: Omne gaudium existimate, fratres mei, cum in tentationes varias incideritis.

III. Vaticinatus Zacharias *b*: Et erunt quasi fortes Ephraim, inquit, & lætabitur cor eorum à vino. Ita Iosue Ephraïtes spe uberrimæ regionis, periculis sese omnibus intrepidus objecit. Vnde hoc robur, hî animi? Lætabitur cor eorum quasi à vino. Vinum, felicitatis æternæ symbolum, in adversa omnia tam animosos reddit. Nam, Inebriabuntur ab ubertate domus tuæ *c*. Nunc lætamur, *sed quasi à vino*, necdum enim beatitatem manu tenemus. Spe gaudentes, illuc anhelamus *d*. Hinc Christiani martyres plane impavidi, ridentes, lætandi carnificinas, cruces, patibula, rotas ac rogos ascendebant; cor eorum lætabatur ab hoc vino. Augustinus de his: Talia, inquit *e*, agentes & patientes se lætissimos exhibebant. Volupe illis erat, obsequiis illius sese impendere, qui pro ipsis pertulisset graviora. Inde inexplicabile præmium eos mirifice accendebat.

Quocirca *Hilariter*, ô Christiani, obsecro, *Hilariter* ad patiendi metam decurramus. Non monstratur nobis crux alta quam

† 4. mem-

a Iac. c. 1. v. 2. *b* Zach. c. 10. v. 7.

c Psal. 35. v. 9. *d* Rom. c. 12. v. 12.

e August. serm. 12. de Sanctis.

282 GYMNAS. PATIENT.

membris nostris vestiamus, non equulei è quibus vulnerati pendeamus, non candens craticula quam prenamus, non lapides quos purpuremus, non sartagine quas impleamus. Quotidianæ miseriæ cruces sunt nostræ, mites admodum & tolerabiles. Quid refugimus? † Vbi plus laboris plus & mercedis erit; si operosior pugna, nobilior erit & corona. Ergo, *Hilariter*.

Germani olim tibicinem in nuptiis quandoque sic animabant: ‡ Age Choraules, infla tibiam lætificante spiritu. Quo magis in mala præcipitatur, eo animosius nosipfos hortemur: Eja Stephane, Eja Ioannes, Eja Paule *Hilariter*, lauda Deum ob hoc ipsum, quod te velit esse miserum. Cave, amarities animum aut linguam occupet a. Animus gaudens ætatem floridam facit, spiritus tristis exsiccat ossa. Qui miseras morste ac dolenter tolerat, idem facit, ac si pulcherrimam chelin aut testudinem, qua canere debuisset, parieti allidat. Quod verissime dixit Augustinus: Si in tribulationibus defecisti, citharam fregisti. Nimirum, in mœrore animi dejicitur spiritus,

ait

† *Grossere Arbeit, besserer Lohn:
Langerer Streit, herrlicher Cron;
Mehr gelitten, mehr gewonnen.*

‡ *Pfeiff auff Lanx, und laß dirs Maul
nit bitter sein.*

a Proverb. cap. 17. v. 22.

b Aug. in Psal. 42. circa med.

ait Hebræus Sapiens, additque *a*: Si desperaveris lassus in die angustiarum, imminuetur fortitudo tua. Iam fracta est testudo & cithara, jam fidium concentus periit.

Videte mihi Tarsensem Paulum, quam ille citharam suam non fregerit! audite quam illa perire luserit: Gaudio, inquit *b*, in passionibus. Hoc idem Petrus nos æmulari jubet *c*: Communicantes Christi passionibus gaudete.

Tabellarius è cælo Tobiarum domum ingressus: Gaudium, inquit *d*, tibi sit semper. Vbi cithara tua est Tobia? quin Deo canis? quin mœrorem hilaritate vincis? At Tobias: Quale, inquit, gaudium mihi erit? fortunis exutus, oculis captus, amicis destitutus sum. Sed instat juvenis è cælo: Gaudium tibi sit semper. Cui denovo dixerit Tobias: Exultat gaudium à domo tam luctuosa. Angelus: Non potest ibi esse luctus, ubi fons gaudii est, divinus favor. Tobias: Serio ærumnosis difficile est luctum premere. Sed Angelus iterum. In proximo est, inquit *e*, ut à Deo cureris. Forti animo esto.

Quare, ô mi Tobia, & ô mi Christiane, gaudium tibi sit semper, etiam inter lacry-

T 5 mas.

a Proverb. cap. 15. v. 13. cap. 24. v. 40.
b Coloss. cap. 1. v. 24. *c* 1 Petri c. 4.
 v. 13. *d* Tob. cap. 5. v. 12. *e* Ibid.
 vers. 13.

284 GYMNAS. PATIENT.

mas. Chrysostomo teste: Nullum armaturæ genus validius, quam gaudere secundum Deum. Cum rebus adversis, inquit ^a, premimur, gaudeamus: hoc enim est peccatorum expiatio.

I V. Neque omnem tamen tristitiam accusamus, illam minime, quæ *pœnitentiam in salutem stabilem operatur* ^b. Christus eo fere tempore quo dixerat: Tristis est anima mea usque ad mortem: Et illud pronuntiavit: Surgite, eamus. Et simul animoso progressu hostibus semet obvium tulit. Non male conveniunt, & in una sede morantur, Gaudium & Lacrymæ. Fluant genæ lacrymis, festivis cantibus sonabunt ora; expallescat vultus, constabit sibi animus & gaudebit. Paulus; Quasi tristes, inquit ^c, semper autem gaudentes. In omnibus exhibeamus nos metipsos sicut Dei ministros in multa patientia. *Quasi tristes*: nam omnis tristitia proborum (quod Anselmus notat) brevi dissipatur; umbra est, & somnium. Daremus; umbra fugit, somnium evanescit.

Sylvestre prunum, & immaturus botrus os contrahunt, sed stomachum non everunt: ejus generis sunt miseriæ nostræ; vellicant & turbant, at, si nolis, lætitiā veram non exturbant. Gladiatores aspice, in

are-

^a Chrys. tom. 5. hom. 57. ad pop. Ant. post initium. pag. 361. ^b 2 Cor. c. 7. v. 10.

^c 2 Corinth. c. 6. v. 4. & 10.

arenam vix unquam sine sanguine descendunt: ad vulnera tamen tripudiando properant: & sæpe in palæstra dum plurimus fluit sanguis, plurimum rideretur.

Et nos in palæstra sumus: hic nihil turpius quam flere, Discamus ergo & nostro de vulnere nostrum ipsi spectare sanguinem, sed sine ploratu. Quisquis divinæ Providentiæ ac Voluntati plenissime se tradit, perpetuam inde Voluptatem capit, etiam cum gravissimis incommodis conflictatur. Hic talis, velut veteranus miles, suum ipse sanguinem intrepidus spectat. Quid magnæ artis est, Lætum esse, cum bene est? hoc & impatiens quisque novit: Confitebitur tibi (Deus) cum bene feceris ei *a*. Si vero non fuerint saturati, & murmurabunt *b*.

Iacobi Magni consilium est *c*: Tristatur aliquis vestrum? oret: æquo animo est? psallat. Evolet in altum, cantet hilare, laudet Deum, non minus atque tres illi Hebræi juvenes, quibus flammæ fuerunt roscidæ rosæ.

V. Ludovicus Granata de viro quodam religiosissimo imitatione digna commemorat hunc in modum: Vir sanctus circumquaque tribulationibus septum se videns, aiebat: Bonum quod exspecto tam immensum est, ut omne supplicium omneque tormentum mihi sit voluptas. Hoc serium &

Chri-

a Psal. 48. v. 19. b Psal. 58. v. 16.

c Iacobi cap. 5. v. 13.

286 GYMNAS PATIENT.

Christianum gaudium est, posse carere omni gaudio.

Stephanus Eduensis antistes 4, illud Deuteronomii (Inundatione maris quasi lac surgent) sic explicat: Inundatio maris, abundantia tribulationis, quæ tunc fugitur, cum dulcis à justis reputatur. Lac nutrimentum parvulorum, tribulatio pabulum fit electorum. Eluviem hanc maris utique suxit qui dixit 6: Sed & gloriamur in tribulationibus.

Hoc sanctorum hominum proprium est; quo afflictiores jacent in terra, hoc erectiores animo in cælum evolant. Vix ullus regum Ezechia melior, sed pæne nullus etiam eo afflictior, ille tamen cladibus suis omnibus superior, erecto semper & magno in Deum animo ferebatur.

Ferunt Bohemiæ regem, VVenceslaum, cum profligato exercitu fractisque viribus captivus teneretur, interrogatum, quo animo esset, respondisse: Nunquam meliori. Se namque humanis præsiidiis vallatum, rarius de Deo cogitasse; nunc iis omnibus exutum in Deo spem omnem locare, nec fere aliud quicquam cogitationibus suis interesse, quam Deum, qui sperantem in se minime sit deserturus. En, quod dixi, quo calamitosiores probi, hoc & alacriores attolluntur in divina.

Roma-

a Vixit hic auctor anno 950. Scripta ejus extant tom. 6. bibliotheca SS. PP. editione secunda. b Rom. c. 5. v. 3.

Romanus Sapiens iterum iterumque ac denuo & sæpius quærit *a*: Quid præcipuum in rebus humanis est? Responsum ab ipso istud est: Posse læto animo adversa tolerare: quicquid acciderit, sic ferre, quasi tibi volueris accidere. Debuisses enim ferre, si scisses omnia ex decreto Dei fieri. Flere, queri, ingemere, desiscere est. Quid est præcipuum? Animus contra calamitates fortis & contumax; luxuriæ non adversus tantum, sed & infestus. Quid est præcipuum? Altos supra fortuita spiritus attollere, hominis meminisse, ut sive felix eris, scias hoc non futurum diu: sive infelix, scias hoc te non esse, si non putes.

Itaque, Christiani, alacriter & hilare ferendum est, quicquid adversorum ex alto immittitur. Non ex tristitia, aut ex necessitate, hilarem enim datorem diligit Deus *b*. Proficiendum est, nec semper in classe infima hærendum; nec unquam nobis tam præclare profecisse videamur, quin paullo *majora canamus*. In gymnasio patientiæ primas non obtinet, qui solum patienter tolerat patienda sed qui etiam libenter, & hilariter. huic primum aut inter primos debetur præmium. Hilarem datorem diligit Deus.

C A-

a Senec. l. 3. Nat. quæst. Exord. mihi p. 709.

b 2 Corinth. cap. 9. v. 7.

CAPVT III.

Afflictiones perferendas esse Constanter.

P Verorum lusus est flagello † turbinem torquere. Hunc lusum sic instituunt: Cum turbo multiplici gyro jam fatigatus vertigine laborat, jamque collapsurus videtur, puer illum flagello ferit, & in novos erigit gyros. Iam iterum fessum, flagello iterum iterumque increpat, ut rursus ferret turbo. Hunc lusum Deus in Orbe terrarum ludit:

Dii nos quasi pilas homines habent.

Plurimi jam jamque perituri videntur, cum ecce adest Deus, & ruiturum erigit flagello; verberat, ut firmet; vulnerat, ut fanet; dejicit, ut erigat; malis onerat, ut bonis omnibus æternum cumulet. Nos pilæ, nos turbines sumus; qui pilam impellat, qui turbinem intorqueat, Deus est, qui quidem tot ictibus & impulsibus hoc agit, ut bajuli crucis non solum *Patientes* & *Hilares*, sed & *Constantes* simus. Atque hic tertius ferendæ crucis modus, *Constanter*. Quæ autem Constantia in adversis sit necessaria, nunc docebimus.

I. Eundem semper habere vultum Socratis est, dicebant veteres. Nos paullo aliter: Eandem semper habere mentem, Christiani est. Et hæc querelarum pa-

ne ma-

† *Dopff Spielens.*

ne maxima in gymnasio patientiæ, plurima bene inchoari, male finire. Malus finis est, finem ante finem facere. Quid, quæso, sentiendum de crucigero illo, qui die Christi patientis ligneam crucem ingenti conatu, obviisque humeris in se recipit, sed ubi onus opinione gravius persentiscit, mox molem pineam ad proximas ædes acclinans: Ego, ait, succumbo: tu vide quem alium pro me bajulum nanciscaris, qui te domum reducat. Hic quidem inter crucigeros esse cœpit, non permansit. Ita nonnunquam pauperes & viribus exhausti homines, lignorum fascem in silva suscipiunt foco deportandum. Sed onus, quod inter eundem solet crescere, in via demum abjiciunt: Ita nos consumpta denique omni patientia, in querulas voces erumpimus: Quis improbis & insanis his laboribus non tandem succumbat? Cui fibra tam cornea est, ut tot cladibus non frangatur? Quis tam alienus, ut perferendis tot ærumnis par sit? Prolixæ sunt nimis hæc miseriæ, nec finem sui reperiunt. Ita tandem languemus, cadimus, jacemus.

Qui perseveraverit, ô boni, qui perseveraverit usque in finem, hic salvus erit *a*. Christi Domini in cruce constantia quam varie, & quam valide fuit tentata? Si rex Israel, ajunt si filius Dei est, descendat nunc de cruce, & credemus ei. Verum, ut Chrysostomus

mus perquam eleganter: Ideo, inquit, de cruce non descenderat, quia filius Dei erat: Cui non difficile descendere de patibulo, qui potuit resurgere de sepulchro. Sed quia patientiam docebat, inquit Augustinus *a*, ideo potentiam differebat. Filii Dei constantes sunt, nec antequam *Consummatum est*, pronuntiarint, finiunt.

Permissum est quidem conceptissimis his verbis precari: *Pater, transeat à me calix iste*. Sed addendum semper: *Veruntamen, non, mea, sed tua Voluntas fiat*. Calicem hunc amarissimum, si sic velis, ô Deus, usque ad ultimas fœces exhauriam.

Aurificis est scire, quamdiu auro sit in igne fudandum, nec aurum prius ex hoc balneo educitur, quam satis esse purgatum constet. Ita sane non nostrum est nosse tempora, vel momenta quæ Pater posuit in sua potestate *b*. Nos aurum, Deus aurifex est, flammæ exhibet aurum, cum visum fuerit aurifici.

Et videte pertinacissimam multorum in rebus vilibus ac fluxis constantiam. Quoties audire est voces illas: Non cesso, non desisto; quod cœpi, per textam, quod aggressus sum pervincam; Aut Cæsar, aut nullus; aut vincendum, aut moriendum; nullam quietis partem capiam, dum hoc effecero. En constantiæ specimina!

Qui

a Aug. tract. 37. in Ioan. fine.

b Act. 6. 1. v. 7.

Qui fit igitur quod in patientiæ gymnasio tam cito, tam facile nostra languescat Contantia? Est qui dicat: *Non possum hoc amplius ferre.* Dic: *Non volo hoc amplius ferre.* Posses, si velles. Sed ut equi in longiore itinere fatiscunt; sic in malis diuturnioribus lassescit nostra patientia. Imo, quod turpius, quandoque vix mala nos tangunt, & malis cedimus, cæptis desistimus, oblanguemus. Variamus quotidie iudicium, & in contrarium vertimus, vitamque scindimus diversissimis propositis.

Eam ob causam Annæus prudentissime monens: Ante omnia, inquit *a*, hæc cura, ut constes tibi. Majus est ut proposita custodias, quam ut honesta proponas. Sed plerisque vita per lusum agitur: iudicia nostra non tantum prava, sed & levia sunt. Fluctuamus, aliudque ex alio comprehendimus: petita relinquimus, relicta repetimus: alternæ inter cupiditatem nostram & pœnitentiam vices sunt. Nemo proponit sibi quid velit, nec si proposuit, perseverat in eo, sed transilit: nec tantum mutat, sed redit, & in ea, quæ deseruit ac damnavit, revolvitur. Preme ergo quod cœpisti, & patientiam persevera. Nosti Siracidæ dictum: Stultus ut luna mutatur *b*. In gravi morbo est, qui sic lunaticus est.

V

II. Christia-

a Seneca de Otio sapient. cap. 1. & Epist. 20.

b Eccles. cap. 27. v. 12.

292 GYMNAS. PATIENT.

II. Constantiani Deus in omni honesto amat. Et quæso; Vbi, & qui sumus; cogitemus. Dum vivimus, † tirocinii an nos agimus, tyrones sumus, tirocinii domum habitamus, inter superiores inferioresque medii; prout jam bene constanterque nos tractaverimus; ita domum fortiemur æternam, & aut superiorum illam, aut inferiorum. Deus nostræ nunc constantiæ experimentum capit, & præmium differt, ut cumulatus reddat.

Augustinus non immerito miratur, Deum Iacobo Patriarchæ tam familiarem, tanto tamen tempore celasse, quod filius Ioseph superstes ageret. Optimus senex mœrore conficiebatur ob Iosephum filium: à feris, ut putabat laceratum. Mœrorem Deus nec verbulo mitigavit. Quid hoc sibi voluit? Iacobi constantiam tentavit. Ideo & luctum geminavit, cum amantissimus etiam Benjaminus à parente abstraheretur. Ipsi Iosephi constantiam quantis Deus experimentis inspexit? Decimum septimum annum egerat Ioseph cum à fratribus venderetur a. Decennio serviit; pudor illius quotidie ab hera blandissime sollicitatus est: at ille stuprum adeo constanter recusavit, ut nec minis, nec lacrymis, nec precibus vinci potuerit; in pudicitia proposito immobilis persistit. Inde castissimus

juvenis

† Wirseynd in Novitiat und Probier Jahren. a Gen. c. 39. v. 10.

juvenis in maleficorum carcerem conjectus, ubi cum regio pocillatore ac pistore annum exegit. Duobus illis eductis, biennium insuper in vinculis traduxit, mira probitatis & patientiæ constantia. Nam innocentiam suam Deo committens, neque se defendere curavit, neque rem ita ut gesta erat indicare: sed vinculorum necessitatem constanter tulit, spe una se solatus, potentiorum esse Deum his qui se vinxerant, cujus certe vigilantissimam providentiam insigniter est expertus. Nam post triennium in carcere consumptum ad Pharaonem regem eductus, totius Ægypti Prorex salutatus est. Atque tunc annum egeratricessimum, post quem octoginta deinde annis Ægypto præfuit, in summo dignitatis gradu, regi proximus. Nempe hic Deimos est, longe majorem meritis mercedem, multoque semper amplius labore premium largiri.

En patientis Constantiæ amplissimam dignitatem! Quapropter, quisquis es, esto fidelis usque ad mortem, & dabitur tibi corona vitæ a.

Omnem rerum naturam consideremus: Quid juvat artificium discere, non tamen ita perdiscere, ut artis specimen possis edere? Quid cursura certas, si prius consistas, quam ad metam pervenias! Quid Patientiæ gymnasium frequentas,

V. 2. si

294 GYMNAS. PATIENT.

si discendi constantiam non cogitas? Nihil hic agit, qui dies complusculos aut hebdomades vel menses sub ferulâ Patientiz triverit, demum in impatientiam erumpens dicat: * Sat diu discipulus fuit: veteres è scholis cantilenas nauseo; deinceps mei juris ero; ad pileum evolabo. Apage tu mihi hos discipulos ab hoc gymnasio. minerval frustra dant; nihil sciunt, quamvis plurima discunt. Incassum incipiunt, quia cœpta non perficiunt. Constantia deest. Quid autem prodest incipere, si nolis perficere? Dei perfecta sunt opera *a*, Hebræus rex Salomon vel inde laudatissimus est, non quod struere templum cœperit, sed quod ad fastigium perduxerit. *Æ* edificavit Salomon domum, & consummavit eam *b*. Christus patientissimus in hac scholapræceptor *c*, discipulos illos minime ambit, qui conatu ingenti ordiuntur, leges aliquamdiu observant, spem aliquam profectus faciunt, industriam non postremam adferunt; at paullatim flaccescunt, scholas negligunt, meræ jam socordiz se dedunt, tandem præter impatientiam veterem nihil sciunt. Abite hinc desides, exelte

* *Der Geistlichen Suppen hab ich genug.*
Ad libertatem. a Deut. cap. 31. v. 4.
b 3 Reg. cap. 6. v. 14. c Vide obsecro,
mi Lector, Trismegistum meum l. 1.
c. 8. de Inconstantia humana voluntatib.

exesse inconstantes. Hic nemini eruditio-
nis testimonium datur, nisi tam præclare
se gesserit, ut jure de eo dici possit, *Cursum
consummavit.*

Consummatum est, ultima omnium in
hac schola prælectio est, qui hanc non di-
dicit, in patientiæ gymnasio frustra fuit.
Apocalypticus Angelus monet a: Tene
quod habes, ut nemo accipiat coronam
tuam. Hoc divus Basiliius eleganti oratione
exponit, qua quadraginta Martyrum con-
stantiam extollit, qui Licinii Imperatoris
ævo ad Armeniæ urbem Sebasten sub puro
love, aura perfrigida, sæviente hieme nudi
pernoctare jussi sunt, ita frigore necandi.
Vox una omnium erat: Certemus, & eme-
tiamur hoc stadium quod ingressi sumus,
certamen excipient coronæ. Vocem firma-
runt visa cœlestia. Nam unus aliquis è cu-
stodibus, dum vigilat, videt Angelos è cœ-
lo submissos, qui triginta novem coronas
inter Christianos milites partirentur. Hic
ipse secum: Horum, inquit, quadraginta
sunt: quadragesimi corona ubi est? dum
hæc apud animum suum volvit, unus è
beato illo numero, vitæ nimium amans, &
tormentis impar in proximas thermas tran-
sit. Ah, delicate martyr, quid agis; Mortem
fugis? Imo ipsissimam mortem invenis, hoc
ipso loco, quo effugiendam credis. Nam re-
pentinas frigoris & caloris vices non tole-

V 3

rans

296 GYMNAS. PATIENT.

rans miser, paullo post expiravit. O miserum ter miserum! incidit in Scyllam, cupiens vitare Charybdin. Brevissimos dolores horruit, in æternos incidit: & quia Constantiam amisit, supplicium incurrit sempiternum. At vero ceteri ad supremum usque halitum constantissime perseverarunt, corona digni, quia perseverantia pleni.

III. Et cur in gymnasio Patientiæ non perseveremus? Angusto temporis gyro miseriæ omnes clauduntur; celeri puncto finiunt dolores; tristius momentum æterna excipiet voluptas. Vitam illam expectamus, inquit Tobias *a*, quam Deus daturus est his, qui fidem suam nunquam mutant ab eo. Sic currite, hortatur Paulus, ut comprehendatis.

Fuerunt qui Cynicum illum philosophum interrogarent hunc in modum: Dic, mi Diogenes, cur ætate tam proventa tuum adhuc dolium habitas, cur philosophiæ tam rigidi non renuntias? Quibus ille: Ridiculi vos estis homines, inquit; sicuram in catadromo, num cessem currere jam metæ vicinus, ut alius mihi præmium præcipiat? Ego vero potius cursu ferar concitatore.

Quin & nos paria cogitamus: quid stultius quam deficere, cum fini sumus viciniore; Iam prope metam: contingimus, & cursum desinamus?

O passi

Opasti graviora! dabit Deus his quoque finem a,

Sed Diogene multo sapientium Afflictas Franciscus, qui annis compluribus religiosissime sibi mortuus, tandem ultimæ cum Morte ductæ vicinus: Incipiamus, inquit *b*, ô fratres, servire Domino Deo nostro, quia usque nunc parum profecimus.

Itaque *constanter*. ô Christiani, *constanter*: peragendum est in incepto, & brevissimum iter reliquum alacriter conficiendum. Ad hoc duo præcipue nos juverint.

Primum est. *Suimet Accusatio*. In omnibus quæ patimur, reos nos fateamur. Pro se quisque dicat: Merito hæc patior: Ego quidem iustissime affligor. Iustus es Domine, & rectum iudicium tuum *c*. Reddissime dixit Augustinus *d*: Iudicia Dei plerunque occulta, nunquam tamen iniusta. Quamdiu nosmet ipsos infantes credimus, & immerentes affligi, tamdiu & patientia languet, & constantia.

Agyptii Proregis Iosephi fratres, profecto exploratores non erant, ut arguebantur, monetam etiam pro tritico fidelissime repræsentarant, dominicum scyphum ne utiquâ furati fuerant, nihilominus reos se professi: Merito, ajunt *e*, hæc patimur quia peccavimus in fratrem nostrum, idcirco ve-

V 4

nit

a Virg. I. Æn. b In vita S. Francisci c. 14.

c Psal. 118. v. 137. d August. serm.

82. de temp. e Gen. c. 42. v. 21.

298 GYMNAS. PATIENT.

nit super nos ista tribulatio. Imitemur, obsecro, & dicamus: Merito hæc patimur, tametsi suspicio, fraus, error, mendacium pessimam in nos fabam cudant, idque in infantes: Nihilominus merito hæc patimur, hæc & graviora vel nullius meriti, rei sumus. At ego, inquis, hac in te innocentissimus accutor. Esto. Quid jam? Num ideo te reum negabis? Recordare, quæso, ante annos triginta, aut etiam quadraginta noxam à te commissam, & nondum perfolutam pœnam. En, exactor jam adest, & solutionem poscit. Et quamvis objecti criminis nullam culpam sustineas, compos tamen fuisti culpæ jam pridem patratae, sed nondum expiatae: *Idcirco venit super te ista tribulatio.* Ergo nunc exede, quod dudum intrivisti.

IV. Irene Imperatrix, quod Paulus Diaconus narrat, à suomet famulo pulsa imperio: Ego, ajebat *a*, Deo acceptum fero quod me orphanam & indignam ad imperium evexerit; quod vero jam dejici me permittat, meis id peccatis adscribo; in cunctis autem malis & bonis sit nomen Domini benedictum. Vox digna cælo. Hoc est inter serenos & nubilos soles eundem præ se ferre vultum, & instar Heliotropii ad suum semper respicere Phæbum. Atque hoc etiam perditissimum latronem Apostolis priorem in Paradisum evexit, quod è
cruce

ruce velut è cathedra suorum ipse scele-
rum præco proclamarit: *Et nos quidem ju-*
ste. Latronum alter pæne reum se negat,
dum improbe libertatem postulat.

Cum ad portas Bethulix jam hostis esset,
& in urbe ingens omnium ejulatus audire-
tur, Iuditha vidua castissima in concio-
nem progressa, ut flentes in spem erigeret:
Nos ergo, inquit *a*, non ulciscamur nos pro
his quæ patimur: sed reputantes peccatis
nostris hæc ipsa supplicia minora esse fla-
gella Domini, quibus quasi servi corripi-
mur, ad emendationem, & non ad perdi-
tionem nostram evenisse credamus.

Itaque cum affligimur, aut punimur,
non in alios culpam, sed in nos ipsos refe-
ramus: ac fateamur, nos longe mitius,
quam commetuerimus, puniri à Deo, qui
more suo pœnam statuit noxa semper mi-
norem, & apud ipsos etiam inferos, ut
Theologi loquuntur, *citra condignum* pu-
nit. Hinc Iobus sapientissime optans: At-
que urinam, inquit *b*, Deus loqueretur te-
cum, ut intelligeres, quod multo minora
exigaris ab eo, quam meretur iniquitas tua.
Tu complurimum scelerum tuorum oblitus,
non iudem Deus, *qui patiens est redditor*,
qui minus exigit quam debeas *c*. Quisquis
igitur in miseria est, assidue dicat: Pec-
cavi; & ego quidem juste punior; me-
rito

V. 5

a Iudith c. 8. v. 26. & 27. b Iob. c. 11.

v. 6. c Eccl. cap. 5. v. 4.

500 GYMNAS. PATIENT.

rito hęc patior; minora exigor, quam mereatur iniquitas mea; nimium molli tangor ferula; multo graviora commerui. Atque hoc primum est, quod diximus. Constantiæ adjuvencum. *Suimet accusatio.*

Alterum, *Divina Voluntatis ac Providentia consideratio.* Omnia quęcunque patimur, Deo volente patimur. : eus ab æterno non solum prævidit, sed & voluit ut unusquisque in eas omnino miseras incidere, in quas revera jam incidet. † Itaque separemus culpam à pœna, tollamus ab afflictione delictum; & dicendum erit; Iustissimus Deus, uti nullius peccati est auctor, ita omnium afflictionum & pœnarum principalis (atque ut theologi loquuntur) *Positiva effectiva causa est.* Non vult Deus, sed permittit ut noxa seu culpa quę plurimarum sæpe miserationum ac pœnarum causa est, committatur. Sed commissæ culpa vult etiam, quia justus est, ut sequatur pœna.

Ergo à Deo Deique Voluntate ac Providentia universæ calamitates & ærumnæ in nos inmittuntur *a.* Deus vult (quod probe capiamus) ut his omnino, quibus preminur malis, premamur. Ideo, quisquis es, debes velle hęc pati († quod Seneca monet) cum scias ex decreto Dei fieri.

Aman-

† *Miseras dico & pœnas, non culpas.*

a Vide Heliotropium meum & hic supra part.

2. c. 6. † *Sen. lib. 3. nat. qq. proamia.*

Amantissimus hic pater liberos suos severe educat.

Fit nonnunquam ut in plateis pueri ludant, virgarum metu securi. Sed insperatissimus adest vir quispiam honestus, qui unius è turba adolescentuli aures arripiens, misellum à sociis abducit. Quisquis hoc fieri cernit, mox affirmat: Proculdubio hic pueri parens est; filium suum abducit, alios non curat. Ita nos sæpe dum ludimus, dum nugamur, dum lascivimus, ab optimo patente abducimur à lusu. Qui lusus nostros afflictionibus turbat, qui autem pervellit trahitque, non ignotus homo, non alienus est, pater est. Nam quem diligit Dominus castigat (millies inculcandum) flagellat autem omnem filium quem recipit. Quod si extra disciplinam estis, ergo adulteri, & non filii estis.

V. Hispanica quædam vina ejus generis sunt, ut in sua patria non sine horrore bibantur, cum trans maria vehuntur, saporem & odorem acquirunt gratissimum. Ita nos Deus trans mare afflictionis vehit, ut austeritate posita optimum patientiæ odorem acquiramus. Dei nutu sunt hæc omnia. Qua ratione vinū austerius mansuetos mores doceatur, jam supra dixi: addo istud.

Hieronymus Cardanus, vir variæ eruditionis affirmat *a*; ab explorata experientia constare, Multi dulcedinem servari posse
hac

a Card. l. 13. de Subtilit. mihi p. 282.

302 GYMNAS. PATIENT.

hac industria: Si dolium, inquit, intus & extra pice oppilatum, dulci vino licet sæculento impleatur, & mensem flumine mergatur, anno integro nil decedet dulcedini, quam picis calor & aquæ frigus defendunt.

Non aliter agit nobiscum Deus, qui nos calamitatum aquis immergit, ne in prayos mores degeneremus, & acerum fiamus. Vtique hoc fluvio merfus est rex ille qui vociferatur *a*: Libera me ab iis qui oderunt me, & de profundis aquarum. At ubi his aquis extractus est, de eo sibi sic gratulatus est *b*: Misit de summo, accepit, & assumpsit me de aquis multis.

Letiensis abbas Ludovicus Blosius ad rem dixit, quod grandissimis & plane aureis characteribus videtur exarandum. Verba piissimi scriptoris hæc sum: Quidam amicorum Dei ait: Quem Deus donis potioribus exornare, sublimiterque transformare decrevit, eum non blande & molliter lavare, sed totum in mare amaritudinis immergere consuevit. Nota hoc, mi Christiane, nota, nota: non vino rosaceo te lavandum, sed mari falsissimo & amarissimo immergendum. Et hoc tibi balneum pater amantiſſimus paravit ab æterno.

Quapropter omnia omnino, læta, tristia è Dei manu acceptanda, & hoc tenore constan-

a Psal. 68. v. 15. *b* Psal. 17. v. 17.

c Blos. Instit. spirit. cap. 8.

stantissime pergendum , utque in finem. Quot psalmos rex Hæbræus composuit hac inscriptione : *Psalmus usque in finem* , qui scilicet à primo ad ultimum usque versum decantandus fuit. In patientiæ gymnasium , non theatrales fabulas , non nuptiale canticum modulari cœpimus sed mortuale , sed lugubres threnos , quos profecto pessime canimus , si non canimus usque in finem. Nunquam deerit quod pariamur.

Verissime dictum a : Vna tentatione seu tribulatione recedente , alia supervenit : & semper aliquid ad patiendum habebimus : sed & priore adhuc durante conflictu , alii plures supervenient , & insperate. ideo threni sic modulandi sunt , * ut modulorum fines extendamus. Cantandum est carmen Patientiæ usque in finem.

Inchoantibus præmium promittitur , sed perseverantibus datur. Iudas Iscariotes optime cœpit , sed pessime finivit ; laudatur illius initium , sed finis damnatur. Multorum est incipere ; paucorum finire. E beati Gregorii sententia : Virtus boni operis perseverantia est , quæ sola coronatur. In casum bonum agitur , si ante terminum vitæ deferatur.

Bernardus ad hoc varie inflammans : Prorsus , inquit , absque perseverantia nec qui

a Thom. de Kemp. l. 1. c. 13. n. 3. & l. 3. c. 20 num. 3. * Man muß in diesem Geſang ausſhalten.

304 GYMNAS. PATIENT.

qui pugnat, victoriam; nec palmam victor consequitur. Viget virium, virtutum consummatio, fortior est Patientiæ Perseverantia. Tolle perseverantiam, nec obsequium mercedem, nec beneficium gratiam, nec laudem habebit fortitudo. Diabolus soli semper Perseverantiæ insidiatur, quam solam virtutum novit coronari. Nimirum Finis, non pugna coronat. Lauda navigantis felicitatem, sed cum venerit ad portum. Parum est crucem humeris recipisse, nisi eam deportaveris usque ad metam. *Væ his qui perdiderant sustentiam* ^a. Eja fortiter, Christiani, & constanter, ne in nos canteretur fabula.

Cœpisti melius, quam desinis: ultima primis

Decoris sunt ----

Divinus Paulus Mileti flentibus valedicens libere proclamat ^b: Vincula & tribulationes Hierosolymis me manent. Sed nihil horum vereor, nec facio animam meam pretiosiores quam me, dummodo consummem cursum meum. Sequamur præeuntis vocem, & accinamus; pro se quisque dicat: Quoque pretio, quibus impensis & ærumnis cōmendum sit cælum; oderint, persequantur, vexent, lacerent me, quotquot volunt; mala me onerent, quotquot Deo placuerit immittere; omnia facere,

^a Eccli. cap. 2. v. 16.

^b Actor. c. 20. v. 23. & 24.

re, omnia paci paratus sum, dummodo consummem cursum meum, dummodo liceat ad finem dicere: *Consummatum est.* Fructus labori, sat scio, respondebit abundantissimus, æternus.

C A P V T IV.

Afflictiones tolerandas esse cum Grariarum
Actione.

PHIDIAS artificum nobilissimus, plastes doctissimus, è luto, cera, gypso, marmore, ligno, ære, ebore, argento, auro, ex omni denique materia statuas, & ex omni pæne ligno Mercurium potuit effigere. Affirmat Seneca *a*: Non ex ebore tantum Phidias sciebat facere simulacra: faciebat ex ære: si marmor illi, si adhuc viliorem materiam obtulisses, fecisset quale ex illa fieri optimum posset. Quod si ligno rudi & nondum dolato vox fuisset, utique gratias huic magistro suo maximas habuisset, quod eruditæ manus beneficio licuisset sibi pristinam deformitatem exure.

Ærumnis & afflictionibus homo sic dolatur ab omniscio artifice Deo, ut in novam omnino dignitatem reformetur. Ideo par est, ut suo Phidiæ gratias agat informis antea truncus, nunquam in tam elegantem statuam mutandus, nisi tam multum sui amississet, dolabris inclementer & aspere tractatus.

Dixi-

a Seneca epist. 85. fine.

306 GYMNAS. PATIENT.

Diximus adversa omnia *Patienter*, *Hilariter*, *Constanter* toleranda. His quartum addimus modum, Cum *Gratiarum Actione*, seu, *Grate*. Cur autem gratiæ sint agenda pro calamitatibus alioquin ingratisimis beneficiis, jam exponemus.

I. Germani veteres suos olim liberos erudierunt, traditis per certa symbola præceptis. Inter quæ & hæc numeranda. Si quando iter feceris, aiebant, non prius è loco, ubi fessus accubueris, abeas, antequam ter despuas. Hoc scilicet volebant, attente circumspicerent, si quando viatores essent, ne quid sarcinularum post se reliquissent. Sic & stellas digitis monstrari vetabant, non quod nefas sit manum ad sidera intendere, sed quia curioso stellarum aspectu oculorum aciem hebetari credebant. Sic etiam prudenter monebant: Si quid te uulnerit, dicito, *Dei gratias*: Aut, † *Rependat hoc Deus*. Præceptum sane aureû, & ad rem nostram. Quicquid ignium, quicquid adversorum te uulnerit, quisquis hominum te læserit aut turbarit, tam amplas tu age gratias, perinde ac si stipem liberalissimam acceperis.

Solent etiam parentes serii suos liberos condocere, ut virgis castigati, virgas osculentur. Sic & in scholis discipuli melioris indolis magistro gratias agunt, cum cæsi sunt, perinde si dicant: Domine Præceptor, me punitum non ægre fero; pœnas merui:

jam.

† *Vergelts Gott.*

jamque mihi potius gratulor, quod etiam-
num magistro meo curæ sim; quod non-
dum spem omnem de me abjecerit. Et quid
indigner? Præceptoris est in discipulos a-
nimadvertere cum delinquant, ita imposte-
rum cautiore sunt. O bonam indolam, sed
raram, quæ plagas hoc ore concoquit! Ita
debet. In omni patientia & longanimitate,
cum gaudio gratias agentes Deo patri, qui
dignos nos fecit in partem sortis sancto-
rum *a*. Atqui hæc pars, hæc fors sanctorum
est, *Pati plurima*, & gratias agere, quod
tanto se Deus dignetur honore.

Ut hoc ipsum Christianis omnibus vali-
dissime persuaderetur, divina Chrysostomi
facundia mire laboravit. Chrysostomum i-
psum loquentem audite: Hæc est, inquit *b*,
Voluntas Dei, semper gratias agere: hoc
est animæ sapienter institutæ. Passus es a-
liquod mali? si velis, non est malum: gra-
tias age Deo, & malum in bonum trans-
mutasti. Dic tu quoque quemadmodum
Iob: Sit nomen Domini benedictum in sæ-
cula. Quid enim tale, quæso passus es? In-
cubuit morbus? At nihil novum est, cor-
pus enim mortale nobis est, & pati natum.
Sed pecuniarum inopia? Verum & hæc ac-
quiri possunt, & amitti, & hic tantum ma-
nent.

X

*a Colof. c. i. v. ii. b Chrys. tom. 5. hom. 68.
initio, cujus inscriptio. Quod maximum
lucrum in tribulationibus est gratiarum a-
ctio. mihi pag. 365.*

nent. Sed ab inimicis insidiæ & calumniæ? Sed nos in his injuriam non patimur, sed illi qui faciunt. Peccavit enim non qui male passus est, sed qui malefecit.

Quicquid ergo malorum te premit? age Deo gratias, & malum in bonum transmutatum est. Ne igitur, quod idem Crysostomus monet *a*, in tentationibus indignemur, neque angustiemur, neque tumultuemur. Iob gravius vulnus diabolo intulit, cum spoliatus gratias egit, quam cum pauperibus sua distribuit. Omnibus enim privatum, generose & cum gratiarum actione id ferre multo majus est, quam in divitiis degentem facere eleemosynam, sicut in hoc contigit iusto.

At, Ignis Inguens sæpius substantiam tuam absumpsit, & totam domum populatorus est? Reminiscere eorum quæ Iob acciderunt: age gratias Domino, qui prohibere potest, & non prohibuit, & tantam recipies mercedem quantum si omnia illa in pauperum manum reposuisses! Hoc ipsum iterato affirmans: Parem, inquit *a*, habebis mercedem cum eo, qui pecunias suas pauperibus largitus est, si amissis illis gratias egeris, & cum ad divinatores ire potueris, sustinueris illas magis non recipere, quam hoc pacto recipere.

Sed

a Idem tom. 4. in 1 ad Thesß. c. 3. hom. 3. post med. *b* Idem eod. tom. hom. 1. post med. & tom. 1. hom. 5. de pariet. Iobi.

Sed in pauperie degis, & fame, & infinitis periculis? Recordare Lazarum cum inopia, & orbitate, & innumeris aliis pugnantem molestiis, & hæc post virtutem tantam. Recordare Apostolorum, qui & in fame, & in siti, & in nuditate degebant; prophetarum, iustorum; & omnes ipsos inveniens non de divitibus, non de gaudentibus, sed de egentibus, tribulatis, & angustiatis esse. Hæc apud teipsum colligens, Domino gratias age, quod te hujus fecit participem, non exosus, sed & valde diligens: quoniam & illos tot gravia pati non permisisset, nisi vehementer amasset. Nullum gratiarum actioni par bonum. Hoc maximum est sacrificium, hæc oblatio perfecta. Ideo divinus Paulus: In omnibus, inquit *¶*, gratias agite; hæc est enim Voluntas Dei.

Hebræi juvenes ad Babylonicum rogi damnati, in ipsis flammis, tanquam lautissime epulari, gratias agebat Deo. Nam Daniele teste, quasi ex uno ore laudabant, & glorificabant, & benedicebant Deum in fornace dicentes: Benedictus es Domine Deus patrum nostrorum, & laudabilis, & superexaltatus in sæcula. Et benedictum nomen gloriæ tuæ sanctum, & laudabile, & superexaltatum in omnibus sæculis. Hinc illis igneus hic carcer pro æstivo palatio; piceus fumus pro vernante cælo, flammæ pro veste, catenæ pro armillis & torque fuerunt.

X 2

II. Et

310 GYMNAS PATIENT.

II. Et quia hoc quod asserimus, gratias Deo etiam in adversis agendas, res maximi momenti est, amplissimis id testimoniis firmandum est. Chrysostomus, quod dici coeptum; hac in re singulariter facundus, & plane Chrysostomus, hoc est oris aurei orator, hanc unam rem assidue, ut decebat, inculcans: Gratias, inquit *a*, porro agere convenit, non divites modo, sed & paupertate oppressos: non sanos, sed & ægrotantes: non eos quibus prospera omnia, sed & eos quibus adversa contingunt. Deo enim tum gratias agere, cum secundo cursu res feruntur, nihil mitum fuerit, at vero cum ingenti suborta tempestate jactata undique navis periculum incurrerit, tum demum magna existit patientiæ, æquanimittatisque probatio. Quo certe & Iob hinc coronam reportavit, & diaboli impudens os obturavit, planum faciens se, cum felix esset, non ob pecunias, sed ob multam erga Deum charitatem gratias egisse.

Hoc est maxime grati animi, hoc sapientiæ studiosi, in rebus etiam asperis & adversis gratias agere, pro omnibus gloria Deum afficere, non solum pro beneficiis, sed etiam pro suppliciis, hoc enina majorem mercedem conciliat *b*. In bonis quidem gratias agens reddidisti debitum: In malis autem, Deum

a Chrys. tom. 4. in c. 1. epist. ad Rom. hom. 2. initio. *b* Idem tom. 1. in Psal. 9.

Deum constituisti debitorem. Qui enim beneficium affectus est, & agit gratias, reddit debitum: qui autem male affectus est, & gloria afficit, is debitum acquirit. Ita Deus æque est laudandus, & cum punit, & cum à supplicio eximit. Vtraque enim sunt curationis, utraque sunt bonitatis. Oportet ergo eum æque laudare, & quod posuerit Adam in paradiso, & quod eum expulerit; & agere gratias non solum pro regno, sed etiam pro gehenna. Eam enim & fecit & minatus est, ut à vicio liberaret.

Quemadmodum ergo a: medicum non solum nutrientem, sed etiam fame excruciantem; non solum in forum educentem, sed etiam domi alicubi includentem; non solum ungentem, sed etiam urentem & secantem observamus, & admiramur (etsi enim sunt contraria quæ fiunt, unum tamen finem respiciunt) ita etiam oportet Deum laudare pro omnibus, atque adeo multo magis, quatenus hic quidem Deus, ille vero homo: & quod res quidem eorum sæpe aliter eveniunt, quæ autem Deus facit, fiunt cum summa sapientia & cura. Ideo etiam, Non solum gratias agamus Deo, si consequamur quod petimus, sed etiam si repulsam passi fuerimus. Nam Cum Deus nobis aliquid denegat, non minus pater est, quam si

X 3 con-

concessisset. Nescimus enim nos quæ nobis conducant sicut ipse novit.

Itaque sive voti compotes, sive impotes simus, gratias agere debemus *a*. Magnus ergo thesaurus est gratiarum actio, magnæ divitiæ, inconsumptum bonum, & fortis armatura. Eritque in tribulationibus remissio, si sit in ea gratiarum actio. Ibi multæ quidem insidiæ, ubi virtus: illic invidia, ubi misericordia. Sed est nobis telum maximum, quod omnes tales machinas repellere valet, qui per hæc omnia Deo gratias agit. Perdidisti pecunias? Si gratias quidem egeris, animam lucratus es, & majores nactus es divitias, quia Dei benevolentiam hausisti amplius.

Nec aliter sane Augustinus: Sic, inquit *b*, sunt boni & mali, quomodo si duo vasa sine plena, & unum habeat putredinem, & aliud aromata pretiosa cum uno ventilabro ventilata. Illud vas, ubi fuerint aromata, odorem desiderabilem, aliud autem foetorem intolerabilem reddit. Ita simul boni atque mali indifcete quidem turbati, sed alto Dei judicio separati.

Quoties aliqua tribulatio in Mundum venerit, qui boni sunt, vel ut vasa sancta gratias agunt Deo, qui eos castigare dignatur;

illi

*a Idem in cap. 11. Gen. hom. 30. post med.
Idem tom. 5. hom. 1. propius finem.*

*b August. tom. 10. serm. 111. de Temp.
mihi pag. 302.*

illi vero qui sunt superbi, luxuriosi, cupidi, blasphemant & murmurant contra Deum. dicentes: O Deus quid tanti mali fecimus, ut talia patiamur? Vnde sæpe fit, ut infelices isti amore hujus vitæ obligati, nec istam tenere possint, & illam sempiternam, de qua fugiet dolor & gemitus, amittant: & quod pejus est, nec ista mala præsentia possunt evadere, & ad illa quæ æterna mala sunt, eorum crimina eos faciunt pervenire.

Igitur, Admonendi sunt, inquit Gregorius ^a, qui flagella metuunt, ut si malis veraciter carere desiderant, æterna supplicia perhorrescant.

Uterum Patrum historiæ memorant ^b, inter eos hominem, qui culpa prorsus non sua, in odium & infensionem omnium incurrit. Nemo eum amplius admittebat, nemo salutabat, nemo librum vel panem commodabat, nemo finitibus laboribus domum suam invitabat. Ille tamen (quod laude dignissimum) in his omnibus gratias Deo agebat. Evenit autem ut hic ipse à messe domum rediens nil panis reperiret. Quid agerat? à sociis nil sperari potuit: nam ergo è cœlo petendus panis? Inde profecto allata est annonæ. Nam brevi adfuit, qui ad fores pulsaret, camelum trahens panibus onustum. Vbi hanc Dei libera-

^a Gregor. part. 3. pastor. Admonit. 14. initio. ^b Vita PP. 1r. de Fortit.

314 GYMNAS. PATIENT.

lissimam in se providentiam anachoreta vidit, in lacrymas solutus: Ergone, inquit, ô mi amantissime Deus, indignus ego sum, qui diutius pro te penuriam patiar? Ab eo autem tempore & alii in eum longe miriores erant, & ut scriptor loquitur, *repauebant eum.*

III. Ille optimus, & exploratæ patientiæ senex Tobias *a*: Non est contristatus contra Deum, quod plaga cæcitatæ evenerit ei: sed immobilis in Dei timore permansit, agens gratias Deo omnibus diebus vitæ suæ. Hoc nobis omni conatu imitandum est. Cum despicimur, ridemur, in odium vocamur, cum in mala plurima præcipitamus, gratias Deo agamus. Quo facto provocatus Deus, aut hostiles aliorum in nos animos mutabit, ut crebra testatur experientia, aut aliunde, quicquid hoc mali est, largissime pensabit.

Hæc beatissimi Pauli mens est, qui hortatur *b*. Gratias agentes semper pro omnibus. Quod divus Hieronymus considerans: Pro beneficiis, ait, gratias agere vel idololatæ ac Iudæi norunt pro calamitatibus & suppliciis soli Christiani. Quare juxta Apostolum in omnibus periculis & miseriis dicamus semper, *Benedictus Deus.* Hic animus Christiani est.

Qua de re Imitatio Christi *c* libro tertio, capite

a Tob. cap. 2. v. 13 & 14.

b Ephes. cap 5. v. 20.

c Thom. de Kemp. l. 3. c. 50. num. 5.

capite quinquagesimo tam præclare differit, ut putem hoc, quod dixi, caput, aut certe illius partem afflictis, mœstis, quocunque modo turbatis quotidie prælegendum *a*. Unde ad institutum & hæc delibamus: Gratias tibi ago, Domine Deus, quia non peperisti malis meis, sed attrivisti me verberibus amarioribus, infligens dolores & immittens angustias, foris & intus. Disciplina tua super me, & virga tua ipsa me docebit.

Refert è beati Dominici familia ecclesiastes insignis *b*, Virum spectatæ eruditionis à religiosissima quadam virgine compendium vitæ sanctius instituendæ petiisse. Illa decem omnino documentis rem omnem complexa, & quinto quidem loco hoc assignans: Tantis doloribus, aiebat, & angoribus nemo afficiatur, quin gratias pro his agat, sequæ indignum his iudicet, & pœnas maiores ac duplicatas petat. Quod illa certe reipsa præstitit. Quin & nos imitamur rem imitatione dignissimam?

Exemplo demonstratur quod dicimus: Tussit quis tota nocte, præcordiis misere concussis, somnum non vidit, & omnes horarum partes numeravit. Rem magnam hic fecerit, si dicere audeat: Domine Deus da tussim vehementiorem, quæ magis me vexet, nam ego sæviora sum meritis.

X 5

Est

a *Ærumnosis hoc præsertim caput legendum.*

b Ioan Taulerus Institut. cap. 24. Vixit

anno 1350.

316 GYMNAS. PATIENT.

Est qui dolore capitis, torsione stomachi, ‡ qui arthritide, calculo, podagra laborer, & tamen hoc unum clamet; Domine dolorem gemina, modo simul & patientiam. Quis est hic, & laudabimus eum?

Est quem tres quatorve cavillatores, largiter irriserint. At ille dicat: O mi Christe pro me sæpius illuse, plures in me immitte, qui me & irrideant, & probris vitiis afficiant; his ego dignus sum. An est qui sic precetur? Non dubitem esse, sed latere, & abdita se solari patientia. Nec deerunt qui sic orent: Mi amantissime Deus, ego quidem non una tantum suffixus sum cruce, varia patior: sed, ô Domine, te rogo, da graviora quæ patiar, ærumnas auge: fat scio, augebis simul & patientiam. Nunc de istis gratias tibi ago, & indignum me judico, qui patiar pro te Deo meo.

Num hætenus ita precati sumus, num ita precaturi deinceps? O Christiani quandoque nos ipsi nobis de sanctimonia nescio qua suspecti sumus, ubi has illasve præcatiunculas recitaverimus. Sed ô quam remoti etiamnum agimus à vera patientia? Hic viri, hic gigantes simus, his exerceamur, hæc nemo arbitratur, nemo laudat nisi solus ille scrutator cordium Deus, cui è musicis instrumentis duo potissimum probantur. Tympanum & organum; *Tympanum contribulati spiritus, Organum laudis & gratiarum actionis.*

Tym-

‡ Grimmen, Gruesz, &c.

Tympani mugitus iste est: Ah, ah, quam hoc dolet, quam hoc urit! Sed ô Deus ne deferas me, da patientiam ô patientissime Iesu. Hoc sane tympanum præclare resonat, vincitque vel delicatissimam musicam. *Organum laudis* suavissimos spargit modulos. Beatus Iacobus qui à supplicio quod tulit, Intercisus dictus, peritissimus hac in re Organicus, membrarum mori sustinuit: quoties autem vel articulus digiti, vel junctura membri præsecabatur, toties ille auditus est dicere *Deo gratias*.

Magistrum hac in re habuit Iobum, qui quoties nova clades nunciabatur, toties ille novas Deo gratias agebat. Venit qui nuntiaret: Boves cum asines à Sabæis abacti sunt. Ad quæ Iobus: Sit nomen Domini benedictum. Venit alius: Ignis è cælo lapsus ovium greges absumpsit. Iob iterum: Sit nomen Domini benedictum. Venit tertius: Camelos invaserunt Chaldæi, & abegerunt omnes. Iob constanter: Sit nomen Domini benedictum. Venit alius: Liberi tui omnes una domus ruina sepulti sunt. Iob ut prius: Sit nomen Domini benedictum: Sicut Domino placuit, ita factum est. En Organum laudis en Organicum artificiosissimum, quem Deus ipse commendans: Nunquid considerasti, ait, servum meum Iob, quod non sit ei similis in terra?

IV. Persis, ut Stobæus refert, mos erat, ut si quem civium Rex citari, & quantum-

318 GYMNAS. PATIENT.

vis innocentem flagellari iussisset, ille sic cæsus amplissimas ageret gratias, quod rex sui tam benevole meminisset. Tantine est regis memoria non excidisse? siccine adoramus verbera, cum ore regio jubemur verberari? cur non æque Optimo Maximo Deo nos submittimus, & plagas, quæ cæli pretium sunt, veneramur, & proni supplicesque pro iis gratias agimus? Hoc profecto sanctissimi quique homines fecerunt.

Laurentius igneo lectulo incumbens, velut aper lentisignibus assabatur. At ille: Assatus, inquit, gratias ago. Recte omnino; nam in mensam magni regis hic cibus parabatur.

Theodorus ævo Maximiniani Cæsaris, laceratis & pertusis jam lateribus vix spirans amplius, suum tamen organum animabat, & canebat: Benedicam Dominum in omni tempore.

Plurimi sanctorum non humanius quam canes habiti, ipsi tamen instar fidelissimorum canum, quo sævius cædebantur, hoc blandius se suo domino applicabant, cujus sibi gratiam ut conciliarent, omnia promptissime ferebant. Nota vox est inter jumenta sese numerantis: Vt jumentum factus sum apud te, & ego semper tecum *a*.

Rufinus Aquilejensis memorat *b*, è priscis Affectis optimum senem ægrotanti discipulo

Psalm. 72. v. 22. b Rufin. lib. 3. num. 157. & Pelagius libello 7 num. 16.

scipulo dixisse: Ne tristeris, fili ob corporis morbum. Summa enim religio est, ut quis in infirmitate Deo gratias agat. Si ferrum es, ignis tibi æruginem absterget; si aurum es, experimentum tui ab igne quoque fumen- dum est. Ne igitur cadas animo. Si corpus tuum torqueri vult Deus, tu quis es, qui ei resistas, aut id molette feras? Ergo sustine, & Deum precare, ut quæ ipse vult, illa conce- dat.

Nec omittendum Illud Ioannis Avilæ divinum monitum ^a, vel millies inculcan- dum: In adversis unum *Deo gratias* plus va- let, quam in prosperis sex millia. Nimirum summa religio est inter adversa Deo gratias agere.

Maximum est discrimen inter carnes quæ verui figuntur ad ignem torrendæ. Nam si aridus & exuccus capo, aut pulli gallinacei macie torridi sint assandi, necessarium pror- sus est ut cocus has carnes minime succidas liquato adipe sæpius perfundat, vix tamen multo labore aliud quam osseum, & stra- mineum, vel ligneum ferculum parabit. Sin vero aut optimus anser, aut obesa gallina, aut pinguis & spado capus, aut vitulus sa- ginatus, aut altilis porcus, aut præpingues meleagrides assentur, non opus multam his pinguedinem affundere, suo se succo perfun- dunt, sed & multum supererit pinguiissimi li- quoris. Atque hæ omnino dapes sunt domi- nicæ regis mensis inferendæ.

320 GYMNAS. PATIENT.

Ita prorsus illi hominum, qui nunquam in sagina spiritus fuerunt, quibus nec mens, nec sensus, nihil devotionis, nihil fervoris est, si ad ignem afflictionis applicentur, heu quam aridum sit assum! iis quidem consolatio instar pinguedinis adhibetur, sed parum proficitur, insolabiliter lugent. Deest sagina boni spiritus, quantumcunque ungas, maciem non correxeris; quomodocunque soles, patientiam non persuaseris.

Illi vero qui præcepta Patientiæ alto pedore combiberunt, qui Voluntati divinæ seipsos totos devoverunt, cum calamitatis ignem sentiunt, tum maxime devotionis suæ pinguedinem ostendunt; animo præferti sunt, & imperterriti, seipsos aliisque solatio afficiunt; ad vilissima quæque se submitunt, pro ærumnis gratias agunt, plus calamitatum petunt; ita se sua velut pinguedine perfundunt. Hi sane ad epulum illud grande ac regium parantur, ad quod Convivæ his invitantur: Ecce prandium meum paravi, tauri mei & alcilia occisa, & omnia parata sunt: venite ad nuptias 4.

Quemadmodum vero adeps carnis assæ meliori est odore quam lixæ; ita gratiarum assæ longe peritior, Deoque charior est ab his proveniens, qui diuturni doloris, aut mortoris ignibus velut assantur, quam

ab iis, qui levibus incommodis conflantur, & mare navigant plane tranquilum ac placidum.

Noëmus cum suis post procellas illas quibus orbis universus haustus est, gratiarum actionem instituit illustrem, nam aram struxit ex omni pecore, & ex universis volucribus victimas selegit, obtulitque holocausta, *Oderatusque est Dominus odorem suavitatis a.*

Sed cogita, quamdiu & quantis Noëmus miseriis sit exercitus. Nam bonam ætatis partem (dum totus Orbis secure delitatur) cum magna fatigatione in extruenda Arca detrivit. Quod mortem effugerit, id majoribus ejus molestiis factum, quam si mors centies fuisset obeunda. Nam præterquam quod Arca ei quasi sepulchrum decem mensium fuit, insuavius nihil esse poterat, quam in animalium stercorebus pæne immersum tamdiu detineri. Postquam tantas difficultates eluctatus est, in novum incero-rem incidit: ludibrio se habitum à suomet filio intellexit, & ei quem magno Dei beneficio salvum, è diluvio receperat, suo ipsius ore maledicere coactus est.

Ita Noëmi constantem patientiam & inter adversa gratiarum actionem, velut gratissimum odorem Deus admisit, ac beneficiis amplioribus remuneratus est.

V. Er-

322 GYMNAS. PATIENT.

V. Eigo, quod Paulus hortatur, Gratias agamus semper pro omnibus. Et sane in Patientiae gymnasio, nullae voces crebrius ingeminandae sunt quam hae ipsae, *Deo Gratias*, aut *Benedictus Deus*. Hoc unum ad omnia usurpandum. Sed nos tam indociles sumus, ut vel duas solum vocolas lentissime capiamus. Optime dixit Franciscus Petrarcha a: Hic est mos, cito vultis accipere, tarde autem dare; ad illud alacres, ad hoc moesti; ad illud praecipites, ad hoc segnes. Petitio plerunque calet dum impetietur quod petitur, at gratiarum actio, cum impetratum est, saepe frigidissima est.

In nostro hoc gymnasio contrarium & solet, & debet fieri. nam Patientiae discipuli, cum calicem vident amarotidis plenum, orant quidem cum Christo: Pater, transeat, à me calix iste. Sed has ipsas quantumvis calidas preces refrigerant adjunctis verbis: Veruntamen, ô mi Pater, veruntamen non mea, sed tua voluntas fiat. Ita liberari quidem cupiunt, si tamen id placeat Deo. Cum vero gratias agunt, toti id faciunt, & quidem calidissimas agunt gratias tam lingua, quam mente. Illorum voces sunt: Immortales, infinitas, ô Deus, gratias ago, quod me tanto dignaris honore, & aliquid pro te patiendum submittis: gratias ago, quod me inter filios tuos numeras; quis autem filius quem pater non corripiat?

a Petrarch. l. 2. de utraque Fort. dial. 37.

ripiat? Quis sana intelligentia, inquit Gregorius *a*, de percussione sua ingratus existeret, si ipse sine flagello non exit, qui hic sine peccato vixit?

Ideo, Rectæ mentis est, Deum non solum in prosperis benedicere, sed etiam in adversitatibus collaudare *b*. Si in adversis gratias referens Deum tibi patientia feceris esse placabilem, & quæ amissa sunt, multiplicata redduntur, & super hæc gaudia æterna præstantur.

Enimvero patri pro plagis & disciplina meritiſſimo aguntur gratiæ, nam patris verbera multo meliora sunt quam hostis oscula. Nemini non notiſſima vox patris est: Ego quem amo, castigo: omnes filios meos flagello. Vis esse filius? adesto castigandus. Quid hic parenti optimo respondeant filii? Augustinus verba suggerit; ita respondendum: Et cum blandiris, pater es, & cum cædis, pater: blandiris, ne deficiamus, cædis ne pereamus. Addit Augustinus, & ad rem accurate nos instruens: Exaltate, inquit *c*, Dominum Deum nostrum. Iterum exaltemus eum qui bonus est. Nam si non vindicet, & deferat, perimus.

Y

Igitur,

a Gregor. part. 3. pastoral. admonit. 13. sine omnino. *b* Idem tom. 4. lib. 8. epist. 31. *c* August. tom. 8. in Psal. 98. prope finem, mihi p. g. 454. Et in Ps. 91. pag. 182. Et in Psal. 48. p. 187. & p. 189.

324 GYMNAS. PATIENT.

Igitur, Quando bene est, lauda misericordiam; quando male est, lauda iustitiam. Tu qualis filius es? Quando te pater emendat, tunc tibi displicet. Non emendaret, nisi tu illi displiceret. At si sic displiceret ut odisset, non ille te emendaret. Gratias age ergo emendatori, ut accipias hæreditatem à Deo qui te emendat. Quando aliquos flagellat in terra, admonitio est, nondum damnatio. Patiens est super peccatores, non exercens iram, sed expectans pœnitentiam.

Sed nunquid sapius pro re vili & etiam ingrata gratias agimus, vel eam solum ob causam, quia meliora speramus? Nam qui ob primum beneficium gratus est, secundum provocat. Idcirco cui vel mica salis est & prudentiæ, is gratus est pro beneficio etiam ingrato. sic enim secum ratiocinatur: Qui beneficium dedit, utique bono animo id fecerit, cui si gratias referre omitterem, omni deinceps beneficio exciderem ut ingratus. Atque hoc quidem ratio dicat. Lumen ratione superius est istud: Deus nunc quidem cupreos & plumbeos spargit nummos; coronas dividit, sed spineas & cruentas. Quo id animo facit? Ut brevi det aureas & gemmatas.

Cur igitur Patri amantissimo meritam gratiam non persolvimus, cum plumbum donat, cum spinas offert, & auro & gemmis brevi mutanda? Nunc ergo plumbum, nunc

spinas.

spinas amplectamur, & pro his non minus, quam pro thesauris opulentissimis gratias agamus. Hæc auri & gemmarum certissima sunt pignora. Qui humiliatus fuerit, erit in gloria, & qui inclinaverit oculos ipse salvabitur.

a Iob. cap. 22. v. 29.

C A P V T V.

*Afflictiones aggrediendas esse cum
Præmeditatione.*

Vita quam agimus, duos habet Tortores, *Timorem*, & *Dolorem*, Alteruter horum semper à tergo hæret, cæditque nos. Cum res sunt turbulentæ & asperæ, *Dolor* nos ferit: Cum valemus, & rebus secundis utimur, *Timor* nos tundit: nam timemus ne quod gratum est, perdamus. Ita luculente Augustinus: Tota, inquit a, vita ista intelligentibus tribulatio est, sunt enim duo tortores animæ, non quidem simul torquentes, sed cruciatu alternantes: horum duorum tortorum nomina *Timor* & *Dolor*. Quando tibi bene est, times: Quando male est, doles.

Quando igitur nescire non possumus, nos à duobus his exactoribus identidem interpellandos, solerter præmeditandum est, quæ ratione nos ad illos geramus. Atque

Y 2

hic

a Aug. tom. 10. de verbis Dom serm. 42.
post init. miki pag. 62.

326 GYMNAS. PATIENT.

hic quintus modus est, qui ad afflictiones scite perferendas plurimum facit, si eas cum *Præmeditatione* aggrediamur. Quomodo autem adversa sint præmeditanda, nunc exponemus.

I. Sollicite monet Siracides *a*: Fili accidens ad servitutem Dei, sta in iustitia & timore, & præpara animam tuam ad tentationem. Præpara vigilando & precando; præpara subducendo te malignioribus occasionibus, nam qui tetigerit picem, inquinabitur ab ea. Præpara firmando cor in omnium adversorum occursum. Nam hoc probe scias, si cœperis esse frugi, & pie casteque Deum colere, simul etiam incipient undique in te procellæ ruere. Hostes tui, crede mihi, non otia buntur.

Tu ergo te præpara: & noris, Omnia muscipulam esse, pedibus insipientium *b*. Atque ne vitæ blandimenta nos fallant, exactum illius typum subjiciens Chrysostomus: Nihil est, inquit *c*, in rebus humanis stabile, nihil inconcussum, sed hominum vita imitatur mare vesaniens, quotidie parturiens naufragia, naufragia inquam, tum nova, tum periculosa. Et ut cau-

a Eccli. cap. 2. vers. 1. Idem cap. 13. vers. 1.

b Sapientia cap. 14. v. 12. c Chrys. tom. 5. hom. Cum Sartonin. & Aurelianus asti essent in exilium, & c. mihi p. 117. & seq.

cautissime circumspiciamus, quo demum loco simus, addit orator aureus: Omnia tumultuum ac turbarum plena sunt, omnia scopuli & præcipitia, omnia rupes sub aquis latentes, & sinuosæ cautes. Omnia, terrores, discrimina, suspiciones, tremores & angores. Innumerabiles ubique personæ simulatæque facies. Multa ovium vellera, innumeri ubique lupi sub his occultati, ut jam inter hostes aliquis tutius vixerit, quam inter hos qui videntur amici. Qui heri adulabantur, qui blandiebantur, qui manus exoscubantur; hodie repente comperti sunt esse lupi, abjectisque personis facti sunt omnibus accusatoribus acerbiores.

Ergo animam tuam ad tentationem præpara; stationem age, & proportis tui cordis excuba; medius hostium degis. Ergo in tranquillitate tempestatem, in sanitate morbum, in divitiis paupertatem, calamitatem in prosperis expecta. Ibi patientia hinc plurimum adjuta. Nam, Timor, inquit ^a, quem timebam, evenit mihi, & quod verebar, accidit. Quicquid expectatum est diu, lenius accedit; & mali præcogitati mollis ictus venit:

*Nam levis ledit quicquid prævidimus
ante,*

Et prævisa minus tela ferire solent.

Y 3

Idco

Ideo sapiens assuescit futuris malis, & quæ alii diu patiendo levia faciunt, hic levia facit diu cogitando *a*. Audimus aliquando voces imperitorum: Nesciebam hoc mihi restare. Sapiens scit sibi omnia restare: quicquid factum est, dicit, Sciebam. Cogitanda ergo sunt omnia, & animus adversus ea, quæ possunt evenire, firmandus. Exilia, tormenta, bella, morbos, naufragia meditare. Tota ante oculos fortis humanæ conditio ponatur: nec quantum frequenter evenit, sed quantum plurimum potest evenire, præsumamus animo, si nolumus opprimi, nec ullis inusitatis velut novis oblupeferi. Inexpectata plus aggravant; novitas adjicit calamitatibus pondus. Ideo nihil nobis improvisum esse debet; in omnia præmittendus est animus: cogitandumque non quicquid solet fieri, sed quicquid potest fieri.

Animus beatæ aut miseræ vitæ sibi ipse causa est. Malus omnia in malum vertit, etiam quæ spe optimi venerant: rectus atque integer corrigit prava fortunæ, dura atque aspera ferendi scientia mollit. Sive igitur alios observare volueris, sive teipsum favore seposito, & senties hoc & confiteberis, nihil ex his obtabilibus & charis utile esse, nisi te contra levitatem casus, rerum-

que

Seneca epist. 18. ante med. epist. 76. sine epist. 91. initio & post med. epist. 98. post init. & ep. 180.

que casum sequentium instruxeris: nisi illud frequenter & sine querela inter singula damna dixeris, *Deo aliter visum est.*

Sic composito animo nihil accideret, sic autem componetur, si quid humanarum rerum varietas possit, cogitaverit, antequam senserit *a.* Si & liberos, & conjugem, & patrimonium sic habuerit, tanquam non utique semper habiturus, & tanquam non futurus ob hoc miserior, si habere disierit.

Plutarchus commemorat *b*, Vlyssē post totos viginti annos militiae actos, in patriam reducem, jamque uxori Penelope flenti assidentem, nil tale passum & siccis oculis perstitisse. Eo enim venerat animo jam ante confirmato & adversus lacrymas munito. At ubi canem vidit in adventu suo mortuum, non temperavit à lachrymis. In illum autem fletum subita res & inexpectata eum conjecerat. Qui minus ergo vult dolere de adversis, magis ea praevidere debet.

II. At nos nonnunquam adeo immediati & inconsiderantes sumus, ut obliiti quocumque, miremur nos aliquid perdere, amissuri uno die omnia. Sic imparati, etiam levissima expavescimus. Quocirca hoc agendum est, ne quid nobis inopinatum sit: & quia omnia novitate graviora sunt,

Y 4

hæc

a Seneca l. supra cit. b Plutarch. l. de tranquill. animi, propius finem.

330 GYMNAS PATIENT.

hæc cogitatio assidua præstabit, ut nulli malo tirones simus, & nihil miremur eorum ad quæ nati sumus. Ea quæ patimur paria sunt omnibus. Ita dico, paria sunt. Nam etiam quod effugit aliquis, pati potuit. Æquum autem jus est, non quo omnes usuri sunt, sed quod omnibus latum est.

Imperetur æquitas animo, & sine querela mortalitatis tributa pendemus. Hiems frigora adducit: algendum est. Æstas calores refert; æstuandum est. Intemperies cæli valetudinem tentat; ægrotandum est. Et fera alicubi nobis occurret, aut homo feris omnibus perniciosior. Aliud aqua, aliud ignis eripiet. Hanc rerum conditionem mutare non possumus: id possumus, Magnum sumere animum, quo fortiter fortuita patiamur.

Ad hanc tolerantia legem animus noster aptandus est, hanc sequatur, huic pareat: & quæcunque fiunt, debuisse fieri putet. Optimum est pati quod emendare non possis; & Deum, quo auctore cuncta proveniunt, sine murmuratione comitari. Malus miles est, qui Imperatorem gemens sequitur. Quare impigri atque alacres excipiamus imperia, & sic alloquamur Deum: Duc me Pater, quocunque placuerit. Adsum impiget; nulla parendi mora est. Tu meam
etiam

† Excepto peccato.

etiam rebellem ad te propitius compelle voluntatem. Sic vivamus, sic loquamur. Patros nos inveniat quæcunque calamitas.

Hanc ob causam Siracides dixit: In die bonorum non immemor sis malorum; & indie malorum, ne immemor sis bonorum: Memento paupertatis in tempore abundantiae, & necessitatem paupertatis in die divitiarum. A mane usque ad vesperam immutabitur tempus, & hæc omnia citata in oculis Dei. Dominus es, & imperas? servire potes. Opes tibi affluunt? Etiamnum mendicare potes. Vires & valetudinem ostentas? Unica te febricula, unica imo guttula necare potest. Liberi tibi sunt? Vno die omnes extingui possunt. Amici tibi sunt? Et amicis, & rebus omnibus una te horula, momentum unicum privare potest.

Tuam igitur animam ad has tentationes præpara, ut cum Mors amicos, aut liberos abstraxerit, dicas quod mulier Spartana: Sciebam me mortales genuisse. Cum pecunia diffluerit: Sciebam non semper fore meum, quod solo usu fuerat meum. Cum honor evanuerit: Sciebam nullam in hac vita gloriam æternare.

Sunt qui rerum ac negotiorum molem velut vallum ante se objiciant, præsentibus occupati futura nunquam dispiciant. Hos semper putes agere, ut Attalum illum etiam si patrum agant. Secessum his &

Y 5.

spi-

& Eccli. c. 11. v. 27. & 18. v. 25. & 26.

332 GYMNAS. PATIENT.

spirituale otium suades? Respondebunt, *Non vacat.* Ad concionem invitas? *Non vacat.* Sacrae Confessionis admones? *Non vacat.* Ad epulum caeleste vocas? *Non vocat.* Ad Dei tribunal cogitandum hortaris? *Non vacat.* Aeternos ignes meditandos ingeris? *Hic minime vacat.* Ad caelestia contemplanda erigis? *Nec tam vacat.* Ad mortem praevidendam impellis? *Nunquam minus vacat.* Vix iis, credo, vacabit cum moriendum erit. Ita miseri nihil futurorum praevident. Quemadmodum magna pars hominum est, quae navigatura de tempestate non cogitat.

Cum vero in tales subitum fulmen irruit, cum eos inexpectata calamitas premit, hic illi animum abjicere, rebus suis omnibus diffidere, de auxilio desperare, inconsolabiles se praebere. At hoc telum, ô boni, praevidendum vobis fuisset, & levius læsisset.

III. Ajunt si quem lupo prior videat, visum ab hac fera hominem obmutescere: idemque fieri lupo, si prior videatur ab homine. Fabulae locum fecit, quod, uti Cardanus interpretatur *a*, subitus terror aut vocem eripere, aut ravim inducere soleat. Hinc illud veteris poetæ.

-----lupi Mærin videre priores.

Haud aliter si quem infestus casus, vel

III

a Cardan. l. 18. De subtil. mihi pag. 345.
Virgil. Ecloga 9: fine.

ut lupus, prior aspiciat, sic repente obmutescit miser, & animum sibi spemque finit eripi; quod si prior ipse infelicitatem prævideat, multo eam molliorem sentit. Appositissime ad rem Seneca: In tanta rerum, inquit *a*, sursum ac deorsum euntium variatione, si non quicquid fieri potest, pro futuro habes, das in te vires rebus adversis, quas infregit, quisquis prior vidit.

Sero animus ad periculorum patientiam post pericula instruitur. *Non putavi hoc futurum: nunquam hoc eventurum credidissem.* Quare autem non? Quæ sunt divitiæ, quas non egestas, & fames, & mendicitas à tergo sequatur? Quæ dignitas; quam non mille maculæ, & extrema contemptio comiteretur? Quod regnum est, cui non parata sit ruina, & proculcatio, & dominus, & carnifex? nec magis ista intervallis divisa, sed horæ momentum interest, inter solium & aliena genua. Scito ergo omnem conditionem versabilem esse: & quicquid in ullum incurrit, posse in te quoque incurtere ‡.

Socrates ajebat: Sicut ii qui in tranquillo & sereno navigant, parata etiam instrumenta

a Senec. lib. de Tranquill. c. 12. ‡ Sensus
Horæ spatio hæc verti ita possunt, ut qui
in alto sedisti vitæ arbiter cujus genua supplices tangebant; idem dejectus alienis
genibus advolvatur.

334 GYMNAS. PATIENT.

menta habent, quæ in tempestate sint usui: sic qui in bona fortuna sapiunt, contra adversam auxilia expediunt. Hoc si quis in medullas demiserit, & omnia aliena mala, quorum ingens quotidie copia est, sic aspexerit, tanquam illis liberum & ad se iter sit, multo ante se armabit quam petatur.

Res vulgo nota; Tela prævisa minus ferire, & labores prævisos, ut Gregorius loquitur *a*, tranquillius tolerari. Eiusdem prorsus sententiæ Hieronymus: Quia vita hæc miserabilis, inquit, diversis quotidie variatur eventibus, tam ad prospera quam adversa iusti animus præparetur, ut quodcunque venerit, libera mente sustentetur. Et quæso, mi Christiane, ne putes ad gymnasium Patientiæ te ideo vocatum, ut in pulvillo colloceris, variis solatiis mulcendus. Erras, ô bone, erras gravissime. Hanc scholam ideo ingressus es, ut fatigeris, ut pugnes, ut lucteris, ut incommodis plurimis exercearis. Ergo præpara animam tuam ad tentationem.

Optima vero hac in re præparatio est creberrimum cum Deo inter preces colloquium. Huc in ærumnis cursus ac recursus omnis, huc primus omnium gemitus, prima omnium vox huc dirigenda, ad opem è cælo impetrandam. Quo scilicet in calami-

a Greg. lib. 24. mortal. cap. 13. Hieron. in cap. 7. Eccli.

lamine propterandum sit, digito monstrant Apostoli. Nam dum inter turbines & procellas maris sunt, ad Christum vociferantur, Domine salva nos *a*: Deus noster, refugium & virtus, adiutor in tribulationibus, quæ invenerunt nos *ni*nis *b*.

Hic Augustinus interpret accedens: Sunt quædam refugia, inquit *c*, ubi non est virtus, quo quisque cum fugerit, magis confirmatur, quam confirmetur. Confugis, verbi gratia, ad aliquem in sæculo magnum, ut facias tibi potentem amicum, refugium tibi videtur (*o refugium ruinosum!*) Antea enim tantum causæ tuæ timebas, cum vero ad talem refugeris, & de illo tibi timebis. Multi enim cum ad talia refugia confugissent, cadentibus illis ad quos confugerunt, & ipsi quæsi sunt: quos nemo quæreret, si non ad talia confugissent. Non est refugium nostrum tale, sed refugium nostrum virtus est; cum illuc confugerimus, firmierimus.

Hanc ob causam Hebræus rex ingenti spiritu: Ideo, inquit *d*, non timebimus, dum turbabitur terra, & transferentur montes in cor maris. Si à parte nostra stet Deus, etsi montes confligant & in mare præcipitentur, etsi cælum terraque misceantur,

a Matth. cap. 8. v. 25. *b* Psal. 45. v. 1.

c Aug. tom. 8. in Tsal. 45. initio

d Tsal. eod. v. 3.

336 GYMNAS. PATIENT.

tur, turbentur & confundantur omnia, pandantur inferi, ruat Orbis; impavi dos tamen feriet ruina; non timebimus.

Echinus marinus, sed & Sepia piscis, cum futuras in mari tempestates præsentunt, suarum virium conscii, ne fluctuum impulsu, scopulis illidantur, saxo tenacissime inhærescunt dum desævierit tempestas *a*. Quid hac vita turbulentius, quid procellosius? alia ex alia tempestas oritur: sæpe.

Ferrea stant calo nubila .---

In tanta maris ventorumque rabie, discamus ab echino & sepia, Deo insuperabili, tutissimæ petræ adhærescere, ut pro se quisque dicat: Mihi autem adhærere Deo bonum est *b*. Non me inde calamitatum vis ulla, non universi diabolorum exercitus, neque omnes Acherontis machinæ hinc avellent. Quoniam firmamentum meum, & refugium meum es tu *c*: Quoniam tu es patientia mea, Domine, Domine, spes mea à juventute mea. Vices, mi Deus, sic partiamur: Ego me meaque cruci non subtraham, tu ad crucem perferendam suffice patientiam. Nam adversis, sat scio, nos ideo fatigas, ut nostram iis patientiam exerceas, & magnam in te fiduciam accendas. Ergo, mi, Domine, pone me iuxta te, & cujus-

a Ambros. in Hexamet. Athenaus lib. 8. pag. 323. *b* Psal. 72. v. 28. *c* Psal. 70. vers. 3. & 3.

fulvis manus pugnet contra me *a*. Iam nullas cruces horreo, nullos hostes formido: quoniam tu es patientia mea.

I V. Præmeditatio itaque in adversa clypeus adamantinus est. Omnia Orbis mala inimici vulnerant, si contra hæc, ut Gregorius loquitur *b*, per præscientiæ clypeum munimur.

Sapiens humanis casibus non excipitur, sed erroribus: neque enim illi omnia, ut voluit, cedunt, sed ut cogitavit. Et hoc est quare sapienti nihil contra opinionem dicatur accidere. Quicquid enim impedimentorum potest obijci, id semper provide præmetitur animo. Hunc talem sæpius dicentem audias: Navigabo, nisi quid aliud inciderit: officium adipiscar, nisi quid obliterit; negotiatio mihi respondebit, nisi quid intervenit; cras ero conviva, nisi me aliud avocarit; perendie me in palæstra exercebo, si tamen bene valuerō; post annum ædificabo, si tamen vixero. Hoc scilicet semper cogitat, posse aliquid propositis suis resistere.

Hac mente instructus Zeno philosophus, cum audiret sua omnia mari submersa: Laudo, inquit, tuum factum fortuna; nunc expeditius philosophari me iubes.

Docte ac sapienter Epictetus submonens:
Cujus-

a. Job. c. 17. v. 3.

b. Greg. hom. 35. in Evang.

338 GYMNAS. PATIENT.

Cujusque rei , ait *a* , antecedentibus & consequentibus consideratis , sic eam aggreditor. Alio qui cupide quidem eam aggredieris : quippe qui nihil eorum quæ sequuntur consideraris. Postea vero cum aliquæ molestiæ ac difficultates intercesserint , turpiter desistes. Cupio , inquis , vincere Olympia. Considerato antecedentia & consequentia : & sic , si è re tua fuerit , rem aggreditor. Est tibi accurato ordine opus : edendum necessario , bellariis abstinendum , exercendum corpus vel invito : idque hora præfinita , in æstu , in frigore : non bibenda frigida : aliquando ne vinum quidem ; denique lanistæ tanquam medico te tradas oportebit. Deinde in certamine laniari corpus contingit , manum lædi , distorqueri lumbos , multum pulveris digluti , flagris cædi , & cum his omnibus interdum vinci.

His rebus consideratis , si placet , certamen inito. Sin minus , vide ut puerorum more acturus sis , qui nunc pugiles ludunt , nunc gladiatores , nunc tuba capunt , nunc tragædias agunt , cum ista viderint , admiratique fuerint. Sic & tu nunc pugileris , nunc gladiator , mox philosophus , postea orator , toto autem animo nihil : Sed ut simius quicquid videris , imitaberis , subinde aliud ex alio tibi placebit. Virata
vero

a Epictet. lib. 3. dissertat. c. 35. distinctis locis.

vero displicebunt. Neque enim considerate quidquam aggreffus es, neque rem totam explorasti, aut examinasti; sed temere, & frigida cupiditate impulsus.

Vigilandum est, laborandum, vincenda sunt quædam cupiditates, à cognatis discedendum: oportet à puero contemni, ab ovis derideri: omnibus in rebus deteriori conditione esse, in magistratu, in honore, in iudicio. His consideratis, si lubet, accedito: si his rebus redimere cupis animi tranquillitatem, libertatem, constantiam.

Interrogatus Diogenes, quid in philosophia didicisset? Prompte respondit: Prævidere adversa, & cum advenierint illa, patienter ferre. Non gratis hoc à Diogene dictum, re ipsa comprobavit Anaxagoras. Hic Athenis captus geminos accepit nuntios, sed utrumque tristissimum. Primus, mortem ei decretam denuntiabat. Cui Anaxagoras: Iam pridem, inquit, sententiam tulit natura, tam in me, quam in eos qui me damnant. Alter nuntius filios interisse significabat. Cui philosophus: Sciavi equidem liberos meos non esse immortales. Letalia hæc tela erant, sed quia prævisa erant, Anaxagoram vulnerare non poterant.

Hæc Christiana philosophia est: ita Christus suos in Orbis theatrum emittens: Ecce ego mitto vos, inquit a, sicut oves in me-

Z

dio

dio ſuporum: Si me perſecuti ſunt, & vos perſequentur: Tradent vos in conciliis, & in ſynagogis ſuis flagellabunt vos; ad præſides & ad reges ducemini propter me *a*. Venit hora, ut omnis qui interficit vos, arbitretur ſe obſequium præſtare Deo. Sed hæc locutus ſum vobis, ut cum venerit hora, eorum reminiſcamini, quia ego dixi vobis.

Prædixit hæc magiſter, ut præcogitarent ea diſcipuli. Quemadmodum peregre ituro præmeditanda ſunt, quæ in itinere ſolent contingere: fœda tempeſtas, viæ fractæ ac difficiles, hœſpitia egena, caupones fallaces, importuni ac moleſti comites, exhaustum maſupium, cælum ambiguum, venti, pluvix, fatigatio, & ejuſcemodi complures miſeriæ quæ ſane peregrino tam graves non videbuntur, ſi poſſit dicere: *Prævidi hæc omnia*. Improvide lamentantium voces ſunt: *Non expectabam hunc caſum: Quis hoc putaffet? Sperabam meliora*. Non ſunt ſapientis hæc querelæ.

Iucundum auditu eſt quod narrant. Cœnobiarcha in more politum habuit, ut antequam tironem in familiam adſciſceret, eum in turrim educeret, diceretque: Proſpecta, quouſque licet oculis, & cogita, ſi ab ultimo tui viſus termino crux cruci hæreret, tu tamen tot oculis cruces non obitu-

obiturus esses, quot tibi etiamnum perferenda. Vide, mi fili, & futura prospice: Aliud semper quam voles, fiet. Cum precari libuerit, laborandum erit; cum laborare, precandum; cum somnum cogitaveris, vigilare cogeris; cum vigilare malueris dormire amandaberis; cum loqui volueris, silentium imperabitur; cum filere placuerit, loqui jubeberis. Nec dissimulo: sæpius præbendum erit os ad male audiendum: innumera te manent reprehensiones, præter continuam corporis afflictationem. Cum putaveris recte fecisse, & scienter cantasse, pro laude vituperium feres & iniuriam. Accusatores sæpius habebis, nec semper veraces; sed nec ad Spirenses Curiam sineris provocare. Ius tuum omne in patientia erit. Potes hæc omnia quinquaginta, sexaginta annis, potes hæc omni vita tolerare? quod si animum frangere, & teipsum assidue nolis vincere, abi fili mi, abi, nullus tibi locus est in religiosa domo ac familia.

Candide prorsus & sapienter. Ecquid rectius gymnasii sacri discipulis inculcabitur, quam hæc ipsa cohortatio: Prævidete adversa, quæ vos manent, innumera: Poteritis seu vultis ferre? Bene est. Non vultis, Abite, exette ab hoc gymnasio, quod lentulos, Endymiones, fucos, cessatores somni plenos, laboris fugientes, aut non admittit, aut admissos excludit. Faceſſat

hinc ignavum pecus. Hic labor & Patientia imperant.

V. Ita quivis sui status miseras & quicquid futurorum casuum est, prospiciat, ut cum Anaxagora possit dicere: Sciebam hæc, providebam ista, nil novi contigit. Sed pecuniam perdidisti? Fortassis illa me perdidisset; nec illam aliter quam perditurus habui: & utinam cum illa simul & avaritiam perdidissem.

Sed pauper sum? Scio non in paupertate vitium esse; curabo igitur ne sit in paupere.

Sed oculos amisi? Pars innocentiae citas est.

Sed amicum perdidisti? Alium quaeram, & ibi, ubi possum invenire. Amici omnium integerrimi in cælo sunt, delectu & numero quanto volumus.

Sed aliena me invidia premit? Quis obsecro ab hac peste immunis degit? nisi forsitan infelicissimus, cui pauci solent invidere. Sed gratiam amisi? Sciebam ea nihil esse inconstantius, ut quæ momento evanesceat, citius quam ullum aromatis vinum.

Sed morbus me dejecit? Nil miri aut novi hoc, eum agrotare qui etiam mori debet.

Hæ tales cogitationes in futuros casus præmissæ vetant nos in rebus turbidis fervere & furere.

Carneades magni acuminis philosophus metum omnem & dolorem in rebus magnis

magnis inde nasci ajebat, quod inexpectata & improvisa nos tempestas obtuat. Ita cocum imperitum nil magis turbat quam adventus convivarum subitus minimeque expectatus, cum nec ignis, nec focus, cum nec carnum, nec olerum quidquam ad manum est: hic ille per culinam discursare, caput scabere, ingressos allatrare, sopitum cinere ignem laceßere, culinariam supplementem huc illuc disjicere, fulmina prius quam fercula coquere, convivis pestem & Erisichtonis seminem imprecari, sicque inter execrationes manum admoveere foco. Minus ad hanc tempestatem cocus expavesceret, si eam prævidere posset: Nos possumus, & ejuscemodi procellas prævidendo plurimum mitigare, præsertim si quæ prævidemus, ad divinam Providentiam & Voluntatem referimus.

Beata Felicitas septem librorum mater, divi Augustini encomiis varie ornata, cum in carcere parturiret maximis doloribus, nec ejulatus posset comprimere, unus aliquis liëtorum ejulantem illam audiens, acerbo scomate dixit: Si nec hos quidem dolores, ô femina, ferre queas silentio, illos quomodo feres, cum ureris, secaberis, laniaberis. Quæ jam pateris, jocum puta, sequentur serias. Huic Felicitas prudentissime, & prorsus Christiane: iam, inquit, pro me patior, at tunc in me passurus est Christus. Prout dixit, sic contigit. Nam

344 GYMNAS. PATIENT.

cum feris objiceretur, nullos ejulatus, sed nec ullos gemitus prodebat. Dixisses ad choreas invitatum duci, adeo hilari vultu salutabat mortem. Quoniam tu Domine illius eras patientia.

Ad hunc plane modum pugnandum nobis est, & vincendum. Quamprimum tristior nos ventus afflaverit; mox omnis animus ad Deum convolet seque divinæ Voluntati quam plenissime tradat, imo in eam sese penitus immergat; peccasse doleat, à Deo inter adversa non recedere statuat, opem divinam expectat. Cetera omnia, Deo fretus, divinæ committat Providentiæ. Hoc auget patientiam, hoc reddit imperterritos.

Aristippus, Vitruvio teste *a*, naufragium passus, in lacero navigio ad Rhodiorum littus ejectus est. Hic ille solerter circumspiciens, pulverem circino descriptum, & impressas ei mathematicas notas deprehendit, mox ad socios versus: Bono, inquit, animo estote viri, sperandum optime, nam & hic vestigia hominum sunt.

Quotiescunque nos ad Deum precando vertimus, immensæ bonitatis ac potentiae signa, nostramque beatitudinem Deo inscriptam legimus. Speremus ergo quam optime, quantumvis naufragi: nulla nec pecuniæ, nec famæ, sed neque ullius alterius rei jactura æstimetur gravis, cum cœlum promittitur.

Quid

a. Vitruv. l. 6. de Architect.

Quid dolemus obolos perdidisse, cum regna recipiamus? quid mori metuimus, cum in immortalitatem transcribamur? Post omnia naufragia in tutissimum portum deducimur à bono Deo, modo illi tempus, mi Christiana, totum quantum quantum es, offeras.

Acaronitæ à muribus vexati *a*, mures aureos fecerunt, eosque obtulerunt Deo, & malo remedium reppererunt: sic & Israëlita à serpentibus icti, per serpentem æneum valetudinem receperunt *b*. Ita nos prorsus hoc ipsum sanat quod vulnerat; calamitas dum premit, ad Deum erigit, modo nos nostris patribus non desimus, & animam ad tentationem præparemus. Quoniam pius & misericors est Deus, & remittet in die tribulationis peccata; & protector est omnibus exquirentibus se in veritate *c*.

C A P V T VI.

*Afflictiones omnes perpetiendas esse cum
Conformatione Humanae voluntatis
ad Divinam.*

OVum, ut fertur, in aqua salsa fluitat, in dulci mergitur. Hierosolymæus Rex David, inter tot publicas privatasque clades, inter suorum cædes & funera, in tan-

Z 4 ta cala-

a 1 Reg. cap. 6. v. 11. b Num. c. 21. v. 6.

c 9. c Eccli. cap. 2. v. 13.

ta calamitatis varietate velut in salissimis undis supernatabat erecto semper celsoque animo, vir secundum cor Dei, qui seipsum ad omnes nutus divinos accuratissime formabat. At vero filius illius Salomon in dulcibus illis deliciarum ac voluptatum stagnis, velut ovum mergebatur. Dei Voluntatem Salomon intellexit, sed illi se non conformavit.

In hac tertia parte quinque modos quibus adversa omnia sint perferenda præscripsimus. Primus est, ut *Patienter*. Secundus, ut *Hilariter*. Tertius, ut *Constanter*. Quartus, ut cum *Gratiarum actione*. Quintus ut, cum *Præmeditatione perferantur*. Sextum ac ultimum, sed & utilissimum summeque necessarium addimus: Cum *Conformatione suæ Voluntatis ad Divinam*. Et quamvis hunc humanæ voluntatis cum divina consensum quinque libris *Heliotropii* explicaverimus, cum tamen hic nihilominus, sed breviter summamque confirmabimus, idque convenienter instruendæ patientiæ, non recantaturi jam dicta.

I. Nulla nec Angelorum nec hominum voluntas bona unquam rectaque dici poterit, nisi ea cum Voluntate divina consentiat. Atque quo plenior ac sincerior fuerit consensus iste, tanto voluntas melior ac perfectior erit censenda: quo minus integer & sincerus fuerit iste, quem diximus, consensus, tanto deterior & instabilior erit Vo-
luntas

luntas humana. Vnica Dei Voluntas amulsis est, & regula omnium cælo terraque voluntatum. Nullum uspiam *Velle* laudandum, quod à *Velle* divino discrepet.

Beatissimus rex David rectos corde sæpius commendans: Prætende inquit *a*, misericordiam tuam scientibus te, & justitiam tuam his qui recto sunt corde. Hoc Augustinus, eruditissimus interpret explicans: Quod sæpe diximus, ait *b*, illi sunt recticordes, qui sequuntur in hac vita Voluntatem Dei. Voluntas Dei est, aliquando ut sanus sis: aliquando ut ægrotes. Si quando sanus es, dulcis est Voluntas Dei; & quando ægrotas, amara est Voluntas Dei: Non recto corde es. Quare? quia non vis voluntatem tuam dirigere ad Voluntatem Dei, sed Dei vis curvare ad tuam. Illa recta est, sed tu es curvus. Voluntas tua corrigenda est ad illam, non illa curvanda est ad tuam; & rectum habebis cor. Bene est in hoc sæculo? Benedicatur Deus, qui consolatur: Laboratur in hoc sæculo? Benedicatur Deus, qui emendat & probat. Et eris recto corde, dicens: Benedicam Dominum in omni tempore. Ille igitur solus cor rectum habere censendus est, qui vult quod vult Deus.

Hoc unum documentum omnes hac in re præceptiones antecellit, hoc omnium moni-

Z 5 torum

a Ps. 35. vers. 11. *b* Aug. tom. 8. Ps. 35.
ante finem.

348 GYMNAS. PATIENT.

totum funus, hoc omnium sacerum voluminum epitome, hoc omnium virtutum compendium, hoc ærumnarum omnium solatium maximum, hoc superius est divini amoris gradus, hoc discipulis crucis jus paradisi transcribit, hoc homines in Angelorum sedes evehit. Hoc enim, suam scilicet divinæ voluntati conformare, unice omnibus & ante omnia discendum. Nam quisquis in patientiæ gymnasio hoc unum didicit, jam pæne finem discendi fecit, jam magistri, jam doctoris nomen obtinuit.

Hoc certe præ aliis omnibus jure suo: sibi vindicavit divinæ voluntatis scientissimus rex David. Hic divinæ hujus scientiæ specimina dedit plurima, tum maxime cum degenerem filium Absalonem fugiens, sacerdotem & Arcam juberet redire, diceretque: Si invenero gratiam in oculis Domini, reducet me, & ostendet mihi eam, & tabernaculum suum. Si autem dixerit mihi, non places; præsto sum, faciat quod bonum est coram se.

En in fuga impeditissima, in luctu maximo, in supremis angustiiis, cum jam de regno toto videretur actum, sibi tamen rex David præsentissimus, & ad unam unicam Dei Voluntatem, omnemque illius nutum attentissimus, hoc solum vult, quod vult Deus. Redire me vult Deus? Et ego volo. Non vult ut redeam? Nec ego volo. Faciat

ciat Dominus quod in oculis suis bonum est, ego præsto sum.

II. O Christiani, si vel hoc unum facitis capere, si penitissimis animi medullis hoc ipsum imprimere velimus, rem omnem habebimus confectam, nulla nos amplius calamitas, non dico, tanget, sed lædet, nulla opprimet afflictio, mortalium nemo nocere nobis poterit; inexpugnabiles, insuperabiles sola Dei voluntate circummuniti stabimus; ruent fortassis res nostræ, pecunia, valetudo, fama? nos stabimus; sed etsi ruant urbes & regna, nos stabimus; ruat Atlas, & Orbis cum illo, nos vero stabimus; ruat cœlum ipsum nos stabimus tamen, quamdiu in nobis steterit hæc ad divinam voluntatem conformatio.

Hoc Christus proxime sui funeris diem luculente ad clivum Olivarium demonstravit. Nam ubi suam omnem in Patris Voluntatem quam integerrime transfudit, ipsi jam hostibus, velut agnellum lanionibus seipsum obtulit mactandum. Ante has preces mæstus, pallidus, pavidus, semianimis, ad horrendæ mortis apparatus contremiscebat. Post preces, & sua jam Voluntate ad Patris Voluntatem conformata †: Surgite, inquit eamus in amplexus & oscula hostium.

Adeo hæc voluntatis humanæ eum divina
con-

† Seu potius, Conformatione quæ semper erat declarata.

consensio, ad omnia toleranda promptum, ad omnia peragenda lacertosum, ad omnes hostes superandos animo sum, ad superanda omnia invictum & inexpugnabilem reddit, ut quo quis divinæ Voluntati devotior est, hoc fortius omnia & facere, & pati paratus sit. Nec ulla calamitas aut ullus dolor, alias illi voces exprimet, quam istas: Sicut Domino placuit, ita factum est, ita fiat; quoniam ab ipso patientia mea. Hoc illustrissime Augustinus explicans: Quæ patientia, inquit *a*, inter tanta scandala nisi quia si id quod non videmus, speramus, per patientiam expectamus? Venit dolor meus, veniet & requies mea. Venit tribulatio mea, veniet & purgatio mea. Nunquid lucet aurum in fornace aurificis? In monili lucebit, in ornamento lucebit: patiatur tamen fornacem, ut purgatum à sordibus veniat, ad lucem. Fornax ista, ibi palea, ibi aurum, ibi ignis, ad hanc fiat aurifex. In fornace ardet palea, & purgatur aurum. Illa in cineres vertitur, à sordibus illud exuitur. Fornax Mundus, palea iniqui, aurum iusti, ignis tribulatio, aurifex Deus. Quod vult ergo aurifex, facio; ubi me ponit aurifex, tolero. lubeor ego tolerare, novit ille purgare. Ardeat licet palea ad incendendum me, & quasi consumendum me; illa in cinerem vertitur, ego sordibus careo. Quare? quia Deo subijcietur anima mea.

En integram humanæ voluntatis cum divina conspirationem. De hac religiosus ille scriptor verissime dixit *a*: Non est sacrificium majus aut Deo gratius, quam in omni tribulatione sese conformem facere divinæ Voluntatis beneplacito.

Deus Abrahamo compluries se velut mutabilem exhibuit, perinde si aliud atque aliud modo vellet, modo nollet, & suis imperiis contraria imperaret. Quod ideo factum, ut in tam fideli famulo hic talis cum Dominica Voluntate consensus augeretur. Ipsum Abrahami animum inspicite. Non potuit Deus toties mandata sua variare, non labores tam molestos unquam injungere, neque tam acerbe virum illum exercere, quin Abrahamus semper in omne divini nutus arbitrium versatilis idem vellet, idemque nollet quod Deus.

III. Differentia inter Patientiæ discipulos maxima est. Sunt qui ad gymnasium sine pileo veniant, vertice nudo, excalceati, sine pallio, quod hominum pauperrimi solent; Alii, quibus pedum usus negatus est, ad hanc scholam ægerrime non eunt, sed repunt; Alii pedes quidem veniunt, & honeste vestiti, sed sine charta, sine calamis, sine atramento, sine libris accedunt, ad discendum imperatissimi; Alii hæc quidem habent, sed * minerval non habent
Aliis

a Lud. Granata in Duce peccator l. 1. part. 2.

*c. 22. * Schulgelt mangelt ihnen.*

Aliis minerval non deest, sed ingenium: Sunt denique qui ad Patientiae gymnasium equo aut curru vehuntur, ut magnatum filii solent. His suave est hoc tali compendio ad scholas accedere.

Primi illi sine pileo, sine calceis, sine pallio, gymnasium hoc quidem adeunt, sed etiamnum impatientes sunt, & necdum didicerunt vel saltem *Patienter* adversa tolerare: impatientiam suam nec dissimulare quidem aut tegere norunt; homines sine pileo, & pallio, nimium, & vitiose aperti.

Alii ad hanc scholam miserrime perperant; qui aliquid quidem patientiae hauserunt; sed patientes non essent, nisi esse cogerentur: pecunia illis aut metus aliquid patientiae ostendendum persuadet. Hi sane nihil *Hilariter* sustinent.

Tertii illi ad Patientiae ludum veniunt, sed ab omni scholastica suppellectile imperati, velut extemporanei auditores, qui unam alteramve horulam attentis assident: mox discendi tædio victi constantiam omnem exuunt, deferuntque Lyceum. Istorum mens vaga & indocilis illud *Constanter* nequit capere.

At sunt, qui paratiores magistrum docentem audiant, sed minerval non habent. Verissimum in Patientiae auditoriis minerval seu didactrum est *Gratiarum actio* in adversis, hanc discipulorum complures ob tarditatem ingenii non percipiunt, sed neque

quæd multum curant. Videntur hi profectū utcunque constanti progredi, atque in cæteris disciplinæ gymnasticæ satis capaces sed ut ii pro plagis ac suppliciis æque ac pro beneficiis Deo gratias agant, hoc certe nondum didicerunt: hos minervalis paupertas impedit.

Verum aliis minerval forsan non deesset, sed deest ingenium, nam difficilia & tristia sine omni *Præmeditatione* patiuntur. Magnus hic ingenii defectus est, ea quæ cuivis hominum evenire possunt, & solent, non prævidere, & ignavas voces illas spargere: *Non putaram.*

Alii demum sunt, qui equis aut silentis ad hanc patientiæ scholam eunt redeuntque, homines divinis favoribus opulenti. Atqui hi sunt qui se totos, in rebus omnibus, præsertim adversis, divinæ Voluntari ac Providentiæ penitissime tradunt. Quæ certe ratione hoc agunt, ut crucem quidem sentiant, sed facillime ferant, ad divinam Voluntatem attentissimi. Hi non solum *Patienter, Late, Constante*, verum etiam cum *Gratiarum actione*. nec sine *Præmeditatione* & quod caput est rei, cum maxima suæ voluntatis ad divinam *Conformatione* adversa omnia ferunt. His semper bene est, etiam cum est pessime. Nam cum divinæ Providentiæ vehuntur securi. Cuivis horum in ore semper est: Dominus regit me, & nihil mihi deerit *a*: Dominus sollicitus *a* *Psf. 22. v. 1.* est

est mei *a*. Horum optatis respondent omnia; istorum voto cuncta competunt, & ante votum, cum votorum summa sit, *Velle quod vult Deus*. Male valent? Norunt hoc divinæ Voluntatis partem esse. Labores, damna, metus incurrunt? Sciunt hæc solere fieri; decerni ista, non accidere ristes amicorum abitus, immatura suorum funera spectant? Non nesciunt vitam & mortem, & omnem vitæ seriem penes divinum arbitrium esse. Ita Deo in omnibus assentiuntur. Deum ex animo, non quia necesse est, nec coacti, sed volentes sequuntur. Nihil unquam illis incidit quod tristes, quod malo vultu excipiant, nullum vitæ tributum conferunt inviti.

Omnia autem ad quæ gemimus, quæ expavescimus, vitæ tributa sunt, quorum nec speranda immunitas est, nec petenda. Hi denique divini arbitratus tam observantes, faciunt quod citharædus, qui citharæ fides tamdiu tendit, attrahit, remittit, dum assonent: ita qui suam divinæ Voluntati vult consonare, tamdiu suam corrigit, impellit, instruit, tot ei stimulos subdit, dum illa se divinæ perfecte subiciat.

Quod Hebræus psaltes insigniter secum exigens; Nonne Deo, inquit *b*, subjecta erit anima mea? ab ipso enim salutare meum. Sicut Domino placuit, ita factum est:

Sicut

a Psal. 39. vers. 18. *b* Psal. 61 vers. 2.
1. Machab. cap. 3. v. 60.

Sicut fuerit voluntas in cælo, sic fiat. Nonne igitur Deo subiecta erit anima mea? Hebræum idioma: Nonne ad Deum filebit anima mea? Perinde si dixisset: In omnibus quæ mihi contingunt, religiosissime fileo, nec contra quidquam mutio, Voluntate ac decretis divinis contentissimus: Dei est gubernare ac præcipere, meum obsequi: ita pede securo pergo. Quod si voluntatem meam experiar refractariam, tunc illud rogare instituo, quod ille servorum fidelissimus rogavit a: Ecce pater dilecte, in manibus tuis sum ego, sub virga correctionis tuæ me inclino: percutere dorsum meum, & collum meum, ut incurvem ad Voluntatem tuam tortuositatem meam, da mihi super omnia Voluntatem beneplaciti tui semper inquirere.

I V. Neque hæc humanæ voluntatis cum divinæ Conformatio ulli hominum videri debet difficilis. Quid magis in nostra potestate est quam *Velle*, aut *Nolle*? Et quid cuivis promptius, quam, quod minimi sumptus est, Annuere, vel Abnuere?

Alexander Macedonum rex discere Geometriam cœperat, sciturus quam pusilla terra esset; ex qua minimum occupaverat. Erant illa quæ tradebantur subtilia, & diligenti intentione discenda, quæ non adeo facile, homo militaris & trans Oceanum cogitationes suas mittens percipere posset. Id-

A a circo

a *Th. de Kemp. Imit. Christi l. 3. c. 50.*

circo discipulus iste: Facilia, inquit, me doce. Cui præceptor: Ista, inquit, omnibus eadem sunt, æque difficilia.

Pæne hoc idem de humanæ voluntatis ad divinam Conformatione dixerim: Ista omnibus eadem sunt. Sic *Velle*, sic *Nolle* omnibus æque facile, videri debet. Ad istud discendum pares sumus, & pauperissimi, & ditissimi; sine omni labore, sine ullo sumptu infinita *Velle* ac *nolle* possumus. Imo vero quotidie infinita & volumus & nolumus. Sed non in eo laus est, ut plurima velimus, aut nolimus: divinæ Voluntati congruenter *Velle* aut *Nolle*, hoc laudis, hoc Virtutis est.

Rem mirissimam narrant Palladius & Rufinus *a*. Visus est sibi Paphnutius eos fecisse progressus in via Domini, ut simplici praeque curiositate rogarit Deum, monstraret sibi hominem qui se ratione vivendi exæquaret. Annuit Deus, & ei ab Angelo significari iussit, parem illi haberi tibicinem: qui in vico non procul distante tibiis inflandis victum quæriraret. Obscruit ad hunc nuntium Paphnutius, & multa putans animo: Itane, aiebat ipse sibi, tot annis, tanto conatu, non plus profeceris, quam ut virtute tibicinem æques? Et mox iter ingressus, omni studio hunc ipsum virum quæsiit. Inventum studiosissi-

me

a Palladius Helen. episc. c. 63. Rufin. Aquil. cap. 16.

me percontatus est, quod vitæ genus, quas maxime virtutes sectaretur? Ille ad quæstionem tam seriam subridens, & quod res erat fateri orsus: Ego, inquit, prius latro, nunc † plagiaulus sum. De virtutibus meis, vir optime, frustra quæris; nullas habeo, quarum & nomen ignoro. Paphnutius urgere hominem scitando, & animare, diceret porro si quid bonæ actionis vel inter latrocinia suscepisset. Cui ille: Ah, inquit, bircum mulges; sterilis mihi conscientia est. Ebrietatis & libidinis mancipium fui. Illud unum memini, monialem à nobis captam, cui vitium à sociis erat offerendum, à me liberatam, & in proximum pagum deductam esse. Sed & illud memoriam subit, quando adeo quæstionibus me premis, & hæc audire collubitum est.

Ante annos aliquot liberalis formæ feminam silvis inerrantem, & multa lacrymantem reperi. Cumque fletus causam sciiscitarer: Ne me roges, aiebat illa, mulieram infelicissimam. Sed si ancilla eges, abduc quo lubuerit. Maritus meus, ob grande æs alienum, in carcere tantum non agit animam: nec spes libertatis est. Tres filios meos, sed heu non meos amplius creditores sibi rapuerunt mancipia, in debitorum vicem. Ego cum ad similem fortunam queriter, inedia & miseriis confecta huc profugi, omnis auxilii, sed & consilii inops.

358 GYMNAS. PATIENT.

His auditis ego, aiebat tibicen, sortem tam indignam miseresceus, & id esse divinæ voluntatis ratus, ad nostram specum, ægre spirantem feminam adduxi, ubi jam pæne fugientem animum cibo revocavi. Et quia nescire non potui, Deum divitem esse dominum, profugam in civitatem reduxi, atque pro liberandis tam filiis quam marito pecuniæ sat multum erogavi.

Tu vero, vir bone, pluribus me questionibus ne lacesse: hic omnis virtutum mearum cumulus est: vitia mea citius quam virtutes meas recitavero.

Hic Paphnutius altum suspirans: Ego vero, inquit, mi frater, Deo id mihi aperiente comperi, te nihilo inferiorem nobis esse, qui solitudines habitamus, & corpus summis rigoribus exercemus. En ergo, mi optime frater, cum tanto loco sis apud Deum, quanto vix charissimi, cumque omnis sanctimonix fons sit, velle sanctum esse, ne quæso te ipsum negligas. Setio voluisse, fecisse est. Hoc unum tibi restat, ut abneges te ipsum, crucem tuam tollas, & sequaris Christum. At ille, perinde si volentem ac jubentem Deum cerneret, tibiis quas manu gerebat, abjectis, ad divinæ Voluntatis perpendiculum, Paphnutium è vestigio secutus est. Ita triennio caelestem egit aulædum in terra, & cælo receptus est.

Hic ego merito exclamem: Videte, ô discipuli, qui vobis in Patientiæ gymnasio plu-

plurimum profecisse videntur, videte ne infirmi vos vincant. In gymnasiis certe moris est, ut nonnunquam ex ima classe puerulus evocetur qui adultum, sed stupidum juvenem turpiter errasse doceat: Pæne hic idem fit. Latrones & tibicines infirmæ classis discipuli, altiores illos sed & superbiores, aut minus patientes in ruborem dant.

Hic palmam fert, Omnia cum Deo vellet, nec quidquam nisi cum eodem nolle. Ille hic litteratior, ille utique patientior, ille ceteris omnibus præstantior, cujus voluntas cum Deo conjunctior. Omne tulit punctum, qui suam omnem divinæ Voluntati transcripsit. Fac *Velis* & Patientiæ lauream impetrasti.

V. Sed illud colubrinum *Cur* in Patientiæ gymnasio plurimos turbat. Cur hoc, cur illud Deus? Cur punit innocentes, dimittit fontes? Cur tot tamque nefanda scelera permittit? Cur suis austerus, alienis sæpissime blandus est? Cur omnia ad suæ voluntatis nutum vult fieri? Ita serpens in Elysiis campis humanæ gentis matrem interrogat *a*: Cur præcepit vobis Deus, ut non comederetis ex omni ligno paradisi?

Serpentinum *Cur* istud è Patientiæ ludo penitus eliminandum est. Magister serio edixit *b*: Nec nominetur in vobis.

A 5

Et

a Gen. cap. 3. v. 1.

b Ephes. cap. 5. v. 3.

Et Augustinus his serpentibus exactissime respondens: Quare, inquit, percutiunt aliquando fulmina montem, & non percutiunt latronem? Quia forte ad huc latronis conversionem quærit Deus, & ideo percutitur mons qui non timet, ut mute- tur homo qui timet. Aliquando & tu cum das disciplinam, terram feris ut infans expave- scat. Sed dicis mihi: Ecce cædit inno- centiorem, dimittit sceleratiorem. Noli mirari: undecunque mors pio bona est. Vnde autem scis illi sceleratiore, si se muta- re noluerit, quid pœnarum in occulto ser- vetur? Nonne mallent fulmine incendii po- tius interire, quibus in fine dicetur: Ite ma- ledicti in ignem æternum. Opus est, ut in- nocens sis. Quid enim? Malum est mori naufragio, & bonum est mori febre? Sive in- de, sive inde moriatur, quære qualis sit qui moritur, quo post mortem iturus, non unde nunc exiturus. Tu time, & bonus es- to. undecunque voluerit, ut exeat hinc, paratum te inveniat *a*.

Quicquid ergo hic accidit (eiusdem Au- gustini verba sunt) contra voluntatem no- stram, noveris, non accidere, nisi de Voluntate Dei, de providentia ipsius, de ordine ipsius, de legibus ipsius. † etsi nos non intelligimus, quid quare fiat, demus hoc

a Aug. tom. 8. in psal. 140. circa med. mihi p. 711. † Hæc, quæso, bene notentur.

hoc providentiæ ipsius, quia non fit sine causa. Cum enim cœperimus disputare de operibus Dei: quare hoc, quare illud, & non debuit sic facere, male facit hoc. Vbi est laus Dei? Perdidisti Alleluja. Omnia sic considera ut placeas Deo, & laudes artificem. Quasi si intrares in officinam forte fabri ferrarii, non auderes reprehendere folles, incudes, malleos. In officina non audes vituperare fabrum, & audes in hoc mundo Deum? Imperitus reprehendit omnia. Peritior, etsi artificem novit, scit tamen esse hominem, & ait: Non sine causa hoc loco folles positi sunt; artifex novit quare, etsi ego non novi.

Vt igitur amantissimi patris voluntatem obviis ulnis amplectamur, idem Augustinus animos addens, & Æternitatis hæreditarias delirias ingerens: Deus autem tuus, inquit, redemptor tuus, domitor tuus, castigator tuus, pater tuus erudit te. Quo? Ut accipias hæreditatem, ubi non efferas partem, sed hæreditatem habeas ipsum patrem. Ad hanc spem erudiris, & murmuras? Et si quid triste acciderit, fortasse blasphemias? Quo ibis à spiritu ejus? Ecce dimittit te, & non flagellat: deserit blasphemantem; non senties judicantem? Nonne melius est, ut flagellet te & recipiat te: quam parcat tibi, & deserat te? Gaudes? agnosce patrem blandientem.

Aa 4

Tri-

a Idem tom. 10. De Verbis Dom. serm. 4.
cap. 5.

Tribularis ? agnosce Patrem emendantem,
Sive blandiatur, sive emendet, cum erudit,
cui parat hæreditatem *a*.

Porro Deus, eodem Augustino teste, omnium hominum peccata sic ordinat. Ut quæ fuerunt oblectamenta homini peccanti, sint instrumenta Domino punienti. Non dixit Deus, fiant tenebræ. & factæ sunt tenebræ ? & tamen ipsas ordinavit. Ita & peccata Deus, quamvis illa non faciat, ea tamen permittit & ordinat, & sic in omnibus Voluntatem suam exequitur efficacissime. Nunc jam huc animum omnes, ea quæ loquar advertite. Res ab ovo, sed brevissime, deducenda.

VI. Ante orbemⁱ conditum, inan fuit merissimum, imo nihil fuit præter Deum Optimum Maximum, qui sine rebus creatis beatissimus, ipse sibi sufficiens, rerum omnium in se ideam ab æterno habuit, habetque ita perfectam, ut nec jota, nec punctulum (sic loquimur) nec apiculus unus tam in intellectu divino quam in voluntate desiderari possit. Ad hanc Intellectus ac Voluntatis suæ ideam omnia perfecte condidit, bona omnia, & quidem *valde bona* *a*. Ea gubernare porro ac conservare non desinit, & momentis singulis universa disponit ordinatissime.

Finem

a Idem tom. 8. in Psal. 45. mihi pag. 212. post med. Idem in Psal. 7. ante finem.

b Gen. cap. 1. vers. 31.

Finem Deus . quem sibi ab æterno præstituit, in rebus semper omnibus assequitur. Et quod infinitæ prorsus potentia ac bonitatis est, minima, æque ac maxima curat, tam singulos quam universos homines providentissime, nullo non puncto temporis regit, & singulorum quoque hominum minutissima quæque sic dirigat amantissime, ut nihil sit quod non in optimum finem feratur, unica modo voluntas hominis ipsa sibi non incommodet, discordando à summa Voluntate.

Quod Deus ab omni retro Æternitate in suis pugillaribus scripsit, quod facere, quod permittere decrevit, nemo hominum, neque Angelorum ullus mutabit, aut impediet. Omnium animantium pili, omnium montium arenulæ, arborum omnium foliola; avium minimæ, & passeruli ac reguli, ipsi aëris atomi; omnium omnino tam Angelorum quam hominum cogitationes & numeratæ sunt, & appensæ.

De quo igitur tu jam conqueri potes, perinde si Deus ad calamitates tuas parum attentus, te tuaque non satis provide gubernet, aut nimium hostibus tuis permittat, aut in tanta rerum hominumque turba te negligat? Stultissime mortalium, tunc apud teipsum hæc susurres? Omnia in mensura, & numero, & pondere dispo-

A a 5

nit

nit Deus *a*, etiam res tuas, etiam rerum
tuarum minutissima quæque.

Vitam tuam retro actam, oro, confide-
ra, & dispuge in ea, quid aliter velis eve-
nisse, simulque observa hoc ipsum à Deo
ad ideam suam accuratissime relatum, hoc
est (ut id probe capias) sicut Deo placuit
ab æterno, sic factum est, sic & deinceps
fiet, *Iota unum, aut unus apex non præte-
riit* *b*, nec in posterum præteribit, dum
usquequaque omnia divinæ ideæ conformi-
ter fiant.

Voluntas Dei sanctissima stabit. Quid tu
vero tunc profecisti, cum adeo dolores, te-
que aliosque frustra turbares †: Ecquid jam
dolendo & turbando proficies: Obsecro te,
ne ad idem saxum iterum impinge. *Res-
ignationis* affectum indue & Dei Voluntati
quam integerrime te committe, atque ita
divinæ Providentiæ curram conscende; ve-
heris eo securus. Sine concessu & venia di-
vinæ voluntatis, nec arenula, nec digitulus,
nec ulla contra te cogitatuuncula movebit.

Sed sicut præterita meo suasu, sic & fu-
tura, quæso, considera; quidnam eorum in
voluntate aut potestate tua? Vix quidquam.
Sed nec prævidere satis imminetia potes.
Dic, qualis erit proxima ætas? Si sterilis
& mala

a Sap. c. 11. v. 31. b Matth. c. 5. v. 18.

† *Non excludimus licita rerum remedia, an
ea autem effectum habitura sint, an mi-
nus, penes Dei Voluntatem est.*

& mala sit, sequetur rerum penuria, & pen-
 sitis. Quid ergo tuum hic providere & an-
 gi juverit? idem in rebus aliis sentiendum.
 Revera nec bona impetras, nec mala præ-
 caves, nisi Deus id velit, cujus idcirco Vo-
 luntati tuam agglutina.

Incaſſum te torques, frustra reluctaris;
 supervacuo labore struis & ædificas, nisi di-
 vina tecum ædificet Voluntas; Nihil agis,
 nihil proficis, nisi velis quod vult Deus.

Hoc igitur age; in omnibus divino nu-
 tui te subijce. Et hoc unum, obsecro apud
 animum tuum quotidie perpende, quod
 longe certissimum: Deus ab æterno provi-
 dit & decrevit, hanc tibi crucem secun-
 dum omnes circumstantias loci, temporis,
 personarum imponere, quam ipse summa
 bonitate & sapientiâ tuis viribus admensus
 est. Hoc solum restat, ut ea velis tibi pro-
 desse. proderit autem plurimum, modo
 tutuam divinæ Voluntati jungas, & ac-
 commodas.

Ergo in omni omnino eventu sic ratioci-
 nare: Hoc à Deo est, ergo optimum est.
 Hæc injuria, hic morbus, hæc inopia,
 hæc molestia seu miseria ab ipsissimo Deo
 est, ergo mala mihi esse non potest, nisi
 mea voluntas à divina dissentiat. Cave au-
 tem unquam dixeris: *Modo hæc, modo illa*
crux me non premat. Otiosa & inanis quere-
 la. Et hanc, & illam crucem, quam sic hor-
 res, ideo amplectere, quia vult Deus & hæc,
 & illa

366 GYMNAS. PATIENT.

& illa te cruce fatigari. At ergo idem velis quod DEUS, aut quia ita vis succumbe ac peri.

VII. Quod vero colubrinum illud *Cur* quærebat: Deus alienis non raro tam benignus, suis plerunque tam austerus sit &c. exacte sciendum, hanc Dei Voluntatem exquisitissimam esse *a*. Adversis sane multa milia hominum ad frugem corriguntur; prosperitate vix ullus. Felicitas Virtutis neverca beatulis suis applaudit ut noceat.

Sunt qui felices sibi videantur, sed sua tantum opinione, quæ quoniam falsa est, felicitati parum addiderit, sed miseriæ multum. Siquidem propriam non nosse miseriam miseria summa est. Magnus ille Pompejus felicem se credidit. Sed si profundius verum fodiamus, nunquam fuerat, ne tunc quidem cum florentissimo in statu felicissimus haberetur. Exitus monstravit acta. Carnificis gladio caput & sanguinem suum propinate iussus est Pompejus.

Polycrates, rex Samiorum, ipsissimus Fortunæ pullus censebatur; nihil ei in vita adversum. Cælum, terra, mare favebant aut fervebant *b*. Omnes conatus ejus placido excipiebantur itinere, spes certum cupitæ rei fructum apprehendebat. vota nuncupantur simul & solvebantur, velle ac posse in æquo positum erat. Semel duntaxat

vul-

a Ioan. Sarisberiens. l. 1. Polycr. cap. 1.

b Herodotus lib. 3.

vultum contraxit Polycrates brevi tristitiæ
 salebra succussus, cum scilicet placandæ Ne-
 mesi, & ne omnis incommodi expertus esset,
 charissimum summique pretii annulum in
 mare abiecit. Hunc ipsum tamen continuo
 recuperavit, capto pisce, qui eum devora-
 verat. Tandem felicitas omnis in altissima
 cruce expiravit. Nam Polycrates ab † O-
 ronte Darii regis Satrapa in Mycalensis
 montis vertice cruci affixus, miserabile sed
 luculentum dedit spectaculum fallacissimæ
 felicitatis.

Hæc vana sunt, inquis. Ergo Amanum
 in alto suspice, Polycrati geminum, Mau-
 solæo simili, nec minus sublimi exceptum.
 Divitiis Aman diu abundabat, uxore &
 prole copiosa beatus, amicos plurimos nu-
 merabat, ipse Assuerus rex ei amicissimus;
 omnia Amano ex sententia fluebant. Quid
 tandem? Tantæ felicitatis epilogus fuit pa-
 tibulum. Hanc ipse sibi domum architecta-
 tus est Aman vel invitus. Sic segetem ni-
 mia sternit ubertas, sic arborum rami one-
 re franguntur, sic magna maris tranquilli-
 tas procellarum signum est. Idem in mori-
 bus, & vita:

*Luxuriant animi rebus plerunque se-
 cundis.*

Nimirum Luna nunquam in deliquio est,
 nisi cum plena est: quo autem ea plenior,
 hoc à sole remotior; sic & equus quo cura-
 tior

† Alii, Oroete,

368 GYMNAS. PATIENT.

tior & pinguior, eo in fessorem ferocior: sic & homo plerunque à Deo alienior, quo fessior.

Hinc Deus olim de gente sua queritur *a*: Saturavi eos, & mæchati sunt. Incrassati sunt, & impinguati, & præterierunt sermones meos pessime. Vbi felicitas regnat, illic plerunque virtus exulat.

Ambrosius Mediolanensium præsul, uti Paulinus memorat *b*, ab hominem opulentum è via divertit. Hic, ut Ambrosium hospitem suum, non liberali solum mensa, sed & humanis colloquiis reficeret, prolixiorem ingressus est narrationem. In ea de seipso affirmavit, nihil se unquam adversi passum; ante vota, supra vota omnia adesse, hoc est, priusquam veller, & plusquam veller, adeoque quid calamitas sit, se nescire. Exhorruit ad has voces Ambrosius, & mox velut ad subitum negotium avocatus, patrifamilias & beatissimæ illi domui valedixit. Repentini abitus causam suis hanc assignavit. Veteri se, ne in domo tam beata, & apud hominem, quem adversa nunquam vellicassent, hospitium pessimum elegerit. Quare maturandam illinc fugam ne forsan subita eademque clade cum tali hospite involvatur. Ambrosio non procul inde digressus, una sed insperata domus ruina inquilinos omnes sepelivit.

Quam

a Hier cap. 5. vers 5. & 28.

b Paulin. in vita Ambr.

Quam ergo melius longe cum iis agitur, qui jam procellis variis jaçantur, ut quietam ac felicitatem ibi quaerant, ubi ruinæ non sunt metuendæ. Hic vitam agimus perpetuis tentationum præliis infestam, periculis semper & multis & gravibus expoliti, nec unquam ante exitum securi; quod siue nesciant siue sciant, qui felicitatem somniant, æque miseri sunt habendi. Nulla enim cum errore, nulla sine securitate felicitas. Solus ille felix. qui in curru Altissimæ Providentiæ sedens, divinæ Voluntati se dat ex toto.

Thomas Morus exemplar patientiæ illustrissimum, suam divinæ Voluntati integerrime subjecit hoc modo. Cum è legatione transmarina reversus, procul domo apud Regem ageret, Augusto mense, pars domus, & omnia illius horrea frumento plena, nescio qua vicini incuria per incendium subitum deflagrarunt. Hanc cladem conjux, generi sui litteris exposuit. Conjugi Morus Anglice rescripsit in hunc modum.

Salus plurima. Domina Aloysia, intelligo horrea nostra & vicinorum aliquot cum omni frumento periisse incendio. Dolenda quidem (salva Dei voluntate) frumenti tam copiosi jactura. Quia tamen ita Deo visum est, debemus omnino non solum patienter, sed & libenter hanc Dei manum in nos extentam ferre. Quicquid amisimus, Dominus dedit. Sed quia id nobis iterum a-

mit,

370 GYMNAS. PATIENT.

mit, Domini Voluntas fiat. Nunquam super hac re murmuremus, sed æqui bonique consulamus, & Deo magnas gratias agamus, tam in adversis, quam prosperis. Atque si recte calculum ponamus, majus Dei beneficium est hoc damnum, quam ingens lucrum. Quid enim salutis nostræ faciat, Deo magis quam nobis perspectum est.

Rogo igitur, bono sis animo, & omnem tecum familiam duc ad templum, Deoque gratias age, tam de his quæ nobis donavit, quam quæ nunc abstulit, & quæ etiamnum reliquit. Facile Deo est, si ei sic visum, augere nondum ablata. Quod si plura velit auferre, sicut Domino placuerit, ita fiat.

Inquiratur etiam, quantam jacturam fecerint vicini, moneanturque, ne ob eam rem contristentur. Non enim committam, ut vicini mei cladibus meis domesticis laedantur; etiamsi omnis mea supellex ad unicum usque cochlear diripiatur.

Obsecro, ô mea Aloysia; unâ cum libeis nostris, totaque familia sis læta in Domino. Hæc omnia; nosque omnes in manu Dei sumus. A Dei Voluntate pendeamus toti, nec ullum unquam damnum nocere nobis poterit. Vale. Ex aula Wodstockii 13. Septemb. an. 1729.

O superi! quam hæc sincera in divinam Voluntatem devotio! quam hæc vere cordati viri epistola est! Hic paterfamilias in gymnasio Patientiæ profecit, hic vir hic est, qui

qui tantam jacturæ molem, per integram cum Voluntate Dei Conformitatem, suaviter portavit. En struthio camelum, qui ferum potuit & glutire, & concoquere. Horrea illius arserunt, non animus. Hunc patientia munitum servavit integrum.

Et videre, qua ratione hanc cladem, perinde ut Iobi ærumnas, liberalissimus Deus multiplici scœnore pensarit. Mense Septembri tristissimum nuntium accepit Morus; Octobri proximo regni Anglicani Cancellarius pronuntiatus est. Nec nova tantum dignitate, sed & censibus novis est auctus. Vnde non vetera solum horrea restaurari, sed & veteribus nova potuerunt adjungi. Hic Dei mos est: Deducit ad inferos, & reducit.

Anglorum Cancellario Principem Hispanum, Franciscum Borgiam tertium in Societate Iesu Præpositum Generalem adstituo *a*. Iter fecit Borgias Septimancam, ubi Societatis tirocinium erat: Nox præcipitans euntem in itinere deprehendit. Plurima nix cælo labebatur, ventus perfrigidus urebat & confundebat vias, tenebræ iter omne subducebant.

Tandem per nives ac tenebras eluctatus, nocte adulta, quo destinatus, pervenit. Necdum ramen injurias cæli effugere licuit. Cum jam ad Collegium staret, focii omnes primo sopore merfi altius dormiebant. Pul-

B b

savit

savit fores iterum, iterumque ac sapius; nemo respondit. Non sopit tantum, sed mortui videbantur incolæ. His illud accessit incommodi, quod à porta longius abesset domus. Interim venti flare & fatigatum percellere, fames pabulum postulare, nives optimum Patrem operire, & totum candidatum facere. Post diurnas moras tandem aliquando expergefatti tirones, & reseratae fores. Intromissus, tantum abest, ut vel severiore vultu, aut asperioribus dictis moras castigarit, ut plenus hilaritate gratulari sibi de hoc videretur. Stabant socii, & erubescabant tam altam somnolentiam; itaque multis deprecabantur quod optimum parentem in tanta intemperie cæli pro foribus stantem tamdiu destituisent. At Borgias licet exanimatus pæne frigore, sereno nihilominus & placido vultu: Non est filii, ait, quod meas vices doleatis. Dum expectarem, hæc mea fuit cogitatio: Quemadmodum princeps quispiam voluptatem capit, cum leonem similemve feram in arena stimulis ac venatu agitari cernit, ita delectatur Deus, dum me feris nihilo meliorem, mollibus petit nivium velleribus, quæ me non lædant, sed urgeant atque impellant. Hæc mihi evenire Dei providentia, Voluntas Dei fuit. Velimus & nos quod vult Deus; & gaudeamus, cum suum ille in nos favorem explicat, licet regidiore paullulum experimento.

Hoc virum sapit, hoc mitigat adversa, voluntatem suam divinæ tam non contradicentem, tam conformem, tam obsequentem adungere.

Sed Gandiensem duci, Serenissimam principem Magdalenam Neoburgicam jungo, ut quo recentioribus, eo etiam efficacioribus impellamur exemplis. Laudatissima hæc princeps, alibi à nobis uberius laudanda, Serenissimi Electoris Maximiliani soror, Serenissimi Ducis Wolfgangi Guiljelmi Neoburgici conjunx, diem suum obiit anno 1628, die 25 Septembris. Hæc, inquam, lætissima herois, in omnium quidem virtutem actionibus constanter suam industriam exercuit; imprimis vero illuc animum intendit, ut voluntatem suam cum divina quam actissime conjungeret. Adversa omnia, quæ quotidie plurima occurrabant, à divina manu tanquam præcipui favoris argumenta promptè accipiebat, & ad casus omnes Dei causa fortiter perferendos invictam se præstabat. Quo in studio, exercitatione continua eo denique mentem adegit, ut postremis quatuor annis, quibus ad hujus virtutis apicem feliciter contendit, uno sæpe die amplius centies voluntatem suam cum divina conformasse in codicillis ejus repertum sit.

Nimirum ad Dei Voluntatem vivere, hæc vera demum est vita: quod aliter vivitur, mors est. De quo eleganter Augustinus:

Contulerunt, inquit *a*, cum Apostolo quidam philosophorum Epicureorum secundum carnem viventes, & Stoicorum quidam secundum animam viventes; contulit cum illis secundum Deum vivens. Dicebat Epicureus, Mihi frui carne, bonum est. Dicebat Stoicus, Mihi frui mea mente, bonum est. Dicebat Apostolus, Mihi autem adhærere Deo, bonum est. Errat Epicureus; fallitur Stoicus; non errat Christianus, qui Deo divinæque Voluntati adhæret. Tunc enim recte vivit anima, si non secundum carnem, nec secundum seipsam, sed secundum Voluntatem divinam vivat. Sicut enim anima carnis, ita Deus animæ vita est.

VIII. Quin ergo hanc unam, omnium optimam, sanctissimamque Dei Voluntatem amplexu arcto stringimus, quin ad eam ultro ire, quam raptati malumus? Quin nostram voluntatem omnem in hac una constituimus, ad agendum, atque patiendum, quicquid nos Deus agere, ac pati voluerit.

Is demum verus Patientiæ discipulus, is vere patiens est, qui in omnibus, quæ patitur, hoc unum vel millies ingeminat: *Solius Dei velle volo*: Novit Deus quid publice privatimque tam gloriæ suæ quam salutis nostræ expediat. Ego vero cum id ignorem, quid rectius spero vel metuo, quid sanctius doleo vel gaudeo, nisi de

tua,

a August. tom. 10. serm. 13. de Verbis Apostoli circa med.

tua, mi Deus, Voluntate, ejusque sanctissimis decretis? Quicquid eveniat; cælum ac terra misceantur, sursum deorsum res eant, turbentur ac confundantur omnia, nihil fiet (certissimus sum) & nec capillus quidem è capite, nec arenula vel lapillus è monte defluit, sine tua Providentia. Non est ergo quod de ulla re, ullove homine conquerar. Tua Voluntas fiet, mi Deus, imò & mea, quam toties transmutavi tuæ.

Hic oro te, Lector, ne pigeat legere, aut etiam lecta relegere, quæ tam in *Heliotropio* toto, præsertim libro quinto, capite ultimo summarim; quam quæ in *Æternitatis Pro-dromo*, Capite secundo, paragrapho 28, & Capite tertio, paragrapho 47. & 49. tradidimus, ubi hanc humanæ voluntatis cum divina consensionem cum cura explicamus. Quæ porro ratione in adversis firmanda & erigenda sit ad Deum fiducia, *Heliotropii* libro quinto, capite tertio docemus, quæ hic non videntur recantanda.

Sed verbo transigamus. Si hanc doctrinam, ô Christiani, aut non capiatis, aut, quod verius, nolitis capere, in gymnasio Pætientiaæ tempus frustra teritis; quem imitamini, nunquam assequemini; nullus est profectus vester, nihil agitis, *semper discen-tes, & nunquam ad scientiam veritatis per-venientes* a.

Aut ergo voluntatem vestram confor-

Bb 3

mate

376 GYMNAS. PATIENT.

mate cum divina (* nudis verbis dicendum) aut gymnasio hoc excludemini , velut indociles , nullius frugis , nec ullius spei discipuli . Quod si hoc unum documentum probe condiscitis , nunquam non beati eritis , etiam inter res afflictissimas . *Æternæ Veritatis vox est a* : Si quis voluerit voluntatem ejus facere , cognoscat de doctrina . Quicumque enim fecerit Voluntatem Patris mei qui in cælis est ; ipse meus frater , & soror , & mater est *b*.

IX. EPILOGUS

Dictorum omnium.

Quod de humana voluntate ad divinam in adversis maxime conformanda diximus , id Augustinus illustrissime confirmat , ubi de improbis tolerandis disserens : Hinc mitesce , inquit , quemadmodum mitescis cum dicis , quia Deus hoc vult , ideo florent mali . Parcere vult malis ; ad pœnitentiam adducit eos quibus parcit , sed illi non corriguntur . Novit ille quomodo de illis judicet . Immitis est autem homo , cum vult contradicere aut bonitati Domini , aut patientiæ , aut potestati , aut justitiæ judicis .

Qui ergo sunt recto corde ? Qui hoc volunt quod Deus vult . Deus parcit peccatoribus ,

* *Gut Teutsch.* a Ioan. 6. 7. v. 17. b *Matt.* 6. 12. v. 50. & *Marc.* 6. 3. v. 35.

toribus, tu vis ut jam perdat peccatores. Distorti ergo cordis es, & pravæ voluntatis, quando aliud vis, aliud vult Deus. Vult autem Deus parcere malis; tu non vis parci. Patiens est Deus peccatoribus, tu non vis tolerare peccatores. Sed ut dicere cœperam, aliud vis tu, aliud vult Deus. Converte cor tuum, & dirige ad Deum, quia & Dominus infirmis compassus est. Vidit in corpore suo. id est. in Ecclesia sua infirmos, qui primo voluntatem suam sequi tentant: sed cum vident voluntatem Dei aliam esse, dirigunt se & cor suum ad suscipiendam & sequendam voluntatem Dei.

Igitur ne voluntatem Dei velis torquere ad voluntatem tuam, sed tuam corrigere ad voluntatem Dei. Voluntas Dei est ut regula incommutabilis. Quamdiu integra est regula, habes quo te convertas, & corrigas pravitatem tuam, habes unde corrigas quod in te tortum est.

Quid autem volunt homines? Parum est quia voluntatem suam tortuosam habent, etiam volunt voluntatem Dei tortuosam facere secundum cor suum, ut hoc faciat Deus quod ipsi volunt, cum ipsi hoc debeant facere, quod Deus vult. Hæc Augustinus.

Obsecro vos, mortales, an non tandem aliquando hanc doctrinam de vestra voluntate ad divinam conformandam capitis? quam prisce Patres, quam sacri codices tan-

ris clamoribus inculcant. Etiamnum nostri sensus ac cerebri pervicaces stamus, & nolumus quod vult Deus, aut volumus quod Deus non vult? Quæ patimur, ea nos pati vult Deus (nil certius) idque vult in nostrum bonum, favore singulari. Hos ego favores, inquis, non ambio. O te, pene dixerim, non hominem, sed ignarum cæli pecus? Quæso te, circumspice, quanti etiam è magnatibus labores ambiant, modo iis honores & opes misceantur. Cum impetrant quod ambiebant, id maximi favoris argumentum habent. Et tu per brevissimos labores ad ferias atque delitias transiturus æternas, velut bubalus cornu feris, & resistas? Audi rem miram, & testatissima fide comprobata, quam Leontius Neapoleos Cyprorum episcopus hunc in modum commemorat.

Ioanni Alexandrino Patriarchæ viro sanctissimo unus aliquis civium (Philochristum vocat Leontius *a*) septem auri libras & dimidiam ingenorum stipem offerens: Plus auri, aiebat, mihi non est. Hoc autem unum, Pater sancte, à te postulo, id pæ unice, ut filium meum absentem tuis precibus Deo commendes. Modo illum salvum & incolumem recipiam, & quicquid hoc auri est, bene impensum dicam.

Vt autem constaret, quam id serio peteret,

a Leontius Neap. Cyprorum episc. in vita S. Ioan. Eleemosyn. c. 25. tom. 10.

ret, poplite creberrime submisso ante præ-
sulem sese identidem inclinavit, tanto effi-
caciùs, ut putabat, impetraturus, quanto
submissius petiisset. Habebat autem filium
quindecim annorum, eumque unigenam,
quem in navi ex Africa sperabat reducem.
Atque hunc Ioanni Patriarchæ quam com-
mendatissimum cupiebat. Admisit aurum,
& una preces Patriarcha, miratusque est
animum tam generosum, qui posset sper-
nere tam multum auri. Ita optime ille pre-
catus, atque ut Leontius loquitur *b*, ora-
vit ei in facie multum, & sic eum dimisit.
Neque vero distulit preces fundere pro eo,
qui illas tam ardentè expetiisset. Mox igitur
oratorium ingressus, auro subtrus sa-
cræ mensæ reposito, rem divinam fecit:
Deum vero, quod facturum se promiserat,
quantis potuit precibus rogavit, filium pa-
renti salvum una cum navi sisteret. Nec-
dum dies triginta abierant ab iis precibus,
& filius liberalissimi civis illius mortuus est;
onusta navis naufragio periit. Tertio die à
morte filii, adest tristissimus nuntius, qui
& filium obiisse, & navigium una cum
mercibus omnibus petiisse; solos homines,
vacuamque schapham evasisse, cum fide
exponit.

Heu patris dolorem multiplicem, im-
mensum! Aurum expendit, filium amisit,
navim quam expectarat, non recepit. Ea

Bb 5

pietatis

a. Leont. perfectam fecit syntaxim.

380 GYMNAS. PATIENT.

pietatis præmium, luctus ingens, & vix ullius solatii capax. Nam illud regii psaltæ ^a de afflictissimo hoc parente vere tunc dici potuit: Nisi quia Dominus adjuvit illum, paullo minus habitasset in inferno anima illius. Ad concutiendum virile pectus videri potuisset sufficere navis interitus: accessit insuper immaturus filii obitus. Heu geminum letale vulnus! quorum alterutrum sat mortis intulisset.

ubi hæc omnia Ioanni Patriarchæ sunt narrata, optimus Antistes pæne plus doloris hausit, quam is quem ex destinato petiit tam sæva calamitas. Hinc dubius quid ageret, impensissime Deum obsecravit, solatii aliquid parenti mæritissimo impertiretur. Nam virum adeo undique afflictum ad se accersere non sustinuit. Misit tamen hominem prudentem, qui suo nomine hæc illi diceret: Cave animum despondeas, vir optime, cave Deum ullius inclementiæ accuses. Erigere in altum, & delicias æternitatis prospice: Momentaneum & leve tribulationis nostræ, æternum gloriæ pondus operatur in nobis ^b. Quæcunque in terra fiunt, æquissimo Dei iudicio fiunt. Nec ullum tam grande malum aut supplicium est, quod non in nostrum cedat bonum, si vincamus illud patiendq, Deus providentissimus Pater ab æterno non tantum præscit, sed

^a Psalm. 93. v. 17.

^b 2 Corinth. 6. 10. v. 17.

sed & decrevit quod maxime nobis expediret. Nos velut infantes danorum nostrorum ignari sæpe nobis noxia postulamus. Qua propter fide Deo, in cuius manu & navis tua, & filius tuus est.

Pia prorsus, & è solido petita consolatio: sed animum tam letaliter faucium hæc verba vix penetrarunt. Ergo cum humanum deesset, divinum adfuit auxilium. Sequenti nocte afflictissimo huic civi visus est in somnis adstare Ioannes Patriarcha, & hæc dicere: Quid angeris, frater, & cur mœrore dissolveris? An non rogasti me, peterem à Deo, ut salvum haberes filium? En, salvus est. Crede mihi, si vixisset superstes, periisset. De navi tua hoc scito. Nisi tibi Deum eleemosyna tam liberali conciliaffes, illa cum omnibus, qui ea vehebantur, fuisset fluctibus hausta, inter quos & fratrem tuum jam mare sepeliisset, quem tamen sospitem recepisti. Surge igitur, & Deo gratias age, de filio jam salvo, & fratre insuper recepto.

Ab hoc somnio Philochristus evigilans, jam multo quam ante erectior, mærorem pæne omnem detersum sensit, & mox ad Patriarcham accurrens, ad genua illius accidit, & narravit quæ sibi per proximam noctem species fuisset visa, quantumque solatii verbis affusum. Inde jam, inqueiebat, gratias ago benignissimo Deo, qui nostro nos bono exercet, nec minus patrem agit,

382 GYMNAS. PATIENT.

cum pœnis afficit, quam cum solatiis. Mox Patriarcha in has ipsas voces erumpens: Gloria tibi, ô benignissime, ô misericordissime Deus, qui tuorum preces non spernis. Et ad civem conversus: nequaquam, inquit, id meis orationibus adscribas, sed divinæ bonitati, tuæque fidei.

Discamus, ô modicæ fidei mortales, Deo fidere, in rebus arctis & afflictis animum non abjicere: discamus adversa non *Patienter* solum, sed & *Hilariter*, & cum *Gratiarum actione* perferre. Quid trepidamus aut tergiversamur? Inaniter & frustra. Hæc animo constet sententia, hoc nobis deliberatissimum sit, *Pati plurima*. In eam rem animum ad hæc talia *Preparemus*, & sua Patientiam comitetur *Constantia*; voluntatem nostram, in omnibus omnino rebus, maximis minimis cum divina *Conformemus*.

Pius V. Pontifex *a*, gravissimos eosque diuturnos calculi dolores patientissimè ferens, sæpius auditus est dicere: Domine, adde ad dolorem, modo addas ad patientiam. Sequamur præeuntis vocem, & licet animo corporique undique male sit, fidentissime tamen dicamus: Domine Iesu, auge ægrimoniam, auge; modo augeas & patientiam.

Haud aliter Franciscus Xaverius, ille Indorum & Iaponum ecclesiastes, qui patiendi tam

a Dominicus Tempesta, mihi pag. 410.

di tam avidus fuit, ut in ipsis incommodis & periculis enixè Deum precaretur, ne his malis eriperetur, nisi ad majora mala divinæ gloriæ causa reservandus. Cumque etiamnum Romæ in valetudinario ageret, & magnos sibi labores, inopiam, famem, sitim, egestatem, æstum, frigus, vexationes, pericula, prodiones, terra marique Christi causa subeunda cognosset, ardenti spiritu succlamavit: *etiam amplius, Domine, etiam amplius.* Nam ea in Deum fiducia ferebatur, ut certus crederet, ab eo qui desiderium illud suggessisset, vires etiam ad perferenda omnia sufficiendas. Hinc animosissimæ voces illæ: *Etiam amplius, Domine, etiam amplius da, quod patiar.*

Audeamus, obsecro, Christiani, audeamus & nos aliquid cœlo dignum, & cum in ærumnis erimus, exclamemus & nos cum beato viro: *Etiam amplius, Domine Iesu, etiam amplius Auge dolores, augebis etiam, nil diffidimus, patientiam.*

Sed finio hanc omnem de Patientia scripti-
onem cum beato Melithone martyre, qui inter quadraginta Christianos heroes natus minimus, virilis tamen constantiæ nobilissimum dedit specimen *a.* Mater illius virago verè Christiana cum filium cerneret jam fractis cruribus vix animam trahere

*a Surius tom. 2. die 9. Martii de SS. 40.
Martyribus ad urbem Sebastem occisis.*

hentem, animosissimè illum sic cohortata est: Fili paulisper sustine; ecce Christus ad januam adest, auxilium allaturus & præmium: paulisper, mi fili, sustine. Sustinuit, & hortatu matris accensus, generosè mortem obiit.

Iisdem nos vocibus compellat optima mater Patientia: Filii sustinete paulisper, auxiliator adstat Christus, & jam præmium commonstrat. Dolor omnis momento finiet. Æternitas beatissima in proximo est. Respicite tot beatorum agmina: omnes illi brevi temporis impensa invenerunt quomodo immortales fierent; ad immortalitatem patiendi & moriendo venerunt.

Quid ergo resistimus, & pati horremus? Ad contemnuendam omnium malorum potentiam animus patientiæ pervenit. Si non vis pati, recusas coronari. Non est vita, inquit Chrysostomus *a*, sine miseria. Sed quantum tribulationes intenduntur, tantum & retributiones ampliabuntur.

Laboribus & doloribus cælum emitur. Vetus illud non ignoramus: *Labor est ante cibum*. Ita Suidas in memorat Cyri milites absque sudore ad prandium non venisse, quo & suavius cibum caperent, & rectius valerent *b*, Et nobis epulum cœleste inter lusum & otia obtinget?

Et quæ-

a Chrysost. tom. 5. hom. 5. & hom. 66. post init. *b* Suidas voce *αὐτοδραν*, mihi pag. 82.

Et quæso, ut æternam illam & immortalē vitam discamus nosse, hanc mortalem prius probe noverimus. Quid nobis blanda proponimus, quid suavia pollicemur? in exilio sumus, in eremo degimus. Hic aliter non vivitur, quam inter innumera incommoda. Si male fers, magna onera; si bene, magna solatia.

Sicut immortalis homo, inquit Chrysostomus *a*, non potest inveniri, ita nec absque tristitia. Sed in solatium addens: Cum rebus, ait, adversis premimur, gaudeamus; hoc enim est peccatorum expiatio. Nullus athleta generosus in stadio balnea quærit, aut mensam cibis & vino redundantem. Hoc non est athletæ, sed delicati. Athleta namque pugnat pulvere, oleo, solis ardore, sudore largo, tribulatione & angustia. Hoc est certaminis tempus & pugnæ: igitur & vulnere & cruore, & dolore. In acie militem, in tempestate gubernatorem, in stadio cursores, in arena pugilem noscas.

Omnem nos vitam certamen esse putemus, nec unquam remissionem quæramus, & nunquam in tribulationibus inusitata nos pati arbitrabitur *b*. Pædagogus noster tribulatio est. Nec tribulari malum, sed malum est peccare. Peccavit, non qui male passus est, sed qui male fecit.

Imo

a Chrysost. tom. 5. hom. 67. med. mihi pag. 365. & prius 361. *b* Idem eodem tom. hom. 62.

386 GYMNAS. PATIENT.

Imo quod explicatissimè idem Chryso-
stomus affirmat *a*: pati pro Christo gratui-
tum munus est, ac majoris admirationis,
quam sit revera mortuos excitare, & signa
miranda patrare. Nam illic quidem debitor
sum, inquit, hic vero debitorem habeo
Christum, Christianum vero & in hoc ab
infidelibus differre oportet, ut omnia gene-
rose ferat: & velut alatus se humanorum
malorum impetu superiorem exhibeat: Su-
pra petram statutus est fidelis: propterea &
undatum ictibus inexpugnabilis est.

Ideo hoc ipsum Paulus, uti gratiam sin-
gularem & grande munus prædicans: Vo-
bis, inquit, donatum est pro Christo, non
solum ut in eum credatis, sed ut etiam pro
illo patiamini. Neque enim electis suis, ut
Gregorius loquitur, in hac vita promisit
gaudia delectationis, sed amaritudinem tri-
bulationis, ut medicinæ more per amarum
poculum ad dulcedinem æternæ salutis re-
deant.

Sed quid opus hic testibus? Vox Domini
est, & æternæ veritatis oraculum *b*: Qui
non accipit crucem suam, & sequitur me,
non est me dignus. Nulla hic venia, ulla ex-
ceptio,

a Chrysost. tom. 4. in c. 1. ad Phil. hom. 4.
mihi pag. 1031. Et tom. 5. hom. 2. de
imaginum subvers. ante med. Phil. cap. 1.
vers. 29. Greg. l. 5. epist. 39. post-init.
b Matth. cap. 10. v. 38.

ceptio, aut prærogativa, privilegium nulum: Indignus est Christo, quia abjecta cruce non sequitur Christum. Crux etiam gravissima † patienter accipienda. Christo charissimi, ipsa mater Christi, Christus ipse non aliis vixerunt legibus.

Iam olim integerrima vidua Iudith eleganti prorsus publica; oratione patientiam commendans: Illi autem, inquit, qui tentationis non susceperunt cum timore Domini, & impatientiam suam, & improprium murmurationis suæ contra Deum protulerunt, exterminati sunt: Expectemus ergo humiles consolationem ejus, quia tentati sunt patres nostri, ut probarentur, si vere colerent Deum suum. Quomodo pater noster Abraham tentatus est, & per multas tribulationes probatus, Dei amicus effectus est a. Sic Isaac, sic Jacob, sic Moyses: Et omnes qui placuerunt Deo, per multas tribulationes transierunt fideles.

Quid oblectamur amplius? Omnes sic transierunt, Omnes, quicumque placuerunt Deo. Nemo probatus & fidelis censendus, quem hæc afflictionis & patientiæ nota non insignierit.

Verissimum Iudithæ stat oraculum: Omnes qui placuerunt Deo, per multas tribulationes transierunt fideles. Hoc pro Christo

C c

pati,

† *Es musz gelitten sein, machets vrie ikr vult.*

a *Iudith. cap. 8. v. 20, 22. & 23.*

88 GYMNAS. PAT I

Pati, hoc vincere est cum Christo. Hæc re-
gia ad cœlum via est: aspera quidem & an-
gusta, sed tuta. Sustineamus paulisper; nec
certantibus deerit auxilium, nec præmium
vinctibus.

F I N I S.

Patientiæ scriptæ, initium sit
exercendæ.

*Ad majorem Dei, Deipara, & o-
mnium SS. Angelorum hono-
rem & gloriam.*

INDICVLVS

IN

Gymnasium Patientiæ.

P A R S I.

- Cap. I. *Quæ panarum genera, seu, Quæ cruci-
ces sint in patientia gymnasio ferenda. Ha-
bet paragr. 111. pag. 2*
- Cap. II. *Cur discipuli in schola Christi tam
duriter & asperè habeantur. Habet. §. v. 17*
- Cap. III. *Cur discipulorum aliqui durius
& asperius in hac schola tractentur. Ha-
bet §. v. 32*
- Cap. IV. *Quinque pœnarum & afflictio-
num genera singillatim explicantur. Ha-
bet §. v. 48*
- Cap. V. *Aliaquinque genera pœnarum sin-
gillatim etiam exponuntur. Habet §. v. 82*
- Cap. VI. *Qua potissimum culpa in Patient.
gymnas. cavenda. Hab. §. ix. 117*

P A R S II.

- Cap. I. *Afflictio docet fortitudinem, &
Fidelitatem, Habet. §. v. 142*
- Cap. II. *Afflictio docet Commiserationem
& Abstinentiam Habet. §. v. 156*
- Cap. III. *Afflictio docet Orationem, &
Mortificationem. Hab. §. v. 185*
- Cap. IV. *Afflictio docet prudentiam, &
Modo-*

INDICVLVS.

- Modestiam* Habet. §. v. 184
 Cap. V. *Afflictio variè utilissima: & ple-*
rumque quæ nocent, docent. Habet §. v. 11. 200
 Cap. VI. *Afflictio & crux omnis à Deo*
est, à quocunque demum illa imponatur.
 Habet §. ix. 222

P A R S III.

- Cap. I. *Afflictiones sustinendas esse Patienter*
 Habet §. v. 258
 Cap. II. *Afflictiones subeundas esse Hilari-*
ter Habet §. v. 274
 Cap. III. *Afflictiones perferendas esse*
Constanter. Habet §. v. 286
 Cap. IV. *Afflictiones tolerandas esse cum*
Gratiarum Actione. Habet §. v. 303
 Cap. V. *Afflictiones aggrediendas esse cum*
Præmeditatione Hab. §. v. 328
 Cap. VI. *Afflictiones omnes perpetiendas es-*
se cum Confirmatione humana voluntatis
ad divinam Hab. §. ix. 345

APPROBATIO

R. P.


PROVINCIALIS.


GYMNASIVM PATIENTIÆ. quod P. *Hieremias Drexelius*. Societatis nostræ Presbyter scripsit. aliquot ejusdem Societatis Theologis censum probatumque : Ego *Gualterus Mundbrot*, Societatis IESV per Superiorem Germaniam Præpositus Provincialis, facta mihi potestate ab admodum R. P. N. Generali *Mutio Vitellesco*, in lucem dari permitto.


In cujus rei fidem auctori chirographum hoc dedi, officii mei sigillo munitum. Monachii die 1. Septembris Anno M. DC. XXI X.

Gualterus Mundbrot.









BC 84524-7

